

766

1978

ქართული
რეპლიკები

VI

საქართველოს სსრ მეცნიერებათა აკადემია
АКАДЕМИЯ НАУК ГРУЗИНСКОЙ ССР
კ. კეკელიძის სახელობის ხელნაწერთა ინსტიტუტი
ИНСТИТУТ РУКОПИСЕЙ ИМ. К. С. КЕКЕЛИДЗЕ



ემდგვნება

ილია აბულაძის

დაბადების სამოცდამეთხუთმეტე წლისთავს

კ. შარტის ს.ხ. საქ. სსრ
სახელმწიფო რესპუბლიკა
ბიბლიოთეკა

МРАВАЛТАВИ

Историко-филологические
разыскания,

VI

Издательство «Мецниереба»
ТБИЛИСИ. 1978

ქართული
საგანთათბარი

ფილოლოგიურ-ისტორიული
მიჯნა

VI

გამომცემლობა «მეცნიერება»
თბილისი • 1978

15994

კრებულში შესულია გამოკვლევები ძველი ქართული მწერლობის ისტორიის, ქართული კოდიკოლოგიის, ძველი ქართული ენის შესწავლის შესახებ. რიგ წერილებში აღძრულია, აგრეთვე, სირიულ და ბიზანტიურ ლიტერატურათა ქართულთან ურთიერთობის და ქართული კალიგრაფიის ისტორიის ზოგიერთი საკითხიც.

კრებულში მოთავსებული საისტორიო ხასიათის გამოკვლევები ეძღვნება საქართველოს ისტორიის აღრე და გვიანდროდალურ ხანას. ქვეყნდება, აგრეთვე, ერეკლე II-ის ერთი უცნობი არაბულენოვანი წერილი.

სარედაქციო კოლეგია: ც. აბულაძე, ც. კახაბრიშვილი (მდივანი),
ე. მეტრეველი (მთავარი რედაქტორი), ც. ქურციკიძე, მ. შანიძე,
ე. ხოშტარია, ნ. ჯანაშია.

ტომის რედაქტორი ნ. ჯანაშია



Վ. Զ. Ե.

ილია აბულაძე

1976 წლის 24 ნოემბერს 75 წელი შეუსრულდა შესანიშნავ ქართველ მეცნიერს, ბრწყინვალე ფილოლოგს — ქართველოლოგსა და არმენოლოგს, საქართველოს სსრ მეცნიერებათა აკადემიის წევრ-კორესპონდენტს, მეცნიერების დამსახურებულ მოღვაწეს, პროფესორ ილია აბულაძეს.

დღიდან ხელნაწერთა ინსტიტუტის დაარსებისა გარდაცვალებამდე, ილია აბულაძე იყო ამ ინსტიტუტის უცვლელი და შეუცვლელი დირექტორი. ამ ხნის მანძილზე ის განსაზღვრავდა და წარმართავდა ინსტიტუტის მეცნიერულ მიმართულებას, ამზადებდა მთელ სამეცნიერო კოლექტივს იმისათვის, რომ მეცნიერების თანამედროვე დონეზე გამკლავებოდა რთულ ფილოლოგიურ პრობლემებს და სათანადოდ გაძლოდა ჩვენი სულიერი საუნჯის — ძველი ქართული ხელნაწერების შესწავლისა და პუბლიკაციის საპატიო საქმეს.

ილია აბულაძე მეცნიერთა იმ კატეგორიას ეკუთვნოდა, რომელიც თავისთვის არაფერს იტოვებდა. ის საოცარი გულუხვობით და სიხალისით აწვდიდა თავის მოწაფეებსა და თანამშრომლებს დასამუშავებლად და შესასწავლად სამეცნიერო პრობლემებსა თუ საკითხებს, რომლებზედაც მას თვითონ ბევრი ჰქონდა ნაფიქრი და ნამუშევარი, მათთან ერთად ეძებდა ამ საკითხების დამუშავებისა თუ შესწავლის გზებსა და მეთოდებს და წინასწარ ითვალისწინებდა მოსალოდნელ შედეგებს. თავისი ყოველი მოწაფისა თუ კოლეგის საქმიანობაში ის ისევე იყო ჩართული, როგორც საკუთარში და ყოველთვის გულწრფელად უხაროდა მათი მეცნიერული წარმატება, კარგი მიგნება თუ კარგი მეცნიერული შრომა.

რვა წელმა განვლო ილ. აბულაძის გარდაცვალებიდან. ამ ხნის მანძილზე ინსტიტუტის თანამშრომლებმა გაარჩიეს მისი პირადი არქივი, რომელიც ძირითადად დაუმთავრებელ სამეცნიერო შრომებს მოიცავს, მომზადდა და გამოქვეყნდა მისი „ძველი ქართული ენის ლექსიკონი“, „ქართული დამწერლობის ნიმუშების“ მეორე შევსებული გამოცემა, შრომების I და II ტომები, მზადდება III და IV ტომები, გრძელდება მუშაობა ძველი ქართული-ძველი სომხური ლექსიკონის მასალებზე.

ახლა, როდესაც ჩვენ მოგვიხდა ერთ მთლიანობაში წარმოგვედგინა ილ. აბულაძის გამოუქვეყნებელი და მრავალრიცხოვანი გამოქვეყნებული სამეცნიერო შრომები და ამასთანავე გავცნობოდით მის არქივს, რომელიც შესანიშნავად წარმოადგენს მის მდიდარ სამეცნიერო ლაბორატორიას, არ შეიძლება განცვიფრება არ გამოიწვიოს ილია აბულაძის სამეცნიერო მუშაობის მასშტაბურობამ და მრავალპრობლემიანობამ, მისმა საოცარმა შრომისმოყვარეობამ და მეთოდურობამ მუშაობაში, ახლა განსაკუთრებით აშკარად გამოჩნდა, თუ



რა ფართოდ ესახებოდა ილ. აბულაძეს ქართული ფილოლოგიის კვლევის ფარგლებში და რა დიდძალი მასალა ჰქონდა მას კიდევ მოპოვებული, რომლის დამუშავებაც ვარაუდობდა. აშკარა გახდა ისიც, თუ რა ადრე მოაკლდა ილია აბულაძე სამეცნიერო ასპარეზს და რამდენი სურვილი და გეგმა დარჩა განუხორციელებელი ამ დაუღალავსა და მეცნიერებისათვის თავდადებულ ადამიანს.

ელენე მეტრეველი



საგა მანკიში

ილია აბულაძე — პალეოგრაფი

პროფესორ ილია აბულაძის მთელ სამეცნიერო და პრაქტიკულ მოღვაწეობას — ტექსტოლოგიურ მუშაობას, ნუსხათა გამოსაცემად მომზადებას თუ ხელნაწერის მოვლისა და დაცვისთვის ზრუნვას გასდევს პალეოგრაფის ხელი. ფილოლოგთა თაობებს სახელმძღვანელოდ დარჩათ მისი შედგენილი პალეოგრაფიული ალბომი — „ქართული წერის ნიმუშები“. მის პირად არქივშია დაცული ამოკითხული უძველესი პალიმფესტური ტექსტები, ამ სამუშაოს ბოლომდე მიყვანა განსვენებულმა მეცნიერმა ველარ მოასწრო. პალეოგრაფის ალბომითა დათარიღებული უთარიღოდ მოღწეული არა ერთი ხელნაწერი, რომლებიც შესულია მისი ხელმძღვანელობითა და რედაქციით მომზადებულ ქართულ ხელნაწერთა აღწერილობებში თუ ცალკეულ ძეგლთა პუბლიკაციებში.

„ქართული წერის ნიმუშების“ გამოქვეყნებას უძღოდა დავით კარიჭაშვილის ცალკე წიგნაკად გამოცემული „ხუცური ანბანი“ ბეჭდური ხუცურისა და X—XIII სს-ის ქართული დამწერლობის თითო-ორთა ნიმუშით¹, აკაკი შანიძის ლიტოგრაფიული წესით გამოცემული „თარგმანები ქებისა ქებათაისაი“² — სახელმძღვანელო ძველ მხედრულში სავარჯიშოდ, არნოდ ჩიქობავას ორ რვეულად გამოქვეყნებული „სავარჯიშო ქართულ პალეოგრაფიაში“³ — დამწერლობის ნიმუშები მთავრულისა და ნუსხურისთვის X—XII სს-ის ხელნაწერებიდან. ილია აბულაძის შედგენილი „ქართული წერის ნიმუშები“⁴ ქართულისთვის ამგვარი პირველი სისტემატური სახელმძღვანელოა. მასში წარმოდგენილია ქართული დამწერლობის სამივე სახის: მთავრულის, ნუსხურისა და მხედრულის ნიმუშები ქრონოლოგიური თანამიმდევრობით უძველესი ეპიგრაფიკული ძეგლებიდან, ვიდრე XVIII ს-ის II ნახევრამდე. ამ წესით ასახულია ქართული დამწერლობის თანდათანობითი განვითარების სრული სურათი. ტაბულების გვერდით მოცემულია მათი წაკითხვა ქარაგმათა გაუხსნელად თანამედროვე შრიფტით, ეს კი შესწავლისა და შემოწმების საუკეთესო შესაძლებლობას ქმნის.

ტაბულებისათვის ძირითადად შერჩეულია თარიღიანი ხელნაწერები,

¹ დ. კარიჭაშვილი, ხუცური ანბანი, II გამოც., 1914.

² თარგმანები ქებისა ქებათაისაი, პალეოგრაფიული რვეული, გამოქვეყნებული აკაკი შანიძის მიერ, უნივერსიტეტის ლიტოგრაფია, ტფილისს, 1924.

³ ა. ჩიქობავა, სავარჯიშო ქართულ პალეოგრაფიაში, I რვეული, 1928; II რვეული, 1927.

⁴ ქართული წერის ნიმუშები, პალეოგრაფიული ალბომი, შეადგინა ილია აბულაძემ, თბ., 1949. მეორე შეკეთებული გამოცემა, თბ., 1973.



ამასთან, მოხმობილია უთარილო წერილობითი ძეგლებიც, განსაკუთრებით აღწერილი პერიოდისათვის: „პირველი ხანისათვის ნიმუშებად უთარილო ხელნაწერებიც საკმაოდ ავირჩიეთ, რადგან ისინი განვითარების თვალსაზრისით საგულსხმონი ჩანან, მაგრამ მეორისათვის (XII—XVIII სს.) მეტწილად თარიღიანი ხელნაწერებით შემოვიფარგლეთ“⁵. და იქვე: „ცნობილი და დამახასიათებელი ხელით შესრულებული საბუთი თუ წიგნი უყურადღებოდ არ გავვიშვია, მხოლოდ ადრინდელი საუკუნეებისათვის უფრო მეტი წარმოვადგინეთ ნიმუში, რადგან აქ ნაირსახეობა უფრო მრავალფეროვანია, ვიდრე მოგვიანო დროს“.

პალეოგრაფიულ ალბომს ახლავს მასში ნიმუშებად შესულ წარწერათა და ხელნაწერთა აღწერილობანი. ამასთან დაკავშირებით წინასიტყვაობაში შენიშნულია: „შევეცადეთ აღწერილობაში ზედმიწევნით გადმოგვეცა როგორც წარწერა-ხელნაწერის, ისე თვით ნაწერის ბუნებრივი ზომა, საწერი მასალის რაობა, დაწერის ხანა და ყველა ის ძირითადი ცნობა, რომლებიც საზოგადოდ ხელნაწერის აღმოცენების ვითარებას გავიშუქებდა“⁶. ალბომს ერთვის ქარაგმათა ახსნა ანბანურ რიგზე და ანბანის ნიმუშები ქრონოლოგიური თანამიმდევრობით დამწერლობის სამივე სახისათვის.

პალეოგრაფიული ალბომისთვის მასალა იმგვარადაა შერჩეული, რომ მასში ასახულია ჩვენი ეროვნული საგანძურის მნიშვნელოვანი წერილობითი ძეგლები და, ამასთან ერთად, საქართველოში თუ მის გარეთ მოქმედი სამწერლობო კერები:

შატბერდს გადაწერილი ადიშის (897 წ.), ჯროუქის (H 1660, 936 წ.), პარხლის (A 1453, 973 წ.) ოთხთავები, შატბერდის მრავალთავი (S 1141, 973—976 წწ.), მიქაელ მოდრეკილის იადგარი (S 425, 978—988 წწ.).

კლარჯეთს გადაწერილი ბერთის ოთხთავი (X ს. II ნახ.).

პარხალს — პარხლის მრავალთავი (A 95, X—XI ს.), პარხლის ოთხთავი (S 4927, X—XI ს.).

ოპიზური პარაკლიტონი (A 93, 1093 წ.).

ოშკის (ტაოში) გადაწერილი ოშკის ბიბლია (978 წ.).

საბას ლავრაში გადაწერილი სინური მრავალთავი Sin 32-57-33, 864, წ.). ჭილ-ეტრატის იადგარი (H 2123, IX—X ს.). შემდგომ, განსვენებული მეცნიერის სურვილის გათვალისწინებით, დაემატა საბაწმიდური და სინური თარიღიანი ხელნაწერები.

ხარიტონის ლავრაში გადაწერილი იოანე ოქროპირის ცხოვრება (H 2124, 968 წ.).

შავ მთაზე (ანტიოქიის მახლობლად) — შვიმთის ოთხთავი (A 845, XI ს. II ნახ.).

კალიპოსს (ანტიოქიის მახლობლად) — ალავერდის ოთხთავი, ეფთვიმე ათონელის რედაქციისა (A 484, 1054 წ.).

იერუსალიმში, ჯვრის მონასტერში გადაწერილი სვინაქსარი (H 1661, XIII ს-ის დამდეგი).

ათონზე: ათონის სამოციქულო (956—970 წწ.), გრიგოლ ღვთისმეტყვე-

⁵ პირველი გამოცემის წინასიტყვაობა, გვ. VI.

⁶ იქვე, გვ. VII.

ლის თხზულებანი (A 92, XI ს. დამდეგი), დილოლონი (A 1103, 1011—1019 წწ.), ათონის კრებული (A 558, 1074 წ.).

სიგელები: ბაგრატ IV-ისა (Ad 14, 1057 წ.; Sd 1201, 1060—1065 წწ.), გიორგი III-ისა (Hd 2, 1351, 1170 წ.), ჭიაბერისა Ad 2, 1184—5 წ.), დავით VIII-ისა (Hd 1330, 1297 წ.), გიორგი ბრწყინვალისა (Hd 11627, 1345 წ.), ალექსანდრე I-ისა (Hd 1369, 1441 წ.; Hd 1370, 1468 წ.), ლუარსაბ I-ისა (Hd 1373, 1540 წ.).

ანასეული და მარიამისეული ქართლის ცხოვრებანი (Q 795, 1479 — 1495 წწ.; S 30, 1638—1645 წწ.), ვეფხისტყაოსნის უძველესი ნუსხები (ფრაგმენტი XVI ს. უკანასკნელი მეოთხედისა; H 757, 1671 წ.; H 54, 1680 წ.) და სხვანი.

ავტოგრაფები: ეფთვიმე ათონელისა (A 1769), ვახუშტი ბატონიშვილისა (H 108), თეიმურაზ II-ისა (S 135), დავით გურამიშვილისა (S 1598), შემდგომ დავებატა იოვანე-ზოსიმესი (Sin. 15, Sin. 38, Sin. 47) და ეფრემ მცირისა (S 1276).

ამ არასრული ჩამოთვლითაც ნათელი ხდება, რომ ხელნაწერის დიდი სპეციალისტისა და დამფასებლის ხელითა თავმოყრილი და სისტემაში მოყვანილი უამრავი მასალა. ამის გამოა, რომ თუმცა განსვენებული მეცნიერი პალეოგრაფიულ ალბომს მხოლოდ სასწავლო მიზანს უსახავდა, დღემდე მას გვერდს ვერ უვლის ხელნაწერზე მომუშავე ქართველოლოგი სპეციალისტიც.

წლების განმავლობაში ილია აბულაძე თბილისის სახელმწიფო უნივერსიტეტის ქართული ფილოლოგიის ფაკულტეტზე კითხულობდა პალეოგრაფიის კურსს. რამდენიმე ლექცია ეძღვნებოდა თეორიული საკითხების მიმოხილვას, უმთავრესად მაინც ქართული უძველესი ებრაეფიკული ძეგლებისა და, განსაკუთრებით კი, ხელნაწერის შესწავლის საკითხი იდგა — აქ უზიარებდა მსმენელებს ზოგი ტერმინის საკუთარ ინტერპრეტაციასაც, რომელიც ცალკე შრომადაც აქვს გამოქვეყნებული⁷. ტერმინები დადასტურებულია ევთალე ალექსანდრიელის „სტიქომეტრიის“ ქართულ თარგმანში: ტომარი, კაბალონი, ზანდუკი, კინაბარი, მუკლი.

ევთალეს „სტიქომეტრიაში“ საუბარია იმ წყაროებზე, რომლებითაც ავტორს უსარგებლია. ერთი მათგანია ევსები კესარიელის „საეკლესიო უწყებება“ — „ხოლო ევსები შემდგომად ჟამთა ქეშმარიტად გამოიკითხა და მათუწყა ჩუენ და მეორესა მას ტომარსა საეკლესიოისა უწყებისა ამისი მარტურობაჲ აჯსენა“. ტომარი და ტომი ბერძნული სახელებია: τῶμας — ბაპირუსის ან ეტრატის ნაჭერს, ნაკვეთს, წიგნს ან მის შემადგენელ ნაწილს აღნიშნავს, საბას განმარტებით — გრძლად გადაბმულ ქარტას. ხოლო τῶμαρსო მისი კინობითი ფორმაა. ტომარი τῶμαρსო-იდან მომდინარეობს. ამგვარად, ფრაზა: „მეორე ტომარი საეკლესიოისა უწყებისაჲ“ ნიშნავს საეკლესიო ისტორიის მეორე ტომს. მსგავსი ფორმით ეს სიტყვა დასტურდება ძველ სომხურ მწერლობაშიც და აღნიშნავს წიგნის ტომს ან მის ნაწილს, ნაწერს, წელთაღრიცხვას, კალენდარს.

ევთალე ალექსანდრიელი მას შემდეგ, რაც აღნუსხავს პავლეს თითოეულ

⁷ ილია აბულაძე, წერის ხელოვნებასთან დაკავშირებული რამდენიმე ძველი ქართული ტერმინი, თბილისის სახ. უნივერსიტეტის შრომები, XX XIX, 1950, გვ. 77—84.



ეპისტოლეს რამდენი თავი, წამება და მუხლი აქვს, შენიშნავს: „განვყავით საკითხავები და გამოვწერთ კარგად-კარგად ყოველივე სამოციქულო წიგნი შემართად ერგასის-ერგასისად სტიქონად და თავები თითოეულისა საკითხავისა თანა დაუწესე, და მას შინა რაოდენნი წამებანი ითქუნეს, და მერმე კუალად რაოდენ მუკლად-მუკლად არს“. ამ ამონაწერში რამდენიმე საგულისხმო ტერმინია: საკითხავი, თავი, წამება, სტიქონი და მუკლი. საკითხავი გარკვეული მომენტისთვის წასაკითხავად განკუთვნილი ტექსტის მონაკვეთია, ამ შემთხვევაში — პავლეს ეპისტოლენისა. წამება ციტატს ნიშნავს, თავი — თხზულების თავს, ხოლო სტიქონი და მუკლი სინონიმებია.

ეპისტოლეებს კიდევებზე ახლავთ წამებებისა და სტიქონების სათვალავი, ბოლოს კი ყველა სტიქონის ჯამია აღნუსხული, მხოლოდ ერთი ნუსხა (S 407) მუხლს ხმარობს, ხოლო მეორე (S 1138) — ზოგჯერ სტიქონსაც. სტიქონის ბერძნული *στίχον*-იდან მომდინარეობა სამეცნიერო ლიტერატურაში აღრევე იყო შენიშნული⁸. ამჯერად კი მიკვლეულია, რომ სტიქონი ძველადვე ქართული შესატყვისით მ უ ჯ ლ ი თ შეუცვლიათ.

ევთალე აღექსანდრიელს შედგენილი აქვს ციტატების ანუ წამებების ინდექსი, რომელსაც უძღვის შენიშვნა: „რომელ-იგი მელანთა არს რიცხვ, რაოდენ არს თავები, მას ხოლო აღწყებს, ხოლო რომელ-იგი ზ ა ნ დ უ კ ი თ ა არს, აღწყებს თითოეულისა წიგნისა წამებათა განწესებასა ერთბამად და რაოდენ არს თითოეულსა მას ეპისტოლესა“. ზანდუკი მელანთან, შავთან დაპირისპირებით დასტურდება კარპიანესადმი მიწერილ ევსები კესარიელის ეპისტოლეშიც. ზანდუკის გვერდით ზოგ ნუსხაში არაერთგზის წ ი თ ე ლ ი ც იხმარება⁹. ზანდუკი ბერძნული ტერმინია, *σάβη*, *σάβ* -იდან მომდინარე, აღნიშნავს წითელ ფერს, ხორცისებრს. ევთალეს ქართულ ტექსტში ზანდუკის, წითლის აღსანიშნავად კ ი ნ ა ბ ა რ ი ც იხმარება, *κίτρινα*, *εἶς* — ერთგვარი წითელი ფერის (საღებავის) აღმნიშვნელი.

ევთალეს შრომაში შენიშნულია: სიმფონია „ევანგელესა ჰპოვო ქუემო კერძო განწესებულად კ ა ბ ა ტ ო ნ თ ა“. სხვა ნუსხა (A 345) ამ ციტატში კ ა ტ ა ბ ა ტ ო ნ ს ხმარობს. საბას განმარტებით, „ფურცლის ცალსა პირსა კაბადონი ჰქვია, ხოლო ნახევარსა კაბადონისასა — გვერდი“ (ორ სვეტად ნაწერი ტექსტის ერთი სვეტი). ბერძნულში *καταβατον* ჩამოსასვლელს, დაფენებას აღნიშნავს, ხოლო ბიზანტიურ ბერძნულში — წიგნის გვერდსაც. ეპიფანე კვიბრელის ერთ-ერთი ნაწარმოების ქართულ თარგმანში (A 691) კატაბატონის შესატყვისია შ თ ა ს ა ვ ა ლ ი, შ თ ა ს ა ვ ა ლ ე დ ი: „ოროგინე... შევიდა ტვრედ და მუნ იყოფებოდა და წიგნსა თარგმნიდა, რომელსა ქამსა ექუს შ თ ა [ს ა] ვ ა ლ ნ ი იგი წიგნი განჰკარგნა, რომელსა ბერძულად კ ა ტ ა ბ ა ტ ო ნ ჰრქვან, ორი შ თ ა ს ა ვ ა ლ ი იგი ებრაელებრი და ოთხი თარგმანთა მთა... და იქვე „ოთხი შ თ ა ს ა ვ ა ლ ი ბერძულისა ენისა განჰკარგა... ექუს შ თ ა ს ა ვ ა ლ ე დ ნ ი ერთბამად იქმნებთან“ და სხვ. ამგვარად, ქართული

⁸ ივ. ჯ ა ვ ა ხ ი შ ვ ი ლ ი, ქართული დამწერლობათა-მცოდნეობა ანუ პალეოგრაფია, თბ. 1949, გვ. 64—65.

⁹ ჭამასთან დაკავშირებით იხ. ქართული ოთხთავის ორი ძველი რედაქცია სამი შატბერდული ხელნაწერის მიხედვით (897, 936 და 973 წწ.), გამოსცა ა ბ ა კ ი შ ა ნ ი ძ ე მ, თბ., 1945, გვ. 024, სქოლიო.



შთასავალი, შთასავალედი ბერძნულის კალკია. სომხურშიც წიგნის გვერდის სვეტის აღმნიშვნელი **ჲ** ზმნიდან **ჩჳანსი** მომდინარეობს, რაც ნიშნავს გარდამოკდომა-გარდამოსლვა, შთავდომა-შთასლვას და ზედმიწევნით შეესაბამება ქართულ შთასავალს.

პალეოგრაფიის თეორიული კურსის მომდევნო საათები მთლიანად ეთმობოდა პრაქტიკულ მეცადინეობას — ხელნაწერი ტექსტის კითხვაში გაწაფვასა და მთავრული და ნუსხური ანბანის წერაში ვარჯიშს. აქ კი მოწონების დამსახურება მეტად ძნელი იყო, ილია აბულაძეს თანაბარი სინატიფით, უბადლო კალიგრაფიული ხელით გამოჰყავდა მთავრული, ნუსხური და მხედრული ასოები.

ილია აბულაძის პირად არქივშია დაცული პალეოგრაფის ალლოთი და თვალთ ამოკითხული უძველესი ხანმეტი პალიმფესესტური ტექსტები — ფრაგმენტები „ქრისტინას მარტილოზისა“ და ოთხთავისა A 89 ხელნაწერის პალიმფესესტური ფურცლების მიხედვით. „ქრისტინას მარტილოზის“ ტექსტს ვარიანტებიც აქვს შეწყობილი უძველესი კიმენური რედაქციის შემცველი ნუსხის, პარხლის მრავალთავის მიხედვით. ამოკითხული ტექსტი „ქრისტინას მარტილოზის“ დაახლოებით მეოთხედს მოიცავს.

ოთხთავის პალიმფესესტური ტექსტი (A 89 ხელნაწერისა), ივანე ჯავახიშვილის ამოკითხული, სხვა პალიმფესესტურ ტექსტებთან და გამოკვლევასთან ერთად დამატებად დაურთო „ქართული დამწერლობათ-მცოდნეობის“ მეორე გამოცემას ამ გამოცემის რედაქტორმა ილია აბულაძემ. ის მუხლები, რომელთა ამოკითხვა თავის დროზე ვერ მოხერხდა, გამოცემაში პუნქტირით არის მინიშნებული. პალიმფესესტური ფურცლების საგანგებო დამუშავებამ ფოტო-ტექნიკური წესით რამდენადმე გააადვილა პირვანდელი ტექსტის გაშიფრვა. ამან მკვლევარს საშუალება მისცა ამოეკითხა გამორჩენილი მუხლები, აგრეთვე ზოგი შესწორება შეეტანა უკვე ამოკითხულ ტექსტში¹⁰. ამოკითხული პალიმფესესტური ტექსტების, აგრეთვე, სხვა გამოუქვეყნებელ შრომათა გამოცემა ითავა მისი თაოსნობით დაარსებულმა ხელნაწერთა ინსტიტუტმა.

ილია აბულაძე განსაკუთრებული სიფრთხილით ეკიდებოდა უთარილოდ მოღწეულ ნუსხათა დათარიღებას, ასეთ შემთხვევაში ითვალისწინებდა ხელნაწერის ყველა მონაცემს: საწერ მასალას, ამა თუ იმ ეპოქისათვის დამახასიათებელ ცალკეულ ასოთა მოხაზულობას, ნაწერის საერთო იერს, ორთოგრაფიას და სხვ. პალეოგრაფიული მონაცემებით დათარიღებულ ნუსხათა შორის საგულისხმოა მისი შესწავლილი და დათარიღებული ვეფხისტყაოსნის უძველესი ხელნაწერის ფრაგმენტები, რომელთა გამოვლენამ მკვლევარს საშუალება მისცა ნახევარი საუკუნით ადრე გადაეწია ჩვენამდე მოღწეულ ვეფხისტყაოსნის ნუსხათა თარიღი¹¹.

¹⁰ ამოკითხულია: მითე V, 45—48; VI, 1—14, 19—25; X, 27—39; XVIII, 12—17; XIX, 16—28. ამითგან პირველადაა ამოკითხული: V, 46—48; VI, 23—25; X, 34—39; XVIII, 12—16 და XIX, 17—28.

¹¹ ილ. აბულაძე, ვეფხისტყაოსნის ახლად მიკვლეული უძველესი (XVI ს.) ხელნაწერის ფრაგმენტი, მაცნე, 3, 1964, გვ. 142—150.

ახალციხის ივანე ჯავახიშვილის სახელობის მხარეთმცოდნეობის მუზეუმის XIX ს-ის ხელნაწერის დაშლილ ყდაში ჩართული ორი ფურცელი აღმოჩნდა ძველი მხედრულით ნაწერი საკმაოდ დიდი ფორმატის ხელნაწერის—ვეფხისტყაოსნის ფრაგმენტი. მის სიძველეზე მიუთითებს ქალაღიც, ხელიც და ორთოგრაფიაც. ერთ ფურცელზე ჩანს ჭვირნიშანი, რომლის ხმარება XVI ს-ის მიწურულით და XVII ს-ის დამდეგით იფარგლება. მკვლევარმა მსგავსი ხელი დაძებნა XV—XVI სს-ის თარიღიან ისტორიულ დოკუმენტებში (1413, 1467, 1545 და 1555 წწ.), გაითვალისწინა სხვა პალეოგრაფიული მონაცემებიც და ფრაგმენტი XVI ს-ის უკანასკნელი მეოთხედით დაათარიღა. ამ ფრაგმენტის სახით ჩვენამდე მოაღწია ვეფხისტყაოსნის თარიღიან ხელნაწერთა შორის მანამდე უძველესად მიჩნეულ 1646 წლის მამუკა თავაქარაშვილისეულ ნუსხაზე აღინდელმა ვეფხისტყაოსნის ნუსხამ.

ბოლო დროს ილია აბულაძე მუშაობდა პ. მურადიანის წერილის პასუხზე¹². მის გამოქვეყნებას განსვენებული მეცნიერი ველარ მოესწრო. ნაშრომი გამოვიდა რუსულად იმ მოსაზრებით, რომ მისაწვდომი გამხდარიყო არა მხოლოდ ქართველი საზოგადოებრიობისა და ქართული სამეცნიერო წრეებისათვის. ილია აბულაძე ქართული და სომხური პალეოგრაფიის ღრმა ცოდნისა და ისტორიული და ენობრივი ფაქტების მომარჯვებით ცხადყოფს, რომ სომხური წარწერის მიჩნევა ქართული ხუროთმოძღვრების ერთ-ერთი აღრინდელი და უნიკალური ძეგლის, მცხეთის ჯვრის, კტიტორულ წარწერად ტენდენციურია და სრულიად გაუგებარი. მცდარია აქედან გამომდინარე დასკვნებიც. სომხური სამ თუ ოთხსტრიქონიანი წარწერა, ამოკვეთილი ჯვრის კვარცხლბეკის ცალ მხარეს, სრულიადაც არ წარმოადგენს ქართული თერთმეტსტრიქონიანი წარწერის ფარდს, რომელშიც იხსენიებიან კტიტორები: სტეფანოს პატრიკიოსი, დემეტრე უპატოსი და ადრნესე უპატოსი. სომხური წარწერა ქართულის შემოკლებული შესატყვისიც არ არის. ტექსტობრივად მათ მხოლოდ ერთადერთი სიტყვა — ს უ ლ თ ა აქვთ საერთო. პალეოგრაფიული ანალიზის საფუძველზეც, სომხური წარწერა მიეკუთვნება VII ს-ზე გვიანდელ ხანას და არა VII ს-ის 40-იან წლებს, როგორადაც ცდილობს მცხეთის ჯვრის მონასტრის ვადათარიღებას პ. მურადიანი.

ასეთია მოკლე მიმოხილვა ილია აბულაძის პალეოგრაფიული მემკვიდრეობისა. მაგრამ გარდა იმისა, რაც აისახა მის ბეჭდურსა თუ ხელნაწერ შრომებში, იყო კიდევ მისეული ალლო ხელნაწერის შეცნობისა, მისთვის ადგილის მიჩენისა, ის, რაც წლების განმავლობაში დაგროვილი ღრმა ცოდნისა და გამოცდილების ნაყოფი იყო და რასაც ასე დაუზარებლად და უშურველად გასცემდა.


Ц. А. ЧАНКИЕВА

И. В. АБУЛАДЗЕ — ПАЛЕОГРАФ

(Резюме)

В статье дается краткий обзор палеографического наследия И. В. Абуладзе, являвшегося крупным специалистом-палеографом. Среди палеографических трудов ученого в первую очередь следует от-

¹² И. В. Абуладзе, Замечания по поводу статьи П. М. Мурадяна: «Армянская надпись храма Джвари», «მცენ», 4, 1968, გვ. 171—189.



метить его «Палеографический альбом — Образцы грузинского письма», в котором собраны и систематизированы образцы грузинской письменности всех видов, начиная с древнейших эпиграфических памятников и кончая списками 2-й половины XVIII века, в том числе важнейшие грузинские письменные памятники и автографы грузинских деятелей. В альбоме представлены также образцы письма всех литературных очагов как в Грузии, так и за ее пределами. Следовательно, этот труд является не только учебной, но и настольной книгой для специалистов-грузиноведов.

В течение ряда лет И. В. Абуладзе читал курс лекций по грузинской палеографии в Тбилисском гос. университете. На лекциях он делился со слушателями и своей собственной интерпретацией некоторых терминов. Эти наблюдения им опубликованы в статье «К вопросу о некоторых терминах грузинской палеографии».

С большим вниманием и ответственностью относился ученый к расшифровке палимпсестных текстов. В его личном архиве хранятся прочитанные с тонким чутьем специалиста-палеографа древнейшие ханмэтные тексты: фрагменты из «Мученичества Христины» и Четвероголова.

И. В. Абуладзе с особой осторожностью датировал списки; дошедшие до нас без колофонов переписчиков. Среди них особенно важным являются фрагменты древнейшей рукописи Вепхисткаосани, датированные им 2-й половиной XVI века. Этим ученый на полвека отодвинул дату дошедших до нас ранних списков Вепхисткаосани.

Последним трудом ученого является «Замечания по поводу статьи П. М. Мурадяна: «Армянская надпись храма Джвари». Являясь знатоком грузинской и армянской палеографии, он, на основании исторических и лингвистических данных, убедительно доказал, что армянская надпись Мцхетского Джвари, раннего уникального памятника грузинского зодчества, не является ктиторской. К тому же, по палеографическим данным, армянская надпись высечена после VII века.

И. В. Абуладзе обладал редким чутьем палеографа и знанием рукописи, приобретенным многолетним трудом и опытом, чем он так охотно и беззаветно делился со всеми.

ილია ცხაკაიძის

არმენოლოგიის საკითხები ილია აბულაძის ნაშრომებში

პროფ. ილია აბულაძის მდიდარ მეცნიერულ მემკვიდრეობაში საკმაოდ დიდი ადგილი ეთმობა არმენოლოგიის საკითხებს. იგი შესანიშნავად ფლობდა ძველ ქართულსა და ძველ სომხურ ენებს, რამაც ხელი შეუწყო გამოჩენილ მეცნიერს გამოწვლილვით შეესწავლა და გამოეკვეყნებინა ორივე ენაზე შექმნილი ბევრი მნიშვნელოვანი ძეგლი. მისი შრომების უდიდესი ნაწილი ქართულ-სომხური ფილოლოგიის პრობლემებს ეძღვნება.

ორი მეზობელი ხალხის — ქართველებისა და სომხების მრავალსაუკუნოვანი ლიტერატურული და კულტურული ურთიერთობის საკითხები იყო მისი ძიებისა და კვლევის საგანი.

პროფ. ილია აბულაძემ, დიდმა ქართველოლოგმა და არმენოლოგმა, განაგრძო ქართულ-სომხური ფილოლოგიური ძიების ძველი ტრადიციები, თავის ნაშრომებში ნათელყო ქართულ-სომხური ლიტერატურული, ენობრივი, ისტორიული კავშირისა და ურთიერთობათა არსებობა, დაარღვია ამ საკითხებთან დაკავშირებით გამოთქმული მრავალი მცდარი მოსაზრება და მართებული და სწორი მეცნიერული ახსნა-განმარტება მოუძებნა მათ.

ამ ხასიათის ნაშრომთაგან განსაკუთრებით საყურადღებოა იაკობ ცურტაველის „შუშანიკის წამება“¹, რომელიც როგორც ქართულ, ასევე სომხურ ენაზეა შემონახული. ილია აბულაძემ, ქართული და სომხური ხელნაწერებისა და მთელი რიგი მასალის საფუძვლიანად შესწავლის შედეგად, მეცნიერულად დაამტკიცა, რომ თავდაპირველია ქართული ტექსტი „შუშანიკის წამებისა“; სომხური კი მის თარგმანს წარმოადგენს. სომხური ვრცელი რედაქციის მოკლე რედაქციასთან შედარებისას გაირკვა, რომ მოკლე რედაქცია ახლოს დგას ქართულ ტექსტთან. სომხური რედაქციების ერთმანეთთან შეჯერებამ კი გამოამჟღავნა, რომ მოკლე რედაქცია მხოლოდ ერთ ნაწილშია მოკლე, ხოლო დანარჩენში ვრცელია. პროფ. ილია აბულაძის აზრით, „ქართული წამება, რომლის ავტორად იაკობ ხუცესისა დასახელებული, ძირითადი წყაროა სომხური წამებისა. იგი წინ უსწრებს სომხური წამების წიგნებს. მასთან მიმართებით სომხური ტექსტები კიმენობას ვერ დაიჩემებენ, პირიქით ისინი გადაკაზმული ნაწარმოებისათვის დამახასიათებელი ნიშანდობლივი ყველა თვისებით არის შემკული. ნაციონალური თვალსაზრისიც მათში მკაფიოდ ჩანს, რასაც ვერ ვამ-

¹ იაკობ ცურტაველი, მარტკოლბაჲ შუშანიკისი. ქართული და სომხური ტექსტები გამოცემა, გამოკვლევა, ვარიანტები, ლექსიკონი და საძიებლები დაურთო ილია აბულაძემ, ტფილისი, 1938.

ჩნევთ ქართულში. ქართულზე დამოკიდებულება არა მარტო შინაარსობრივად შედარებიდან ჩანს, არამედ ტექსტობრივი დაპირისპირებითაც. ქართული ტექსტის გარკვეული ადგილების შეხვედრა სომხურთან (უფრო მეტად ე. წ. „მოკლე წამებასთან“) უკანასკნელზე დამოკიდებულებით კი არ აიხსნება, არამედ პირიქით — სომხურია დამოკიდებული ქართულზე. ამას უნდა მოწმობდეს ის nonsens-იც, რომელიც შუშანიკის აღსასრულის თარიღის დასახელებაში შევნიშნეთ სომხურში. შუშანიკის სომხური წამების აღრინდელი წიგნის გადანაშთია ის შეხვედრები, რომლებსაც მოგვიანო დროის ნაციონალური თვალსაზრისითა და ფორმით ჩამოყალიბებულსა და ჩვენამდის მოღწეულ წამებებში ვხედავთ. ესენი IX—X სს-ების ნახელავი გვეგონია, ერთი უფრო აღრინდელი („მოკლე წამება“) და მეორე („ვრცელი წამება“) მერმინდელი, წინას შემდგომი გადამუშავება. მათი პროტოტიპი VII ს-დან უნდა შექმნილიყო, რადგან ამ დროიდან იწყება ქართულისა და სომხური ეკლესიების ცხოვრების ეროვნული სახით წარმართვა“².

პროფ. ილია აბულაძის ზემოთ დასახელებულმა ნაშრომმა სპეციალისტთა მაღალი შეფასება დაიმსახურა. აკად. ივ. ჯავახიშვილისა და აკად. ა. შანიძის რეცენზიაში ილია აბულაძის საკანდიდატო ნაშრომზე შემდეგია აღნიშნული: «И. В. Абуладзе принадлежит издание важного памятника грузинской литературы, а именно «Мученичество Шушаники» Якова Цуртвели. В издании дан основной грузинский текст (по всем важнейшим спискам), армянские версии и их отголоски в грузинской литературе. В исследовании, составляющем 4 печ. л. автор весьма убедительно разъясняет взаимоотношения грузинского и армянского текстов и, на основании сопоставления ряда мест, окончательно устанавливает, что оригиналом является грузинский текст, а переводом — армянский (мнение, которое высказывалось раньше акад. И. А. Джавахишвили, но которое оспаривалось Р. Peeters-ом). Нельзя не отметить, что означенное издание, представленное И. Абуладзе в Тбил. Гос. Университет им. Сталина в качестве диссертационной работы для соискания ученой степени кандидата филологических наук, нашло высокую оценку у специалистов и на филологическом факультете даже был поднят вопрос о присуждении ему докторской степени»³.

ერთ-ერთი ძირითადი ნაშრომი, რომლითაც ილია აბულაძემ საბატიო ადგილი დაიმკვიდრა არმენოლოგიაში, არის მისი გამოკვლევა „ქართული და სომხური ლიტერატურული ურთიერთობა IX—X სს-ში“⁴.

როგორც ცნობილია, ქართულ-სომხური ლიტერატურული ურთიერთობის ცალკეული საკითხების, ამ ურთიერთობის ისტორიის შესწავლა ადრეც მიმდინარეობდა, მაგრამ ასე საფუძვლიანად და ღრმა მეცნიერული ანალიზით იგი ილია აბულაძემდე არავის არ უკვლევია. სწორედ ამ თვალსაზრისით ზემოთ დასახელებული ნაშრომი სანიმუშო და სრულიად განსაკუთრებულია.

მკვლევართა ერთი ნაწილი აგიოგრაფიულ ძეგლთა გარკვეულ ჯგუფს V—

² ი ა კ ა დ ე უ რ ტ ა ვ ე ლ ი, მარტილოზა შუშანიკისი..., გვ. 041—042.

³ იხ. ზელნაწერთა ინსტ. ილია აბულაძის პირადი საარქივო ფონდი, № 7.

⁴ ილია აბულაძე, ქართული და სომხური ლიტერატურული ურთიერთობა IX—X სს-ში. გამოკვლევა, ტექსტები, ლექსიკონი, თბილისი, 1944.



VIII საუკუნეში შექმნილად თვლიდა, სხვები კი IX—X საუკუნეების შემდეგ დადგინდებულად. პროფ. ილია აბულაძემ კი საფუძვლიანი კვლევის შედეგად დამტკიცა, რომ ისინი IX—X საუკუნეებშია შექმნილი გაქართველებულ სომეხთა წრეებში.

ჯერ კიდევ VIII საუკუნიდან, როგორც ცნობილია, ტაოს სომხური მოსახლეობა თანდათანობით ქართველდებოდა, რამაც ხელი შეუწყო ქართულ-სომხური ლიტერატურული კავშირის განმტკიცებას და გაძლიერებას. ილია აბულაძემ გამოააშკარავა უძველეს ხანაშივე ქართული და სომხური მწერლობის დამოკიდებულების ორმხრივი ხასიათი და არა ცალმხრივი.

როგორც ილია აბულაძემ გაარკვია, IX—X სს-ის ქართული და სომხური ლიტერატურული ურთიერთობის შედეგად წარმოქმნილი ძეგლები შინაარსის მიხედვით სამ დარგს განეკუთვნება: აგიოგრაფიულს, ეკზეგეტიკურს და საღვთისმეტყველო-ფილოსოფიურს. აგიოგრაფიული ხასიათის ნაშრომთაგან 11 წამება-ცხოვრების წიგნია თარგმნილი სომხურიდან ქართულად. ქართულიდან სომხურად მხოლოდ ორი ძეგლია ნათარგმნი, ისიც აგიოგრაფიული: ერთი „მარტვლობა შუშანიკისი“ გამოკრებილი თარგმანი, მეორე კი „ცხოვრება დიონისიოსისი“. სომხურიდან ქართულად X ს-ში თარგმნილია, აგრეთვე, ეკზეგეტიკური და საღვთისმეტყველო-ფილოსოფიური ხასიათის 2 ძეგლი: ეპიფანე კვიპრელის „თარგმანება ფსალმუნთა“ და გრიგოლ ღვთისმეტყველის „სიტყუა ევსემიანოსთა მიმართ“.

პროფ. ილია აბულაძის აზრით, ეკზეგეტიკური ნაწარმოების მთარგმნელია X ს-ის დამდეგის მოღვაწე დანი, ხოლო საღვთისმეტყველო-ფილოსოფიურისა — გრიგოლ ოშკელი, X ს-ის II ნახევრის მოღვაწე. უფრო რთულად დგას საკითხი აგიოგრაფიული ძეგლების მთარგმნელთა და თარგმნის თაოსანთა ვინაობასთან დაკავშირებით. ილია აბულაძემ გაარკვია, რომ აღნიშნული ძეგლები 840—960 წლებში უნდა იყოს გადმოთარგმნილი დიოფიზიტ სომეხთა მიერ. როგორც მკვლევარი მიუთითებს, ამას მოწმობს უთარგმნელად დატოვებული სიტყვები, უმთავრესად ტერმინები და ფრაზეოლოგიური ან სინტაქსური არმენიზმები, რაც მხოლოდ სომეხ მწერალს შეეძლო დაემუშა.

აქვე უნდა მივუთითოთ, რომ ილია აბულაძემ თავის გამოკვლევაში, ქართული და სომხური ლიტერატურული ურთიერთობა IX—X სს-ში“ სხვა მრავალ საყურადღებო საკითხთან ერთად სომხური ისტორიოგრაფიისა და წყაროთმცოდნეობისათვის ერთ ფრიალ საგულისხმო საკითხსაც მიაქცია ყურადღება. „სომხური აგიოგრაფიული ძეგლები — აღნიშნავდა მკვლევარი — ძველ სომეხ ისტორიკოსთა თხზულებებზე ჩანან აღმოცენებული და ამდენად თარგმანების დედანთა მიმართ გაკეთებული ესა თუ ის დასკვნა, თავისთავად შეეხება მათ წყაროებსაც. ესენი კი არიან: აგათანგელოსი, ფავსტოს ბიზანტიელი, კორიუნნი, ლაზარე ფარპელი, ელიშე და მოსე ხორენელი“.

ქართულ-სომხური ტექსტების შესწავლისა და მთელი რიგი წყაროთა მონაცემების გათვალისწინებით, ავტორი უაღრესად საგულისხმო დასკვნამდე მივიდა მოსე ხორენელის „სომხეთის ისტორიის“ დათარიღებასთან დაკავშირებით.

⁵ ილია აბულაძე, ქართული და სომხური ლიტერატურული ურთიერთობა IX—X სს-ში..., გვ. 072.



როგორც ცნობილია, VIII საუკუნის ძეგლის „ნერსეს მთავარეპისკოპოსის მარტიკლობის წიგნის“ წყაროს მოსე ხორენელის „სომხეთის ისტორია“ წმომადგენს. აქედან გამომდინარე, ეს უკანასკნელი VIII საუკუნეზე გაცილებით უფრო ადრე უნდა არსებულებოდა. ილია აბულაძის ასეთი დაკვირვების შედეგად, სრულიად უსაფუძვლო ჩანს ზოგიერთი მკვლევრის ვარაუდი მოსე ხორენელის IX ს-ის მოღვაწედ გამოცხადების შესახებ.

ამრიგად, პროფ. ილია აბულაძემ თავის ზემოთ დასახელებულ ნაშრომში საინტერესოდ წამომადგინა ქართული ლიტერატურის ერთი ახალი ფურცელი: „ტაო-კლარჯეთის სალიტერატურო წრის შემოქმედება“ და როგორც ქართველოლოგიისათვის, ასევე არმენოლოგიისათვის ბევრი მნიშვნელოვანი საკითხი გაარკვია და დააზუსტა. მისი ნაშრომის ეს უაღრესად დიდი ღირსება სათანადოდ შეფასდა იმთავითვე, როგორც ოფიციალურ ოპონენტთა (კ. კეკელიძე, ლ. მელიქსეთ-ბეგი, ს. ყაუხჩიშვილი), ასევე არაოფიციალურ რეცენზენტთა (კ. დონდუა) მხრივ.

ჩხეიძე

„ილია აბულაძემ, — აღნიშნავდა აკად. ს. ყაუხჩიშვილი, — თავისი ღრმა ანალიზური ნიჭის, სომხური და ქართული ძეგლების ამომწურავი ცოდნისა და ზედმიწევნითი ფილოლოგიური გამოწვლილვის შემწეობით ქართველ-სომეხთა ამ ურთიერთობაში აღმოაჩინა სამხრეთ საქართველოს ერთი კუთხის ცხოვრების ორგანული განვითარების გარკვეული საფეხური და საბოლოოდ დაგვარწმუნა იმ აზრის მცდარობაში, თითქოს ეს ურთიერთობა შემთხვევითი გავლენის შედეგი ყოფილიყოს. ილია აბულაძის სახით ჩვენს წინაშეა სრულიად ჩამოყალიბებული მეცნიერი, რომელსაც არა მარტო სომხური და ქართული სალიტერატურო ძეგლების დამოუკიდებელი კვლევა ძალუძს, არამედ ისეთი მეცნიერი, რომელმაც თავისი არცთუ ისე ხანგრძლივი სამეცნიერო მოღვაწეობის მანძილზე უკვე შექმნა მთლიანი კონცეფცია ქართველ-სომეხთა ლიტერატურულ ურთიერთობაზე, კონცეფცია ძირითადად სრულიად მართებული და ეგზომ მნიშვნელოვანი ქართული კულტურის საკითხთა კვლევის საქმეში“⁶.

ილია აბულაძის ნაშრომი „ქართული და სომხური ლიტერატურული ურთიერთობა IX—X სს-ში“ გამოხმაურების გარეშე არც სომხურ ისტორიოგრაფიაში დაჩრენილა. წიგნის გამოქვეყნების იმავე წელს, 1945 წ. 13 მარტს, გაზ. *«შიოსთაქან ჯაკაოთანი»*-ის 50-ე ნომერში დაიბეჭდა სომეხი მკვლევრის ა. მურვალიანის საკმაოდ ვრცელი და ამომწურავი რეცენზია, რომელშიც განსაკუთრებით ხაზგასმულია ილია აბულაძის დასახელებული ნაშრომის დიდი მნიშვნელობა როგორც ქართველოლოგიისათვის, ასევე არმენოლოგიისათვის.

„გამოქვეყნდა, — წერდა პროფ. ა. მურვალიანი, — სომხური სამეცნიერო სამყაროსათვის თავისი შრომებით ცნობილი არმენოლოგის ილია აბულაძის ვრცელი გამოკვლევა: „ქართული და სომხური ლიტერატურული ურთიერთობა“

⁶ იხ. ხელნაწერთა ინსტ. ილია აბულაძის პირადი საარქივო ფონდი, № 18. აკად. ს. ყაუხჩიშვილის ზემოთ დასახელებული რეცენზია ილია აბულაძის ნაშრომზე „ქართული და სომხური ლიტერატურული ურთიერთობა IX—X სს-ში“ წაკითხულ იქნა 1945 წ. 15 მაისს ივ. ჯავახიშვილის სახ. ისტორიის ინსტიტუტის სამეცნიერო საბჭოს საჯარო სხდომაზე, ილია აბულაძის მიერ სადოქტორო დისერტაციის დაცვის დროს.

კ. მარტის ს.ს. საქ. სსრ
სახელმწიფო რესპუბლიკა
ბიბლიოთეკა



ბა IX—X სს-ში“... ილია აბულაძემ შესაბამისი ტექსტებითა და მათი კვლევი-
ნათელყო ქართულ-სომხური ლიტერატურული ურთიერთობის ერთი პერიო-
დი, რომლის შესახებაც ან ძალიან ცოტაა თქმული, ან სრულიად არაფერი. ეს
ის ნაშრომია, რომლითაც აშკარადდება ორი მოძმე მეზობელი ხალხის აღნიშ-
ნული პერიოდის ლიტერატურულ-კულტურული ურთიერთობის კავშირი. ეს
ნაშრომი, შესრულებული სომხურ-ქართული ტექსტების სერიოზულად კვლე-
ვის საფუძველზე ძვირფასი და საყურადღებოა როგორც ქართველოლოგისათ-
ვის, ასევე არმენოლოგისათვისაც“.

ქართული მწერლობის სხვა მნიშვნელოვან ძეგლებთან ერთად, ილია აბუ-
ლაძე განსაკუთრებით დიდ ყურადღებას აქცევდა ჰომილეტიკური ლიტერატუ-
რის ადრინდელი (V—X სს.) ნიმუშების შემცველი კრებულის „მრავალთავის“
რედაქციულად შესწავლასა და გამომზეურებას. დიდი ღვაწლი დასდო მკვლე-
ვარმა ქართული „მრავალთავის“ სომხური წყაროების კვლევას თავის „ქარ-
თულ-სომხურ ფილოლოგიურ შტუდიებში“.

ცნობილი ქართველი ლექსიკოგრაფი სულხან-საბა ორბელიანი თავისი
ლექსიკონის შესავალ ნაწილში მიუთითებდა, რომ მასალის შეგროვებისას სარ-
გებლობდა სომხური წყაროებით. ილია აბულაძემ გააჩვენა, რომ სულხან-საბა
ორბელიანმა გამოიყენა „სომეხთა ბარგირქი“ (*Բարգիրք հայոց*), ან, რო-
გორც მისი ხელნაწერების სათაურშია მითითებული, „საქერდოლო სიტყვები“.
ილია აბულაძის დაკვირვებით, „ქართულ ლექსიკონში“ შეტანილი საკუთარი
სახელების განმარტებანი თითქმის სრულიად ემთხვევა „საკუთარ სახელთა
თარგმანებას“. ეს უკანასკნელი კი თან ერთვის პირველ ბეჭდურ სომხურ ბიბ-
ლიას, ე. წ. ვოსკანის ან ამსტერდამის ბიბლიას, რომელსაც საბა სხვათა დახ-
მარებით თუ გამოიყენებდა, რადგანაც კარგად ვერ ფლობდა სომხურ ენას.

სომხურ წყაროდან მომდინარედ მიიჩნევს ილია აბულაძე, აგრეთვე, „ქარ-
თული ლექსიკონის“ სხვა საძიებლებსაც: ა) „საძიებელნი მოწმობა“... ბ) „საძი-
ებელნი მატიანეთანი“⁷.

როგორც ცნობილია, XII საუკუნეში საქართველოს ექსპანსიას სამხრე-
თისაკენ შედეგად მოჰყვა მთელი რიგი სომხური ოლქების ქართული სახელმ-
წიფოს გავლენის ქვეშ მოქცევა. აღნიშნულმა გარემოებამ კი ხელი შეუწყო
სომეხთა შორის დიოფიზიტური მიმდინარეობის გაძლიერებას. სწორედ ამის
შედეგად XII—XIII საუკუნეებში სომხურ ენაზე იქმნება მონოფიზიტ სომეხ-
თა წინააღმდეგ მიმართული პოლემიკური ხასიათის ნაწარმოებები. ბევრი მათ-
განი კი ქართულიდან იყო თარგმნილი. შემორჩენილია, აგრეთვე, საპასუხო ნა-
წარმოებები ტრაქტატების, ეპისტოლეებისა თუ სხვათა სახით, შექმნილი სომ-
ხური ნაციონალური (ე. ი. მონოფიზიტური) ეკლესიის დამცველთა მიერ. ასეთ-
თა რიცხვს განეკუთვნება სწორედ XII—XIII სს-ის მოღვაწის—მხითარ
გოშის ტრაქტატი მიმართული მხარგრძელებისადმი, რომელშიც იგი შეეცადა
დაეცვა მონოფიზიტები დიოფიზიტთა მხრივ შემოტევებისაგან და უარეყო მო-
ნოფიზიტთა მიმართ წამოყენებული ბრალდებები მწვალებლობასა და განხეთ-
ქილების გაღვივებაში. ი. აბულაძემ თავის ნაშრომში „მხითარ გოშის ტრაქტა-
ტი „ქართველთათს“ წარმოაჩინა აღნიშნული დოკუმენტის არსი, მისი მნიშ-

⁷ ი. აბულაძე, სულხან-საბა ორბელიანის სომხური წყაროები, თსუ შრომები, ტ. III, თბ., 1936, გვ. 252—270.



ვენლობა მონოფიზიტობისა და დიოფიზიტობის, საერთოდ მწვალებლობათა ისტორიის შესასწავლად და დაადგინა მისი წყაროები. ავტორის დაკვირვებით, დიოფიზიტთა მიმართ პასუხის გასაცემად მხითარს ხელთ ჰქონია ანტიომხური, ანტიმონოფიზიტური ნაწერების კრებული, ე. წ. „დოღმატიკონი“, რომლის ქართული რედაქცია არსენ ვანესძეს ეკუთვნის და რომელშიც სომეხთა სარწმუნოების განმაქიქებელი რვა სტატიაა შესული. ილია აბულაძეს უფრო შესაძლებლად მიაჩნია იმის დაშვება, რომ მხითარ გოში თუ უშუალოდ თვითონ არა, სხვისი დახმარებით ამ კრებულის ქართული რედაქციით სარგებლობდა და — არა ბერძნულით. როგორც მკვლევარი აღნიშნავს, XII—XIII სს-ში სომეხთა დიოფიზიტური წრეები დაინტერესებული ყოფილან „დოღმატიკონის“ ქართული რედაქციითაც, რომლის ზოგიერთი ნაწილი უთარგმნათ კიდევ. საფუძვლიანი კვლევის შედეგად ილია აბულაძემ ისიც გაარკვია, რომ მონოფიზიტ სომეხთა განმაქიქებელი ძეგლების გარდა, მხითარ გოში სომხურად თარგმნილ „დოღმატიკონის“ სხვა ნაწილებსაც იცნობს⁸.

მთელ რიგ სტატიებში ილია აბულაძე არკვევს სომხურ-ქართული კულტურული ურთიერთობის საკითხებს რუსთაველის ეპოქაში. ამ თვალსაზრისით განსაკუთრებით საყურადღებოა მისი ნაშრომები: „რუსთაველის ხანის ქართული ფილოსოფიური მწერლობის კიდევ ერთი ძეგლის თარგმანი ძველ სომხურზე“, „რუსთაველის ხანის ქართულიდან ნათარგმნი ძველი სომხური მწერლობის ძეგლები“, *«Многоязыко. هزارهزارانی ძეგლ ვერსიანოქჷან არბანაჷანჷრ ნაკ ვერსიანოქჷან აჩე»* და სხვ.

ილია აბულაძის კვლევის სფეროში საქართველოსა და სომხეთის როგორც ისტორიის, ასევე ისტორიოგრაფიის ბევრი საინტერესო საკითხია მოქცეული. ფასდაუდებელია მკვლევრის ღვაწლი „ქართლის ცხოვრების“ ძველი სომხური თარგმანის ტექსტის, მისი მთარგმნელის ვინაობისა და მოღვაწეობის ხანის დადგენის საქმეში⁹.

„ქართლის ცხოვრების“ ძველი თარგმანის უძველესი ნუსხა (XIII ს-ის მიწურულისა), რომელიც საფუძვლად უდევს ილია აბულაძისეულ გამოცემას, დიდი მნიშვნელობისაა იმის გამო, რომ ის წინ უსწრებს ქართულად დაკულ „ქართლის ცხოვრების“ უძველეს ნუსხას, ე. ი. ანა დედოფლისეულს (XV ს-სას).

ილია აბულაძემ ტექსტობრივი ანალიზისა და მთელი რიგი წყაროების მონაცემების მოშველიებით დაამტკიცა, რომ „ქართლის ცხოვრების“ სომხური რედაქცია ქართულიდან არის გამოკრებით ნათარგმნი. იგი დასაწყის ნაწილში უფრო ნაკლებაა შემოკლებული (ლეონტი მროველისა და ჯუანშერის თხზულებებში), ვიდრე დანარჩენებში. რაიმე საგულისხმო მოვლენა ამ ნაწილიდან, ისე რომ გაკვრით მაინც არ იყოს ნახსენები, გამოტოვებული არ არის. მრავა-

⁸ ილია აბულაძე, მხითარ გოშის ტრაქტატი „ქართველთაოცს“ და მისი ლიტერატურული წყაროები, თსუ შრომები, ტ. VII, თბ., 1938, გვ. 97—108.

⁹ იხ. ქართლის ცხოვრების ძველი სომხური თარგმანი. ქართული ტექსტი და ძველი სომხური თარგმანი გამოკვლევისათა და ლექსიკონით გამოსცა ილია აბულაძემ, თბ., 1953. ი. აბულაძე, „ქართლის ცხოვრების“ ძველი სომხური მთარგმნელი და მისი მოღვაწეობის ხანი, „კავკასიის ხალხთა ისტორიის საკითხები“, თბ., 1966, გვ. 222—233. **ხ. მ. რ ი ჯ ა ბ ხ**, **აჟარქის ვსიძეჩქაქი** **კამ ძეგლ შათაჩქან ნინ ნაჷქენ რაქვანოქაიჩე. აშათხნაჷარანის ქიოსკან ნეოქხი ძიჷქაძიო.** № 1, სრსან, 1941, გვ. 31—40.



ლი მოვლენა, რომელიც ან ძალზე შემოკლებული, ანდა ხშირად გამოტყვევებულია. უფრო მეტად „ქართლის ცხოვრებაში“ შემავალ სხვა დანარჩენ თხზულებებზე მოდის, განსაკუთრებით კი „მატიანე ქართლისაჲსა“ და „დავით აღმაშენებლის ცხოვრებაზე“. სომხურ თარგმანში ამ ნაწილებიდან არა ჩანს არა მარტო ქრონოლოგიური ხასიათის ცნობები, არამედ მრავალი ისეთი ფაქტი, რომელიც მარტოდენ საქართველოს შინაურ ცხოვრებას შეეხება და არა აქვს კავშირი გარე სამყაროსთან. „ქართლის ცხოვრების“ ქართულ ტექსტსა და მისგან შესრულებულ სომხურ თარგმანს თან ახლავს ილია აბულაძისეული ქართული თარგმანი, რომელიც უადვილებს მკითხველს ტექსტობრივ ანალიზთან დაკავშირებულ მთელი რიგი საკითხების გარკვევას. მკვლევარს აღნიშნული აქვს სომხური თარგმანის თავისებურებანი. ერთს ეკუთვნის ის ზედმეტი ადგილები, რომლებიც თარგმანს აქვს და დედანს კი არა, ხოლო მეორეს — ისეთი ადგილები, სადაც შესაბამისი კონტექსტები, სხვადასხვა მიზეზის გამო, განსხვავდებიან ერთმანეთისაგან.

ამრიგად, ილია აბულაძე „ქართლის ცხოვრების“ ძველი სომხური თარგმანის შესწავლისას შემდეგ დასკვნამდის მიდის:

1) „ქართლის ცხოვრების“ ძველი სომხური თარგმანი შესრულებულია XII საუკუნეში.

2) „ქართლის ცხოვრების“ ძველი სომხური თარგმანი დავით აღმაშენებლის ისტორიით მთავრდება. მასში დავითის მომდევნო მეფეების ცხოვრება შეტანილი არ ყოფილა, რასაც ამოწმებენ ძველი სომეხი ისტორიკოსები: სტ. ორბელიანი, მხითარ ანელი, მხითარ აირივანელი. 3) მთარგმნელი ტომით სომეხია და თვალთახედვით მონოფიზიტი. 4) მთარგმნელი დავით აღმაშენებლის თანამედროვეა. წარმოშობით ის ან ქვემო ქართლიდანაა, ანდა ამ კუთხის მოსაზღვრე სომხური მხარიდან, რაც ჩანს ქვემო ქართლის ზოგიერთი გეოგრაფიული ბუნქტის სახელწოდების თავისებურად თარგმანიდან.

პროფ. ილია აბულაძის მეცნიერულ მემკვიდრეობაში განსაკუთრებული ადგილი ეთმობა წმინდა ქართულ-სომხურ ენათმეცნიერულ საკითხებს. ისინი უმთავრესად თავმოყრილია მკვლევრის იმ ნაშრომებში, რომლებიც შემდეგ სათაურებს ატარებენ: „ქართულისა და სომხურის საერთო სიტყვები“, „ქართულიდან სესხებული სომხური სიტყვები“, სომხეთის მეცნიერებათა აკადემიის ინსტიტუტების სხვადასხვა კრებულებში სომხურ ენაზე დაბეჭდილი ნაშრომები და სხვ.

ილია აბულაძეს ყურადღების გარეშე არც სომხეთის საისტორიო მწერლობა დაუტოვებია. მას კარგად ესმოდა, რომ საქართველოს ისტორიის მთელი რიგი საკითხების უფრო სრულყოფილად შესასწავლად, ქართული მასალის შესამოწმებლად, თუ დასაზუსტებლად უადრესად დიდი მნიშვნელობა ენიჭება უცხოურ წყაროებს, რომელთა რიცხვს სომხური წყაროებიც ეკუთვნის. 1937 წ. მან გამოაქვეყნა სომეხი ისტორიკოსის იოანე დრასხანაკერტლის ცნობები საქართველოს შესახებ, ასევე ილია აბულაძის არქივში დაცულია თომა არწრუნის ცნობების ქართული თარგმანი საქართველოს შესახებ. საყურადღებოა მისი ისტორიული ხასიათის ნაშრომები: „მათეოს განძასარელის ცნობა ქართველთა მეფის კონსტანტინეს შესახებ“, „სტეფანოს ორბელიანის ისტორიის ერთი ცნობის განმარტების გარშემო“ და სხვ.

ილია აბულაძის კვლევის სფეროში სომხური დიალექტოლოგიის საკითხე-

ბიცაა მოქცეული. ამ თვალსაზრისით, განსაკუთრებით საყურადღებოა მისი ნაწილი, რომი „სომხური დიალექტური ფორმები X საუკუნის ერთი ქართული ხელნაწერის მიხედვით“, რომელიც 1958 წელს სომხურად გამოქვეყნდა „მატენადარანის“ მოამბეში, ამჟამად კი დაიბეჭდა ილია აბულაძის შრომების II ტომში. ავტორი იხილავს მიქაელ მორდრეკილის მიერ შედგენილ კრებულს (S—425), ე. წ. იადგარს, რომლის სხვადასხვა გვერდზე საგალობელთა მუხლების უკანასკნელ სტრიქონზე, ზოგ ადგილას, ვადამწერისავე ხელით ჩაწერილია სომხური სიტყვა ან ფრაზა. ასეთი შემთხვევაა სულ 29. როგორც ირკვევა, ტექსტიცა და მინაწერებიც შესრულებულია ერთდროულად, X საუკუნის ბოლოს.

ავტორმა გაარკვია, რომ ეს მინაწერები რაიმე არსებით კავშირში არ არიან ქართული იადგარის ტექსტთან, არამედ ისინი ვადამწერებს იმისათვის მოუთავსებიათ, რომ აჩვენონ ქართულ წერასთან ერთად სომხური წერა-კითხვის ცოდნაც. ილია აბულაძის დაკვირვებით, მინაწერების ენა უფრო ცოცხალი სამეტყველო სომხური ენის თვისებებს ამჟღავნებს, ვიდრე სამწერლო ენისას. მისი გადახვევები სალიტერატურო სომხური ენის გრამატიკული ნორმებისაგან დიალექტის დამახასიათებელ ნიშნებზე მიგვიითითებს. ეს მინაწერები ტაო-კლარჯეთში სრულდება, ამიტომ დიალექტური მოვლენები, რომლებიც მათში შეინიშნება, შეიძლება მივიჩნიოთ სომხური ენის ტაოს დიალექტის დამახასიათებლად X საუკუნისათვის.

ავტორი ჩამოთვლის ტაოს სომხური დიალექტის დამახასიათებელ ნიშნებს, შემდეგ კი ამ მინაწერებს უღარებს ტაო-კლარჯული წარმოშობის კიდევ ერთ ხელნაწერს, ცნობილ შატბერდულ კრებულს (S—1141), რომელიც X საუკუნის 70-იან წლებშია ვადამწერილი იოანე ბერას მიერ. ამ მინაწერებშიც მიქაელ მორდრეკილისა და სხვათა მინაწერების მსგავსი დიალექტური მოვლენები შეინიშნება. სავსებით სამართლიანად დაასკვნის ილია აბულაძე, რომ ძველად სომხური დიალექტების არსებობა ფაქტია და VIII ს-ის სომეხი ისტორიკოსის სტეფანოს სივნიელის ცნობაც ტაოში თავისებური მეტყველების არსებობის შესახებ სომხური ენის დიალექტებს გულისხმობს და არა ადგილობრივ ძველ მკვიდრთა ენებს, როგორც ეს ზოგ სომეხ და უცხო მკვლევარს მიაჩნიაო.

სომხური დიალექტების საკითხებს ეხება, აგრეთვე, ილია აბულაძის კიდევ ერთი შრომა „ლორის დიალექტის თავისებურებანი“, რომელიც ასევე მის პირად საარქივო ფონდშია დაცული.

როგორც ცნობილია, ლორის დიალექტად ითვლება სომხური მოსახლეობის ის მეტყველება, რომელიც გავრცელებულია ძორაგეტისა და დებედას ხეობაში (ბორჩალომდის). პუნქტი, რომელსაც ილია აბულაძის დაკვირვება უშუალოდ ეხება, სოფელი დსელია, ოვანეს თუმანიანის სამშობლო. ლორის დიალექტი ერევნის ან აიარატისად წოდებულ კილოს წევრადაა მიჩნეული. ილია აბულაძე თავის ნაშრომში ძირითად ყურადღებას აქცევს ბრუნებასა და უღვლილებას. ავტორის დაკვირვებით და მასალის საფუძვლიანი შესწავლით აშკარადდება, რომ ძველად ხმარებული სუფიქსების კვალი აღმოჩნდა ლორის დიალექტში. მისი ერთ-ერთი თავისებურებათაგანი ის არის, რომ აქ შემონახულია ძველებური წარმოშობა Imperfectum-ისა.

გამოუქვეყნებელ ბევრ საგულისხმო ნაშრომთაგან საკმარისია დავასახე-



ლოთ ილია აბულაძის მიერ თითქმის ბოლომდე მიყვანილი ძველი ქართული სომხური დოკუმენტრებული ლექსიკონი, რომელსაც ავტორი წლების მანძილზე ადგენდა უდიდესი გულმოდგინებითა და საქმის დიდი ცოდნით. აღნიშნულ ლექსიკონს საფუძვლად უდევს V—XI საუკუნეების როგორც გამოქვეყნებული, ასევე ხელნაწერების სახით შემორჩენილი ქართული და მისი შესაბამისი სომხური ძეგლებიდან ამოკრებილი და შერჩეული მრავალმხრივ საყურადღებო მასალა. ილია აბულაძის „ძველი ქართულ-სომხური ლექსიკონი“ უმნიშვნელოვანესი შენაძენია არა მარტო ქართული, არამედ სომხური მეცნიერებისათვისაც. უმნიშვნელოვანია, აგრეთვე, მის მიერ შედგენილი „ძველი სომხური ენის ქრესტომათია“ და „ქართული ენა“ (სომხური სკოლებისათვის), რომლებიც რამდენჯერმე გამოიცა. ილია აბულაძის ბევრი ნაშრომი გამოქვეყნდა სომხურად სომხეთის სამეცნიერო ბეჭდვით ორგანოებში¹⁰.

ყველა მისი ნაშრომი გამოირჩევა საქმის უდიდესი ცოდნითა და სიახლით. ილია აბულაძის არაჩვეულებრივი მუსყაითობის, საერთო საქმისადმი უდიდესი პატივისცემისა და სიყვარულის წარუშლელი დალი აზის მის პირად საარქივო ფონდში დაცულ, მისივე კალიგრაფიული ხელით ნაწერ ყოველ უბრალო ხანაწერსა და ფურცელსაც კი, სხვა რომ არაფერი ვთქვათ იმ მრავალმხრივსა და საყურადღებო მეცნიერულ მემკვიდრეობაზე, რომელსაც, სამწუხაროდ, არ დასცალდა პუბლიკაცია ამავდარი მოღვაწის გარდაცვალების გამო¹¹.

ილია აბულაძე ძველსა და ახალ სომხურ ენებს წლების მანძილზე ასწავლიდა თბილისის სახელმწიფო უნივერსიტეტში. იგი ხანგრძლივ მეცნიერულ მუშაობას ეწეოდა სომხეთში, ეჩმიადინის წიგნსაცავში და სწორედ იქ დაცული სომხური ხელნაწერების შესწავლისას აღმოაჩინა კავკასიის ალბანელთა ანბანი.

ილია აბულაძე არაერთხელ წარმდგარა ერევნის სომხური სამეცნიერო საზოგადოების წინაშე, როგორც მომხსენებელი, ოპონენტი, თუ რეცენზენტი და განცვიფრებაში მოუყვანია დამსწრენი სომხური ენის ბრწყინვალე ცოდნით.

ილია აბულაძე ყოველთვის დიდი ხალისითა და დაუზარებლად უწევდა საყურადღებო კონსულტაციებს როგორც საბჭოელ, ასევე უცხოელ არმენოლოგებს და მათგან უღრმეს პატივისცემას იმსახურებდა.

იგი წლების მანძილზე ითვლებოდა სომხური „ისტორიულ-ფილოლოგიური ჟურნალის“ სარედაქციო კოლეგიის, სომხეთის მეცნიერებათა აკადემიის ლიტერატურის, ენათმეცნიერების ინსტიტუტების, აგრეთვე, „მატენადარანის“ სამეცნიერო საბჭოების წევრად.

შემთხვევით როდი იყო ილია აბულაძის დიდი დანტერესება არმენოლოგიით. უნივერსიტეტის დამთავრებისთანავე იგი დატოვებულ იქნა ასპირანტურაში ძველ ქართულ-სომხური ფილოლოგიის განხრით. ილია აბულაძემ მალევე გამოამყდენა უდიდესი ნიჭი, მომზადება და ერუდიცია, რამაც მოუპოვა მას გამოჩენილი მკვლევრის სახელი. ჯერ კიდევ სრულიად ახალგაზრდას, არა-

¹⁰ იხ. ილია აბულაძის ნაბეჭდი სამეცნიერო შრომების სია, „მრავალთავი“, I, თბ., 1971, გვ. 12—17.

¹¹ იხ. ილია აბულაძის პირადი არქივის კატალოგი, რომელიც ხელნაწერთა ინსტიტუტშია დაცული.



ერთხელ განუცვიფრებია თავისი ცოდნითა და მომზადებით სომხური ენისა და თუ ლიტერატურის თვალსაჩინო სპეციალისტები. სახელგანთქმული სომხური მეცნიერი ჰრაჩია აჰარიანი ასე იგონებს ილია აბულაძეს თავის „მემუარებში“:

„ჩვენს უნივერსიტეტში ქართველი ახალგაზრდა ილია აბულაძე ჩემთან სწავლობდა სომხური ენის ისტორიას. დამთავრების შემდეგ იგი თბილისს გაემგზავრა და თანამედროვე სომხურ ენაზე წერილი მომწერა. წერილი ვაჩვენე რექტორს ჰაკობ ჰოვხანისიანს. იგი აღფრთოვანდა იმით, თუ როგორ შესძლო ქართველმა ასე დაუფლებოდა სომხურ ენას. მე კი მოვასენე, რომ მან გრაბარიც იცის-თქო. რექტორმა მთხოვა მიმეწერა აბულაძისათვის, რომ წერილი გრაბარზე გამოეგზავნა. მისგან მივიღე კიდევ წერილი ძველ სომხურად. რექტორმა წაიკითხა და უფრო მეტად აღფრთოვანდა. ჩვენს ამხანაგებთაგანაც ბევრს ვაჩვენე იგივე წერილი. ყველა განცვიფრდა და აღტაცებაში მოვიდა. წერილი მანუკ აბელიანსაც წავაკითხე. მანაც ასევე გაიხარა. მე მას ვუთხარი, რომ წერილში 2 შეცდომაა დაშვებული-თქო და ვაჩვენე ისინი. მანუკ აბელიანმა კი მიიჩნია, რომ შეცდომა არ იყო, ყველაფერი მართებულად იყო ნაწერი“¹².

სწორედ ასეთმა ბრწყინვალე ცოდნამ სომხური და ქართული ენებისა, არაჩვეულებრივმა მომზადებამ, დაუცხრომელმა ერთუზიანობამ, ფანატიკურმა თავდადებად და ერთგულებამ საერთო საქმისადმი, დიდმა ერუდიციამ დაუშკვიდრა ილია აბულაძეს სრულიად განსაკუთრებულ და საბატიო ადგილი როგორც ქართველოლოგიაში, ასევე არმენოლოგიაში.

Е. В. ЦАГАРЕЙШВИЛИ

ВОПРОСЫ АРМЕНОВЕДЕНИЯ В ТРУДАХ ПРОФ.
И. В. АБУЛАДЗЕ

(Резюме)

Плодотворная научная деятельность известного грузиноведа и армениста проф. И. В. Абуладзе в области арменоведения была многогранной и обширной по своим интересам.

Богатым лексикографическим, грамматическим, литературоведческим, источниковедческим, историографическим наследием грузинский ученый внес ценный вклад в арменоведение.

В статье рассмотрены наиболее примечательные труды проф. И. В. Абуладзе, посвященные разным проблемам истории, литературы, языка, философии, культуры грузинского и армянского народов и показано их значение в развитии названных областей арменоведения.

¹² ჯრ. Ա. Ն ա ղ յ ա ն, Կյանքիս նուշերից. Երեվան, 1967, շք. 217.

ცილა ჟურნალი

ისევ ეპითიმე ათონელის მთარგმნელობითი
 მეთოდის შესახებ

ათონის სალიტერატურო სკოლის ფუძემდებლის — ექვთიმე ათონელის თარგმანები თემატიკის მრავალფეროვნებასა და ენისა და სტილის დახვეწილობა-სისადავესთან ერთად იმიტაც გამოირჩევა, რომ ხშირად მათში დედნის ტექსტი რედაქციული ცვლილებით არის ხოლმე გადმოსული. ეს ცვლილებები ძირითადად წყაროს ცალკეული ადგილების დაკლება და სხვა წყაროებიდან ახალი მასალის შემატებაში ვლინდება.

ექვთიმე ათონელის მთარგმნელობითი მეთოდის ეს თავისებურება, რომ თარგმნის დროს „მას მაღლითა სულისა წმიდისაჲთა კელეწიფებოდა შემატებაჲცა და დაკლებაჲცა“, პირველად მისმა უმცროსმა თანამედროვემ ეფრემ მცირემ შენიშნა¹.

კ. კეკელიძემ საგულდაგულო შესწავლის საფუძველზე გამოავლინა ექვთიმე ათონელის მიერ თარგმნილი რამდენიმე ნაწარმოები, რომლებშიც აშკარად ჩანდა კვალი სათარგმნ ტექსტთან მთარგმნელის თავისუფალი დამოკიდებულებისა².

ექვთიმეს თარგმანების ბერძნულ ორიგინალებთან შედარების შედეგად მიღებული კონკრეტული დასკვნები კ. კეკელიძემ ამგვარად განაზოგადა: „იშვიათია ისეთი თხზულება, რომელიც ექვთიმეს გადმოეღოს იმ სახით, რა სახითაც ის მოცემულია დედანში, უმეტეს შემთხვევაში ის იძლეოდა სრულიად ახალ რედაქციას ამ თხზულებისას“³. აგრეთვე: „ჩვენ ვერ ვიპოვეთ მის თარგმანთა შორის ვერც ერთს ისეთს, რომელშიაც დედანი გადმოღებული იყოს

¹ იხ. ეფრემ მცირის შენიშვნა, რომელიც მის მიერ თარგმნილ ოვანე დამასკელის „გარდამოცემის“ შესავალშია დაცული: ... „უკუეთუ მოკლე „წინამძღუარი“ უნდეს, წმინდა მამისა ეფთემეს მიერ თარგმანებული იგი შერტკბოს, რამეთუ მას მაღლითა სულსა წმიდისაჲთა კელეწიფებოდა შემატებაჲცა და დაკლებაჲცა, ხოლო უკუეთუ ახალი ესე სწადდეს გარდაწერად, მას ამას თანა ნუ გპრეეს, ნუცა ამას მას თანა“ ... (A—24, 3r).

² კ. კ ე ლ ი ძ ე, ქართული ლიტერატურის ისტორია, I, 1960, გვ. 192; 202; მ ი ს ი ვ ე, Иерусалимский канонарь VII века, Тиф., 1912, გვ. 30с; მ ი ს ი ვ ე, Сведения грузинских источников о Максиме Исповеднике, ეტიუდები, VII, გვ. 14—54; მ ი ს ი ვ ე, ხალხთა კლასიკაციისა და გეოგრაფიული განრიგების საკითხები ძველ ქართულ მწერლობაში, ეტიუდები, I, გვ. 168—182; მ ი ს ი ვ ე, ექვთიმე ათონელის მთარგმნელობითი მოღვაწეობის ერთი ნიმუში, ეტიუდები, II, გვ. 237—268.

³ კ. კ ე ლ ი ძ ე, ექვთიმე ათონელის მთარგმნელობითი მოღვაწეობის ერთი ნიმუში... გვ. 265.



ისე, როგორც ის მისი ავტორის ხელიდან გამოსულა. ის ან მიუმატებდა დედას ან მოაკლებდა მას, ან შეცვლიდა თავისებურად თხზულების ამა თუ იმ ადგილს და იძლეოდა სათარგმნი თხზულების სახეებით ახალ რედაქციას⁴.

ქ. კეკელიძის აზრით, „ეს თავისუფლება, ეს შემატება-მოკლება არ მიდიოდა იქამდე, რომ დედანი დამახინჯებულიყო; მთავარი, არსებითი მხარე დედნისა როგორც იდეური, ისე მხატვრული, თარგმანში გადმოდიოდა, ან, ეფრემ მცირის გამოთქმა რომ ვინმაროთ, თარგმანი „მასვე პირსა იტყოდა, რაც დედანში იყო მოცემული“⁵.

ბასილი დიდის ჰომილიების (სხვაგვარად „ითიკის“) ექვთიმე ათონელისეული თარგმანი, რომელსაც მე-10—11 საუკუნეების სამი ხელნაწერის მიხედვით (Ath.—32, H—2251, Jer.—14) გვევცანით, შევეუდარეთ შესაბამის ბერძნულ ტექსტს⁶. ქართული თარგმანი მეტ-ნაკლები სიზუსტით მიჰყვება ბერძნულ წყაროს. ზოგი ჰომილია სიტყვასიტყვით გადმოსცემს ბერძნულს (მაგ. მარხვისა და ნათლისღების საკითხავები), ზოგიც ადგილი აქვს გარკვეულ სხვაობებს, რაც ვლინდება ცალკეული სიტყვებისა და ფრაზების დაკლება-მომატებაში, ანდა ზოგიერთი ადგილის პერიფრაზირებაში. ამ საკითხზე საგანგებოდ გვექნება სხვა დროს საუბარი⁷, ამჟამად გვინდა ყურადღება შევაჩეროთ ერთ-ერთ ჰომილიაზე, რომელსაც ქართულ თარგმანში ეწოდება „სარწმუნოებისათვის წმიდისა სამებისა“.

ტექსტი მოცულობით დიდი არაა (Ath.—32 ხელნაწერში მას უჭირავს ფურცლები 195v — 200r, H—2251 ხელნაწერში — 413v — 419v, ხოლო Jer. — 14-ში — 219r — 227r). ჰომილიაში ერთმანეთის მიყოლებით, ცალ-ცალკეა საუბარი ხოტბის ადვლენა მამის, შემდეგ ძისა და ბოლოს სულიწმინდის შესახებ. ამ საკითხავში, დაახლოებით შუა ნაწილში, იქ, სადაც თხრობა ძის შესახებაა, იწყება ბერძნული წყაროსაგან განსხვავებული ტექსტი, რომელიც ხელნაწერში დაახლოებით 4—5 გვერდზე გრძელდება. შინაარსით იგი წარმოადგენს ახალ აღთქმაში ქრისტეს დაბადების, ჭვარცმის, დაფლვისა და აღდგომის შესახებ მონათხრობის პერიფრაზს.

ამ მონაკვეთმა, გარდა იმისა, რომ იგი ბერძნულ წყაროში არ აღმოჩნდა, ყურადღება იმითაც მიიქცია, რომ დასაწყისი ნაწილით აზრობრივად ძალზე ცუდად უკავშირდებოდა წინა კონტექსტს, ამიტომ იგი მთარგმნელის ჩანართად ანუ ინტერპოლაციად მივიჩინეთ.

ჩანართად მიჩნეული ნაწილის წინ ავტორი (ბასილი დიდი) ქრისტეს ანუ ძის შესახებ მოგვითხრობს, რომ იგი „ყოვლითურთ მამასა თავსა შორის თუსსა გამოაჩინებს. ხოლო რავედენნიცა სიტყუანი გესმენ ბუნებისა მისგან კაცობრივისა მისისა თქუმელნი, გულისკმა-ყავ, ვითარმედ ცხორებასა კაცთასა განა-

⁴ ქ. კეკელიძე, მთარგმნელობითი მეთოდი ძველ ქართულ ლიტერატურაში და მისი ხასიათი, ეტიუდები, I, გვ. 186.

⁵ იქვე.

⁶ იგი დაბეჭდილია მინის პატროლოგიის (Patrologiae graecae) XXXI ტომში.

⁷ ზოგიერთ ასეთ თავისებურებას ბასილის ჰომილიების ექვთიმე ათონელისეულ თარგმანში ეხება ნ. ცოფურაშვილი თავის სადისერტაციო ნაშრომში. იხ. დისერტაციის ავტორეფერატი: Цопурашвили Н. Я., Очерк из истории грузино-византийских литературных взаимосвязей («Итика» Василия Каппадокийского), Тб., 1975, с. 32—25.

გებს. რომელი გამოვჩნდა ჩუენ კორცითა, რაჟამს-იგი იტყოდის თავსა მოვლინებულად და ვერარაჟსა შემძლებულად თავით თუსით ყოფად და მოღებულად მცნებისა“...

ამის შემდეგ ტექსტი გრძელდება ჩანართი ნაწილით, რომელიც ამგვარად იწყება: „და ვითარმედ ღმერთი ჩემი და ღმერთი თქუენი და მამაი უზეშთავს არს ჩემსა. და დაბადებამ და ქმნამ და წმიდა ყოფამ და მონებამ და მორჩილებამ და მიცემამ და სწავლამ და მცნებისა მოღებამ“ და სხვ. გადსვლა აშკარად არალოგიკურია.

ბერძნული წყაროსაგან განსხვავებული ტექსტის ეს მონაკვეთი მართლაც ინტერპოლაცია აღმოჩნდა. ექვთიმეს იგი ამოუღია გრიგოლ ღმრთისმეტყველის საკითხავიდან, რომელსაც ქართულ თარგმანში ასეთი სათაური აქვს: „ძისათუს, პირველსაუწყუნეთა მამისაგან შობილისა, თავი ა“. ეს საკითხავი გრიგოლ ღმრთისმეტყველის სხვა თხზულებებთან ერთად თვითონ ექვთიმეს მიერაა ქართულ ენაზე თარგმნილი (იხ. ხელნაწერები: A—1, გვ. 721—754; A—16, 222v—232r; A—92, 215r—234r)⁸.

რამ განაპირობა ის ფაქტი, რომ ექვთიმემ გრიგოლ ღმრთისმეტყველის თხზულებიდან ტექსტის გარკვეული მონაკვეთი ბასილი დიდის თხზულების ქართულ თარგმანში ჩართო? ჩვენი აზრით, ამისი მიზეზი ის უნდა იყოს, რომ ბასილის ზემოხსენებულ თხზულებაში („სარწმუნოებისათუს წმიდისა სამებისა“) ძალზე ცოტაა მოთხრობილი ძის ანუ ქრისტეს შესახებ⁹. გარდა ამისა, აქ არაფერი, ან თითქმის არაფერია ნათქვამი ქრისტეს განკაცების მიზეზსა და განკაცებაზე, ლეთაებრივთან ერთად მის ადამიანურ ბუნებაზე. როგორც ჩანს, ექვთიმე ვერ დააკმაყოფილა ამ საკითხავში ძის შესახებ მონათხრობმა და ამიტომაც ჩათვალა საჭიროდ მისი შეესება, თან ამ მიზნისათვის ისეთი ნაწარმოები აირჩია, რომელიც სწორედ ძის შესახებ იყო დაწერილი.

თვალსაჩინოებისათვის ერთმანეთის პარალელურად მოგვეყავს შესატყვისი ადგილები საკითხავებიდან „ძისათუს“... და „სარწმუნოებისათუს წმიდისა სამებისა“:

ძისათუს...

სარწმუნოებისათუს წმიდისა სამებისა

(A—1, გვ. 748—754)

(H—2251, 414v—416v)

ღმერთი ჩემიო და ღმერთი თქუენიო, და თუ მამაი ჩემი ჩემსა უფროას არს, და დამტკიცებამ, და ვითარმედ უფალ ყო იგი ღმერთმან, და რომე-

და ვითარმედ ღმერთი ჩემი და ღმერთი თქუენი და მამაი უზეშთავს არს ჩემსა. და დაბადებამ და ქმნამ და წმიდა-ყოფამ და მონე-

⁸ წყაროს შემდეგნაირად მივთვით: „სამების“ საკითხავის ჩანართ ნაწილში სიტყვამ „ტარიკი“ მიიქცა ყურადღება. დავინტერესდით, დასტურდებოდა თუ არა „ტარიკის“ ფონეტიკური ვარიანტი „ტარიკი“ სხვაგანაც. ილ. აბულაძის „ძველი ქართული ენის ლექსიკონში“ სიტყვა „უგმობელთან“ A—92 ხელნაწერიდან დამოუშვებელი ციტატა „ვითარცა ტარიკი უგმებელ იყო“ მთლიანად იმეორებდა ჩვენი საკითხავის შესაბამის ადგილს. ამ ფრაზის მიხედვით, ინტერპოლაციის წყაროს A—92 ხელნაწერში დაუუწყეთ ძებნა და მართლაც იქ აღმოჩნდა.

⁹ ამ ჩანართის გარეშე მამისა და სულიწმიდის შესახებ მონათხრობი სამჯერ აღემატება ძის შესახებ მონათხრობს.



ლი-იგი მამამან წმიდა ყო და მოავლინა სოფლად. თქუ, უკუეთუ გნებავს, მონებავცა და მორჩილებამ და სწავლამ და მცნებისა მოღებამ და ვითარმედ არა კელ-ეწიფების საქმედ თავით თვისით, და ვითარმედ საშჯელი მოსცა ძესა. ამას ყოველსა ზედა თქუ: უმეცრებამ დღისამ მის, თქუ: მორჩილებამ, ლოცვამ კითხვამ, წარმატებამ, სრულებამ. წარმოთქუ, გნებავს თუ, რამიგი ამათცა სიტყუათა უმდაბლეს არს: დაძინებამ, შემშვევამ, მაშურალობამ, ცრემლობამ, შეურევებამ, შეწუხებამ, ნუჟუჟე აყუედრო ჭუარცუმამცა და სიკუდილი.

რამეთუ აღდგომასა და ამაღლებასა თანა-წარჰვდები. და სხუამ მრავალი შემოჰკრიბო ცუდად მეტყუელებამ შემზადებად გმობისა სიტყუათა შენისა მის მრწემისა ღმრთისათუს, ხოლო ჩუენდა ჭეშმარიტისა და სწორისა და თანა-არსისა მამისა თანა, რომლისა მართლ აღსაარებად არა გნებავს, არცა ღირს ხარ.

ხოლო ამათ ზემო-წერილთა სიტყუათა არა ძნელ არს თითოეულისა განმარტებად და გამოცხადებად ძალი მათი, რამთა არა უმეცრებისაგან შეჰბრკოლდებოდი. უკუეთუ ოდენ უმეცრებისაგან შეჰბრკოლდები და არა ნებსით ბოროტის მომპოვნებელ ხარ. აწ უკუე გნებავს თუ მართლ-მორწმუნეობამ, ერთი პირი ესე იპყარ: მაღალთა მათ და ღმრთივ-შუენიერთა სიტყუათა მიაჩემებდი ღმრთობასა და ბუნებასა მას უზეშთაესსა ყოვლისა ვნებისა და კორციელისა წესისასა, ხოლო მდაბალთა მათ სიტყუათა — ჩუენთუს განჯორციელებულსა მას და განკაცებულსა, რომელმან ცხოვრებისათუს ჩუენისა ივნო კორცითა, დაეფლა და აღდგა და ამაღლდა, რამთა ჩუენ აღგუამაღლნეს და გუასწაოს გულისცემის-ყოფამ საღმრთომ. რამთა არა ხილულთა ამით და სოფლიოთა შინა დაეშთებოდით, არა-

ბამ და მორჩილებამ და მიცემამ და სწავლამ და მცნებისა მოღებამ და უმეცრებამ და ლოცვამ და კითხვამ და სრულ-ყოფამ და ამათსა უდაბლესნიცა იგი საქმენი: დაძინებამ, შიმშილი, დაშურომამ, ცრემლობამ, შეურევებამ, დამალვამ, გინა თუ ჭუარცუმამ და სიკუდილი.

რამეთუ ამის ყოვლისამ უკუეთუ გუენებოს, არა ძნელ არს თითოეულისა კეთილად თარგმნებამ, რამთა არა სცთებოდი. არამედ გეტყვ მოკლედ, რამთა მაღალთა მათ საქმეთა გულისცემაჰყოფდე ღმერთებებისათუს და უვნებელისა მის და უჯორცომსა ბუნებისა. ხოლო მდაბალთა მათ — კაცებისათუს, რომელი-იგი ჩუენთუს განკაცნა და კორციელ იქმნა, და ამაღლდა, რამთა ჩუენცა აღგუამაღლოს და გუასწავოს გულისცემის-ყოფამ, რამთა უწყოდით, თუ რამ არიან სიტყუანი იგი, ბუნებისათუს მისისა თქუმულნი, და რანი არიან განგებულებისათუს. რამეთუ რომელი-იგი კაც იქმნა, უნიეთო იყო და უჯორცო; და რამ-იგი იყო,



მედ აღპყრობილ ვიყვნეთ უხილავთა თანა და უწყოდით, თუ არიან სიტყუანი საღმრთოჲსა ბუნებისათჳს თქუმულნი, ანუ რომელნი არიან სიტყუანი კაცობრივისა განგებულებისანი. რამეთუ სახიერი ესე და ტყბილი უფალი, რომელი აწ შენდა შეურაცხ არს, მ შეურაცხო და დაბეჭულო, პირველითგან მაღალი და დბითა ღთებისაჲთა დიდებულო, განჯორცილებული ესე და განკაცებული, უჯორცო იყო და უნივთო. რაჲ-იგი იყო, ეგო უცვალებელად და რაჲ-იგი არა იყო, შეიშოსა.

პირველითგან იყო უზეშთაეს ყოვლისა მიზეზისა, რამეთუ რამცა იყო ნივთიერი მიზეზი ღმრთისაჲ? ხოლო უკუანაჲსკენლ იქმნა მიზეზისათჳს. ხოლო მიზეზი იგი განკაცებისა მისისაჲ იყო ცხორებისათჳს კაცთაჲსა, რომელთაგანი ხარ შენცა, მგმობარი ეგე, რომელი ამისთჳს შეურაცხ-ჰყოფლთებასა.

რამეთუ სიზრქე კაცებისაჲ თავს-იდვა შუვა-მდგომელობითა გონებისაჲთა, შეერთო ჯორცთა კაცობრივთა და ღმერთი კაც იქმნა და კაცებაჲ ღმერთყო, რამეთუ შეიერთა და ერთგუჲმ იქმნა ორთა ბუნებათაგან და უაღრესმან სძლო. რაჲთა ღმერთ მყოს მე, ვითარ იგი კაც იქმნა.

იშვა ჩუენთჳს, გარნა შობილ იყო წინა საუკუნეთა. დედაკაცისაგან ქალწულისა უხრწნელისა შობაჲ კაცობრივი იყო, ხოლო უთესლოდ და უხრწნელად შობაჲ საღმრთოჲ, იყო, უმამოჲ შობაჲ ესე, ხოლო ღმრთებრი იგი — უდედოჲ. ორივე ღმრთივე დიდებულ არს.

საშოსა ქალწულისასა დაიტი და უტევენელი, არამედ იცნა წინაწარმეტყუელმან მუცლადღებულმან, რომელი-იგი ჰკრთებოდა საშოსა შინა დედისასა და თაყუანის-სცემდა უფალსა

ეგრეთვე ეგო და რომელი არა იყო, მიილო.

პირველითგან იყო უმიზეზოდ, რამეთუ რამცა იყო მიზეზი ღმრთეებისაჲ? არამედ უკუანაჲსკენლ იქმნა მიზეზისათჳს. ხოლო მიზეზი იგი იყო ცხორებაჲ ჩუენი.

რომელმან მიილო სიზრქე ესე ჯორცთაჲ ამით შუამდგომელობითა გონებისაჲთა, შეერთო ჯორცთა და იქმნა კაც. და მღაბალი იგი აღამაღლა და იქმნა ორივე ერთ. რამეთუ უმჯობესმან მან სძლო, რაჲთა მე ესეჯომ ღმერთ ვიქმნა, რაჲჯომ იგი კაც იქმნა.

და იშვა, არამედ შობილცა იყო, დედაკაცისაგან გამოჩნდა, არამედ ქალწულისა, ესე კაცობრივ არს და იგი ღმრთებერ; აჟა უმამო იქმნა და მუნ უდედო იყო. ესე ყოველი ღმრთებერი არს.

მუცლად-ღებულ იქმნა, არამედ იცნა იგი წინაწარმეტყუელმან მუცლად-ღებულმან, რომელი ჰკრთებოდა წინაშე სიტყუსა მის, რომლისათჳს იქმნა. შეიხუა, არა-



თხსა. სახუეველითა შეიხვა ჩჩულებრ, გარნა სახუეველნი განიყარნა საფლავისანი და აღდგა კელმწიფებით, ბაგასა მიიწვინა, არამედ ანგელოზთა მიერ •დიდა და ვარსკულავისა მიერ ეუწყა და მოგუთა მიერ თაყუანის-იცა.

და ვითარ შენ ხილულისა მისთვის სცთები და ვერ გულისკმა-ჰყოფ უხილავსა?

ივლტოდა ეგვპტედ, არამედ შეგუ-სრნა ეგვპტისა იგი კერპნი; არა აქუნდა სახე, არცა ფერი სიკეთისაჲ ჰური-ათა მიერ, არამედ დავით იტყუს შუენი-ერად სიკეთითა უფროს ძეთა კაც-თასა; და მთასა ზედა გამობრწყინდა უმბრწყინვალეს მზისა, მომასწავებე-ლად მერმისა მის ბრწყინვალეობისა.

ნათელ-ილო, ვითარცა კაცმან, არა-მედ ცოდვანი დაჰკსნნა, ვითარცა ღმერთმან და განწმინდნა წყალნი. გა-მოიცადა, ვითარცა კაცი, არამედ მძლე ექმნა, ვითარცა ღმერთი. და ბრძანებს არა შეშინებად, რამეთუ უძლევიეს სოფლისადა.

მოემშია, არამედ გამოზარდნა ათა-სეულნი, და პური არს ცხორებისა და ზეცისაჲ; მოეწყურა, არამედ ლალატ-ყო; რომელსა სწყურის, მოვედინ ჩემ-და. და აღუთქუა მორწმუნეთა მოცე-მად წყაროჲსა ცხოველისა; დაშურა, არამედ მამურალთა და ტვრთ-მძიმეთა განმსუენებელი არს.

ჰრულოდა ძილითა, არამედ ზლუსა ზედა სუბუქად ვილოდა; და შეპრისხ-ნა ქართა და პეტრე დანთქმადი აღა-სუბუქა; მისცა ხარკი, არამედ თევზი-საგან. და მეუფე არს მეუფეთაჲ, სამა-რიტელად და ეშმაკეულად ეტყოდეს ბილწნი ჰურიანი. არამედ იკსნა იერუ-სალემით გარდამომაგალი იგი და ავა-ზაკთადა მიცემული; და ეშმაკთა იცნეს იგი და შეძრწუნდეს; და ლეგეონი

მედ სახუეველნი იგი საფლავისა-ნი დაუტევნა და აღდგა; ბაგას-მიიწვინა, არამედ ანგელოზთა მი-ერ იდიდა და ვარსკულავისა მი-ერ ეუწყა და მოგუთა მიერ თაყ-უანის-იცა.

ივლტოდა ეგვპტედ, არამედ შეგუ-სრნა ეგვპტისა იგი კერპნი; არა აქუნდა სახე, არცა ფერი ჰურიათა მიერ, არამედ დავით იტყუს შუენიერად სიკეთითა უფ-როს ძეთა კაცთასა; და მთასა ზედა გამობრწყინდა უმბრწყინ-ვალეს მზისა მოსწავებად მერმი-სა მის.

ნათელ-ილო, ვითარცა კაცმან, არამედ ცოდვანი დაჰკსნნა, ვი-თარცა ღმერთმან; განწმინდნა წყალნი; გამოიცადა, ვითარცა კაცი, არამედ სძლია, ვითარცა ღმერთმან, და ბრძანებს არა შო-სა, რამეთუ უძლევიეს სოფლი-სადა.

მოემშია, არამედ გამოზარდნა ათასეულნი, რამეთუ პური არს ცხორებისაჲ და ზეცისაჲ; მოეწყურა, არამედ ლალატ-ყო; რომელსა სწყურის, მოვედინ ჩემდა, და აღუთქუა მორწმუნეთა მიცე-მად წყაროჲსა; დაშურა, არამედ მამურალთა და ტვრთ-მძიმეთა განმსუენებელი არს.

დამძიმდა ძილითა, არამედ ზლუსა ზედა სუბუქად ვილოდა, და შეპრისხნა ქართა და პეტრე დანთქმადი აღასუბუქა, მისცა ხარკი არამედ თევზისაგან; და მეუფე არს მეუფეთაჲ, სამარი-ტელად ეშმაკეულად ეტყოდეს. არამედ იკსნა იერუსალემით გარ-და (მო)მაგალი იგი და ავაზაკთა-და მიცემული; და ეშმაკთა იც-



სულთა ბოროტთა დაანთქა; და ეშ-
მაკთ-მთავარი იხილა, ვითარცა ელვა
გარდამოვრდომილი; იქოლვებოდა,
არამედ არა შეიხებოდა; ილოცვიდა,
არამედ ისმენს ლოცვათა; ცრემლოო-
და, არამედ დააცხრენა ცრემლნი ყო-
ველთაგან. ჰკითხა, ვითარმედ: სადა
არს ლაზარე? რამეთუ კაცი იყო, არა-
მედ აღადგინა ლაზარე, რამეთუ ღმერ-
თი იყო.

განიყიდა სუბუქისა ფასისა, რამე-
თუ ოცდაათ ვერცხლად, არამედ მოი-
ყიდა სოფელი დიდითა მით სასყიდლი-
თა თვისისა სისხლისათა; ვითარცა
ცხოვარი კლვად მიიგუარა, არამედ
ჰმწყსიდა ისრაელსა და აწ ყოველსა
სოფელსა; ვითარცა ტარიგი უვმობელ
იყო, არამედ სიტყუა არს ჳმისა მის
მიერ ღაღადებისა უდაბნოს ქადაგებუ-
ლი; იგუემა და იწყლა, არამედ ჰკურ-
ნებს ყოველსა სენსა და ყოველსა ცი-
სად-ცისად გუემულეებასა; ძელსა შე-
ემშუქულა, არამედ ძელად ცხოვრე-
სად მოგუაქცინა; არამედ აცხოვნა ავა-
ზაკი, მის თანა ჳუარცუმული, და და-
აბნელა ყოველი სოფელი ჳამსა მის
ენებისა მისისასა; ძმარი სუა, ნავლი-
სა გემოა იხილა, ვინ? რომელმან-იგი
წყალი ღვინოდ გარდააქცია, რომელი
ბოროტისა მის გემოა-ხილვისა დამჳს-
ნელი არს, რომელი-იგი სიტკბოება
არს და ყოვლითურთ საწადელ.

მისცემს სულსა თვისსა, არამედ
ჯელმწიფება აქუს კუალად-მოღებად
მისა; და კრეტსაბმელი განიზო და
კლდენი განსთქდეს და მკუდარნი აღ-
დგეს.

მოკულა, არამედ ცხოველყოფელ
არს და დაჳსნა სიკუდილი სიკუდი-
ლითა; დაეფლა, არამედ აღდგა; ჳოჯო-

ნეს იგი; და ლეგეონი სულთა
ბოროტთა დაანთქა; და ეშმაკთ-
მთავარი იხილა, ვითარცა ელვა
გარდამოვრდომილი; იქოლვებო-
და, არამედ არა შეეხებოდა; ილოცვიდა,
არამედ ისმენს ლოც-
ვათა; ცრემლოოდა, არამედ და-
აცხრენა ცრემლნი ყოველთაგან.
ჰკითხა, ვითარმედ: სადა არს ლა-
ზარე? რამეთუ კაცი იყო, არამედ
აღადგინა ლაზარე, რამეთუ
ღმერთი იყო.

განიყიდა სუბუქისა ფასისა,
რამეთუ ოცდაათ ვერცხლად,
არამედ მოიყიდა სოფელი დი-
დითა მით სასყიდლითა თვისისა
სისხლისათა; ვითარცა ცხოვარი
კლვად მიიგუარა, არამედ ჰმწყსი-
და ისრაელსა და აწ ყოველსა
სოფელსა; ვითარცა ტარიგი
უვმობელ იყო, არამედ სიტყუა
არს ჳმისა მის მიერ ღაღადებისა
უდაბნოს ქადაგებული; იგუემა
და იწყლა, არამედ ჰკურნებს ყო-
ველსა სენსა და ყოველსა ცისად-
ცისად გუემულეებასა; ძელსა შე-
ემსუქულა, არამედ ძელად ცხო-
ვრებისად მიგუაქცინა; არამედ
აცხოვნა ავაზაკი, მის თანა ჳუარ-
ცუმული, და დააბნელა ყოველი
სოფელი; ძმარი სუა, ნავლისა
გემოა იხილა, ვინ? რომელმან-
იგი წყალი ღვინოდ გარდააქცია,
რომელი ბოროტისა მის გემოა-
ხილვისა დამჳსნელი არს, რომე-
ლი-იგი სიტკბოება არს და ყო-
ვლითურთ საწადელ.

მისცემს სულსა თვისსა, არამედ
ჯელმწიფება აქუს კუალად-მო-
ღებად მისა; და კრეტსაბმელი
განიზო და კლდენი განსქდეს და
მკუდარნი აღდგეს.

მოკულა, არამედ ცხოველსყო-
ფელ არს, და დაჳსნა სიკუდი-
ლი სიკუდილითა; დაეფლა, არა-



ხეთად შთავიდა, არამედ აღმოიყვანა მუნ მყოფნი სულნი და ზეცად ამალადა. და მოვიდეს შჯად ცხოველთა და მკუდართა.

მედ აღდგა; ჯოჯოხეთად შთავიდა, არამედ აღმოიყვანა მუნ მყოფნი სულნი და ზეცად ამალადა. და მოვიდეს განსჯად ცხოველთა და მკუდართა.

შედარება გვიჩვენებს, რომ „სამების“ ტექსტში ჩანართის პირველი ნახევარი (თავიდან ვიდრე აბზაცამდე „ივლტოდა ეგვბტედ“) გარკვეულად სხვაობს „ძისათს“... საკითხავის შესაბამისი ნაწილისაგან და მასთან შედარებით უფრო მოკლეცაა, იმ დროს, როდესაც II ნახევარი (აბზაციდან „ივლტოდა ეგვბტედ“ — ბოლომდე) თითქმის სიტყვასიტყვით იმეორებს თავის შესატყვისს იმავე „ძისათს“... საკითხავში.

ექვთიმეს რომ გრიგოლ ღმრთისმეტყველის თხზულებები უფრო ადრე ეთარგმნა, ვიდრე ბასილი დიდის ჰომილიები (=სწავლანი), მაშინ ვიფიქრებდით, რომ ექვთიმემ ბასილი დიდის „სარწმუნოებისათს წმიდისა სამებისას“ თარგმანში ინტერპოლაციისათვის წყაროდ გამოიყენა თავის მიერვე თარგმნილი „ძისათს“... ტექსტი, რომლის ერთი ნაწილი გამოკრიბა, ზოლო დანარჩენი სიტყვასიტყვით გადაიტანა. მაგრამ, როგორც ცნობილია, ექვთიმეს ბასილის ჰომილიები გაცილებით ადრე აქვს თარგმნილი, ვიდრე გრიგოლ ღმრთისმეტყველის თხზულებები¹⁰.

არც იმის დაშვება შეიძლება, თითქოს ექვთიმემ გრიგოლ ღმრთისმეტყველის თხზულების „ძისათს“... თარგმნისას ტექსტის ეს მონაკვეთი თავისი ინიციატივით განავრცო და განასხვავა ბერძნული წყაროსგანაც და, მასადადამე, „სამების“ საკითხავში უკვე ჩართული მონაკვეთისგანაც, რადგან ამგვარი ვარაუდის დაშვებას თვითონ ბერძნული წყარო ეწინააღმდეგება.

აქვე უნდა შევნიშნოთ, რომ ბერძნულ წყაროზე, რომელიც ამ თარგმანის შესრულების დროს ექვთიმეს ხელთ უნდა ჰქონოდა, დღეს ჩვენ ხელი არ მიგვიწვდება. მინის პატროლოგიაში გამოქვეყნებულ რედაქციაში კი, რომელიც შესაძარებლად გამოვიყენეთ¹¹, ასეთი სურათი შეინიშნა: ბერძნული ტექსტი ჩვენთვის საინტერესო ნაწილში (საქმე ეხება ამ მონაკვეთის I ნახევარს) ზოგი წაკითხვით „სამების“ საკითხავის ინტერპოლაციას უჭერს მხარს, ზოგით კი — „ძისათს“... საკითხავის შესაბამის ადგილს.

ასე მაგ., ბერძნულ წყაროში პოულობს შესატყვისს „ძისათს“... საკითხავის რამდენიმე აბზაცი, რომელიც ინტერპოლაციის ტექსტში საერთოდ არა ვაჟაქვს:

„რამეთუ აღდგომასა და ამალღებასა თანა-წარჰკვდები. და სხუად მრავალი შემოჰკრიბო ცუდად მეტყუელებად

τῆς γὰρ ἔγεραις καὶ τῆς ἀνάληψις παρήσει... Πίπλα δ' ἂν ἔτι παρὲς τούτοις παρεμίσγηται, εἰ

¹⁰ ბასილი დიდის ჰომილიები ექვთიმე ათონელის მთარგმნელობითი მოღვაწეობის ყველაზე ადრეულ ხანას განეკუთვნება. კ. კეკელიძე ქართულ ენაზე მათ თარგმნას 977 წლისათვის ვარაუდობს. კ. კ ე ლ ი ძ ე ძ ე. ქართული მწერლობის ისტორია, I, გვ. 164, სქ. 2.

¹¹ ეს საკითხავი გრიგოლ ღმრთისმეტყველის სხვა თხზულებებთან ერთად, გამოცემულია Patrologiae graecae-ს XXXVI ტომში სათაურით Παρὶ Υἱοῦ, A, გვ. 73—104.



შემზადებულ გამობისა სიტყუათა შენი-
სა მის მრწემისა ღმრთისათუს, ხოლო
ჩუენდა—ქეშმარიტისა და სწორისა და
თანა-არისისა მამისა თანა“.

πιστις σου: θεία: τὸν θεόν
მეზუ დაი პარέყრაπτον, ἡμῶν δὲ
ἀληθινόν, καὶ θεό: μόνον τῷ Πατρὶ.

ა გ რ ე თ ვ ე :

„და ვითარ შენ ხილულისა მისთვის
სტეები და ვერ გულისკმა-პყოფ უხი-
ლავსა?“

πῶς σὺ προπαταίεις τῷ βλαπο-
μενῷ, μὴ σκοπῶν τὸ νοσεύμενον?

სხვა შემთხვევაში ბერძნული წყაროს წაკითხვა ინტერპოლაციას უჭერს
მხარს და „ძისათუს“... საკითხავის ქართული თარგმანისაგან სხვაობს:

ი ნ ტ ე რ პ ო ლ ა ც ი ა შ ი ა :

„ძისათუს...“ საკითხავშია:

„და იშვა, არამედ შობილცა იყო;
დედაკაცისაგან გამოჩნდა, არამედ
ქალწულისა; ესე კაცობრივ არს და
იგი ღმრთეებრ; აქა უმამო იქმნა და
მუნ უდედო იყო. ესე ყოველი ღმრთე-
ებრი არს. მუცლად-ღებულ იქმნა“.

იშვა ჩუენთვის, გარნა შობილ
იყო წინა საუკუნეთა. დედაკაცი-
საგან ქალწულისა უხრწნელისა
მობაჲ კაცობრივ იყო, ხოლო
უთესლოდ და უხრწნელად შო-
ბაჲ საღმრთოჲ იყო... უმამოჲ
შობაჲ ესე, ხოლო ღმრთეებრი
იგი — უდედოჲ. ორივე ღმრთივე
ღიდებულ არს. საშოსა ქალწუ-
ლისასა დაიტიჲ დაუტევენელი“.

ბერძნულშია: ἐγεννηθη μὲν ἀλλὰ καὶ ἐγεννηθη ἐκ ῥαιακῶς μὲν ἀλλὰ καὶ
παρθένου. Τὸντο ἀνθρώπινον, ἐξῆινο μένον. Ἀπάτωρ ἐντεμεν, ἀλλὰ καὶ ἀμήτωρ
ἐξείμεν. Ὁλον τῆντο μέστητες. Ἐχωρηθη μὲν.

ქართულ და ბერძნულ ტექსტებს შორის ამგვარი მიმართება მხოლოდ
შემდეგი ვარაუდის დაშვების საშუალებას იძლევა: ექვთიმეს თარგმანებში
ბასილი დიდის „სამების“ საკითხავის ინტერპოლაციაც (როგორც უკვე ით-
ქვა, საქმე ეხება ინტერპოლაციის I ნახევარს) და გრიგოლ ღმრთისმეტყველის
„ძისათუს“... ტექსტის შესაბამისი მონაკვეთიც ორი სხვადასხვა ბერძნული
წყაროს თავისებურებებს უნდა ასახავდნენ; ე. ი. ექვთიმეს ერთ შემთხვევაში
გრიგოლ ღმრთისმეტყველის „ძისათუს“... ტექსტის სხვა რედაქცია სკერია
ხელთ, მეორე შემთხვევაში კი—სხვა.

ექვთიმეს თარგმანებში რომ გრიგოლ ღმრთისმეტყველის „ძისათუს“...
საკითხავის ორი სხვადასხვა რედაქციაა წარმოდგენილი, ამ ფაქტს, სხვათა შო-
რის, ბიზანტიოლოგიის საკითხების, კერძოდ, გრიგოლ ღმრთისმეტყველის
თხზულებათა ბერძნული რედაქციების. კვლევითვისაც აქვს გარკვეული მნი-
შენლობა.

რაც შეეხება ინტერპოლაციის II ნახევარს, ამ ნაწილში ინტერპოლაცი-
ის ტექსტი და „ძისათუს“... საკითხავის შესაბამისი მონაკვეთი, როგორც და-



მოწმებული ტექსტებიდან ჩანს, ისე ზედმიწევნით მისდევენ ერთმანეთს, რომ მათგან ერთის მეორისაგან მომდინარეობა სრულიად აშკარაა. ამიტომ ამ წილისათვის განსხვავებული დასკვნა შეიძლება შევთავაზოთ მკითხველს: როგორც ჩანს, ექვთიმემ, რომელსაც „ძისათუს“... საკითხავიდან ეს მონაკვეთი აღრევე ჰქონდა თარგმნილი „სამების“ საკითხავისათვის, „ძისათუს“... საკითხავის მთლიანად თარგმნის დროს უკვე თარგმნილი ნაწილი პირდაპირ გადაიტანა ახალ თარგმანში.

ბუნებრივად ისმის კითხვა, რატომ მოხდა, რომ ექვთიმემ „ძისათუს“... საკითხავის მთლიანად თარგმნის დროს ტექსტის იმ მონაკვეთიდან, რომელიც აღრე ჰქონდა თარგმნილი „სამების“ საკითხავის ინტერპოლაციისათვის, I ნახევარი ახლიდან თარგმნა, ხოლო II ნახევარი უკვე თარგმნილისა გამოიყენა?

ჩვენი აზრით, ამის მიზეზი ბერძნული ტექსტი უნდა ყოფილიყო. ბერძნული წყაროს იმ რედაქციაში, რომელსაც ექვთიმე „ძისათუს“... საკითხავის მთლიანად თარგმნის დროს იყენებდა, ჩვენთვის საინტერესო მონაკვეთის II ნახევარი, ალბათ, ისეთივე იყო, როგორც „სამების“ საკითხავის ინტერპოლაციისთვის გამოიყენებულში. აღსანიშნავია, რომ მინის პატროლოგიაში გამოცემული ბერძნული ტექსტი ხსენებული მონაკვეთის I ნახევარში თუ ინტერპოლაციის ტექსტისგანაც სხვაობს და „ძისაგან“ — ...საკითხავის შესაბამის ნაწილისგანაც, II ნახევარში სიტყვასიტყვით ემთხვევა მათ.

ამგვარად, ბასილი დიდის ჰომილის „სარწმუნოებისათუს წმიდისა სამებისა“ ჩვენ მიერ განხილული თარგმანი კიდევ ერთი ნიმუშია ექვთიმეს „მთარგმნელობითი მუშაობისა, რომელსაც ახასიათებდა დიდი ერუდიცია და მეტად ორიგინალური მეთოდი შემატებისა და დაკლებისა“¹².

საგულისხმოა, რომ ბასილი დიდის „სამების“ საკითხავიდან გრიგოლ ღმრთისმეტყველის „ძისათუს“... საკითხავში უკუსესხების კვალიც შეინიშნა. ინტერპოლაციის მომდევნო ერთი აზნაცი, რომელიც ნამდვილად „სამების“ საკითხავის კუთვნილებაა, რატომღაც, „ძისათუს“... საკითხავის ქართულ თარგმანშიც აღმოჩნდა.

„ს ა მ ე ბ ი ს“ ს ა კ ი თ ხ ა ვ შ ი ა :

„ძისათუს“... საკითხავშია:

და ესრეთ ესევეთარნი ესე სიმდაბლისა სახენი სიტყუანი ნუმცა მოგცემენ მიზეზსა დამდაბლებად ღმრთეებასა მას მხოლოდშობილისასა. (რამეთუ არა თუ დამდაბლებად იგი მისი შენისა უძლურებისა მომართ დაკლება არს პატივისა მის ძლიერისაჲ მის). არამედ ბუნებასა მისსა გულისგმა-ჰყოფდი საღმრთოდ, ხოლო მდაბალთა მათ სიტყუათა შეიწყნარებდი კაცებისა მის მისისათუს“ (H—2251, 417r).

და ესრეთ ესევეთარნი ესე სიმდაბლისა სახენი სიტყუანი ნუმცა მოგცემენ მიზეზსა დამდაბლებად ღმრთეებასა მას მხოლოდშობილისასა. არამედ ბუნებასა მისსა გულისგმა-ჰყოფდი საღმრთოდ, ხოლო მდაბალთა მათ სიტყუათა შეიწყნარებდი კაცებისათუს.

(A—1, გვ. 754).

¹² კ. კ ე ლ ი ძ ე, ექვთიმე ათონელის მთარგმნელობითი მოღვაწეობის ერთი ნიმუში..., გვ. 267—268.

„სამების“ საკითხავის ბერძნულ წყაროში: *καὶ δεα τοιαῦτα μὴ σοὶ παρεχέτω ἀφορμὰς πρὸς τὸ καταμικρύνειν τοὺς Μονογενεὺς τὴν θεότητα. Οὐ γὰρ ἡ πρὸς τὸν ἄσθενὲς συγκατάβασις ἐλάττωσις ὀφείλει γίνεσθαι τῆς ἀξίας τοῦ δυνάτου.* Ἄλλὰ τὴν μὲν φύσιν νόμι θεοπραπῶς, τὰ δὲ ταπεινότερα τῶν ἰημάτων δέχου οἰκονομικῶς (P. G. Ὁ. XXXI, გვ. 468).

ეს ფაქტი შეიძლება შემდეგნაირად აიხსნას: როდესაც ექვთიმეს „ძისათუს“... საკითხავის ზემოქსენებული მონაკვეთი „სამების“ საკითხავის მისეულთა თარგმანიდან „ძისათუს“... საკითხავის ახალ (მთლიან) თარგმანში გადაჰქონდა, მან ამ მონაკვეთს, როგორც ჩანს, თან გადააყოლა „სამების“ საკითხავის კუთვნილი ეს ერთი აბზაციც.

Ц. И. КУРЦИКИДЗЕ

ЕЩЕ РАЗ О ПЕРЕВОДЧЕСКОМ МЕТОДЕ ЕВФИМИЯ ИВЕРА

(Резюме)

Ефрем Мцире, грузинский писатель конца XI века, так характеризует переводческий метод Евфимия Ивера: «Он благодатью духа святого имел власть и сокращать и прибавлять».

К. Кекелидзе выявил несколько произведений, переведенных Евфимием Ивером не в том виде, в каком они предлежали в оригинале: «Имея ввиду умственные запросы своих соотечественников, он кое-что выкидывал из переводимых им сочинений, привносил сведения и из других источников, или комбинировал по-своему отделы и параграфы в них» (К. Кекелидзе).

К числу таких произведений относится и гомилия Василия Великого «О вере святой троицы». В грузинском переводе этого произведения нами выявлена вставка из чтения Григория Богослова «О сыне».

Причиной этой интерполяции, по нашему мнению, является тот факт, что в гомилии «О вере святой троицы» почти ничего не говорится о двух природах Христа. Именно этот пробел восполнен Евфимием Ивером в переводе гомилии.

ლიანა ახოზაძე

ეფრემ ასურის სახელით ცნობილი ერთი თხზულების გამო

რამდენიმე ძველ ქართულ ხელნაწერში შემონახულია ეფრემ ასურის სახელით ცნობილი ერთი აგიოგრაფიული თხზულება, რომლის სათაურია „აბრაჰამ მონაზონისათვის და ძმისწულისა მისისა მარიამისთვის“. ეს თხზულება გვაქვს შემდეგ ხელნაწერებში: ბოდლ. 1 (1038—1040 წ.), A—95 (XI ს.), S—300 (1779 წ.), H—1370 (1871—1884 წ.), A—1121 (1854 წ.). ყველა ხელნაწერში, გარდა მრავალთავისა A—95, დასახელებული თხზულება ეფრემ ასურს მიეწერება. მრავალთავი A—95 ავტორს საერთოდ არ ასახელებს.

ტექსტზე მუშაობის დროს ჩვენი ყურადღება მიიქცია იმ გარემოებამ, რომ რამდენიმე ადგილას იხსენიება ეფრემი.

I. მარიამის კოდების დროს:

„ვამე, სადამე არიან მოძღურებანი იგი წმიდისა მის მამის ძმისა ჩემისანი? ანუ სადა არიან სწავლანი იგი ეფრემისნი, მოყუისისა მისისანი, რაყამს მასწავებელ მე და მეტყუელ“, ბოდლ. 1. 441v.

II. აბრაჰამი მიმართავს მარიამს:

„შვილო ჩემო, რამსათვის არა მითხარ, ოდეს იგი სცოდე და მემცა ვევედრე ღმერთსა შენ წილ საყუარელისა მის ჩუენისა ეფრემის თანა“, ბოდლ. 1, 444v.

III. აბრაჰამი მიმართავს მარიამს:

„აჰა ესერა საყუარელიცა ჩუენი ეფრემ ტირს და ევედრების შენთვის ღმერთსა“, ბოდლ. 1, 445r.

ეფრემის ხსენება, და თანაც ასეთ კონტექსტებში, მის ავტორობას საეჭვოს ხდის. ეფრემი ყველგან და ყოველთვის თავის სიმცირესა და უძლურებაზე ლაპარაკობს:

„ვამე ცოდვილსა! რამე ესე მყის იქმნა ჩემ ზედა უბადრუკისა, ვითარ წარკვდა ცხოვრება ჩემი მედგრობით“, Sin—97, 117r.

„ყოველთა თქუენ გევედრები და ყოველთა შეგივრდები მე, ცოდვილი ესე და არალირსი მონაჲ, დასთხინით ცრემლნი ჩემთვის, უღებისა, ლოცვასა შინა თქუენსა“, Sin—97, 118r.

ასეთი ფრაზები ჩვეულებრივია ეფრემისთვის და ამის გამო არაბუნებრივად გვეჩვენება ზემოთ მოტანილი სიტყვები.

გვაქვს „აბრაჰამის ცხოვრების“ მეტაფრასული რედაქცია, რომელიც სკამეონ მეტაფრასტის სახელს უკავშირდება. თხზულება წარმოდგენილია შემდეგ ხელნაწერებში; S—1276 (XI—XIII ს.), A—1053 (XII ს.), ქუთ. 4



(1565 წ.). თხზულების სრული სათაურია: „ცხოვრება და მოქალაქობა მწიგნობარისა და ნეტარისა მამისა ჩუენისა აბრაჰამისა“. ავტორი არცერთ ხელნაწერში არ არის დასახელებული.

რა მიმართებაა ამ ორ თხზულებას შორის?

მეტაფრასული „ცხოვრება“ მოგვიტოვებს აბრაჰამ მონაზონის (IV ს.) ცხოვრებას ბავშვობიდან მოყოლებული სიბერემდე. ბოლოს ერთვის აბრაჰამისა და მისი ძმისწულის, მარიამის, ისტორია. ეს დანართი შინაარსობრივად ემთხვევა ცალკე თხზულებად წარმოდგენილ აბრაჰამისა და მარიამის ცხოვრებას, იგი ამ უკანასკნელის ე. წ. მეტაფრასს წარმოადგენს. თუ რამდენად ახლოს დგას ეს ორი ტექსტი ერთმანეთთან, მოვიტანთ ორიოდ მგალობის (პირველად მოგვაქვს კიმენური ტექსტი, შემდეგ—მეტაფრასული):

„მოიყვანეს ყრმა იგი მეცნიერთა მისთა და მოჰკუარეს მამის ძმისა მისსა, რამეთუ იყო იგი შუდისა წლისაჲ“, A—95, გვ. 1285.

„მოიყვანეს მამის ძმისა მისისა ნეტარისა აბრაჰამისსა, ხოლო იყო ქალი იგი შუდისა წლისაჲ“, A—1053, 235v.

„რომელი გამოვიდოდა ადგილით თუსით და მოვიდა ვიდრე სახლადმდე ნეტარისა მის და ჰოვა ტრედი სპეტაკი და შთანთქა იგი და მიიქცა ადგილსავე თუსსა“, A—95, გვ. 1288.

„რომელი გამოვიდა კურელთაგან თუსთა და შევიდა სენაკსა მისსა და შთანთქა ტრედი იგი, რომელი იყო მას შინა და კულად იქცა მიერ კურელსავე თუსსა“, A—1053, 237v2.

„უწოდა მას ერთგზის და ორგზის“, A—95, გვ. 1288.

„აბრაჰამი კმობდა: მარიამ, შეილო მარიამ!“ A—1053, 238r.

მეტაფრასულ ტექსტშიც იხსენიება ეფრემი, მაგრამ მხოლოდ ორჯერ:

„რად არა მეყსა შინა განაქიქე ჩემ თანა სიბოროტე იგი დაცემისაჲ, რათამცა მე და მეგობარი შენი ეფრემ ცრემლით ვედრებულ ვიყვენით ღმრთისა და შენთს“, A—1053, 242r2.

„აჰა ეგერა საკურველიცა ეფრემ სირცხულითა და მწუხარებითა აღსავსე არს შენთს“, A—1053, 243v1.

ბერძნულში გვაქვს ორივე ქართული რედაქციის, როგორც კიმენურის, ისე მეტაფრასულის, შესატყვისი. კიმენური ტექსტი გამოცემულია ასემანის მიერ¹. თხზულების სათაურია: *Τὸν ἀγίου πατρὸς ἱεροῦ Ἐφραίμου τῶν Σύρων εἰς τὸν βίον τοῦ μακαρίου Ἀβραάμου, καὶ τοῦ ἀγαπίου ἀδελφοῦ Μαρίας*“.

ეს თხზულება წარმოადგენს აბრაჰამ მონაზონის ცხოვრების აღწერას და შედგება სამი ნაწილისაგან: პირველში მოთხრობილია აბრაჰამის ცხოვრების ამბები ბავშვობიდან მოყოლებული სიბერემდე, მეორეში — აბრაჰამისა და მარიამის ურთიერთობის ისტორია, იგი წარმოადგენს დანამატს დასრულებული თხზულებისას. მესამე ნაწილი თხზულებისა არის ის პატარა ჰომილია, რომელიც ქართულში ცალკე სტატიად გვხვდება რიგ ხელნაწერებში: Sin—97, Sin—25, A—95, A—1109. კრებულში Sin—25 სათაურად აქვს „სულთათუს“, ყველა დანარჩენ შემთხვევაში — „წმიდისა ეფრემის თქმული“.

¹ A s s e m a n i, Sancti Ephraem Syri Opera Omnia, 1743, G. II, p. 1—20.

ქართულში კიმენური რედაქციის მხოლოდ ორი, II და III, ნაწილი დასტურდება. ქართულის ბერძნულიდან მომდინარეობა ექვს არ იწვევს. თარგმანი ზუსტად მიჰყვება დედანს, უმრავლეს შემთხვევაში — სიტყვისიტყვივითაა კი. მაგ.:

„არა ვიცი, მმარხველ გრქუა შენ ანუ უღებ, ბრძენ ანუ არა ბრძენ, განმზარახველ ანუ განუზარახველ; რომელი ერგასისთა წელთა ფსიადასა ზედა მისწვი, ვითარ ეგევითარსა ცხედარსა ზედა დაშვდე“, ბოლღ. 1. 444r.

„Ὁὐκ οἶδα ἐργάτη, εἶπω σε, ἢ ἀνέμφορον; σοφὸν ἢ ἀσοφον; διακρίτικον ἢ ἀνδιακρίτον; ὁ εἰς πενήκοντα ἔτη γρόιον τῆς ἀσκήσεως ἀντὶ ἐνὶ ψαμίφω καμειδῆσας“, G. II, 16 D₄₋₇.

„ყოველთა შესავალსა შესუდე“, A—95, გვ. 1293. „ἐξ πανδοχείων κατήχηθη“. G. II, 16 E₃.

„მოვიდა ნეტარი ესე აბრაჰამ ადგილსა მას და შევიდა ყოველთა შესაკრებელსა მას“, A—95, გვ. 1290.

„Παραγενόμενος τῶντων εἰς τὸν τόπον, καὶ εἰσελθὼν εἰς τὸν πανδοχεῖον“, G. II, 15 A₆₋₈.

ქართველმა მთარგმნელმა ბერძნული სიტყვა *πανδοχεῖον*, რაც ნიშნავს სადგომს, ლამის გასათევს, ქარვასლას², თარგმნა, როგორც ყოველთა შესაკრებელი (*παν*—ყოველი, *δοχεῖον*—შეკრება).

როგორც მოსალოდნელი იყო, ბერძნულ კიმენურ ტექსტში მოხსენიებულია ეფრემი სამ ადგილას, ზუსტად ისევე, როგორც ქართულში:

I. Πῶς ἢ διδαχάμεθα σὺν ἑταίροις ἀντὶς Ἐφραῖμ, ὅτι ἔλεγε μοι, G. II, 13 D₁₋₂.

II. Διατὶ οὐκ ἐδήλωσάς μοι ὅτι καταγίεις ἀδὸς κατήχησάς σοι; κἀγὼ ἄν, μετὰ τὸν Ἐφραῖμ, ἐβόησα πρὸς τὸν θνατόμενον σε σώλειν ἐκ θανάτου, G. II, 17 B₂₋₅.

III. Ἴδὸς γὰρ καὶ ὁ ἀγαπητὸς ἡμῶν Ἐφραῖμ κλάει περὶ σου καὶ παρακαλεῖ τὸν Θεὸν ὑπὲρ σου, G. II, 17 E₄₋₆.

აქვე აღვნიშნავთ, რომ არსებობს აბრაჰამის ცხოვრების რუსული თარგმანი. ეს არის კიმენური ტექსტი «Жизнь Служенного Авраамия и племяннишы его Марин», ზუსტად ისეთივე შედგენილობისა, როგორც ბერძნული კიმენური ტექსტი³.

აბრაჰამის ცხოვრების მეტაფრასული რედაქცია, როგორც უკვე აღვნიშნეთ, ეკუთვნის სუმეონ მეტაფრასტს, იგი გამოცემულია Migne-ს რედაქციით: „Vita et conversatio s. p. n. Abramii confessoris et Mariae neptis eius. Quam Symeon Metaphrastes ex s. Ephraem videtur fusius descripsisse“.

მეტაფრასული რედაქცია შედგება მხოლოდ I და II ნაწილებისაგან, ე. ი.

² ი. აბულაძე, ძველი ქართული ენის ლექსიკონი, 1973.

³ Творения иже во сѣгъныхъ отца наше го Ефрема Сирина, М., 1849, с. 86—115.

⁴ Migne, PG CXV, p. 41—78.

აბრაჰამის ცხოვრების ისტორიას მეორე ნაწილად ერთვის ამბავი იმისა, როგორ მოაქცია „მეძვობისაგან“ აბრაჰამმა მისი ძმისწული მარიამი.

ასეთივე შედგენილობისაა ქართული მეტაფრასული ცხოვრება, იგი ბერძნულიდან მომდინარეობს, თუმცა ის ბერძნული ტექსტი, რომელიც Migne-ს გამოცემაში ვეაქვს, ქართული ტექსტის უშუალო წყაროს არ წარმოადგენს.

ეფრემი ნახსენებია ორ ადგილას:

„Διατι μη τὸ χάλειπὸν ἔκεινο πῶμα παρὰ πόδας εἰς τὸ ἐπιρύψεσθαι; πάντως ἂν ἔγω σοι καὶ ὁ φίλος Ἐφραίμ δάκρυσι καὶ δαήσει τὰ πόδες τὸν Θεὸν διεπρᾶψεσθαι μὲν“, PG CXV, 73 B.

„Ἰδὸς γὰρ καὶ τὸν θεὸν Ἐφραίμ, ἀναχύνῃ διὰ σὲ κατέχει καὶ ἀθύριζέ δὲ ὡς ἦν ἄναπνεύσει καὶ τῆς χάλειπῆς τᾶν τῆς ἐπὶ σοὶ κατηφείας ἀπαλλαγῆσαι“, PG CXV, 76 B.

აბრაჰამის ცხოვრების კიმენური რედაქცია შექმნილია სირიულ ენაზე და ხელნაწერები ეფრემ ასურს მიაწერენ. მაგრამ სამეცნიერო ლიტერატურაში ეფრემის ავტორობა ეპვს იწვევს. თვლიან, რომ სირიული ცხოვრება დაწერილია ეფრემ ასურის გარდაცვალების შემდეგ მისი რომელიმე მოწაფის მიერ⁵.

აბრაჰამის ცხოვრება სირიულ ენაზე გამოცემულია Th. Lamy-ს მიერ ჟერ „Analecta Bollandiana“-ში (1891 წ.)⁶, შემდეგ კი—ეფრემ ასურის თხზულებათა კრებულში⁷.

ის, ვინც თვლის, რომ სირიული თხზულება ნამდვილად ეფრემ ასურს ეკუთვნის, მიუთითებს ოთხ სირიულ ხელნაწერზე, რომელთაგან ყველაზე ძველი მიეკუთვნება V—VI სს. სირიული ტექსტის ბოლოს ასეთი მინაწერია: უკანასკნელ ხოტბას ვასხამთ ნეტარებას ფსალმუნთა, საეკლესიო საგალობლებისა და იმ მადრაშეთა (საგალობელთა) გალობის ქვეშ, რომლებიც ეფრემმა შეთხზა⁸.

რას გულისხმობს ეს მინაწერი? ჩვენი აზრით, იგი უნდა ეხებოდეს რომელიღაც საგალობელს, შესხმას, რომელიც ეფრემის მიერ არის შეთხზული.

ალსანიშნავია, რომ ეფრემ ასურს 15 საგალობელი, ე. წ. მადრაშე, აქვს მიძღვნილი აბრაჰამისადმი. ამ საგალობლებში ეფრემი ხოტბას ასხამს აბრაჰამს მისი ასკეტური ცხოვრების გამო, აქებს მის მოღვაწეობას ქრისტიანობის გავრცელებისათვის, ეკლესია-მონასტრების მშენებლობისათვის. ეს ჰიმნები სირიულ ენაზე გამოცემულია Th. Lamy-ს მიერ⁹, იგი ეყრდნობა VI—VII სს. ლონდონურ ხელნაწერებს. ეფრემის ეს საგალობლები ქართულში არ ჩანს.

სირიული თხზულების მინაწერი გულისხმობს, რომ ეფრემს უნდა ეკუთვნოდეს პოეტური ნაწილი ამ თხზულებისა, რომელიც ქართულში არცერთ რედაქციაში, არც კიმენურში და არც მეტაფრასულში, არ არის.

მაგრამ აბრაჰამის ცხოვრების ბერძნული (და აგრეთვე სირიული) კიმენური ტექსტი შედგება სამი ნაწილისაგან: I—აბრაჰამის ცხოვრების ისტორია ბავ-

⁵ O. Bardenhever, Geschichte der altkirchlichen Literatur, 1962, IV, 371.

⁶ Analecta Bollandiana 10 —(1891), p. 5—49.

⁷ Th. Lamy, S. Ephraem Syri Hymni et Sermones, 4, p. 1—84.

⁸ O. Bardenhever, Geschichte der altkirchlichen Literatur, 1962, IV, 370—

371.

⁹ Th. Lamy, S. Ephraem Syri Hymni et Sermones, 3, p. 749—836.

შეგობიდან მოყოლებული სიბერემდე; II—ამბავი იმისა, თუ როგორ მოაქცია „მეძვობისაგან“ აბრაჰამმა მისი ძმისწული მარიამი; III—პოეტური ნაწილი.

საფიქრებელია, რომ სირიული თხზულების მინაწერი ეხება მხოლოდ III ნაწილს. ეს ნაწილი ქართულში მხოლოდ ცალკე გვხვდება რიგ ხელნაწერებში: Sin—97 (X ს.), A—95 (XI ს.), A—1109 (X ს.), Sin—25 (XI—XII სს.), ამათგან Sin—25 ყველაზე გვიანდელია. იგი შეიცავს ეფრემ ასურის სამ თხზულებას: ერთი — „სინანულისათჳს“ გვაქვს კიდევ კრებულში Sin—97, მაგრამ Sin—25-ში წარმოდგენილი ტექსტი ბევრად უფრო მოკლეა.

მეორე თხზულება — „მარზვისათჳს და სინანულისა“ ბლონაკლულია ხელნაწერის დეფექტის გამო. შემდეგ მოსდევს ის პატარა ჰომილია, რომელიც მესამე ნაწილად გვაქვს ბერძნულ კიმენურ რედაქციაში. მას აქ სათაურად აქვს „სულთათჳს“.

უფრო საინტერესოა ძველი ხელნაწერების მონაცემები: კრებულში Sin—97, რომლის პროტოტიპი ეფრემის თხზულებათა შემცველი კრებულების ყველაზე ადრინდელი ნიმუშია, ეს სტატია, რიგითი ნომრის გარეშე (ყველა სხვა თხზულებას თავისი ნომერი აქვს), მოსდევს XVIII სტატიას, რომლის სათაურია „მამათათჳს მძოვართა“, იგი მის ერთგვარ გაგრძელებასაც წარმოადგენს.

მრავალთავში A—95 იგი იმავე თხზულებას მოსდევს და გამოიყოფა სათაურით „წმიდისა ეფრემისევე თქუმული“ (A—95, 171r—172r).

მრავალთავში A—1109 ეს ჰომილია მოსდევს თხზულებას „ქსენებაჲ წმიდათა მამათაჲ ყოველთა მელდაბნოეთაჲ, საკითხავი წმიდაჲსა ეფრემის თქუმული მამათათჳს შესუენებულთა“ (A—1109, 36v—38r). ეს თხზულებაც ისეთივე შინაარსისა და აგებულებისაა, როგორც „მამათათჳს მძოვართა“.

ამ თხზულებებში ლაპარაკია მეუღაბნე მამების ცხოვრების წესზე, მათ თავდადებაზე ქრისტიანული სარწმუნოებისათვის. ავტორი ყოველნაირად აქებს და აღიდებს მათ და უპირისპირებს, როგორც ცოდვილსა და უბადრუქს, საკუთარ თავს და ყველა იმ ადამიანს, რომელიც მათებრ ცხოვრებას არ ეწევა.

„წმიდანი და მართლნი ესერა აჲ გამოერჩევიან საღვურისა მისთჳს ცხოველისა, რაჲთა არა იხილონ ჳირი, რომელი მომავალ არს ყოველთა ჴედა ცოდვათა ჩუენათჳს. ივინი გამოერჩევიან და ჩუენ გურულის, ივინი შეკრბებიან და ჩუენ გუძინავს, ივინი აღიტაცებიან და ჩუენ სოფელსა ამას ამოსა ვიქცევით, ივინი მიელენ განცხადებულებითა დიდითა ღმრთისა მიმართ წმიდისა და ჩუენ ქუეყანასა ჴედა განვცხრბით“. Sin—97, 116r.

ამის შემდეგ საესებო ბუნებრივი გაგრძელება მთელი შინაარსი იმ პატარა ჰომილისა, რომელიც მესამე ნაწილად გვაქვს აბრაჰამის ცხოვრების კიმენურ რედაქციაში.

ამრიგად, ამ უძველეს სამ კრებულში (A—95, Sin—97, A—1109) ეს მცირე მოცულობის თხზულება ორგანულად უკავშირდება იმ თხზულებას, რომლის შემდეგაც დგას, რისი თქმაც გაჭირდება აბრაჰამის ცხოვრების მიმართ.

მესამე ნაწილი ბერძნული კიმენური ტექსტისა ხელოვნურ დანამატს უფრო ჰგავს, ვიდრე მის ორგანულ ნაწილს. იგი იწყება ასეთი სიტყვებით: „ვამე, ვამე, საყუარელნო, რამეთუ მათ განისუენეს და განცხადებულად წარვიდეს ღმრთისა, რომელთა გონებაჲ ყოლადვე არ იყო ქუეყანასა საქმესა და ჴრუნვასა, გარნა სიყუარულსა ღმრთისასა“, Sin—97, 185.

მაგრამ აბრაჰამის ცხოვრებაში მხოლოდ აბრაჰამის დამსახურებასა და მის ღვაწლზეა ლაპარაკი. თხზულების ბოლოს ავტორს ეს ხაზგასმითაც კი აქვს აღნიშნული:

„ესე არს წესიერებაჲ ნეტარისა აბრაჰამისი და ესე არს მოთმინებაჲ მისი“, ბოდლ. 1, 446r; „ესე ლუწლნი და შრომანი არიან ნეტარისა აბრაჰამისნი“, ბოდლ. 1, 446r.

თუ მხედველობაში მივიღებთ ყოველივე ზემოთქმულს, საკითხი შეიძლება ასე წარმოვიდგინოთ: დაიწერა აბრაჰამის ცხოვრება სირიულ ენაზე, ეფრემ ასურის რომელიღაც მოწაფის მიერ და დაერთო ეფრემის მცირე მოცულობის პოეტური თხზულება, ამაზე მიუთითებს კიდევ მინაწერი სირიული ტექსტის ბოლოს. ეს მინაწერი შეიძლება გვიანდელიც იყოს¹⁰. სირიულიდან ითარგმნა ბერძნულად, რის შემდეგ სუმეონ მეტაფრასტმა საუბრედიანად გადაამუშავა. ამ რედაქციაში მას მოსცილდა მესამე—ეფრემისეული ნაწილი.

ქართულში ასეთი სურათია: სრულად გვაქვს აბრაჰამის ცხოვრების მეტაფრასული რედაქცია, კიმენური რედაქციის პირველი ნაწილი საერთოდ არ ჩანს, გვაქვს მხოლოდ მეორე და მესამე ნაწილი, ოღონდ ყოველთვის ცალ-ცალკე. მეტაფრასული თხზულება ეფრემ ასურს ავტორად არ ასახელებს, კიმენური ტექსტის მეორე ნაწილი ერთგან, სახელდობრ, ბოდლ. 1, ეფრემს ასახელებს, მრავალთავი A—95—კი არა. მესამე ნაწილი ყველა შემთხვევაში ეფრემ ასურს მიეწერება.

Л. Т. АХОБАДЗЕ

ОБ ОДНОМ СОЧИНЕНИИ, ПРИПИСЫВАЕМОМ ЕФРЕМУ СИРИНУ

(Резюме)

В некоторых грузинских рукописях (Bodl. I, A—95, S—300, H—1370, A—1121) сохранилось одно агиографическое произведение — «Жизнь Авраамия и племянницы его Марии», приписываемое Ефрему Сирину.

Это произведение переведено с греческого на грузинский, а на греческий с сирийского. В греческом оно состоит из трех частей. I часть — это повесть о жизни Авраамия, II — о взаимоотношениях Авраамия и Марии, а III часть является поэтическим посвящением святым отцам. В грузинском имеются переводы только II и III частей, которые представлены как отдельные произведения.

Исходя из текста приходим к заключению, что Ефрем Сирин не является автором всего произведения, так как в тексте несколько раз говорится об Ефреме как о третьем лице (имеется ввиду I и II части). Следует упомянуть, что в специальной литературе ставится под сомнение авторство Ефрема.

¹⁰ O. Bardenhever, Geschichte der altkirchlichen Literatur, IV, 1962, 371.



Для доказательства того, что сирийская «Жизнь» является действительно произведением Ефрема, ссылаются на слова, находящиеся в конце сирийского текста: «Блаженству мы отдаем последний долг под пение псалмов и церковных песнопений и тех «Madrasche», которые были сочинены Ефремом».

Их следует отнести лишь к III части произведения, так как она не является естественным продолжением предыдущего текста, ибо отличается своим лирическим настроением, формой, содержанием. Эта часть в грузинском встречается как отдельное произведение и всегда приписывается Ефрему.

გულნარა ნინუა

მაკარი მეგვიპტელის სახელით ცნობილ „სწავლათა“
ქართული თარგმანის შესახებ

მაკარი მეგვიპტელი (დიდად წოდებული) IV საუკუნის მოღვაწეა. უძველესი ცნობები მის შესახებ შემონახულია პალადი პელენოპოლელის „ლავსაიკონში“¹. პალადის ცნობით, მაკარი „მეგვიპტელი იყო ნათესავით“ (200r). გარდაცვლილა იგი 90 წლის ასაკში. თავისი ხანგრძლივი ცხოვრების მეტი ნაწილი მან უდაბნოში გაატარა: „რამეთუ რაჟამს უდაბნოდ მიიწია, იყო წელიწდისა ოცდაათისაჲ და ყუაოდა შუენიერებითა სიჰაბუქისაჲთა და ესოდენ მოთმინებით ილუაწა ათისა წლისა ჟამთა, ვიდრეღა მრავალთა დიდთა საქმეთა განმკითხველად იჩინა და ესოდენ წარმატებულ იქმნა მას შინა, ვიდრემდის ყოველნი უწოდდეს მას, ვითარმედ — „ჰაბუქი მოჭუცებული“ (200 r). ორმოცი წლისა იგი „ღირს იქმნა პატივსაცა ხუცობისასა“.

მაკარი მოღვაწეობდა სკიტეს უდაბნოში, ნიტრიის მთის მახლობლად, ლიბიისა და ეგვიპტის საზღვარზე (სკიტეს უდაბნო ნიტრიის უდაბნოს ნაწილია). მაკარის ამ მიდამოებში აუგია ოთხი მონასტერი. მონასტრები მდებარეობდა გვარჯილით მდიდარი ნიტრიის ტბების მახლობლად. მათ წმინდა ან აბუ-მაკარის სახელით იხსენიებენ. ნანგრევების ფორმა და სიდიდე მიუთითებს, რომ აქაური ძმობა მეტად მრავალრიცხოვანი იყო².

„ლავსაიკონშიევა“ მოთხრობილი. აგრეთვე. იმის შესახებ, რომ როდესაც არიანელებმა ალექსანდრიიდან განდევნეს პეტრე მთავარეპისკოპოსი და მისი ადგილი დაიჭირა არიანელმა ლუციუსმა (373 წ.), სხვა მართლმადიდებლებთან ერთად დევნა დაუწყეს მეუდაბნოეთაც. ამ დევნის მსხვერპლი გახდა მრავალი ბერი. მაკარი მეგვიპტელი და მასთან ერთად რამდენიმე სხვა მეუდაბნოე გადაასახლეს ნილოსის ერთ-ერთ კუნძულზე, რომლის მოსახლეობა არაქრისტიანული იყო. მაკარიმ მათ უქადაგა ქრისტეს სჯული და მოაქცია კიდევ ისინი. არიანელთა ალაგმვის შემდეგ. მაკარი კვლავ დაუბრუნდა უდაბნოს³.

თხრობა მაკარი მეგვიპტელის შესახებ პალადის „ლავსაიკონში“ ასე მთავრდება: „ამის წმიდისა ხილვასა პირისპირ მე ვერ მივემთხვე, რამეთუ მიცვა-

¹ Migne, P. G., t XXXIV, გვ. 1043—1065; ქართ. თარგმ. A143, 199r—207r.

² Макария Египетского духовные беседы, послание и слова. Перевод с греч. при Московской духовной академии, 1904, გვ. VII; ცნობა მაკარის მონასტერთა შესახებ ამ გამოცემის წინასიტყვაობის ავტორის მოაქეს კ. ტიშენდორფის 1846 წ. გამოცემული წიგნიდან „მოგზაურობა აღმოსავლეთში“.

³ იხ. აგრეთვე, Сократ Схоластик, церковная история, СПб, 1850, с. 362.

ლებულ იყო პირველ ჩემისა უდაბნოდ შესღვისა წელიწდითა ერთითა უძლეველი იგი მოღუაწე და მკნედ მბრძოლი პირუტყულთა ვნებათაჲ, სარწმუნოა მონაჲ ქრისტესი მაკარი“ (207r).

პალადი ალექსანდრიასი 388 წელს ჩავიდა, ხოლო სამი წლის შემდეგ, ე. ი. 391 წელს, მივიდა ნიტრიის უდაბნოში. მაკარი ამ დროს ერთი წლის გარდაცვლილი ყოფილა. ვინაიდან ცნობილია, რომ იგი 90 წლის გარდაიცვალა, გამოდის, რომ მაკარი დაბადებულია 300 წელს და გარდაცვლილა 390 წელს⁴.

უძველესი ცნობები მაკარის შესახებ დაცულია. აგრეთვე პატერიკებში⁵, სოკრატის, სოძომენის, რუფინუსის „საეკლესიო ისტორიებში“, ისაჲ სირიელის „სიტყვაში (სლავური გამოცემით № 46, ბერძნულით № 49), კასიანესთან და სხვანაირად.

მაკარის ცხოვრება ვრცლად აღწერილი აქვს მამა სერაპიონს, ანტონი დიდის მოწაფეს (ასეა ნათქვამი თხზულების სათაურში). თუ დავეუჯერებთ ნაწარმოების ავტორს, იგი მაკარის თანამედროვეა.

მკვლევართა აზრით კი, სერაპიონის სახელით ცნობილი ეს თხზულება შექმნილია ეგვიპტეში, მაგრამ IV საუკუნეზე გაცილებით უფრო გვიან. ქართული თარგმანი დაცულია XIII საუკუნის ხელნაწერში A—79. ავტორი ძირითადად იმეორებს პალადის და სხვა ძველ ავტორთა ცნობებს და თხრობას აფერადებს მაკარის მიერ ქმნილი სასწაულების ვრცელი აღწერით. ძეგლის დასასრულს ავტორი ამბობს, რომ მან მაკარის შესახებ ყველაფერი ვერ თქვა, მაგრამ, მისი აზრით, ეს არც იყო საჭირო, „ვინააიდან უმრავლესნი საქმენი მისნი და სწავლათა მისთა დიდებულეზანი განცხადებულ არიან წიგნსა შინა მამათასა“... (A—79, 505r).

მაკარი მეგვიპტელი, ისევე როგორც მისი თანამედროვენი—ანტონი დიდი და პაქუმი, დიდი და ავტორიტეტული ფიგურაა სასულიერო წრეებში. ერთ-ერთი მთხრობელი მაკარის ასე ახასიათებს: „იტყოდის მამისა მაკარისთს დიდისა, ვითარმედ იქმნა იგი, ვითარცა წერილ არს, ღმერთ ქუეყანისა, რამეთუ ვითარცა ჰფარავს ღმერთი ქუეყანასა და სულგრძელ იქმნების, ეგრეთ იყო მამა მაკარი, რამეთუ დაჰფარვიდა იგი შეცოდებასა კაცთასა: რომელი ეხილვის, ვითარცა არა ეხილვა და რომელი ესმის, ვითარცა არა ასმიოდა მას“⁶. ამის მსგავსი თხრობები და მაკარის მიერ ქმნილი სასწაულების აღწერა მრავლად არის პატერიკებში, მაგრამ უძველესი წყაროები არას ამბობენ მაკარი მეგვიპტელის ლიტერატურული მოღვაწეობის შესახებ. არც ის არის ცნობილი, მიიღო თუ არა მან რაიმე განათლება. ტრადიცია კი მაკარი მეგვიპტელს მიაწერს მრავალ თხზულებას. ამჟამად ცნობილია კრებულების სამი ტიპი. პირველ ტიპს მიაკუთვნებენ 64 სიტყვას (გამოცემულია 1973 წ. H. Berthold-ის მიერ), მეორე ტიპი არის ის, რომელიც გამოქვეყნებულია P. G. 34-ე ტომსა და 1964 წლის ბერლინურ გამოცემაში. მესამე ტიპი—1961 წელს E. Klostermann-ისა

⁴ Geschichte der byzantinischen Literatur, von K. Krumbacher I, München, 1897, გვ. 904. Макария Египетского духовные беседы, გვ. 12.

⁵ Migne, P. G., t. 65, გვ. 71—440; ქართული ტექსტი Ath 12, 30r—32v, 106r—120v; Sin—35; Sin 8.

⁶ Филарет, Историческое учение об отцах церкви, т. II, СПб, 1859, с. 232—235.

⁷ შუა საუკუნეების ნოვების ძველ ქართულ თარგმანებში, ტ. I, გამოსაცემად მოამზადა ზ. დვალმა, თბ., 1966, გვ. 103.

და H. Berthold-ის მიერ გამოცემული 43 სიტყვა. გარდა ამისა, არსებობს ბული ვერსია, რომელიც შეიცავს 26 ჰომილიას. აქედან თერთმეტს ცნობილ ბერძნულ კრებულებში არ ეძებნებოდა შესატყვისი. სწორედ ეს ჰომილიები აღმოჩნდა მესამე ტიპის კრებულში და ამჟამად 1961 წლის გამოცემაში შედის ამ თერთმეტი ჰომილიის შესატყვისი ბერძნული ტექსტებიც სხვა, ახალ ჰომილიებთან ერთად. დაცულია მაკარის თხზულებები ეთიოპურ ენაზეც, რომლებიც, მკვლევართა აზრით, არაბულიდან უნდა მოდიოდეს.

ამ მდიდარი ლიტერატურული მემკვიდრეობის ავტორად მაკარი მეგვიპტელის მიჩნევა დიდი ხანია სადავო საკითხია. ჯერ კიდევ ისააკ სირიელის დროს (VII ს.) გამოთქმულა ეჭვი, რომ მაკარის არ ეკუთვნის დიდი ეპისტოლე, მიწერილი მონაზვნებისადმი (დაცულია ბერძნულ, სირიულ და არაბულ ენებზე)⁸. ამ აზრის გამომთქმელთ ეკამათება ისააკ სირიელი და ამტკიცებს, რომ ეს ეპისტოლე ეკუთვნის მაკარი მეგვიპტელს. ეს არის უძველესი ცნობა, რომელიც მაკარის ასახელებს ერთი ეპისტოლის (ეპისტოლის მონაზვნებისადმი) ავტორად. დასახელებული ეპისტოლე იმ სათაურით, რომლითაც ის ცნობილია სხვა ენებზე, და ცალკე გამოყოფილი, ქართულად თარგმნილი არ არის. იგი ექვთიმეს უთარგმნია და ქართული ვერსიის სწავლაში (მესამე თავში) შეუტანია ნაწილ-ნაწილ სხვადასხვა ადგილას.

ორი ეპისტოლის ავტორად მაკარი მეგვიპტელს ასახელებს ერთ-ერთი პატრიკი, რომლის ტექსტი ქართულ ენაზე დაცულია Ath—12 (X—XI სს.) და Sin—35 (907 წ.) ხელნაწერებში: „რომელი გულსა ღმრთისასა არს, დაწერა ძაკარი მეგვიპტელმან ორთა მათ შინა ეპისტოლეთა მისთა, იგი დაიმარხეთ და იხილოთ იესუ“⁹. იგივე თხრობა გამოქვეყნებულია Migne, P. G. 65. მაგრამ ბერძნულში ზემოთ მოყვანილი ფრაზა, რომელიც მაკარისა და მის ორ ეპისტოლეს ეხება, საერთოდ არ არის. საიდან მოიტანა ეს ცნობა ქართველმა მთარგმნელმა, არ ჩანს. შესაძლოა, იგი ქართულ ტრადიციას დაეყრდნო (Sin—35 ხელნაწერში სწორედ შედის მაკარის ორი ეპისტოლე) და თვითონ დაუშაბა აღნიშნული ფრაზა თხრობას.

სუმეონ მეტაფრასტს თავის თხზულებებში მოჰყავს შემოკლებით მაკარი დიდის დარიგებანი¹⁰.

ანტიოქიის პატრიარქი იოანე (X ს.) სულის მაცხონებელ თხზულებათა შორის ასახელებს მაკარი სკიტელის წიგნს¹¹.

50 ჰომილიის ბერძნული ტექსტი პირველად გამოიცა 1559 წელს. ამ გამოცემის გამოჩენის შემდეგ მაკარის ავტორობა საბოლოოდ საეჭვოდ იქნა მიჩნეული. ჰომილიათა ერთი ნაწილის ტექსტი ემთხვევა, ან ახლოს დგას მარკ მეუდაბნოს, გრაგოლ ნოსელის, ეფრემ ასურის თხზულებებთან.

მაკარი მეგვიპტელის სახელით ცნობილი თხზულებები: ეპისტოლეები, 50 ჰომილია, 7 სიტყვა და კითხვა-მიგებანი გამოქვეყნებულია (Migne, P. G., ტ. 34, გვ. 401—966).

⁸ Филарет, Историческое учение об отцах церкви, т. II, СПб, 1859, с. 238.

⁹ შუა საუკ. ნოველების ძველი ქართული თარგმანები, ტ. II, ტექსტი გამოსცემად მოამზადა მ. დვალმა, თბ., 1974, გვ. 37.

¹⁰ Филарет, დასახ. შრომა, გვ. 237.

¹¹ იქვე.



1964 წელს ბერლინში გამოქვეყნებულ 50 ჰომილიის ბერძნულ ტექსტს¹² საფუძვლად უდევს ორი უძველესი ხელნაწერი: სტამბოლის № 75 (XI-XII სს.) და მოსკოვის სინოდალური ბიბლიოთეკის (ახლა ისტორიული მუზეუმის) № 177 CCCVII (XI ს). ტექსტი შეჯერებულია XIV—XVI სს. სხვა

ხელნაწერებთან და არაბულ ვერსიასთან.

წიგნის გამომცემელნი ეთანხმებიან ბელგიელ მეცნიერს დ. ვილევურს, (იხ. გვ. 9), რომელმაც 1920 წელს დაამტკიცა, რომ მაკარის ჰომილიათა ზოგი ფრაზა იდენტურია მესალიანური თეზისა, რომელიც განსჯილ იქნა ეფესოს საეკლესიო კრებაზე. პ. გ. ბეკი აღნიშნავს: თუ რა დიდი იყო მაკარის გავლენა და მისი ავტორიტეტი სასულიერო წრეებში, ჩანს მხოლოდ იმ ფაქტიდანაც, რომ მის სახელს ამოეფარა მესალიანური ლიტერატურის საუკეთესო ნაწილი¹³.

50 ჰომილიის ბერლინური გამოცემის წინასიტყვაობაში (გვ. IX—X) აღნიშნულია, რომ მაკარის სახელით ცნობილ თხზულებათა ავტორად ზოგი არაბული, სირიული და ბერძნული კრებული წარმოაჩენს ვინმე სიმეონს. კ. კრუმბახერსაც თელი ეს ლიტერატურული მემკვიდრეობა მიაჩნია სიმეონის მიერ შექმნილად¹⁴. ეს ის სიმეონიაო, აღნიშნავს მ. კროეგერი ბერლინური გამოცემის წინასიტყვაობაში, რომელსაც თეოდორიტე (საეკლესიო ისტორია, IV, 2) მესალიანელთა ბელადს უწოდებდა. აქვე აღნიშნულია, რომ 50 ჰომილიის წინამორბედი კრებულები და აგრეთვე არაბული ვერსია 50 ნაწილად დაყოფილი არ უნდა ყოფილიყო. ვარაუდობენ, რომ 50 ჰომილია რაოდენობრივი ზრდის შედეგად კი არ უნდა იყოს მიღებული, არამედ ერთი არქეტიპის გადამუშავების შედეგად ჩამოყალიბებული რედაქციაა. სავარაუდოა, რომ ამ არქეტიპიდან მოდის ორი უძველესი ხელნაწერიც და სხვა კრებულებიც, რომლებიც ამ გამოცემისათვის არის გამოყენებული. აქედან გამოყავთ დასკვნა, რომ 50 ჰომილია იმ სახით, როგორც გამოცემული აქვს Migne-ს და როგორც ეს ბერლინურ გამოცემაშია წარმოდგენილი, ჩამოყალიბდა გვიან. მისი რედაქტორი X—XI სს. მოღვაწეა. ჩამოყალიბდა ეს რედაქცია ათონის მთისა და კონსტანტინეპოლის მიდამოებში (გვ. XI). გვიანდელ რედაქტორს მიზნად არ ჰქონია დასახული ამ თხზულებებიდან განედევნა ერეტიკული შინაარსი, ვინაიდან მისი ამოცნობა მისთვის არცთუ ისე მარტივი ყოფილა. ტექსტზე დაკვირვების შედეგად გამოცემის მესვეურები მიდიან იმ დასკვნამდე, რომ ახალი რედაქტორის ჩარევა უბრალო შესწორებამდე დადის.

გამოცემას ერთვის ცხრილი, რომლის მიხედვითაც ნათლად ჩანს, რომ ყველა ჰომილიას შესატყვისი ეძებნება სხვა კრებულებში.

ბერლინური გამოცემის გამომცემლებს 50 ჰომილიის წინამორბედი, მაკარის სახელით ცნობილი თხზულებების კრებულის რედაქტორ-შემდგენელად მიაჩნიათ სიმეონი — მესალიანელთა ბელადი, რომელიც ამოეფარა მაკარი დი-

¹² Die 50 geistlichen Homilien des Makarios, Herausgegeben und erläutert von H. Dörries, E. Klostermann, M. Kroeger, 1964.

¹³ Beck H. G. Kirche und theologische Literatur im Byzantinischen Reich, München, 1959, გვ. 201—202.

¹⁴ იხ. კ. კრუმბახერის ზემოთ დასახელებული შრომა, გვ. 202.

დის ავტორიტეტს და ამით არსებობის უფლება მოუპოვა თავის ქმნილებაში, რომლის ერთიკული შინაარსის ამოცნობა საუკუნეთა განმავლობაში შეუძლებელი გამხდარა.

50 ჰომილია, 7 სიტყვა და ეპისტოლე მონაზვნებისადმი რამდენჯერმე გამოცემული სლავურ და რუსულ ენებზე.

ქართულად მაკარის სახელით ცნობილი ჰომილიები უთარგმნია ექვთიმე ათონელს. გვიან პერიოდში, ტიმოთე გაბაშვილის დროს ცნობილ ქართულ ხელნაწერთა შორის ეს თარგმანი არ ჩანდა. ამიტომ ტიმოთემ, როდესაც თავისი მოგზაურობის დროს ნახა ექვთიმეს მიერ თარგმნილი ეს კრებული, გადმოწერა ერთი თავი და ჩაურთო თავის წიგნში. ტიმოთეს „მიმოსვლაში“ ამის შესახებ ვკითხულობთ: „...და ვეძიებდი საუნჯეთა წიგნთსა ქართულად, რამეთუ მრავალნი წიგნი იყვნეს, ესევეთარნი. ქართულად არა იპოვიან, არამედ ვინ აღმოსწერდა მათ?! და არცა მამისა მაკარის წიგნი არს საქართველოთა შინა, ამისთვის ამა წიგნისა ჩასატანებლად და სარგებელად სულთა მცირედნი რამე აღმოვსწერენით“¹⁵. ტიმოთემ ექვთიმესეული თარგმანის ეს ერთი თავი გადმოწერა Jer—73 ხელნაწერიდან. ამ უკანასკნელს აქვს მისი ხელით 1758 წელს გაკეთებული მინაწერი: „ქმანო საყუარელნო საქართველოსნო, მე, ცოდვილი ტიმოთე, უღირსი მონაზონობისა, შემეწყალებ და შენდობა ბრძანეთ. გვევდრებით, ესე წიგნი მაკარისა საქართველოში არ არის, ნურავინ წარიღებთ, ვინც აქ მოსვლა ქართლით კულად ეღირსოს. ქრისტეს აქეთ ჩლმიც“¹⁶.

დღეისათვის შემონახულია ორი ეპისტოლე და 28 სწავლა, რომელთა ავტორად ქართული ხელნაწერები მაკარი მეგვიბტელს ასახელებს. 28-ე თავი განსხვავდება დანარჩენი 27-ისაგან: იგი წარმოადგენს შვიდი ალექსანდრიელი მამის შეკითხვაზე მაკარის პასუხის მამა ესაიასეულ ჩანაწერს.

ზემოთ ჩამოთვლილი თხზულებები ერთად დაცულია სამ ხელნაწერში:

Ath—21—გადაწერილია ბითინიის ოლიმპზე 1030 წელს. გადაწერია ბერი დავითი „...და მე ბერმან დავით ფრიად მწუხარებით ვწერდი და ხარკებით ძალისაებრ ჩემისა და შეგვაწიე“ (215r) და არა ისაკი, როგორც ეს რ. ბლეიკის ათონის ივერთა მონასტრის ქართულ ხელნაწერთა კატალოგშია აღნიშნული. დამკვეთი — მამა გრიგოლი. პირველ ეპისტოლეს აკლია დასაწყისი.

Jer—73—XI—XII სს. ხელნაწერი. რ. ბლეიკი ამ ხელნაწერის გადამწერად თელის მამა გელასის, რომლის შესახებ ტექსტს ახლავს მრავალი მინაწერი. მაგრამ გელასი არის არა გადამწერი, არამედ დამკვეთი. ამას ადასტურებს ერთ-ერთი მინაწერი: „წმიდანო და ყოვლად ქებულნო მოციქულნო, მეოხ-ეყვენით წინაშე ღმრთისა მამასა გელასის, რომელმან ამათ წმიდათა წიგნთა დაწერა იხარკა“ (167r). გადამწერი უნდა იყოს კრიპტოგრაფებში მოხსენიებული თეოდორე.

ქთ. 181—XI ს. ხელნაწერი. გადამწერი გრიგოლ მღვდელი. მაკარის ორი ეპისტოლე ცალკე (28 თავის გარეშე) დაცულია Sin.—25 (X ს.), Sin—35 (X ს.) ხელნაწერებში. Sin—34 (X ს.) არის მაკარის პირველი ეპისტოლის ნაწყვეტი ჩართული.

¹⁵ ტ. გაბაშვილი, მიმოსვლა, ტექსტი გამოსაცემად მოაზრდა, გამოკვლევა და ლექსიკონი დაურთო ე. მეტრეველმა, თბ., 1956, გვ. 51.

¹⁶ А. Цагарели, Сведения о памятниках грузинской письменности, II, СПб., 1889, с. 35—36.

Ath—21 და Jer—73 ხელნაწერებში მაკარის თხზულებები იწყება ორი ეპისტოლით და შემდეგ მოდის 28 თავისაგან შემდგარი სწავლა. ქუთ 181-ში კი ჯერ 28 სწავლაა და ბოლოს არის დართული ორი ეპისტოლე. სამსავე ხელნაწერს აქვს მინაწერი, რომელიც გვაუწყებს, რომ ექვთიმემ თარგმნა მხოლოდ სწავლანი, ხოლო, რაც შეეხება ეპისტოლეებს, ისინი ადრე ყოფილა თარგმნილი¹⁷.

Ath—21—„ესე ოცდაშვიდი თავი თარგმნილ არს ღმერთშემოსილისა მამისა ეფთჳმესი თჳნიერ ორთა ეპისტოლეთა თავისათა და ერთისა ამის, რომელ წინამდებარე არს. მსახურნო ქრისტეს ღმრთისანო, ვინ სწერდეთ ამის წიგნისაგან, ღმერთმან გაუწყოს, სიტყუასა ნუ გამოსცვალებთ, ნუცა შეჰმატებთ, რამეთუ ვჰგონებ, თუ არავინ არს ამას ჟამსა მის ნეტარისა ქართველთი, თუმცა თარგმნილსა მისსა უბიწოსა ჰკაზმევიდა; საკითხავსა ზემოთა კულა თავისათა ორთა და ერთსა დასასრულისათა ჰკაზმევიდინ, ნებაჲ აქუს“ (215 r). ამ მინაწერის მიხედვით ექვთიმეს უთარგმნია 27 თავი, რომელთა ხელის შეხებას და შეცვლას ყველა შემდგომ გადამწერს უკრძალავს ანდერძის ავტორი, ვინაიდან, მისი აზრით, ექვთიმეს თარგმანი უბიწოა და შეცვლას არ საქიროებს. ადრეა ნათარგმნი ორი ეპისტოლე და 28-ე თავი — შვიდი ალექსანდრიელი მამის შეკითხვაზე მაკარის პასუხის მამა ესაიასეული ჩანაწერი. ამ უკანასკნელთა რედაქტირებასა და გადაკეთების Ath—21-ის გადამწერი არ კრძალავს.

Jer — 73 — ეპისტოლეებს მოსდევს ასეთი მინაწერი: „არა მამისა ეფთჳმის თარგმნილი არს ესე ორი თავი, ძუელთად ვისმე უთარგმნია“. „სწავლათა“ დასაწყისში აგრეთვე მინაწერია: „თარგმნილი სანატრელისა მამისა ეფთჳმის მიერ მთაწმიდელისა“. დასასრულ ისევ შენიშვნა — „აქა დასრულდა ეფთჳმეს თარგმანი შემდგომად ორთა თავთაგან“.

ქუთ. 181—28 თავის დასასრულს და ეპისტოლეთა წინ წერია: „დიდება ღმერთსა, მიზეზსა და მომცემელსა ყოვლისა კეთილისასა, დაესრულა და დაიწერნეს ეპისტოლენი ახალ თარგმნილნი წმიდისა მამისა მაკარი მეგუბტელისანი ჭელითა უღირსისა გრიგოლისითა ლავრასა წმიდისა მამისა ხარტიონისა“ (256 v). ამ ხელნაწერის გადამწერი ახლად თარგმნილ ეპისტოლეებს უწოდებს 28 სწავლას, რადგან მათი ფორმა ბევრად არ განსხვავდება ეპისტოლეთა ფორმისაგან. ხოლო ორი ეპისტოლის შესახებ იმავე გვერდზე ამ ეპისტოლეთა წინ წერს: „ესენი ძუელად თარგმნილნი არიან“.

როგორც ვხედავთ, ორი ხელნაწერი. — Ath—21 და Jer—73 აშკარად მიუთითებს, რომ ორი ეპისტოლე (და Ath—21-ის ჩვენებით არც 28-ე თავი) ექვთიმე ათონელს არ უთარგმნია. ასევე ძველ თარგმანს უწოდებს ეპისტოლეებს ქუთ. 181. მაშასადამე, ექვთიმე ათონელს უთარგმნია ერთი ხელნაწერის ცნობით მაკარი მეგუბტელის სახელით ცნობილი 27 სწავლა, ხოლო ორი ხელნაწერის ჩვენებით — 28.

მაკარის ორი ეპისტოლის ქართული ტექსტი არ მისდევს Migne-ს პატროლოგის 34-ე ტომში გამოქვეყნებულ ეპისტოლეთა ტექსტებს.

ქ. გარიტმა Mingana-ს კოლექციაში აღმოაჩინა და გამოაქვეყნა კიდევ

¹⁷ კ. კეკელიძე ექვთიმე ათონელს მიაწერს 28 სწავლასთან ერთად ორი ეპისტოლის თარგმნასაც, იხ. კ. კეკელიძე, ქართული ლიტერატურის ისტორია, ტ. I, 1960, გვ. 204, 545; ეტიუდები, ტ. V, გვ. 83—95. ასევე ექვთიმეა გამოცხადებული ყველა ამ თხზულების მთარგმნელად რ. ბლეიკის ათონისა და იერუსალიმის ქართულ ხელნაწერთა კატალოგში.

ფოტოპირთან ერთად მაკარი მეგვიბტელის პირველი ეპისტოლის ფრაგმენტი (Mingana georg. № 3). ე. გარიტი მიუთითებს, რომ ეს ეპისტოლე გამოქვეყნებული არც ქართულად და არც რომელიმე სხვა ენაზე¹⁸. იგი ვარაუდობს, რომ მინგანას ეს ფრაგმენტი Sin—25 ხელნაწერის ფურცელია. ე. გარიტი არას ამბობს იმის შესახებ, არის თუ არა დაცული ეს ეპისტოლე ხელნაწერებში სხვა რომელიმე ენაზე.

მეორე ეპისტოლე მისდევს ეთიოპურ ენაზე დაცულ ვრცელ ეპისტოლეს, რომელიც ლათინური თარგმანითურთ გამოქვეყნებულია ვიქტორ არასის მიერ 1963 წ. (იხ. Corpus scriptorum christianorum orientalium, Scriptores aethiopic'i, Tomus 46, Collectio monastica, interpretatus est Victor Arras, Louvain, 1963, გვ. 6—37)¹⁹.

დღეისათვის ჩვენ ვიცით, რომ მაკარის სახელით ცნობილი ორი ეპისტოლე უთარგმნიათ ექვთიმე მთაწმიდელზე ადრე, რომ ერთ-ერთ მათგანს (მეორე ეპისტოლეს) შესატყვისი ეძებნება ეთიოპურ ენაზე დაცულ ტექსტთა შორის. არ არის ცნობილი ვის მიერ, ან რომელი ენიდან ითარგმნა ეს ეპისტოლეები. პირველ ეპისტოლეს არ ეძებნება შესატყვისი მაკარის სახელით ცნობილ გამოქვეყნებულ ტექსტთა შორის.

მაკარის „სწავლათა“ ქართული თარგმანის თავების რაოდენობა—28 არ ემთხვევა ბერძნულად შემონახულ კრებულებში დაცული ჰომილიების, ან სიტყვათა რაოდენობას. ამ მხრივ, ქართული უფრო ახლოა არაბულ ვერსიასთან, სადაც 26 „თქუმულია“ დაცული (ვატიკანის 1055 წ. არაბული ხელნაწერი)²⁰.

მაკარის სახელით ცნობილ ჰომილიათა ექვთიმე ათონელისეული თარგმანი შეეუღარეთ 50 ჰომილიის ბერლინურ გამოცემას და P. G. 34-ე ტომში გამოქვეყნებულ 7 სიტყვას. შედარებამ დაგვანახვა, რომ თარგმანი ძალზე განსხვავდება გამოცემული ბერძნული ტექსტებისაგან. როგორც ზემოთაც აღვნიშნეთ, ქართული დაყოფილია 28 და არა 50 ან 7 ნაწილად, მაგრამ შესატყვისი ქართულს ეძებნება როგორც 50 ჰომილიის, ასევე 7 სიტყვის ტექსტთა შორის.

პირველი სწავლა, რომელიც Ath—21 და Jer—73 ხელნაწერებში ეპისტოლეებს მოსდევს და აღნიშნულია მესამე ნომრით, ხოლო ქუთ. 181-ში—პირველი ნომრით—„სწავლანი ნეტარისა მამისა ჩუენისა მაკარისნი, თავი გ“, წარმოადგენს ორი სიტყვისა და ეპისტოლის მონაზუნებისადმი თარგმანს:

1. „Иѣρι τειειρτεηος εχ πνεματι ληγος“ (სიტყვა სულის სრულყოფილობის შესახებ). P. G., ტ. 34. გვ. 841—852.

2. „Иѣρι παρειαρχης ληγος“ (სიტყვა ლოცვის შესახებ) P. G. 34, გვ. 853—866.

3. „Тην ευστην εχρησ Μακαριου επιστολη μνηχλη“... (მისივე წმიდა მამისა მაკარისი დიდი ეპისტოლე). P. G., 34, გვ. 409—442. თარგმანი, რა თქმა უნდა, არაა შესრულებული აქ მოტანილი თანამიმდევრობით. ერთი

¹⁸ Le Muséon, 1960, ტ. XXIII—3—4, ე. გარიტის ეს შრომა, თარგმნილი ქართულად, გამოქვეყნდა ჟურნალ „მაცნე“-ს ენისა და ლიტერატურის სერიის 1973 წლის № 3-ში.

¹⁹ ცნობა იმის შესახებ, რომ ეთიოპურ ენაზე დაცულია მაკარის ეპისტოლე, რომელიც ქართულად არსებულ მეორე ეპისტოლეს შესატყვისება, მოგვაწოდა ბატონმა ბ. უტიემ, რის გამოც დიდ მადლობას მოვახსენებთ.

²⁰ Ф и л а р е т, დასახ. შრომა, გვ. 237.



სიტყვიდან თარგმნილ ერთ აბზაცს ან რამდენიმე მუხლს მოსდევს მეორე სიტყვიდან ან ეპისტოლედან ამოკრებილი ისეთი მუხლები ან აბზაცები, რომლებიც დაწყებულ აზრს აგრძელებს. ზოგჯერ ორიგინალის მუხლი გაწყვეტილია. შიგ ჩართულია სხვა ტექსტი და დაბლოება ამ მუხლისა რამდენიმე აბზაცის შემდეგ მოდის. მესამე თავის დასაწყისი ოთხი გვერდი საერთოდ ბერძნული შესატყვისის გარეშეა. მეორე თავი (Ath—21 და Jer—73 რიგით მეოთხე) დასაწყისიდან მოსდევს— „πρῑ ν̄πῑσ̄τ̄ῑς̄ καῑ διᾱκρῑσε̄ως̄ λό̄γ̄ου“ (სიტყვა მოთმინებისა და გონიერების შესახებ) P. G, 34, გვ. 865—890, მაგრამ ქართული ტექსტი მეტია. თავი მეოთხე (Ath 21 და Jer—73 — მეექვსე) მოსდევს ბერლინურ გამოცემის რიგით მეექვსე ჰომილიას (გვ. 45); მეექვსე (Ath—21, Jer—73—მერვე) — ბერლინ. პირველს (გვ. 1); მეშვიდე (Ath 21, Jer 73—მეცხრე) — ბერლინ. მე-17 ჰომილიას (გვ. 116). აქაც ქართული ტექსტი მეტია. მერვე (Ath—21, Jer—73—მეათე) უდრის ბერლინ მე-18 ჰომილიას (გვ. 117); მეთორმეტე (Ath—21, Jer—73—მეთოთხმეტე) — ბერლინ. მეათე ჰომილიას (გვ. 91); მეჩვიდმეტე (Ath — 21, Jer — 73 — მეცხრამეტე) — ბერლინ. მე-11 ჰომილიას (გვ. 86). ოცდამეერთე (Ath—21, Jer—73 ოცდამესამე) უდრის ბერლინ. მე-19 ჰომილიას (გვ. 19).

აქ წარმოდგენილი სურათი არ არის სრული: 28 თავიდან შესატყვისი დაძებნილი აქვს მხოლოდ ათს, თანაც აღმოჩნდა მხოლოდ შესატყვისი და არა წყარო. იმ მონაცემების მიხედვით, რაც დღეისთვის ხელთა გვაქვს, შეიძლება გამოითქვას ორი ვარაუდი: 1. ექვთიმე ათონელის წყარო იყო არა 50 ჰომილია, რომელიც შეიქმნა გვიან, დაახლოებით ექვთიმეს ეპოქაში და დღეისათვის ცნობილია ბერძნული ხელნაწერებით, გამოცემებით და თარგმანებით სხვა ენებზე, არამედ ის არქეტები, რომელიც 50 ჰომილიას დაედო საფუძვლად. მით უმეტეს, რომ, როგორც ბერლინური გამოცემის შესავალი სტატიიდან ჩანს, არქეტები 50 ნაწილად დაყოფილი არ ყოფილა. 2. არ არის გამორიცხული, რომ ექვთიმეს სწორედ 50 ჰომილიასა და 7 სიტყვაზე დაყრდნობით შეექმნა სრულიად ახალი რედაქცია, ისეთი, როგორც მას მიაჩნდა საჭიროდ ქართველი მკითხველისათვის. ამ აზრის სასარგებლოდ ლაპარაკობს ის, რომ 50 ჰომილიისა და 7 სიტყვის ბერძნულ ტექსტს ახასიათებს ერთი და იგივე აზრის რამდენიმე ადგილას განმეორება, რაც ქართულ თარგმანში არ შეიმჩნევა. მოვიყვანთ ერთ მაგალითს: მსჯელობა კეთილი და ბოროტი საქმეების ურთიერთ ჯაჭურ დამოკიდებულების შესახებ ბერძნულში სიტყვასიტყვით მეორდება სამგან: მე-40 ჰომილიის პირველ მუხლში, მე-2 სიტყვის მე-16 მუხლში და ეპისტოლეში მონაზვნებისადმი. ქართულ ტექსტში იგივე მსჯელობა არის მხოლოდ მესამე თავში.

გარდა ამისა, რაც მთავარია, ახალი რედაქციის შექმნა არ ეწინააღმდეგება ექვთიმე ათონელის მეთოდს: იგი „შემატებისა და კლების“ უფლებას იყენებდა ისეთი ძეგლის თარგმნისასაც კი, როგორც იყო მეექვსე მსოფლიო კრების კანონები, რომელთა შეცვლა-გადაკეთების ნება არავის ჰქონდა. მით უფრო მოსალოდნელი იყო თავისუფალი თარგმანი გაეკეთებინა ექვთიმე ათონელს მაკარის სახელით ცნობილი თხზულებებისა, რომლებსაც ამდენი გადამკეთებელი და რედაქტორი ჰყავდა საბერძნეთშიც.

ГРУЗИНСКИЙ ПЕРЕВОД «ПОУЧЕНИЙ», ПРИПИСЫВАЕМЫХ
МАКАРИЮ ЕГИПЕТСКОМУ*

(Резюме)

«Поучения», приписываемые Макарию Египетскому (IV в.), на грузинский язык переведены Евфимием Афонским. Перевод двух «Посланий», автором которых также считается Макарий, сделан до Евфимия, приблизительно в IX веке.

Грузинская версия «Поучений» отличается от текстов опубликованных греческих сборников Макария. Предполагается, что Евфимий Афонский перевел или не сохранившуюся греческую версию или же, опираясь на первоисточник, создал для грузинского читателя новую, собственную редакцию.

Что касается «Посланий», оригинал первого из них не обнаружен среди известных иноязычных произведений, приписываемых Макарию Египетскому.

Текст второго послания, соответствующий грузинскому, сохранился на эфиопском языке.

* ამ გამოკვლევის წერისას ხელთ არ გქონია I ტომის ბერძნული ტექსტები გამოქვეყნებული H. Berthold-ის მიერ (Makarios/Symeon, Reden und Briefe, Berlin, 1973). ამ ვარიანტად შეტანილია IV ტომის კრებული, რომელიც არაბული ვერსიიდან მომდინარე სამ ბერძნულ ხელნაწერს შეიცავს. აქედან ერთი—პარიზის ბერძნული ხელნაწერი № 973 (1045 წლისა) ყველაზე ახლოს დგას ექვთიმეს თარგმანთან: ქართული ვერსიის 26 თავი დაწყებული მეორედან რიგითაც და ტექსტითაც მისდევს ამ ხელნაწერს. პარალელის გარეშე ვერჩება ქართული პირველი და ოცდამეორე თავი, რასაც აგრეთვე ემეხნება ახსნა.

მაია რაფაბა

პორფირი ფინიკიელის „ხუთნი კმანი“
ქართულ მწიგნობარში

პორფირი ფინიკიელს, მე-3 ს. ნეოპლატონიკოს ფილოსოფოსს, ეკუთვნის შრომა „ხუთნი კმანი“. ანუ „შესავალი არისტოტელის კატეგორიათაღმძი“, რომელიც ძალზე პოპულარული იყო მთელ შუა საუკუნეებში. ამ შრომაში განმარტებულია არისტოტელის ხუთი ძირითადი ლოგიკური ტერმინი: გვარი, სახე, განსხვავებულობა, არსებითი ნიშანი, არაარსებითი ნიშანი. ამიტომაც ეწოდება ნაწარმოებს „ხუთნი კმანი“ ანუ ხუთი ტერმინი.

შრომას ადრევე გამოუჩნდნენ კომენტატორები. ადრევე ითარგმნა იგი სირიულად, ლათინურად, სომხურად, არაბულად.

გავრცელებული შეხედულების თანახმად, პორფირის „ხუთნი კმანი“ ქართულად ითარგმნა ზურაბ შანშოვანმა მე-18 ს; ითარგმნა იგი სომხურიდან. ეს შეხედულება ემყარება ხელნაწერთა ანდერძ-მინაწერებს. პორფირის შრომა მრავალ ხელნაწერში დასტურდება. მათგან ძირითადია S—358 (1735 წ.) და Q—860 (1736—1738 წწ.); S—358-ის 1r-ზე არის ზურაბ შანშოვანის ანდერძი, რომლის მიხედვით, პორფირის შრომა მას უთარგმნია 1735 წ: „მივიწიე აღსრულებად „შეყუანილობისა“ პორფირისსა სომხურის ენითგან ქართულად ითარგმნად ქენსა ჩღლე“.

Q—860 ხელნაწერს, რომელიც ზ. შანშოვანის მიერ ნათარგმნ თხზულებათა კრებულს წარმოადგენს, ახლავს ვახუშტი ბაგრატიონის ორი ანდერძ-მინაწერი (1r, 75v-76r). პირველი ანდერძის ცნობით, ზურაბ შანშოვანს 1736 წ. უთარგმნია პორფირის „ხუთნი კმანი“ (1r).

საკითხი თითქოს ნათელია და გარკვეული. არსებობს ითარგმანი, მთარგმნელის ანდერძი, შესაბამისად არსებობს მათზე აგებული შეხედულება, მაგრამ, როგორც ქვემოთ დავინახავთ, გავრცელებული შეხედულება „ხუთთა კმათას“ ზურაბ შანშოვანის მიერ სომხურიდან ითარგმნის შესახებ რიგ პრინციპულ კორექტივებს საჭიროებს.

პორფირის თხზულების ფილოსოფიურ-ტექსტოლოგიურმა შესწავლამ საეჭვო გახადა შანშოვანის ითარგმანის მხოლოდ სომხური დედნიდან მომდინარეობა. მართლაც, აღმოჩნდა, რომ შანშოვანის ითარგმანი გარკვეულ კავშირშია ერთ ძველ ქართულ ფილოსოფიურ ძეგლთან. ეს არის ამონიოს ერმიასის „მოსაჯენებელი“ „ხუთთა კმათაღმძი“ პორფირი ფილოსოფოსისათა“.

ამონიოს ერმიასი VI ს. ნეოპლატონიკოსია. ცნობილია, რომ მან კომენტარები დაურთო პორფირის „ხუთთა კმათას“. ამონიოსის ეს შრომა მის სხვა



ნაწარმოებთან ერთად უთარგმნიათ მე-12 ს. შრომის სათაურია „მოსაცნენებელი „ხუთთა კმათადმი“ პორფირი ფილოსოფოსისათა“, რაც თანამედროვე ქართულით ნიშნავს: პორფირის „ხუთი ტერმინის“ კომენტარები.

სამეცნიერო ლიტერატურაში აზრთა სხვადასხვაობაა მთარგმნელის ვინაობის შესახებ. კ. კეკელიძის აზრით, მთარგმნელია იოანე ტარიძისძე. ს. გორგაძის მიხედვით, მთარგმნელი შეიძლება იყოს იოანე პეტრიწი, ხოლო ივ. ლოლაშვილის მტკიცებით, იგი იოანე პეტრიწია. ამჟამად ამას არა აქვს არსებითი მნიშვნელობა. ვინც არ უნდა იყოს მთარგმნელი, იგი XI—XII სს. მოღვაწეა და ენისა და სტილის მიხედვით პეტრიწონულ სკოლას მიეკუთვნება. ამონიონის თხზულების შემცველი უძველესი ხელნაწერი S—2562 პალეოგრაფიული ნიშნებით XII—XIII სს-ით თარიღდება.

ამონიონის კომენტარების ქართული თარგმანის არსებობამ საფუძველი მისცა ს. გორგაძეს გამოეთქვა ჰიპოთეზა, რომ პორფირის თხზულება, რომლის კომენტარებსაც წარმოადგენს ამონიონის შრომა, ნათარგმნი იქნებოდა ქართულად მე-12 ს. მკვლევრის გაცხადებით, პორფირის შრომის ძველ თარგმანს ჩვენამდე დამოუკიდებელი სახით არ მოუღწევია, მოაღწია მხოლოდ მისმა ტექსტმა კომენის სახით ამონიონის კომენტარებში¹.

ძიებამ გამოაშკარავა, რომ ამონიონის კომენტარებში დადასტურებული კომენტარი ტექსტი პორფირის შრომისა გამოყენებულია ზურაბ შანშოვანის მიერ მე-18 ს-ში. სურათი ასეთია:

ამონიონის თხზულება შედგება ვრცელი წინასიტყვაობისა და ძირითადი ტექსტისაგან. თითოეული თავის შიგნით ჯერ პორფირის განსამარტავი თეზისია, შემდეგ მას მოსდევს ამონიონის კომენტარი.

ხელნაწერში ტექსტი დაწერილია ერთ სვეტად, მხოლოდ წინასიტყვაობის შემდეგ, კომენტარების დაწყებისას, დასტურდება ორ სვეტად ნაწერი ტექსტი. მარცხენა სვეტში ჯერ პორფირის განსამარტავი თეზისია: „ნამდულ საჭიროდსა, ხუროსაორიე, შესამეცნებელად, თუ რაჲ ნათესაიე“, რომელსაც, ბუნებრივია, ამონიონის განმარტება უნდა მოსდევდეს, მაგრამ აქ, მარჯვენა სვეტში, ხელნაწერის ხელით, იმავე მელნით იწყება სხვა ტექსტი: „ნამდულ საჭიროდს ძლითათჳს განმარტებჲჲ ესე გულისხუმის-ყოფით იმეცნე, ოჲ მეძიებელო ცნობისაო“ და მოყვანილია პორფირის „ხუთთა კმათას“ შესავალი მთლიანად (S—2562, 114r).

როგორც ჩანს, ქართველ მთარგმნელსა თუ გადამწერს ამონიონის კომენტარების დაწყებისას საჭიროდ ჩაუთვლია მკითხველისთვის ეჩვენებინა, თუ რა ნაწარმოების კომენტარებსაჲსთან გვჭონდა საქმე და ამ მიზნით ხელნაწერის მარჯვენა სვეტში დამატებით მთლიანად მოუტანია პორფირის თხზულების „ხუთთა კმათას“ შესავალი.

აი, სწორედ ეს შესავალი, რომელიც მეორე სვეტად გვხვდება მე-12 ს. ხელნაწერში, სიტყვასიტყვით არის გამეორებული შანშოვანის ქართულ თარგმანში. ასევე გამეორებულია პორფირის თხზულების ის ადგილები, რომლებიც

¹ ს. გორგაძე, ფილოსოფიის მთავარი დარგები ძვ. ქართულ მწერლობაში, ჩვენს მეცნიერება, 1923, № 2—3, 4—5, გვ. 9.

კიმენის სახით დასტურდება ამონიოსის ქართულ თარგმანში. სხვაობა ძველ ხელნაწერსა და შანშოვანის ტექსტს შორის უმნიშვნელოა².

შესაღარებლად მოგვაქვს რამდენიმე ადგილი.

ამონიოსის შრომის ძველი თარგმანი
(S—2562)

„ჰგავს ხოლო, არცა ნათესავისა, არცა სახისა მარტივად თქუმაჲ, რამეთუ ნათესავად ითქუმის მჭონებელთა ვიეთვანიმე ერთისა რაჲსმე მიმართ ვითამე“...

„ვითარ-იგი დანიშნული ირაკლიდთაჲ ითქუმის ნათესავი ერთისაგან სქესისა, ვიტყუ უკუე ირაკლისა... გამოკუეთისაებრ სხუათა ნათესავთაგან“...

„ხოლო ამისი ჰგავს კელთა შინა ყოფაჲ დანიშნულისაჲ“.

შანშოვანის თარგმანის მთელი რიგი ადგილების სრული იდენტურობა ძველ ქართულ თარგმანთან უეჭველს ხდის მის მიერ ძველი თარგმანის გამოყენებას: შანშოვანი პირდაპირ იღებს მზამზარეულ წინადადებებსა და ფრაზებს.

ს. გორგაძეს გამოთქმული აქვს მოსაზრება: ზ. შანშოვანის ენა ისეთია, რომ ჩანს, მას ამონიოსის თარგმანებით უსარგებლიაო. როგორც ირკვევა, ეს სარგებლობა უფრო შორს მიდის იმაზე, ვიდრე ეს შეიძლება ენაში გავლენის შედეგად გამოიხატოს.

ძნელია დაბეჭივებით მტკიცება იმისა, ზურაბ შანშოვანმა პორფირის ქართული ტექსტი ამოიღო ამონიოსის კომენტარებიდან თუ დამოუკიდებლად არსებული ქართული თარგმანიდან? ერთსაც და მეორესაც გააჩნია თავისი დედებითი და უარყოფითი არგუმენტები.

ჩვენი აზრით, უფრო მისაღები ჩანს ის თვალსაზრისი, რომ ზ. შანშოვანმა ამონიოსის კომენტარებით ისარგებლა და არა მთელი თარგმანის დამოუკიდებელი ტექსტით და აი, რატომ:

ჯერ ერთი, მას რომ მთელი ტექსტი ჰქონოდა ხელთ ძველი ქართული თარგმანისა, სომხური დედნის თარგმანის საკითხი არც დადგებოდა. მისი და ვახუშტი ბატონიშვილის დაბეჭივებით რწმუნებით კი „პორფირის შრომა მას თარგმნილი აქვს სომხურიდან. მეორეც, ტექსტს ეტყობა სომხური დედნის გავლენა, მართალია, უმნიშვნელო, მაგრამ მაინც გავლენა. მაგ., საკუთარი სახელი „ორესტე“ დასტურდება „ოვრეტოზ“ ფორმით, რაც სომხური *Օրեստու*-ით არის გამოწვეული. ასევე, ამონიოსის კომენტარშია „ღია“, რაც ბერძნულ

² ამონიოსის შრომაში არსებული პორფირის კიმენური ტექსტი ცალკეული თავის ფარგლებში მთელი თავის 1/3 შეადგენს.

Δ:α-ს უდრის; ზურაბ შანშოვანის ტექსტში კი არის „არამაზდი“, რაც ანალოგიურად ვიხსენებთ სომხურ *Արամազդ* -თან პოულობს.

ამგვარი ტექსტობრივი მონაცემების გათვალისწინებას იმ დასკვნამდე მივყავართ, რომ ზ. შანშოვანი ერთგვარ კომპილაციას ახდენს პორფირის ტექსტისას. იგი თხზულების გარკვეულ ნაწილს იღებს ამონიოსის კომენტარებიდან, ხოლო იმ ადგილებს, რომლებიც ამონიოსის კომენტარებში არაა, სომხური დედნიდან თარგმნის.

ზ. შანშოვანის ტექსტის შემცველ ხელნაწერებს ერთგვარი შესწორებარედაქტირების კვალი ეტყობათ. ორი ძირითადი ხელნაწერიდან ერთი, S—358 (გადამწერი ზებედე), გაცილებით მეტ სიახლოვეს იჩენს ამონიოსის ქართულ თარგმანთან, ხოლო Q—860 (ზ. შანშოვანის მიერ თარგმნილ ნაწარმოებთან კრებული) სომხური დედნისკენ იხრება.

S—358

Q—860

შესავალი ზუსტად ისაა, რაც ბერძნულ-ქართულში (ამონიოსისა)

შესავალი სომხური ტექსტის შესატყვისია

ერაკლი უთა = *Ἐρακλῆς ὕθῳ*

სქესი = *αχῆαις*

გამოკლებთა = *ἐπισημαί*

ერაკლიანთა = *Հրակկსანუ*

პყრობა = *կալում*

გარდაცემა = *բացասումիւն*

და ა. შ.

როგორც ჩანს, ასეთ რედაქციულ განსხვავებას და შესწორებებს გულისხმობს Q—860 ხელნაწერის შემკვეთ-გადამწერის ვახუშტი ბატონიშვილის ერთ-ერთი ანდერძის ცნობა: „პირველად მეფის ვახტანგის ნებითა და ბრძანებითა ამის მოსახსენებელსა შინა მოხსენებულს ზურაბს ეთარგმნა სომხურისაგან პორფირი აშტარხანს. შემდგომად მოსკოს ქენებითა განვასწორებინე იგივე პორფირი“³.

ანდერძების ცნობით, ვახუშტი ბატონიშვილი ძალზე აქტიურად ეხმარება ზ. შანშოვანს სომხურიდან თარგმნის საქმეში. იგი დამკვეთიც არის, ქართული ტექსტის განმმარტებელი, გამმართველი და მწერალიც. ზ. შანშოვანს, როგორც არისტოტელეს „კატეგორიებზე“ დართული ანდერძიდან⁴ ვიკებთ, სუსტად ცოდნია ქართული ენა. „არ ვიყავ ფრიად მოადგილე ქართველთა ენისა“—აცხადებს იგი. თარგმნისას იგი მარტო არ ყოფილა. მას შემწეობასა და დახმარებას უწევდა ვახუშტი ბაგრატიონი „წერითა და განმარტებითა“. შანშოვანი შენიშნავს, რომ ეს წიგნი აღვასრულეო „არა მარტივად თავით ჩემითა, არამედ ნება მოდგმითა ორთავე“.

ვახუშტი ბაგრატიონიც აღნიშნავს თავის მონაწილეობას ტექსტების თარგმნაში. „ვათარგმნინე, ხოლო ვთ იგი მეტყოდა, მე ვსწერდი, ვემწოდი მცირედრე ქართულისა ენითა“ — თავმდაბლად შენიშნავს სწავლული ბატონიშვილი თავის წვლილზე, ხოლო ანდერძის ბოლოს შენდობას გამოითხოვს თა-

³ Q—860, 75v.

⁴ Q—860, 39r.

ვისი და მთარგმნელის მისამართით: „შენდობით მოგვიხსენეთ მშრომელთა ამ-
ის ორთა, რამეთუ დაეშუერ, ვითარცა ტრფიალ ვარ ესრეთთა და სხვათაცა“⁵...

ანდერძებიდან მკლავნდება ვახუშტი ბაგრატიონის დიდი გატაცება ფი-
ლოსოფიურ-ლოგიკური თხზულებებით. ბატონიშვილი დაუღალავი ენთუზიაზ-
მით ეკიდებოდა ფილოსოფიურ წიგნთა გავრცელებას ქართველთა შორის. ამ
მიზნით მას თვითონ შეურჩევია ზ. შანშოვანისთვის სათარგმნი მასალა. იმდენ-
ნად ღრმა ყოფილა ვახუშტი ბატონიშვილის გატაცება, რომ იგი ცდილობდა
ყოველი თხზულება, რაგინდ ნაკლები არ ყოფილიყო, დარჩენილიყო ქართულ
მწერლობაში. ასე, ზ. შანშოვანს გრამატიკის ქართული თარგმანი დასრულე-
ბულად არ ჩაუთვლია სინტაქსის უქონლობის გამო, მაგრამ ვახუშტი ბატონი-
შვილს მაინც შეუტანია იგი კრებულში იმ მოსახრებით, რომ „უჟუეთუ უსრულ
არს, გარნა გზა რამემ იხილვების მისგან“⁶.

ცხადია, ასეთი განწყობილებების მქონე მეცნიერ ბატონიშვილს უმკვე-
ლად ეცოდინებოდა პორფირის თხზულება დამოუკიდებელი თარგმანის სახით
ან ამონიოსის კომენტარებით. ექვს გარეშეა, რომ ამ წყაროთი სარგებლობი-
სას ზურაბ შანშოვანს იგი გაუმართავდა ხელს. ასეთია ზ. შანშოვანის მიერ
„ხუთთა კმათას“ თარგმნის ფაქტობრივი მდგომარეობა.

როგორი გამოხმავება პპოვა ზ. შანშოვანის თარგმანმა მომდევნო ხანის
მწერლობაში? ცნობილია, რომ მე-18 ს. შუა წლებში შექმნილი პოლიტიკური
და აქედან გამომდინარე ლიტერატურული ვითარების გამო, ქართლ-კახეთის
საერო თუ კულტურული ცხოვრების მესვეურებმა ახლად შექმნილ სემინარი-
ებსა თუ სკოლებში გააცხოველეს ფილოსოფიური თხზულებების შესწავლა.
ლიტერატურა თარგმნებოდა რუსულიდან, ლათინურიდან, ფრანგულიდან და
საკმაოდ ინტენსიურად სომხურიდან. ანტონ კათალიკოსი, იოანე ბატონიშვილი
და სხვა მწიგნობრები განსაკუთრებულ ყურადღებას აქცევდნენ ლოგიკას. აქე-
დან გასაგებია მათი ინტერესი არისტოტელესა და მის კომენტატორთა შრო-
მებისადმი. დიდი პატივით სარგებლობდა პორფირის „ხუთნი კმანი“. ამ პერ-
ოდის მწერლები ხშირად მიმართავენ პორფირის თხზულებას, ამუშავენ, გან-
მარტავენ იმ მიზნით, რომ „ყრმათათუს გასაგები“ გახადონ.

„ხუთნი კმანი“ საგანგებოდ დამუშავებულია ანტონ I-ის მიერ. ანტონს
ორჯერ მიუმართავს ამ ნაწარმოებისათვის და თავის ორ სხვადასხვა შრომაში
„განუკარგვნია“⁷. პირველად, 1752 წ. დაწერილ თხზულებაში, რომელიც. „სპე-
კალის“ სახელწოდებითაა ცნობილი⁷, ხოლო მეორედ—1767 წ. დაწერილ
„კატეგორია-სიმეტნეში“⁸. „სპეკალში“ პორფირის შრომა სრულად არის წარ-
მოდგენილი, ხოლო „კატეგორია-სიმეტნეში“ მხოლოდ მე-2 ნაწილია შრომაში⁹.
ამ ნაწილში „კატეგორია-სიმეტნე“ მიჰყვება „სპეკალს“, იმეორებს მთელ
ფრაზებს. მაგრამ ეტყობა, რომ „სიმეტნის“ ტექსტი რომელიღაც სომხური
დედნის მიხედვით არის „განკარგული“.

„ხუთთა კმათას“ კომენტირებას ვხვდებით დავით ბაგრატიონის შრომაში

⁵ Q—860, 76r.

⁶ Q—860, 75v.

⁷ A—1743.

⁸ S—52.

⁹ პორფირის თხზულება „ხუთნი კმანი“ ორი ნაწილისაგან შედგება: ა) „ხუთი მარტივი კმა“,
ბ) „ზიარება ხუთთა კმათას“.



„კატელორია შემოკლებული“¹⁰. დავით ბაგრატიონს დამუშავებული აქვს ფილოსოფიის ნაწარმოების მხოლოდ პირველი ნაწილი.

იოანე ბატონიშვილის „კალმასობაში“ პორფირის თხზულება მთლიანად დასტურდება.

სხვა ქართველი მოღვაწენიც ხშირად მიმართავენ პორფირის თხზულების ციტირებას.

ისმის კითხვა, რა წყაროთი იცნობს ამ დროის მწერლობა პორფირის შრომას?

მე-18 ს. შუა წლებისთვის პორფირი შეეძლოთ ცოდნოდათ შემდეგი გზებით:

- ა) ამონიოსის კომენტარების პეტრიწონული თარგმანით.
- ბ) ზურაბ შანშოვანის თარგმანით.
- გ) შესაძლებლად მიგვაჩნია, რომ პორფირის შრომის დამოუკიდებლად არსებული ქართული თარგმანი არსებობდა.

დ) 1752 წ. ამათ მიემატა სომხურიდან ნათარგმნი ს. ჯულაეცის „დიალექტიკა“, რომლის ერთ ნაწილს წარმოადგენს პორფირის შრომის კომენტარი.

როგორც უკვე გარკვეულია, ს. ჯულაეცის „დიალექტიკა“ წარმოადგენს წყაროს დავით ბაგრატიონისა და იოანე ბატონიშვილისთვის. კერძოდ, მათ ჯულაეცის ამ წიგნიდან აიღეს პორფირის თხზულების მხოლოდ პირველი ნაწილი: „თეს ხუთთა მარტივთა ვმათა“¹¹, მხოლოდ პირველი, რადგან მე-2 ნაწილი, სადაც 5 ტერმინის მსგავსება-განსხვავებაზეა საუბარი, ჯულაეცის წიგნში საერთოდ არაა.

რაც შეეხება ანტონი კათალიკოსის „ხუთთა ვმათას“, მის წყაროდ ს. ჯულაეცის „დიალექტიკას“ ვერ დავუშვებთ და აი, რატომ:

ანტონის თხზულება „სპეკალი“, რომელშიც მოცემულია პორფირის შრომის კომენტარები, დაწერილია 1752 წ. წიგნი შედგება 3 ნაწილისაგან: 1. მარტივ მიღება, 2. შეთხზულობა, 3. სილოგიზმო.

ხელნაწერს ახლავს ავტორის ანდერძი, რომლის ცნობით, მე-2 და მე-3 ნაწილები არ ყოფილა თარგმნილი ქართულ ენაზე და ანტონის უთარგმნინებია. გამოდის, რომ პირველი ნაწილი თარგმნილი ყოფილა იმ დროისთვის, ე. ი. ჯულაეცის „დიალექტიკის“ თარგმნამდე. ამ პირველ ნაწილში შედის პორფირის „ხუთნი ვმანი“ მთლიანად. მასსადაამე, პორფირის შრომა თარგმნილია 1752 წლამდე.

ტექსტებზე დაკვირვებამ გამოავლინა ანტონის წყარო ამ ნაწილში. ესაა „კავშირთა“ იოანე პეტრიწის კომენტარები და დამასკელის „დიალექტიკის“ ძველი ქართული თარგმანი ეფრემ მცირისა¹².

რაც შეეხება „ხუთთა ვმათას“, „სპეკალის“ ტექსტი სხვაობს ყველა აღრინდელი ტექსტისაგან, ანტონი არავითარ წყაროს არ ასახელებს: არც ზ. შანშოვანს, არც ამონიოსს. უფრო გვიანდელ ნაწარმოებში კი, როგორცაა „კა-

¹⁰ S—58.

¹¹ გ. დე დ ა ბ რ ი შ ვ ი ლ ი, იოანე ბაგრატიონის „კალმასობის“ ფილოსოფიური ნაწილის გამოკვლევა და ლექსიკონი, ქართული ფილოსოფიური აზრის ისტორიის ნარკვევები, 1974, გვ. 55.

¹² A—1743, გვ. 36—57, 57—146.

ტეგორია-სიმეტნე“, იგი ხშირად ახსენებს ამონიოსს და მიმართავს მის ციტატებს.

საყურადღებოა, რომ ამ პერიოდის არცერთი მწერალი არ ახსენებს ზ. შანშოვანს. არც ჩანს კვალი იმისა, რომ მის შრომას იცნობენ. თავისთავად იბადება კითხვა: მე-18 ს. მწერალთა დუმილი ზ. შანშოვანის გარშემო ხომ არ აიხსნება იმით, რომ პორფირის „ხუთთა ვმათას“ ტექსტი მათ კლასიკურ ხანაში თარგმნილად მიაჩნდათ, ხოლო ზ. შანშოვანი უფრო კომენტატორ-კომპილატორად ესახებოდათ, ვიდრე მთარგმნელად?

წერილობით წყაროებში არის რამდენიმე ცნობა, რომლებიც ამის სასარგებლოდ მეტყველებს:

ა) ერთ-ერთი მათგანია სულხან-საბა ორბელიანის განცხადება „ქართული ლექსიკონის“ წინასიტყვაობაში. სულხან-საბა ჩამოთვლის წყაროებს, რომლებითაც მან ისარგებლა და მათ შორის ასახელებს „პორფირის კათელორიას“¹³. ტექსტში იგი ხშირად იმოწმებს ამ თხზულებას, მას ხან ამონიოსს უწოდებს, ხან „სხვა კათილორიას“, მაშასადამე, საბა პორფირის შრომაში გულისხმობს ამონიოსის კომენტარებში მოცემულ კიმენურ ტექსტს.

ბ) საყურადღებოა თეიმურაზ ბაგრატიონის ცნობა. მის მიერ შედგენილ ნათარგმნ ძეგლთა „კატალოგში“ 126-ე ნომრად იგულისხმება პორფირის ნაწარმოები, რომელიც, მისივე სიტყვებით „ჩვენთა ძეგლთა ქართველთა მთარგნელთაგან ელინურისა ენისაგან არის თარგმნილი“. როგორც ჩანს, თეიმურაზისათვისაც უცნობია ზ. შანშოვანის სახელი.

დაბოლოს, ანტონ I-ის ფილოსოფიური თხზულებების შესწავლას იმ დასკვნამდე მივყავართ, რომ იგი პორფირის შრომას იცნობს ან რომელიმე სხვა თარგმანის გზით, ან ამონიოსის კომენტარებით და არა ზ. შანშოვანის თარგმანით.

წერილობით წყაროებში ზ. შანშოვანზე რაიმე გამოხმაურების ძიებისას ყურადღება მიიქცია ვინმე ზაქარია სომეხთა მოძღვარმა.

ზაქარია მოძღვარი რამდენჯერმე იხსენიება ამ დროის ქართულ მწერლობაში.

ანტონ I „სპეკალში“ აცხადებს: „აზარაჲ ჩემისაებრ მისიბრძნიეს..., არამედ რაჲეცა ვისმინე ლათინთაგან ფილოსოფოსთა და ზაქარიას ვისმე სომეხთა მოძღვრისა“¹⁴.

ისევ ანტონი: „დიოჩოქმან რომელმანმე ტფილისელმან, სახელით ზედწოდებულმან ზაქარია, აღზარდა გაიოზ რექტორი შვილად“¹⁵.

ოიანე ბატონიშვილი: „ზაქარია ვართაპეტმა მადინაშვილმა განუმარტა კავშირი, ხუთი კმა და საზღვართა წიგნი“¹⁶.

ანტონ ცაგერელ-ჰყონდიდელიც ახსენებს სხოლაპეტ ფილიპეს მოწაფეს ზაქარიას¹⁷.

სომეხთა მოძღვარმა ზაქარიამ დაგვაინტერესა იმდენად, რამდენადაც ანტონ I მის სახელს უკავშირებს იმ გრამატიკის თარგმნას, რომელსაც, ზელნა-

¹³ ს. ს. ორბელიანი, თხზულებანი, IV, გვ. 32.

¹⁴ A— 1743, გვ. 317.

¹⁵ კ. კეკელიძე, ქართული ლიტერატურის ისტორია, I, 1951, გვ. 360.

¹⁶ კალმასობა, II, გვ. 204.

¹⁷ S— 250, ანდერძი.

წერთა ანდერძების ცნობით, ზურაბ შანშოვანს მიაწერს ვახუშტი ბატონიშვილი. ანტონი წერს, რომ ვახტანგ მეფეს ენებო ამ წიგნის პოვნა, შემდეგ საბას, ბოლოს მეფის ძეს ვახუშტის, „გარნა ვერ მპოებელთა და ფრიად მეულონოეთა ოდესმე მოქალაქეთაგან ტფილისელი, რომელსა აწ ვარდაპეტ ზაქარიალ წოდებულ ჰყოფენ... ევედრებოდეს მას და ევედრებოთა მათით შეეხო ღრამბატისა გარდამოცემა“¹⁸.

ზუსტად ანალოგიური ამბავს მოგვითხრობს ვახუშტის ანდერძ-მინაწერი¹⁹. განსხვავება მხოლოდ სახელებშია. ანტონი გრამბატის შექმნას მიაწერს ზაქარია ვარდაპეტს, ხოლო ვახუშტი ბატონიშვილი — ზურაბ შანშოვანს. ეს დამთხვევა შემთხვევითი არ უნდა იყოს. ის პიროვნება, რომელმაც ვახტანგ VI-ის ბრძანებით გრამბატის შექმნას მოჰკიდა ხელი და ზურაბ შანშოვანად იყო ცნობილი, ანტონის დროს ხომ არ არის ცნობილი, როგორც ზაქარია ვარდაპეტი? ეს გამორიცხული არაა, თუ ზურაბ შანშოვანს საერო სახელად გავიგებთ, ხოლო ზაქარია ვარდაპეტს — მისი სასულიერო წოდებაში გადასვლის მაუწყებლად. ანტონის სიტყვები: „აწ ვარდაპეტ ზაქარიალ წოდებულ ჰყოფენ“ — ამის დადასტურება ჩანს.

რასაკვირველია, მხოლოდ ანტონის ცნობაზე დამყარებით გარკვეული დასკვნების გამოტანა ნაადრევია და ეს საკითხი შემდგომ შესწავლას მოითხოვს. ყოველ შემთხვევაში, ზ. შანშოვანის გარშემო დღემდე ან ისე უნდა ავხსნათ, როგორც ზემოთ აღვნიშნეთ (პორფირის „ხუთნი ჯმანი“ ძველი დროის თარგმანად ითვლებოდა), ან ისე, რომ ზ. შანშოვანი მე-18 ს. შუა წლებისთვის სხვა სახელით არის ცნობილი.

„ხუთთა ჯმანთა“ თარგმანის ისტორიის შესწავლამ ნათელი გახადა იმის აუცილებლობაც, რომ ზოგი ნათარგმნი ძეგლის შესახებ გამოთქმული დასკვნები ხელახლა უნდა იქნას გადასინჯული და დაზუსტებული, წინააღმდეგ შემთხვევაში საზოგადოებრივი აზრი შეიძლება ისეთი შეცდომების წინაშე აღმოჩნდეს, როგორც ზოგიერთი დასკვნითი დებულების სახით მოცემულია პ. მურადიანის წიგნში «Армяно-Грузинские литературные взаимоотношения в XVIII в. Ереван, 1966». ეს დასკვნები თითქოს ლიტერატურულ წყაროთა მონაცემებს ემყარება, მაგრამ მკვლევარი მათ ყოველგვარი კრიტიკული ანალიზის, შედარება-შემოწმების გარეშე იყენებს. როგორც ჩანს, წიგნის ავტორი ხელნაწერებამდე არ მისულა და სამეცნიერო ლიტერატურაში მოცემულ ცნობებს იმეორებს მათი განზოგადოებისა და ანალიზის გარეშე. აღნიშნულ წიგნში არის მთელი რიგი გაუგებრობებისა. პ. მურადიანი სომხურიდან თარგმნილ ერთსა და იმავე ნაწარმოებს რამდენიმე სხვადასხვა ნაწარმოებად აცხადებს, ანდა თვლის, რომ ერთი და იგივე ძეგლი რამდენჯერმე არის ნათარგმნი, რაც სინამდვილეს არ შეეფერება.

არას ვიტყვივით სხვა თხზულებებზე, გამოვყოფთ მხოლოდ პორფირის თხზულებას. პ. მურადიანის აზრით, „ხუთნი ჯმანი“ ორჯერ არის თარგმნილი სომხურიდან ქართულად. პირველად, ზ. შანშოვანის მიერ, მეორედ — ფილიპე ყაითმაზაშვილისა და ანტონ I-ის მიერ.

მკვლევარი მე-2 თარგმანის არსებობის შესახებ ცნობას იღებს კ. კეკელი-

¹⁸ А—785, გვ. 6.

¹⁹ Q—860, 75v.

დის ქართული ლიტერატურის ისტორიიდან, სადაც სათაურის დასახელების გარეშე ციტირებულია ანტონ I-ის ერთ-ერთი თხზულების („რიტორიკის“) წინასიტყვაობა:

„უწინარეს იმპერიად როსიისა წარსვლისა ჩემისა გარდამოღება ვყავ ფილიპესთანა ზუციისა სომეხთაგანისა „დიალექტიკისადა“, და „ათნი კატილორიანი“ არისტოტელეზბრნი სხვათა და სხვათა მავალითებითა განვკარგენ და კვალად „ხუთნი ჯმანი“... პორფირის ფინიკიელისანი რომელნიმე მცირეთა შინა ნაქესთა შევაწყვიდენ და რომელნიმე განვაკრცენ“²⁰.

ამ ციტატიდან მცდარი აზრია გამოტანილი, თითქოს ანტონს ფილიპესთან ერთად ეთარგმნოს სამი სხვადასხვა თხზულება: ცალკე „დიალექტიკა“ (იგულისხმება ს. ჭულაეცისა), ცალკე არისტოტელის „ათნი კატილორიანი“ და ცალკე პორფირის „ხუთნი ჯმანი“. სინამდვილეში კი აქ ერთ ნაწარმოებთან გვაქვს საქმე. ეს არის ს. ჭულაეცის „დიალექტიკა“, რომლის პირველ ნაწილს წარმოადგენს სწორედ დასახელებული შრომები: არისტოტელის „კატეგორიები“ და პორფირის „ხუთნი ჯმანი“. ანტონ I და ფილიპემ თარგმნეს „დიალექტიკის“ მე-2 და მე-3 ნაწილები („შეთხზუაობა“ და „სილოგიზმო“), ხოლო პირველი ნაწილი, როგორც ზემოთაც აღინიშნა, უკვე თარგმნილად ეგულებოდა მას. თანაც, ანტონის სიტყვები: „გარდამოღება „ვყავ“ ეხება მხოლოდ „დიალექტიკას“. „კატეგორიებსა“ და „ხუთთა ჯმათაზე“ ნათქვამია: „განვკარგენ“, „განვაკრცენ“, რაც ამ თხზულებათა რედაქტირებას ნიშნავს და არა ხელახლა თარგმნას.

3. მურადიანს არ გაუთვალისწინებია და ზემოაღნიშნულ ციტატასთან არ შეუწყამებია ანტონ I-ის სხვა თხზულებათა ცნობები, რომლებიც დაბეჭდილებით იმეორებენ, რომ არისტოტელის „კატეგორიები“ და პორფირის შრომა აღრევე იყო თარგმნილი. მაგ., „ღვთისმეტყველების“ წინასიტყვაობაში ის აღნიშნავს, რომ „აქუნდა ვიდრემე ქართველთა თარგმანებული... „კატილორია“ არისტოტელეზბრი“ და ისეთი დასკვნაც კი გამოაქვს, რომ „არ საკრველ არს და სადიდებელ ჭულაეცისა იგი განდიდებული ვიეთაგანმე სიბრძნისმოყუარებაჲ“²¹.

მეორე წყარო, რომელშიც იგივე აზრია გამოთქმული, არის ზემოაღნიშნული „სპეკალი“, რომლის ანდერძ-მინაწერი იუწყება, რომ „ორნი ესე ნაწილნი (2 და 3) არა იყუნეს დროთა ჩვენთა ქართველთა ზედა ჯმათა და სხვათა ენათაგან გარდამოღებაჲ ვაქმნიე ვისმე“²². გამოდის, რომ პირველი ნაწილი („კატეგორიები“ და „ხუთნი ჯმანი“) უკვე თარგმნილად არის მიჩნეული.

მესამე ცნობა, რომელიც სომხურიდან მხოლოდ ორი ნაწილის გადმოღებას აღსატურებს, არის ანტონის გრამატიკის წინასიტყვაობა: „ჯერეთ ორთა ნაწილთა არისტოტელის „შესმენათასა“ ვყავთ სომეხთა ენისაგან გადმოთარგმნაჲ, ესე იგი შეთხზუაობითისაჲდა; შესიტყუობისა, რომელ არს სილოგიზმო“²³.

ეს ორი ნაწილი ისევ და ისევ ს. ჭულაეცის „დიალექტიკის“ ბოლო ორი ნაწილის თარგმნას გულისხმობს და არა — არისტოტელის „კატეგორიებს“.

²⁰ S— 3759, 7v. სხვათა შორის, ამ ციტატის წყაროც შეცდომით არის მურადიანის წიგნში დასახელებული. S— 250, ხელნაწერი, რომელსაც იგი მიუთითებს, სულ სხვა თხზულება.

²¹ ა ნ ტ ო ნ I, ღმრთისმეტყველება, S— 3657, 15 r.

²² A— 1743, გვ. 190.

²³ A— 78, გვ. 5.

როგორც ამას აცხადებს პ. მურადიანი. მკვლევრისთვის უცნობი არ უნდა იყოს რომ არისტოტელის „კატეგორიები“ არავითარი ორი ნაწილისაგან არ შედგება.

მსგავსი უზუსტობანი არა ერთი და ორია. ცხადია, აუცილებელია ამ უზუსტობათა დაწმენდა და რეალური სურათის გამოვლენა ნათარგმნი ძეგლების ტექსტოლოგიური შესწავლის გზით.

საბოლოოდ დავასკვნით: გავრცელებული აზრი, რომ პორფირი ფინიკიელის „ხუთნი ჯმანი“ სომხურიდან არის თარგმნილი ზ. შანშოვანის მიერ, უნდა დაზუსტდეს იმ თვალსაზრისით, რომ ეს ნაწარმოები მხოლოდ ნაწილობრივ შეიძლება ჩაითვალოს სომხურიდან თარგმნილად. ზ. შანშოვანის სახელით ცნობილი ტექსტი კომპილაციური შრომაა, რომლის წყაროდ გამოყენებულია ძველი ქართული თარგმანი ამონიოს ერმიასის შრომისა. ამ უკანასკნელის ნაკლები ადგილები შევსებულია სომხური დედნით.

М. А. РАПАВА

«ВВЕДЕНИЕ» ПОРФИРИЯ ФИНИКИЙСКОГО В ГРУЗИНСКОЙ ЛИТЕРАТУРЕ

(Резюме)

Произведение Порфирия Финикийского «Введение к «Категориям» Аристотеля» считается переведенным с армянского языка на грузинский Зурабом Шаншовани в XVIII в. Мнение это основано на данных памятных записей грузинских рукописей.

Текстологическое исследование поставило под сомнение достоверность этих сведений. Выяснилось, что перевод Шаншовани находится в прямой связи с древним грузинским переводом одного философского сочинения — «Комментариев «Пяти терминов» Порфирия философа» Аммония Ермия. Грузинский перевод этого памятника встречается в рукописи XII в. Рукопись содержит кименический текст «Введения» Порфирия и метафрастический текст комментариев Аммония. В ней, в отличие от греческого оригинала, дополнительно приведено предисловие из труда Порфирия. При сличении грузинских текстов выяснилось, что и предисловие и кименический текст труда Порфирия непосредственно использованы З. Шаншовани, так как им дословно повторены соответствующие места древней рукописи. Становится очевидным, что З. Шаншовани прибегает к компиляции текста: определенную часть труда Порфирия он берет из древнегрузинского перевода Аммония Ермия, недостающие же места переводит с армянского оригинала.

По сведениям памятных записей, при переводе активное содействие З. Шаншовани оказывал Вахушти Багратиони.

«Введение» пользовалось большой популярностью среди писателей XVIII в. В трудах Антона Багратиони, Иоанна Багратиони и других



часто упоминается труд Порфирия, однако эти авторы не называют З. Шаншовани в качестве переводчика. Подобное умалчивание можно объяснить двояко: возможно что, в середине XVIII в. З. Шаншовани знали под другим именем — вардапета Захария; можно также допустить, что вышеупомянутые писатели считали З. Шаншовани скорее компилятором, чем переводчиком.

Изучение истории грузинского перевода «Введения» выявило необходимость уточнить некоторые выводы, существующие в научной литературе относительно переводных памятников XVIII в. Так, требуют исправления и уточнения некоторые заключения, данные в книге П. Мурадяна «Армяно-грузинские литературные взаимоотношения в XVIII в.», Ереван, 1966. В книге один и тот же памятник, переведенный с армянского на грузинский, выдается за разные произведения. В других случаях автор допускает существование нескольких переводов памятника, на самом деле лишь однажды переведенного с армянского. Автором высказана мысль, что «Введение» дважды переведено с армянского на грузинский: первый перевод принадлежит З. Шаншовани, второй же — Антонию I и Филиппу Кантмазашвили. Сличение текстов выявило необоснованность этого положения: текст, принятый П. Мурадяном за второй перевод, является не «Введением» Порфирия, а «Диалектикой» С. Джугаеци, одну составную часть которой представляют комментарии «Введения» Порфирия.

გზამკალა შანიძე

ფსალმუნის ორი უძველესი ქართული ხელნაწერის შესახებ

ა. პაპირუსის ფსალმუნი

პაპირუსის ფსალმუნი, რომელსაც სახელი შეერქვა ქართულ ხელნაწერთათვის უჩვეულო საწერი მასალის გამო, სამეცნიერო ლიტერატურაში არა ერთგზის არის ნახსენები. იგი აწერა ალექსანდრე ცაგარელმა, მანვე გამოაქვეყნა სურათი ტექსტის ერთი გვერდისა¹. სინურ ხელნაწერთა შემდგომდროინდელ აღწერილობებში (ი. ჯავახიშვილისა, ნ. მარისა) იგი აღწერილი არაა; ბოლო ხანებამდე პაპირუსის ფსალმუნი დაკარგულად ითვლებოდა². უ. გარიტმა 1956 წელს მიუთითა, რომ ხელნაწერი, ძალიან დაზიანებული, სინას მთაზე ყოფილა, მაგრამ მას თავის წიგნში³ ხელნაწერის აღწერილობა არ მოუცია; როგორც ჩანს, არც მიკროფილმი გადაუღიათ ხელნაწერისა, ალბათ, მისი მდგომარეობის გამო.

1961 წ. უ. გარიტმა გამოაქვეყნა რეცენზია ფსალმუნის ძველ ქართულ რედაქციათა გამოცემაზე⁴. ამ რეცენზიაში იგი წერს, რომ 1950 წელს, როდესაც სინური ხელნაწერები გადაუღიათ, პაპირუსის ფსალმუნი მათთან ერთად არ ყოფილა ბიბლიოთეკაში თაროზე მოთავსებული. დაშლილი და დაზიანებული ხელნაწერი, ძველ გაზეთში შეხვეული, სკივრში ჰქონიათ შენახული (სკივრში უნახავს იგი ა. ცაგარელსაც). 1957 წ. უ. გარიტი კვლავ ყოფილა სინას მთაზე; ხელნაწერი მას უკვე რესტავირებული დახვედრია — ფურცლები ცალ-ცალკე შუშებშია ჩასმული. ამ რეცენზიაში უ. გარიტი იძლევა ხელნაწერის აღწერილობას. მისი სიტყვით, პაპირუსის ფსალმუნში ამჟამად ყოფილა 83 ფ. (ცალკეა კიდევ წვრილ-წვრილი ფრაგმენტები, ორ შუშაში). ფურცლების საშუალო ზომაა 200×140 მმ.; ნაწერია ერთ სვეტად, მუხლ-მუხლად; ყოველი მუხლი ახალ სტრიქონზე იწყება. მუხლის შემდეგ არის ნიშანი—ხაზი.

¹ А. Цагарели, Каталог грузинских рукописей Синайского монастыря. Памятники грузинской старины в Св. Земле и на Синае, Православный Палестинский сборник, т. IV, вып. I. Приложение II, СПб, 1888, с. 193. სურათზე — დს. 118, 68—75.

² ა. შანიძე, ძველი ქართულის ქრესტომათია, თბ., 1935, გვ. 109; ე. კეკელიძე, კულტურულ-ისტორიული მნიშვნელობა უძველესი ქართული დავითნის ტერმინოლოგიისა და ტექსტუალური თავისებურებისა, ეტიუდები, III, თბ., 1955, გვ. 120.

³ Catalogue des manuscrits géorgiens littéraires du Mont Sin:ī, par G. Garitte, CSCO, v. 165, Subsidia, t. 9, Louvain, 1956, S. 6—7.

⁴ G. Garitte, Une Edition critique du Psautier géorgien. Bedi Kartlisa, Revue de kartvelologie, Études géorgiennes et caucasiennes, v. X—XI, Nr. 36—37, Paris, 1961, p. 12—20.

მუხლის დასაწყისი ასო დიდია, ჩვეულებრივ შავი, ზოგჯერ სინგურით დაწერილი გვხვდება. სათაურები — მთავრულით, სინგურით; რვეულების სათაურები აღნიშნულია; 81v-ზე, რომელიც გადამწერს შეუესებელი დაუტოვებია, არის მინაწერი იოანე-ზოსიმეს ხელით: „...ლოცვასა წმიდასა თქუნ [სა...] ფრიად ცოდვილი ესე იოვანე... და მამანი ჩემნი სულიერნი... და თქუნცა ქრისტემან შეიწყალენ“⁴.

ხელნაწერი ნაკლულია. შენახულია შემდეგი ტექსტი: ფფ. 1r—30v: ფს. 1,1—41,1; 31r—43v; ფს. 43,6—67,25. ფ. 44 აკლია; 45r—56v: ფს. 68,14—80,5; 57r—81v: ფს. 118,82—140,3; 83r—85v: გალობა 1,12—2,37. ცალკეა კიდევ დასახელებული 8 ფრაგმენტი, რომლებზეც ტექსტის მცირე მონაკვეთებია შემორჩენილი (ფს. 115,2—116,1; 117,1—9, 17—19; 118, 51—68).

ჩვენ შეგვიძლია ვიმსჯელოთ პაპირუსის ფსალმუნის შესახებ მხოლოდ აღწერილობათა მონაცემებისა და თ. უსპენსკის მიერ სინის მთიდან წამოღებული ორი ფურცლის ტექსტის მიხედვით: (ფს. 118,68—81 და ფს. 111 ზწ.—112,6). ეს ფურცლები ამჟამად დაცულია ლენინგრადის საჯარო ბიბლიოთეკის ხელნაწერთა განყოფილებაში. ერთი მათგანი გამოაქვეყნა ა. შანიძემ (ფს. 118,68—80)⁵, მეორის ერთი გვერდის ფოტო და მხედრული ტრანსლიტერაცია დაბეჭდილია ი. აბულაძის პალეოგრაფიული ალბომის მეორე გამოცემაში (11 ზწ.—8)⁶.

ა. ცაგარელი, როგორც აღვნიშნეთ, ვარაუდობდა, რომ ხელნაწერი გადაწერილია არა უგვიანეს VII—VIII საუკუნეებისა. სხვების აზრით, იგი უფრო გვიანდელია: IX ს-სა (ი. ჯავახიშვილი, კ. კეკელიძე)⁷ ან IX—X ს-სა (ა. შანიძე)⁸.

ი. ჯავახიშვილსა და ა. შანიძეს თავთავისი დათარიღების საფუძველი მოხსენებული არა აქვთ; კ. კეკელიძე კი თავისას იმით ასაბუთებს, რომ პაპირუსის ფსალმუნში ჩანს დაყოფა კანონებად („ფსალმუნი თ... კანონი ბ“). კ. კეკელიძის აზრით, ფსალმუნის დაყოფა ოც კანონად მხოლოდ IX საუკუნიდან არის ცნობილი. ასეთი დაყოფის პირველ ნიმუშად იგი ასახელებს პ. უსპენსკის მიერ ჩამოტანილ ბერძნულ ხელნაწერს, რომელიც ამჟამად ლენინგრადის საჯარო ბიბლიოთეკაში არის დაცული⁹. იგი 862 წელს არის გადაწერილი¹⁰. ქართული ფსალმუნის კანონებად დანაწილებაზე მსჯელობის დროს მხედველობაში უნდა იქნეს მიღებული შემდეგი გარემოება: ქართულ ხელნაწერებში მართლაც გვაქვს ტექსტის დაყოფა ოც კანონად, მაგრამ ძველი ვერსიების კანონები განსხვავებულია გიორგი მთაწმიდლისეული ტექსტის კანონებისაგან. უსპენსკის ფსალმუნის კანონებს თანხვედბა გიორგი მთაწმიდელთან მიღებული დაყოფა,

⁵ ა. შანიძე, ძველი ქართულის ქრესტომათია, გვ. 44. ერთი მუხლის ტექსტი (118, 81 აქ დაბეჭდილი არაა.

⁶ ი. აბულაძე, ქართული წერის ნიმუშები, პალეოგრაფიული ალბომი, თბ., 1973, ტაბ. 42.

⁷ ი. ჯავახიშვილი, ქართული პალეოგრაფია, თბ., 1949, გვ. 31; კ. კეკელიძე, ქართული ლიტერატურის ისტორია, ტ. I, თბ., 1960, გვ. 419; კულტ-ისტ. მნ-ბა, გვ. 121.

⁸ ა. შანიძე, ძე. ქართ. ქრესტომათია, გვ. 109.

⁹ კ. კეკელიძე, კულტ. ისტ. მნ-ბა, გვ. 121.

¹⁰ [Архимандрит] Амфилохий, Описание греческой Псалтыри 862 года, М., 1873, с. 2.



ხოლო ძველ წინარეათონურ ტექსტში გატარებული დაყოფა კანონებზე და მუხლებზე განსხვავდება უსპენსკის ბერძნულ ფსალმუნისა და გიორგისკის რედაქციის ტექსტში მიღებული დაყოფისაგან. ძველ ხელნაწერთაგან ეს დაყოფა ყველაზე კარგად ჩანს A-ში („მცხეთის დავითნში“), რომელშიც კანონთა დასაწყისები საგანგებოდაა ყველგან ნაჩვენები, ხოლო მუხლთა დასაწყისებს ორმაგი სათვალავი გასდევს: ერთი—ცალკეული ფსალმუნისათვის; ამასთან მუხლთა რაოდენობა ფსალმუნის ბოლოს არის კიდევ შეჭამებული; მეორე—მთლიანი, მთელი ტექსტისათვის. როგორც ჯამი ცალკეულ ფსალმუნებში შემავალი მუხლებისა, ისე საერთო მთლიანი სათვალავი, ერთსა და იმავე რიცხვს გვაძლევს — 2900. ამავე ხელნაწერში არის საგანგებო ტაბულა, სადაც ჩამოთვლილია ცალ-ცალკე კანონები, მათში შემავალ ფსალმუნთა რიცხვი და ნომრები, და თითოეულ კანონში შემავალ მუხლთა რაოდენობა. ცხრილი ბოლოში ისევ შეჭამებულია: „ერთრიცხუად კანონი ყოველი კ. ფსალმუნი რნ, მუკლი ცშ“. ამას მოსდევს მეტად საყურადღებო ცნობა კანონთა შესახებ, რომლის ბოლოში ნათქვამია: „...ხოლო ვითარ ბერძნულნი და იმლმლნი განჰყოფენ, ესრეთ იხილენ და ცან: სადა ჰყოფენ თავსა კანონთასა, წითლითა ზის თავი და სადა ფსალმუნთა დიდებასა ჰყოფენ. და არიან რომელნიმე ერთფერად და სწორად, იმლმლთა და ქართველთა კანონნიცა და ფსალმუნნიცა: კანონი მათიცა კ, ფსალმუნი რნ, მუკლი წჭპბ“¹¹.

ამრიგად, ქართული წყარო სრულიად გარკვევით არჩევს ერთმანეთისაგან ქართულ და იერუსალიმურ დაყოფას კანონებზე და მუხლებზე. ფაქტობრივი სხვაობა ქართული კანონებისა იერუსალიმურისაგან ამ ხელნაწერში არ ჩანს, მაგრამ ეს ცნობა უთუოდ გადმოწერილია ისეთი ხელნაწერიდან, სადაც ქართულ დაყოფასთან ერთად იერუსალიმურიც იყო ნაჩვენები („სადა ჰყოფენ თავსა კანონთასა, წითლითა ზის თავი...“).

შეადარება გვიჩვენებს, რომ ოცი კანონიდან ამ ორ სისტემაში საერთოა შეიდი¹².

პაპირუსის ფსალმუნში მუხლობრივი დაყოფა ქართულ სისტემას მისდევს. ეს ნათლად ჩანს ლენინგრადში დაცული ხელნაწერის ფურცლებზე. მუხლის დასაწყისი ყველგან A-სას ემთხვევა. ამასვე მოწმობს მითითება 111 ფსალმუნის ბოლოს: „მუკლი ია“ (უსპენსკის ფსალმუნში ამავე ფსალმუნის ბოლოს აღნიშნულია, რომ მასში 22 მუხლია). ყველა ძველ ქართულ ხელნაწერში, რომელშიც მუხლობრივი დაყოფა ქართულია, კანონებზე დაყოფაც ამავე სისტემას მისდევს. ამის გამო უნდა დაეასკენათ, რომ პაპირუსის ფსალმუნში კანონები

¹¹ ფსალმუნის ძველი ქართული რედაქციები X—XIII სს. ხელნაწერების მიხედვით, გამოსცა მ. შაბინაძე, ძველი ქართული ენის ძეგლები, 11, თბ., 1960, გვ. 475.

¹² კ. ქვეცილიძე დაბეჭდა ცხრილი ქართული კანონებისა „მცხეთის დავითნის“ მიხედვით (კულტ. ისტ. 85-ბა, ვტ. III, 122), მაგრამ არასწორად უჩვენა ზოგიერთი კანონი (IX, X, XV, XVI, XVIII), რადგან გამოეორა ცხრილში დაშვებული ზოგი მექანიკური შეცდომა. მოგვყავს კანონთა დანაწილება ქართული და იერუსალიმური სისტემების მიხედვით: I: 1—8; II: 9—16; III: 17—23; IV: 24—31; V: 32—36; VI: 37—43, ქართ., 37—45 იერ; VII: 44—50 ქ., 47—54 იერ; VIII: 51—59 ქ., 55—63 იერ; IX: 60—67 ქ., 64—69 იერ; X: 68—73 ქ., 70—76 იერ; XI: 74—80 ქ., 77—84 იერ; XII: 81—88 ქ., 85—90 იერ; XIII: 89—97 ქ., 91—100 იერ; XIV: 98—103 ქ., 101—104 იერ; XV: 104—106 ქ., 105—108 იერ; XVI: 107—117 ქ., 109—117 იერ; XVII: 118; XVIII: 119—133; XIX: 134—141 ქ., 134—142 იერ; XX: 149—150 ქ., 143—150 იერ.



ქართულია და არა იერუსალიმური (ა. ცაგარლის აღწერილობა ამის გარკვევის საშუალებას არ იძლევა, რადგან იქ დამოწმებული „კანონი ბ“ ორივეგან ერთნაირია).

ფსალმუნის ტექსტის დანაწილება ოც კანონად პირველად მართლაც უსპენსკის ფსალმუნში არის დადასტურებული, მაგრამ იგი ბევრად უფრო ადრეული უნდა იყოს. ფსალმუნთა ტექსტის დანაწილება ცალკეულ მონაკვეთებად საკითხავად ადრევე ხდებოდა, მაგრამ იგი თავდაპირველად ყველგან ერთნაირი არ ყოფილა. სხვადასხვა ეკლესიაში თითო წყაითხვაზე ფსალმუნთა სხვადასხვა რაოდენობა „აღმოიკითხებოდა“. დაყოფა ოც კანონად იერუსალიმში უკვე VI საუკუნეში უნდა არსებულებოდა¹³. შეიძლება ვივარაუდოთ, რომ ქართულმა შეინარჩუნა და ტრადიციით განამტკიცა ლიტურგიული დაყოფა, რომელიც VI—VII საუკუნეებში იყო იერუსალიმში გავრცელებული, იქ კი იგი შემდგომ შეცვალა იმ სისტემამ, რომელსაც A „იერუსალიმურს“ უწოდებს. ცნობილია, რომ ქართულ ლიტურგიულ პრაქტიკაში ქართული ზოგჯერ სწორედ ისეთ წესს ეწოდება, რომლის უძველესი წარმოშობა უკვე დავიწყებულია¹⁴. ამიტომ პაპირუსის ფსალმუნში ტექსტის კანონებად დაყოფის არსებობის გამო ვერ დავასკვნით, რომ მაინცდამაინც IX ს. არის terminus ante quem non ხელნაწერის გადაწერისთვის.

ა. ცაგარელს აღწერილობაში მოჰყავს მეცხრე ფსალმუნის ზედა-წარწერილი, რომელსაც იგი ასე კითხულობს: „ფნი თ: ...დასასრულსა: კნი: ბ: ...ქ“რს (ქრისტეს): სიკვიდლისაჲ (!)თუჲს და... საფლავისა დაპყრობისათუჲს და ერთაჲსა დაპყრობისათუჲს(!)“. იგი შესაძლებლად მიიჩნევს ვარაუდს, რომ ამ ზედა-წარწერილში გადამწერი გულისხმობს იერუსალიმის დაპყრობას არაბთა მიერ VII საუკუნეში¹⁵. კ. კეკელიძემ აღნიშნა, რომ ასეთი ზედა-წარწერილი ნამდვილად უცხოელი რედაქტორების მუშაობას ასახავს, რადგან „ისინი ცდილობდნენ ხოლმე ამა თუ იმ ფსალმუნის წარწერაში აღენიშნათ ქრისტეს ცხოვრების რომელი მომენტიცა აქ წინასწარ ნაგულისხმევი“¹⁶. ამჟამად შესაძლებელია ზუსტად გარკვევა, თუ საიდან მომდინარეობს ეს ზედა-წარწერილი. ფსალმუნის წინარეათონური ხანის ნუსხებში (ჩვენი გამოცემის ABCDE-ში და ზოგიერთ ფრაგმენტშიც) ზედა-წარწერილებში ხშირად არის ხოლმე შეტანილი ცალკეული ნაწილები ევსევი კესარიელის ერთი თხზულებისა, რომელსაც ეწოდება: ‘Υπόμνημα τῶν ἀγίων Ἐκκλησιῶν ἐν τῷ φάσματι¹⁷. ევსევის ეს შრომა მთლიანი სახით ზოგჯერ ბერძნულ ხელნაწერებში გვხვდება; მაგალითად, იგი არის V ს. ცნობილ ალექსანდრიულ ბიბლიაში¹⁸. ქართულ ხელნაწერთაგან იგი სრული სახით გვხვდება „მცხეთის დავითის“ ბოლოს,

¹³ H. Schneider, Die biblischen Oden im christlichen Altertum, Biblica, v. 30, Roma, 1949, s. 254.

¹⁴ К. Кекелидзе, Иерусалимский Канонарь VII века, Тифл., 1912, с. 37.

¹⁵ А. Цагарели, Каталог, с. 194.

¹⁶ კ. კეკელიძე, კულტურულ-ისტორიული მნიშვნელობა, გვ. 121.

¹⁷ PG, 23, col. 68.

¹⁸ The Codex Alexandrinus (Royal Ms ID V—VIII) in reduced photographic facsimile. Old Testament, Part IV, London, 1957. ხელნაწერში ამ ნაწილს ეწოდება Περὶ τῶν ἐκ τῶν φάσμων.



ოლონდ იქ ავტორი ნახსენები არაა, თხზულების ნაწილები დალაგებულია ფსალმუნთა რიგის მიხედვით, არამედ ჯგუფ-ჯგუფად (დავითისნი, ზედაწარწერული და ა. შ.): „განწესებამ რომელთა ენებოს გულისკმის-ყოფამ საფსალმუნეთამ მათ ნეტარისა დავითისამ, რამთა აღმოკითხვითა ამისითა აღვილად შემძლებელ იქმნენ ზედამიწევენად და ცნობად ფსალმუნად-ფსალმუნადისა, ვისი თქმული იყოს და რომელი ფსალმუნი და რავდენი ვის უთქუამს, გინა რამსათს უთქუამს...“¹⁹ მეცხრე ფსალმუნის ზედაწარწერილი აქ ასეთია: „წინაწარმეტყუელებამ ქრისტეს სიკუდილისათს და აღდგომისა, სასუფეველისა დაპყრობისა და ყოველთა მტერთა დამკობისათს“. საგარუდებელია, რომ ა. ცავარელმა სწორად ვერ ამოიკითხა სათაური პაპირუსის ფსალმუნში: „და ერთა“ არის „და [მტ] ერთა“, „საფლავისა“ არის, ალბათ, დაქარაგმებული „[ს]ს“ ფლსა (სასუფეველისა)“.

ვესევი კესარიელის „განწესებიდან“ ამოღებული დასათაურებები სწორად შედის ძველ ვერსიათა ზედაწარწერილებში, განსაკუთრებით 9-ში; მაგ. „წინაწარმეტყუელებამ ქრისტესთს და მის მიერ ქსნილთა“ (Προφητεία εις τον Χριστον και τον δε αυτον ελεητηριον, შდრ. ფს. 84 ზწ. BDE). „მოდღურებამ წარმართთა უპირადესისა მისთს ღმრთისა ქველის საქმეთა“ — (Διδασκαλία τον εθνικον τον εις τον πατριον λαον τον μεση εσπεριανον, შდრ. ფს. 104 ზწ. BCDE). პაპირუსის ფსალმუნის ერთ-ერთ ფურცელზე (ლენინგრადში) ას მეთორმეტე ფსალმუნის სათაურია: „აღა და აღლისა ერისა ჩინებამ, ფნი რიბა“. „განწესებამა“: „ახლისა ერისა ჩინებამ და ქრისტეს მოძღურებამ“ Νεω λαον κηρις, შდრ. „შობადისა ერისა ჩინებამ და ქრისტეს მოძღურებამ“ B, „მოდღურებამ ქრისტესი“ D, „წმა ახლისა ერისამ“ E 112 ზწ. „განწესებიდანვე“ არის ამოღებული პაპირუსის ფსალმუნში შემდეგი სათაურის ნაწილი: „შეწენისა თუს ფნი დთის: კა: წინასწრტყლბამ ქრს ვნებისამ და ჩინებამ წარმართთამ“. „განწესების“ ტექსტი შესაბამის ადგილას A-ში ნაკლებია, მაგრამ ბერძნული ტექსტი მსგავსი შინაარსისაა: Προφητεία τον Χριστον παθον, και εθνικον κηρις. პაპირუსის ფსალმუნში გვაქვს აგრეთვე „გალობამ აღსავალთამ და ლოცვამ მოწამეთამ რლ“. იგი მსგავსია 129 ფს. ზედაწარწერილებისა BCE-ში და შესაბამისი ტექსტისა „განწესებამ“ — „ლოცვამ მოწამეთამ“ (Εδχη μαρτυριον). პაპირუსის ფსალმუნში ზედაწარწერილი თავის ადგილზე არ არის (ასეთი რამ სხვაგანაც გვხვდება ქართულ ხელნაწერებში). დაბოლოს, ა. ცავარლის მიერ დამოწმებული იდ ფსალმუნის სათაურის ნაწილი: „ეკლესიათა გამორჩევამ და დგომამ“ მოგვაგონებს მეთხუთმეტე ფსალმუნის დახასიათებას „განწესებამ“; „ეკლესიისა გამორჩევამ და ქრისტეს აღდგომამ“ (Εκλογη εκκλησιαις, και Χριστον αναστασις). აღსანიშნავია ისიც, რომ პაპირუსის ფსალმუნის ამ ზედაწარწერილის დანარჩენი ნაწილი შინაარსეულად შესაბამემა არა მეთოთხმეტე ან მეთხუთმეტე, არამედ მეჩვიდმეტე ფსალმუნის ზედაწარწერილს: „დღესა მას, რომელსა-იგი იქსნა ოწ კელთა საულისთა და ყოველთაგან მტერთა მისთა“...

ამრიგად, ზედაწარწერილები პაპირუსის ფსალმუნში ძველი ქართული

¹⁹ ფსალმუნის ძველი რედაქციები, გვ. 470.

ვერსიებისათვის საერთო ტრადიციის მიხედვითაა გაფორმებული — მათში ტანილია ვესევი კესარიელის „განწესების“ ნაწილები.

ჩვენი ხელმისაწვდომი მასალის მიხედვით, ამ ხელნაწერის ტექსტი რედაქციისა უნდა იყოს. ამას გვიჩვენებს შემდეგი იკონტისები:

სახლსა 111,3=BCDE; მართალ უფალი 111,4=BCE, შდრ. მართალ A (უფალ სიტყვის დამატება დამახასიათებელია გარკვეული ჯგუფის ხელნაწერთათვის სხვა ვერსიებში²⁰); შენისაჲ. ვიდრე 182,72=BC; მოწყალეზანი 118,77=BCE. დაიცენიან 118,79=BCE.

ბ. ტყობა-ერდის ფსალმუნი

ფსალმუნის ძველი ხელნაწერი, რომელიც ოდესღაც ტყობა-ერდის ტაძარში იყო დაცული²¹, დღეს, ალბათ, დაკარგულია და ამიტომ სასურველია მის შესახებ არსებული ყველა ცნობის ერთად თავის მოყრა.

ტყობა-ერდის ტაძარი, რომლის ნანგრევები ინგუშეთში, მდინარე ასის ხეობაში მდებარეობს, სპეციალურ ლიტერატურაში საკმაოდ კარგად არის ცნობილი. მისი ისტორიის გადმოცემა ჩვენი კვლევის ფარგლებს სცილდება, შეენიშნავთ მხოლოდ შემდეგს: გ. ჩუბინაშვილი ტაძრის მშენებლობის პირველ პერიოდს მერვე-მეცხრე საუკუნეებს აკუთვნებს (II პერ. X—XI სს. მიჯნა, III—გვიანი შუა საუკუნეები), ე. კრუპნოვს კი მიაჩნია, რომ ტყობა-ერდის ტაძარი XII საუკუნეში არის აგებული. გ. ლამბაშიძის აზრით, იგი აშენებულია X ს. II ნახევარში²².

²⁰ A. Baumstark, Armenische Psaltertext, sein Verhältnis zum syrischen der Peschitta und seine Bedeutung für die LXX-Forschung. Oriens Christianus, Dritte serie, B. 2, 1927, s. 151.

²¹ მ. შ ა ნ ი ძ ე, ფსალმუნის ერთი ხელნაწერი ტყობა-ერდიდან, ხელნაწ. ინსტ. VII სემეცნ. სესია, მუშაობის გეგმა და თეზისები, თბ., 1971, გვ. 5; „ეძიებდით და პპოვებდით“—ერთი ძველი ქართული ხელნაწერი ტყობა-ერდიდან, „ლიტ. საქართველო“, 16 ივლ. 1971 წ. ფსალმუნთა წიგნის ორფურცლიანი დრაჟმენტი, რომელსაც გ. ლამბაშიძემ მოაქვლია ინგუშეთში, სხვა ხელნაწერის ნაწილი არის (გ. ლ ა მ ბ ა შ ი ძ ე, X საუკუნის ქართული ფსალმუნი ინგუშეთში, ისტორიის, არქეოლოგიის და ეთნოგრაფიის ინსტიტუტის ასპირანტთა და ახალგაზრდა მეცნიერ მუშაკთა სამეცნიერო კონფერენცია, გეგმა და თეზისები, თბ., 1972, გვ. 21; (Г. Г. Г а м б а ш и д з е, Древнегрузинские церковные книги из Ингушетии, Пятые Крупновские чтения по археологии Кавказа, Махачкала, 1975, გვ. 115).

²² Г. Н. Ч у б и н а ш в и л и, К вопросу о культурных связях Грузии и Ингушетии, Научн. сессия отд. общ. наук АН ГССР, 18—20 окт. 1941 г. План работы и тезисы докладов, с. 17; Е. А. К р у п н о в, Грузинский храм Тхаба-Ерды на Сев. Кавказе, Кр. сообщ. Ин-та истории материальной культуры АН СССР, XV, М., 1947, გვ. 195; Г. Г. Г а м б а ш и д з ე, Из истории связей Грузии и Ингушетии в средние века. Тезисы докладов IV «Крупновских чтений» по археологии Кавказа. Орджоникидзе, 1974, გვ. 65. სხვა ლიტერატურა (შერჩევით): В. Ф. М и л л е р, Археологические экскурсии, Терская обл., Мат. по археологии Кавказа, вып. I, М., 1888, с. 8—21; მ. ჯ ა ნ ა შ ვ ი ლ ი, შესანიშნავი ნაშთი, „ივერია“, 1895, № 132; Г. А. В е р т е п о в, В горах Кавказа, Терский сборник, вып. VI, 1903, с. 117; А. Н. Г е н к о, Из культурного прошлого ингушей, Записки коллегии востоковедов, Л., 1930, с. 737; В. Б. В и н о г р а д о в, Тайны минувших времен, М., 1966, с. 128; გ. ლ ა მ ბ ა შ ი ძ ე, ტყობა-ერდი — ქართული კულტურის ძველი ინგუშეთში, „ლიტ. საქართველო“, 4, ივნ. 1971. ტაძრის სახელის შესახებ. იბ. Г. Г. Г а м б а ш и д з е, К объяснению названия храма «Ткобя-Ерда» „მაცნე“ (ისტ. სერ.), № 2, 1974, с. 120; А. И. Шавелишвили, К вопросу о названии храма «Ткобя-Ерда», „მაცნე“ (ენცლ და ლიტ. სერ.), № 4, 1976, გვ. 171.



1893 წელს გ. ვერტეპოვს გაუგია, რომ ტყობა-ერდის ტაძარში ოდესღაც ინახებოდა რაღაც წმინდა წიგნი და 1896 წელს მოუხერხებია მისი შექმნა. მისი სიტყვით, ეს ყოფილა ეტრატზე ნაწერი ქართული ფსალმუნის²³. ხელნაწერი შემდეგ გამხდარა კუთვნილება ინგუშეთის სამეცნიერო ინსტიტუტისა, რომელიც მაშინ ვლადიკავკაზში (ახლანდელ ორჯონიკიძეში) იმყოფებოდა. აქედან ხელნაწერი 1927 წელს ლენინგრადში გაუგზავნიათ ნ. მარისათვის შესასწავლად. ნ. მარს იგი თავისი მოწაფისათვის, კავკასიისმცოდნე ა. გენკოსათვის გადაუცია. ა. გენკოს ნაშრომში მოცემულია ხელნაწერის მოკლე აღწერილობა: მის მიხედვით, ხელნაწერში ყოფილა ნესტისაგან ძალიან დაზიანებული 67 ფურცელი; ეს ფურცლები შეიცავდა ფს. 17—139 ფსალმუნთა ტექსტს, რომელსაც შიგნითაც ჰკლებია. ა. გენკო შენიშნავს გაკვრით, რომ ტექსტი ბევრგან განირჩევა ნაბეჭდი ვულგატისაგან: ხელნაწერს იგი მეთერთმეტე-მეთორმეტე სს-ით ათარიღებს.

ამჟამად ხელნაწერის აღდგენამყოფელი უცნობია. დანამდვილებით არ ვიცით, დაბრუნეს თუ არა იგი ლენინგრადიდან ჩრდილოეთ კავკასიაში. იგი არ ჩანს ნ. მარის არქივში. ქ. გროზნოდან, სადაც გადავიდა ინგუშეთის სამხარეთმცოდნეო ინსტიტუტი, ჩვენ შეკითხვაზე მოგვწერეს — ნ. მარს ხელნაწერი ლენინგრადიდან არ დაუბრუნებიაო. ამავე დროს, ზოგიერთი ცნობის მიხედვით, რომლის შემოწმება ჰირს, ხელნაწერი თითქოს 1941 წ. მახლობელ ხანებში გროზნოს მუზეუმში ყოფილა.

დღეს ჩვენ შემოგვრჩა მხოლოდ ორი ფოტოსურათი, რომლებზეც გადაღებულია ამ ხელნაწერის სამი გვერდი. აკაკი შანიძის ცნობით, ეს სურათები მას მიუღია 1929 წ. ლ. სემიონოვისაგან, რომელიც მაშინ ინგუშეთის მხარეთმცოდნეობის ინსტიტუტის თანამშრომელი ყოფილა. სურათები პატარა ზომისა არის (9×12 სმ.) და მუქი, ამიტომ მათი გამოქვეყნება ვერ შეეძლოთ. უკანა მხარეზე ორივეს აწერია „დავითნი ტყობაერდიდან (ლილო). ამჟამად გროზნოს მუზეუმში. 1941“ (ა. შანიძის ხელით). ფოტოსურათებზე მოცემულია შემდეგი ტექსტი²⁴:

[გვ. 1 ფს. 17,49—18,3]

რ¹იან ჩ²მ [ზედა აღმამალე მე და კა]

ცისა ოკეთ[ოურისაგან მიკსენ მე:]

ამისტ³ს აღგია [რო შენ წარმართთა შ⁴ს]

ო⁵ო და სხლ⁶სა ძლ[იერსა შენსა ოვგალობდე:]

რ⁷ განადიდა ცხ⁸რ[ბაჲ მეოფისა მისი]

ს⁹ა ყოფ¹⁰დ წყლ¹¹ბ [აჲ ცხებოვლისა მისისა თანა:]

დ¹²თის თ¹³ნა და ნათესა[ვისა მისისა]

თანა ოკ¹⁴ე და ოკ¹⁵ნთი [ოკ¹⁶ე მ¹⁷ჯლი.]

ნვ²⁵. დსრ¹⁸ლსა. ფ¹⁹ნი. დთ²⁰ისი.

დბ²¹ა. მძლ²²რბითა. ახლითა.

²³ Г. А. Вертепов, В горах Кавказа, с. 118.

²⁴ ტექსტი, რომელიც ცუდად იკითხება, ჩასმულია მრგვალ ფრჩხილებში, ტექსტის დაკლებული და ჩვენი ვარაუდით აღდგენილი ნაწილი—კვადრატულში. ზედაწარწერილებში სიტყვათა გამყოფი ნიშანი ნაჩვენებია წერტილით.

²⁵ ნვ (ე. ი. 57) გადაუსწორებიათ და დაუწერიათ ნვ (შესაძლოა, პირიქითაც იყოს—ფოტოზე კარგად არ ჩანს).

ცანი ოვთხრობენ დიდებულსა ღ[მართისასა]
და დაბადებულსა ქნო²⁶ [კლსა კელ]
თა მისთასა სამ[ყაროა:.]
ღღეღ ღღესა აოვწ[ყებს სიტყოვასა და]
ღამღ ღამე[სა მიოვთხრობს მეცნიერებასა]

[გვ. 2 ფს. 54 ზედა-წარწერილი—54, 10]
მ-ვლი. ი. აქა. დ-ბა. ჰყო. დს-რლსა [გ-ლბთა]
შინა. გ-ლისხმის ყოფ-ა დ-თისი. ნდ.
ყორად იღე ღ-ო ღ-ცვისა ჩმ-ისა და ნოვ
ოვგლ-ებელს ჰყოფ ვედ-რბსა ჩემსა:.
მომხედ-ნ და შ-ნ გესემინ ჩ-მი რ- შევწო[ჯხენ]
ზროვნება ჩემსა და შეეძრწონდი:.
კმითა მტერისადათა და ჰირითა ც-დვილის[აათა]
რ- მოაქციეს ჩ-მ ზ-ა ოვკეთორებით და რის
ხვით მითქოვმიდ-ს მე:.
გ-ლი (ჩ-მი შეძრწონდა ჩ-მ თ-ნა) და [შიში]
სიკდ-ლისაჲ დამეცა ჩ-მ ზ-ა:.
შიში და ძრწოლაჲ მომიჯდა მე და (ღამ)
ფარა მე ბნელმ-ნ:.
და ვთქო ვინმცა მცნა მე ფრთენი ვ-ა ტრედისა[ნი]
ავმცავფრინდი²⁷ ავიმალ[ლე] მიმცა[ველ]
და გ-ნვისოვენე ოვდაბნოსა:.
მოველოდი ღ-თსა მცხვ-რსა ჩემსა ს[ოვლ]
[მ]ოკლებისაგ-ნ და ნიავქარისა:.
დაანთქენ იგინი ო-ო და მიმოდა[ყვენ ენანი მათნი]
რ- (ვიხილე მე ოვრ-ჩლბა და კდ)[ომაჲ]

[გვ. 3 ფს. 58, 17—59,5]
[რ- მეყავ მე მფარველ და შესავედრებელ
[ღღე]სა ჰირისა ჩ-მისასა:.
[მწეო] ჩ-მო შ-ნ გიგ-ლბდე ღ-ო მფარველო ჩ[ემო]
ღ-ო ცხორებისა ჩ-მისაო:
[მოვკლი]. კბ დ-სრლსა. ცვალებლ-თათს. ძეგ
[ლის.] წერაჲ. დ-თისი. სამოძლორ-ვლდ. რ-ჟს
[იგი.] მოწოვა. შოვა. მდინარე. ასორი
[სა]ჲ. ცც-ლითა. და ასორეთი. იგი. სობ[აკა]ჲ.
და მოიქცა. იოვაბ და წარმ-ტყნა
[კევი] იგი. მარილ-თჲ. ათორმეტი. ათასი.
[ღ-ო გ-] მთხიენ და აღმაოვრენ შემრისხ
[ენ] და აწ შემიწყალენ ჩ-ნ:.
[შეარყ] იე ქყ-ნა შეაძრწონე იგი გ-ნკოვრნ[ე]
[შემ] ოსრვილ-ბა მისი რ- შეჭიძრა²⁸.

²⁶ ასეა.

²⁷ ასეა.

²⁸ ი ჩამატებულია.

[ოზროვე]ნე ერსა შ^რსა სიფიცხლემ შ^რნი და
[მასოზ ჩ^რ]ნ ღოვინ^რა გ^რლისხმისყოფისაჲ:

როგორც ფოტოდან ჩანს, ტექსტი ნაწერია საკმაოდ მსხვილი ასომთავრულით, რომელიც, პალეოგრაფიული ნიშნების მიხედვით, განეკუთვნება არა მეთერთმეტე-მეთორმეტე საუკუნეებს, როგორც ვარაუდობდა ა. გენკო, არამედ მეათეს. ტექსტი ნაწერია მუხლ-მუხლად. მუხლთა რაოდენობა ფსალმუნის ძველ ვერსიებში მიღებული ქართული სისტემის მიხედვით არის ნაჩვენები ტექსტის ბოლოს: მუკლი ნვ-ფს. 17; მუკლი კბ—ფს. 58. მუხლის დასაწყისში სადა მთავრული ასო, ყოველგვარ დეკორს მოკლებული, ზომით უფრო დიდია სხვებზე. განკვეთილობის ნიშნად ნახმარია სამი წერტილი მუხლის ბოლოს, ხოლო ზედა-წარწერილებში თითქმის ყოველი სიტყვის შემდეგ უჩვეულო ნიშანი გვაქვს: ხუთი პატარა ხაზი, რომელიც ვერტიკალურ სვეტს ქმნის. ორთოგრაფიიდან აღსანიშნავია ო-ს ხმარება უ-ს მაგიერ: ზრონვასა, შევძრწონდი 54,3; უკეთორებით 54,4 და სხვ. ე^რ ხმოვანფუძიან სახელებში მოსალოდნელი ე ან მ-ს მაგიერ გვხვდება ემ: დღემ 18,3; სიფიცხლემ 59,5; უჩვეულოა შემოდრა (ი ჩამატებულია) 59,4.

მიუხედავად ფრაგმენტის მცირე მოცულობისა, მისი ტექსტუალური თავისებურებები კარგად ჩანს; პირველ რიგში უნდა აღინიშნოს 54,9: აქ იგი იმეორებს **ღ** რედაქციის ყველა ხელნაწერისათვის საერთო იკითხვის: „მოველოდე ღმერთსა, მაცხოვარსა ჩემსა, სულმოკლებისაგან და ნიავექარისა“ (ტექსტის ეს მონაკვეთი ამავე სახით გვხვდება გიორგი მთაწმიდლისეულ ფსალმუნშიც). ყველა ქართული ვერსიისათვის საერთო „მოველოდე ღმერთსა, მაცხოვარსა ჩემსა“ პარალელს პოულობს სხვადასხვა ტიპის ბერძნულ ტექსტში: *πρωσεχθηται τον εφ' ουτου* L^r Su 1219 (ა. რალფსის გამოც. მიხედვით), **℣. 4 T** (პ. სვითის მიხედვით)—შდრ. *ასწ ანქრ არ ირ ყირქერ ყჩა. ღ-ს* ტექსტი მუხლის ბოლოს „სულმოკლებისაგან და ნიავე-ქარისა“ ბერძნულს მისდევს: *μη ελιψωσῃς; και χαταψῆσαι*, ხოლო A-ს („მცხეთის დავითნის“) უფრო ვრცელი ტექსტი სომხურთან სიახლოვეს ამკადანებს: „სულმოკლებისაგან რისხვისაჲსა და გულიწრებისაგან ნიავე-ქარისა“—შდრ. *ի կարճով խնայէ գախարակոյ, ի մրկխալ նեղարտ խնայէ*. სავარაუდებელია, რომ **Ը-ს** *გულაწრება* სომხურის კალკს წარმოადგენს. სომხურთან სიახლოვე კიდევ უფრო ჩანს სირიულის ფონზე *me r ruha d'al'elā* ‘ქარიშხლის ქარისაგან’. ამრიგად **Ը** და **ღ** ვერსიათა ჩვენება აქ სრულიად გარკვევით უპირისპირდება ერთმანეთს და ტყობა-ერდის ფრაგმენტიც უკანასკნელისას მისდევს.

ძალიან დამახასიათებელია „ღუნოჲ გულისხმის-ყოფისაჲ“ 59,5, იშვიათი სიტყვა **რხურღ** ‘ბარბაცი, გაბრუებულ მდგომარეობაში ყოფნა’, რომელიც სულ სამჯერ გვხვდება ძველი აღთქმის ებრაულ ტექსტში — (კიდევ ეს. 51,17 და 51, 22). ფსალმუნის სხვადასხვა ვერსიებში სხვადასხვაგვარადაა ნათარგმნი, მაგრამ **ღ-ს** არც ერთი არ უდგება. საერთო-ბერძნული *χαταψῆσαι* სიტყვის შესაბამისია *მწუხარებისაჲ Ը* და *ღმობიერებისაჲ ღ. ღ-ს* *გულისხმის-ყოფისაჲ* სხვაობს სირიულისაგანაც: *taṭirā* ‘უწმინდური’. შეიძლება ვივარაუდოთ, რომ **ღ-ს** იკითხვის შედეგია ქართული ტექსტის მთარგმნელის მიერ დაშვებული შეცდომისა: სომხურის *ქმაროქჩიან* ‘სიგიჟე, უგუნურება’

(რომელიც, ალბათ, სირიულიდან მოდის), გრაფიკული მსგავსების გამო, ბული იყო, როგორც *ქაათიქი* 'გონიერება'. ასეა თუ ისე, „გულისხმის-ყოფისა“ სპეციფიკური იკითხვისია, რომელიც ჩანს, ტყობა-ერდის ფსალმუნის გარდა, **ღ** რედაქციის ყველა ამჟამად ცნობილ ხელნაწერში (BCDE). შეიძლება კიდევ მივუთითოთ „მეუფისა მისისა“ 64,9=BCDE, შდრ. „მეუფისა თანა“ **ჯ**.

გარდა ამისა, ერთი რიგი იკითხვისებისა ხელნაწერში **ტღ**-სათვის საერთოა: „უკეთურებით“ 54,4; „ალ-მცა-ვეფრინდი, ავიმალღე“ 54,7; „მი-მცა-ვედ“ 54,8; „ღმერთო მფარველო ჩემო, ღმერთო, ცხორებისა ჩემისაო“ 58,18. იმ ნაირგვარობის შემდეგ, რომელიც **ღ** რედ. ხელნაწერთა ზედა-წარწერილებში გვხვდება, აღარაა გასაკვირველი, რომ სათაური 59 ფსალმუნში A-სას მისდევს: „დასასრულსა, ცვალებულთათჳს, ძეგლის წერაჲ დავითისი, სამოძღურებელად, რაჟამს მოწუა შუევამდინარჳ ასორი[სა]ჲ (ასურისაჲ) და ასორეთი იგი სობ[აკა]ჲ და მოიქცა იოაბ და წარმოტყუენა [კევი] იგი მარილთაჲ ათორმეტი ათასი“.

ზემოაღნიშნული ტექსტობრივი თავისებურებანი გვიჩვენებს ტყობა-ერდის ფსალმუნის ამ ფრაგმენტის მსგავსებას **ღ** რედაქციის ხელნაწერებთან და უფლებას გვაძლევს ვივარაუდოთ, რომ მთლიან ხელნაწერშიც **ღ**-ს ტიპის ტექსტი იყო მოცემული; ამას კარგად ეთანხმება ა. გენკოს შენიშვნა, რომ ხელნაწერი მრავალ შემთხვევაში სხვაობს „ნაბეჭდი ვულგატისაგან“, რამდენადაც ეს უკანასკნელი გიორგისეულ ტექსტს გულისხმობს.

ხელნაწერი მნიშვნელობას არაა მოკლებული თვითონ ტყობა-ერდის ტაძრის ისტორიისთვისაც. ის ფაქტი, რომ ხელნაწერი მეათე საუკუნისაა, მხარს უჭერს გ. ჩუბინაშვილის მოსაზრებას ამ ეკლესიის ადრე აშენების შესახებ. ტყობა-ერდის ტაძარი რომ მოქმედი არ ყოფილიყო მეცხრე-მეათე საუკუნეებში, ნაკლებ საეარაუდო იქნებოდა ქართული მწიგნობრული კერებიდან ასე დაშორებულ პუნქტში ძველი რედაქციის ტექსტის მოხვედრა, რადგან მეთორმეტე საუკუნეში, როგორც ჩანს, ქართულ საეკლესიო პრაქტიკაში ჩვეულებრივ უკვე გიორგი მთაწმიდლისეული ტექსტი იხმარებოდა ხოლმე.

М. А. ШАНИДЗЕ

О ДВУХ ДРЕВНИХ РУКОПИСЯХ ГРУЗИНСКОЙ ПСАЛТЫРИ

(Резюме)

В работе даются сведения о двух грузинских рукописях X века: о так называемой Папирусной Псалтыри, находящейся на Синае, и о рукописной Псалтыри из храма Тхаба-Ерды (Сев. Кавказ), ныне, вероятно, утерянной.

მანანა ღვალი, ლალი ჯღამაია

მეათე საუკუნის პატრიარქის (Sin—35) ერთი ფრაგმენტის შესახებ

ქართულ ხელნაწერთა სინურ ფონდში დაცულია ლიტურგიული ხასიათის ერთი ძეგლი (Sin. 67), რომელიც გიორგი მთაწმიდლის რედაქციის პარაკლიტონს წარმოადგენს. ხელნაწერი პალეოგრაფიულად XII საუკუნით თარიღდება, ნაწერია ქალაღზე ნუსხურით, გადამწერია ბასილი. ანდერძის მიხედვით ირკვევა, რომ ხელნაწერი შეუმოსავს თეოდორე ზონარას. როგორც ჩანს, XII საუკუნის შემდეგ, როდესაც ამის საჭიროება შეიქმნა, ხელნაწერს ალაგ-ალაგ გაუკეთდა რესტავრაცია ბერძნული ხელნაწერის ფურცლებით. რესტავრაციისათვის გამოუყენებიათ, აგრეთვე, მხედრულად ნაწერი ქართული ხელნაწერი.

Sin. 67-ის ბოლოსაც ფურცლად ჩაუკინძავთ X საუკუნის ეტრატის ხელნაწერიდან ერთი ფურცელი, რომელზეც ტექსტი შესრულებულია X საუკუნის ასომთავრულით. ეტრატის ფურცლის r წარმოადგენს იმ ხელნაწერის ტექსტის ბოლო გვერდს, რომლიდანაც ეტრატის ეს ფურცელი ამოგლეჯილი. v-ზე კი მოთავსებულია ანდერძი ეტრატის ხელნაწერის გადამწერისა. ამრიგად, ეს გვერდი X საუკუნის ეტრატის ხელნაწერის ბოლო გვერდია¹. ამავე გვერდზე მეორე სვეტად მოთავსებულია მეათე საუკუნის ცნობილი მოღვაწის იოანე-ზოსიმეს ანდერძი.

Sin. 67 აღწერილია ა. ცაგარლისა² და ნ. მარის მიერ³. ა. ცაგარლის აღწერილობაში აღნიშნულია, რომ Sin. 55-ს (ცაგარელთან ამ ნომრითაა) ერთვის, ალბათ, წმიდა მამათა ცხოვრებიდან შემორჩენილი ერთი ფურცელი ეტრატისა. მასზე იოანე-ზოსიმეს ანდერძითა შემონახული⁴. ნ. მარის აღწერილობაში გამოცემულია ეტრატის ფურცელზე დაცული ტექსტი და ანდერძები (გადამწერისა და იოანე-ზოსიმესი) კომენტარის გარეშე⁵.

რას წარმოადგენს Sin. 67-ის ბოლოსაცავად გამოყენებული ეტრატის ფურცელზე შემორჩენილი ტექსტი და რით იმსახურებს ყურადღებას?

Sin. 67-ის ეტრატის ფურცელზე დაცულია ასომთავრულით ორ სვეტად

¹ ამჟამად sin. 67 ისეა აკინძული, რომ ეტრატის ფურცლის r—v გადაადგილებულია: V წინ არის ჩაკრული, r კი — უკან. ე. ო. ეტრატის ფურცლის r, რომელზეც ტექსტია მოთავსებული, მოხდა sin. 67-ის ბოლო გვერდად.

² А. Ц а г а р е л и, Сведения о памятниках грузинской письменности, Вып. I, 1886, с. 79.

³ Н. Я. М а р р, Описание грузинских рукописей Синайского монастыря, 1940, с. 162.

⁴ А. Ц а г а р е л и, Сведения..., с. 79.

⁵ Н. Я. М а р р, Описание..., с. 109.

ნაწერი ტექსტი. პირველ სვეტში 31 სტრიქონია. როგორც ჩანს, Sin. 67-ის რესტავრაციის დროს ამ სვეტის ნახევარი სიგრძე დაიფარა სარესტავრაციოდ გამოყენებული ბერძნული ხელნაწერით. ასე, რომ დღეს პირველი სვეტის მხოლოდ სიგრძე ჩამოკრილი ტექსტი შემოგვრჩა. ტექსტის მეორე სვეტს, რომელშიც 16 სტრიქონია, უჭირავს ეტრატის გვერდის (r) ნახევარი, და აქ თავდება ტექსტი მთელი ხელნაწერისა. ეტრატის ფურცელზე შემორჩენილი ტექსტიდან სრულიად აშკარად ჩანს, რომ ეს არის ნაწყვეტი აბოფთეგმატური კრებულიდან.

მართლაც, ეტრატის ეს ფურცელი პალეოგრაფიულად და ორთოგრაფიულად (ოჲ და უჲ-ს გადმოსაცემად) დაემთხვა ხელნაწერ Sin. 35, ცნობილ ასკეტიკურ კრებულს, რომელსაც სამეცნიერო ლიტერატურაში ზოგადად მეთათე საუკუნით ათარიღებენ⁶. ამ ასკეტიკურ კრებულში (Sin. 35) აბოფთეგმებს უჭირავს კრებულის ბოლო ნაწილი, 275r—320v⁷. აბოფთეგმაში ყოველი ახალი თხრობა გამოყოფილია და დანომრილი. ასევეა თხრობასთან ნუმერაცია ჩვენს ფრაგმენტში. Sin. 35 თავ-ბოლონაკლულია. მასში შემავალი აბოფთეგმები წყდება „სიტყუანი სუქესტისის“ ნაწილზე, ე. ი. 72 თხრობაზე. ჩვენს ფრაგმენტში შემონახულია მთლიანად ბოლო, 77 (ოჲ) თხრობა (ნუმერაციით). ამ ტექნიკური ნიშნითაც, თხრობებთან აღნიშნული ნუმერაციით, Sin. 35-ში შემავალი აბოფთეგმური ნაწილი და ზემოთ აღნიშნული ფურცელი ეტრატისა დაემთხვა ურთიერთს. ამგვარად, ექვს გარეშეა, ქართულ ხელნაწერთა სინურ ფონდში დატულ Sin. 67-ის ბოლოსაცავად გამოყენებული ეტრატის ერთი ფურცელი წარმოადგენს X საუკუნით დათარიღებული ასკეტიკური კრებულის Sin. 35-ის ბოლო ფურცელს.

ამ ფრაგმენტის მიხედვით აშკარაა, რომ Sin. 35-ში შემავალი აბოფთეგმები, რომელშიც დღესდღეობით 72 თხრობაა შემონახული (72-ე თხრობის დასაწყისი), შეიცავდა 77 თხრობას. 76-ე თხრობის სიგრძე განკვეთილი ფრაგმენტი და ბოლო, 77 თხრობა მთლიანად, შემოგვინახა Sin. 67-ის ბოლოს ჩაკერებულმა ეტრატის ფურცელმა. დარჩა მოსაძიებელი 73—75 თხრობები. მათ შესახებ ქვემოთ გვექნება საუბარი.

როგორც აღვნიშნეთ, Sin. 35 პალეოგრაფიულად ზოგადად მეთათე საუკუნითაა დათარიღებული (გარიტი). მაგრამ Sin. 67-ის ეტრატის ფურცელზე შემორჩა ანდერძი ხელნაწერისა, ანუ Sin. 35-ის გადამწერისა. ანდერძი მნიშვნელოვანია იმით, რომ იძლევა ზუსტ ცნობებს ასკეტიკური კრებულის, Sin. 35-ის, წარმომავლობის, თარიღისა და გადამწერის შესახებ. ამდენად, დიდია ამ ანდერძის მეცნიერული ღირებულება. მოგვაქვს ანდერძი მთლიანად.

„ქ. გოვლსმოდგიენ მცემელმან მის ცხორებისამან დაბადებულთა თოჲსთა მოსცა გოვლფციხლებასა ჩემსა ლმობიერებაჲ, და ოჯდები მცირედ წადიერ

⁶ sin. 35 თავ-ბოლონაკლულია; შედგება 320 ფურცლისაგან; შუაში აკლია ორი ფურცელი; ნაწილია ერთი ხელით; ხელნაწერი აღწერილია ა. ცაგარლისა (Сведения, 1886), და ი. ჯავახიშვილის მიერ (ი. ჯავახიშვილი, სინის მთის ქართ. ხელნაწ. აღწერილობა, 1947). sin. 35-ის ვრცელი აღწერილობა ბიბლიოგრაფიითურთ ეკუთვნის ე. გარიტს (Catalogue des manuscrits géorgiens littéraires du Mont Sinaï par G. Garitte, 1956, გვ. 97).

⁷ აბოფთეგმები გამოცემულია. იხ. შუა საუკუნეთა ნოველებს ქველი ქართული თარგმანები, II, 1974, ტექსტი გამოსაცემად მოამზადა მ. დვალმა. გამოცემაში sin. 35 B ლიტერითაა შესული.



ვიქმენ და განჯვორდა მცირედ შესოვლებოვლი გოვლი ჩემი და კელ-ყავე ვეფხვალს
წერაჲ წიგნისაჲ ამის განსანათლებელად და ნოვგეშინის-საცემელად გოვლის-
კმის-მყოფელთა.

და რომელთა ოვნიდეს შესვლად გზასა მას ცხოვებისასა, პოონ აქა შინა მრავალი სარგებელი, რომელთა მიოვდგეს ბერწი და ოვდაბნოსა მას განწიროვლთასა კრავნი ძოვდენ და რომლითა წარიკადნენ ჯამლნი ფერჯთავან, რომელნი იგი ღმერთმან იცნნეს და მათ იცნან თავი თოვსი და ღმერთი და შევიდენ იმრუსალემად.

ხოლო რომელნი იკითხვიდეთ წიგნსა ამას, მე, ცოდვილი და ნარჩევი, ლოცვასა მომიკვნეთ და ყოველნი მიზეზნი ამის წიგნისა დაწყებასა არსენი ბერი და სულიერნი შვილნი მისნი. დავწერე კელითა ჩემითა მე საწყალობელმან საბაფშიდას შინა, პატრიარქობასა ელია დამაშკელისა მანსოვრის ძისასა და საბაფშიდას სუმითონის წინამძღობასა დასაბამითგან წელთა ხფია.

და⁸ აღესრულა ელია პატრიარქი მასვე წელსა, თოვესა ოკტონბერსა დ, დღესა შაბათსა განთიად⁹. და დაჯდა სერჯი რამლელი ზ-სა მასვე თოვსა“.

ანდერძის მიხედვით, ასკეტოკური კრებულის ცნობილი ნუსხა Sin. 35 საბაფშიდური წარმომავლობისაა¹⁰. გადაწერილია „დასაბამითგან წელთა ხფია“, ე. ი. 907 წელს (6511—5604=907), საბაფშიდაში სუმეონის წინამძღვრობისას ვინმე არსენ ბერის მიერ. ნუსხის გადაწერის თარიღს, 907 წელს, რომელსაც არსენ ბერი „დასაბამითგან“ ქართული წელთაღრიცხვით იძლევა, იგი ამბავებს იერუსალიმის პატრიარქის ელია დამასკელის (მანსურის ძის) გარდაცვალების ზუსტი თარიღით. „და აღესრულა ელია პატრიარქი მასვე წელსა, თუესა ოკტონბერსა დ, დღესა შაბათსა განთიად“. ვ. გრუმელის ქრონოლოგიის მიხედვით¹¹, ელია დამასკელი (ელია მესამე) იერუსალიმის პატრიარქად იყო 878—907 წლებში. ამავე წელსო, ნათქვამია ანდერძში, პატრიარქად დაჯდა სერგი (სერჯი) რამლელი. ვ. გრუმელის ქრონოლოგიაშიც სერგი მეორე იერუსალიმის პატრიარქი იყო 907—911 წლებში¹². ამგვარად, ზემოთ მოტანილმა ანდერძმა შემოგვინახა ზუსტი ცნობები იერუსალიმის პატრიარქების ზეობის შესახებაც, მაგრამ, რაც განსაკუთრებით მნიშვნელოვანია, შემოგვინახა სრულიად ახალი ფაქტები ძველი ქართული მწერლობის მნიშვნელოვანი პატრისტიკული ძეგლისა, Sin. 35-ის, შესახებ.

907 წ. საბაფშიდაში გადაწერილი ასკეტოკური კრებული (Sin. 35) მეათე საუკუნის მეორე ნახევარში მოხვედრილა სინაზე, მაცხოვრვანის მონასტერში. სავარაუდოა, რომ ეს კრებული სინაზე მოხვდა იმ საბაფშიდელი ქართველების მეოხებით, რომლებიც არაბთავან შევიწროვების გამო მეათე საუკუნის შუა წლებიდან სინაზე გადმოსახლდნენ. როგორც ჩანს, საბაფშიდიდან გადმოხიზვე-

⁸ აქედან, ნ. მარის მიხედვით, დაწერილია უფრო გვიან, მაგრამ იმავე ხელით (H. Я. Марр. Описание.... с. 170).

⁹ აქედან ბოლომდე ტექსტი ძლივს იკითხება. აღვადგინეთ ნ. მარის აღწერილობის მიხედვით.

¹⁰ ქართულ-ბერძნული ასოებრივი პავინაციის მიხედვით sin. 35 საბაფშიდური წარმომავლობისად მიიჩნია ბ. უტრემ. იხ. B. O u t t i e r, Les enseignements des Pères, un recueil géorgien traduit de l'arabe. Bedi Kartlisa. XXXI, 1973, p. 36—47.

¹¹ Traité d'Etudes byzantines. I. La Chronologie par V. Grumel, Paris., 1958, p. 452.

¹² იქვე.

ნის შემდეგ ეს კრებული (Sin. 35) სინური სამონასტრო ბიბლიოთეკის¹³ კუთვნილებად გადაიქცა.

წმ. ეკატერინეს მონასტრის მოგვიანო ხანის ქალაღის ხელნაწერში (Sin. 92) ნ. მარის მიერ¹⁴ შენიშნულია ბოლოს ჩაკრებული ეტრატის პალიმფსესტური გვერდი. ზედა ტექსტი შესრულებულია გვიანდელი ხელით. ქვედა ტექსტი მეათე საუკუნისა¹⁵ და წარმოადგენს საბიბლიოთეკო კატალოგს, რომელშიც 20 დასახელების 44 ხელნაწერი წიგნია აღნუსხული. მოგვაქვს ტექსტი მთლიანად ნ. მარის აღწერილობის მიხედვით.

„...დავითი..., იედგარი ე, კელთა ბანანი გ,
კურთხევანი დ, ჟამისწირვანი დ,
კრებანი დ, ეფრემი ბ, მრავალთავი ა,
ანტონისი ა, სუმეონისი ბ, მოწამეთა გ,
ქართლის მოქცევა ა, წრლი წიგნი გ,
მოციქულთა ა, მამათა დიდი წიგნი ა,
ერთი დიდი კანონი, სახარება ა,
პავლე ა, გეორგისი ა,
საკითხავი ა...“¹⁶

კატალოგში მოხსენიებული „მამათა დიდ წიგნში“, ჩვენის თვალსაზრისით, სწორედ ეს საბაწმიდური ასკეტიკური კრებული უნდა იგულისხმებოდეს.

Sin. 35, მამათა დიდი წიგნი, საბაწმიდიდან სინაზე მოხვედრის შემდეგ, 973 წელს მესამედ შეუმოსავს X საუკ. ცნობილ მოღვაწეს იოანე-ზოსიმეს. ამის შესახებ გადმოგვეცემს ანდერძი იოანე-ზოსიმესი (მისი ხელით შესრულებული). როგორც ზემოთ აღვნიშნეთ, იოანე-ზოსიმეს ეს ანდერძი მოთავსებულია Sin. 67-ის ბოლოსაცავედ გამოყენებულ ეტრატის გვერდზე, Sin. 35-ის ანდერძის მეორე სვეტად. ანდერძი ცუდად იკითხება. გვიანდელი რესტავრაციის დროს ტექსტი სიგრძივ დაზიანებულია.

მოგვაქვს ანდერძი მთლიანად:

„სახელითა ღმრთისაათა და მეოხებითა შეიმოსა წმიდა ესე წ[იგნი] მონასტერსა შინ[ა] მაყოლოვანსა ს[ინას]. კელითა იოვანე ცოდვილისაათა და წელთა ქართველთა ხ ფ ო ზ, ქორთიკონი პა.

თანაშეწეენითა [და] პაჟითა მიქაელ [მღ]დელისა კალამ სალოცველად და მი...ეს ცოდვილთა თვსთა და ნათესავსა ჩ[უენსა].

აწ გვედრებით თქუნენ, მამათა და ძმათა [ჩუნენთა, ვინცა] იკითხვოდეთ და იმ . . . ამას წიგნსა მო... ესე და გვედიეთ ფრიად ცოდვილი.

¹³ როგორც სინური ხელნაწერების ანდერძ-მანაწერებიდან ჩანს, ასეთი ბიბლიოთეკა (საწიგნე) სინაზე იყო წმ. კვირიკეს სახელობის მონასტერში. Н. Я. М а р р. Предварительный отчет о работах на Синае, веденных в сотрудничестве с И. Я. Джаваховым, и в Иерусалиме, СРГО, т. XIV, ч. II, с. 48.

¹⁴ Н. Я. М а р р, Описание..., с. 264.

¹⁵ ვუიკრობთ, იოანე-ზოსიმეს ხელით შესრულებულია.

¹⁶ Н. Я. М а р р, Описание..., с. 267.

თქუნ... ამით სახელი... მით ავაზაკი... და გ... და მშობელნი და ყოველნი ცხალნი ჩუენნი და რომელი რ...ვეთ ღმრთისათჳს.

ქრისტე, შეიწყალე მიქაელ და ყოველნი ძმანი ს[ინენლი] და ყოველნი ქრისტეანენი, ლოცვა ყავთ, წმიდანო, ლოცვა ყავთ ჩუენთჳს, რამეთუ ფრიად გურწამს. ქრისტე, შეგვწყალენ...“

ანდერძის მიხედვით, იოანე-ზოსიმეს მიქაელ მღვდლის თხოვნით და ხელ-შეწყობით 973 წელს მესამედ შეუმოსავს Sin. 35. ანდერძში იკითხება „თან-შეწევნითა და ჰაჯითა მიქაელ მღვდლისა კალამ“...

იოანე-ზოსიმე და მიქაელ მღვდელი ხშირად იხსენიება ერთად მეათე საუკუნის 70-იან წლებში გადაწერილი სინური ხელნაწერების ანდერძ-მინაწერებში. ეს ის მიქაელ მღვდელია, სინას მთის მოღვაწე, რომლის შეწევნითა და მეოხებით იოანე-ზოსიმეს გადაუწერია 974 წ. სამოციქულო (Sin. 39). ანდერძში მიქაელ მღვდელი უკვე დეკანოზად იხსენიება. 978 წელს იოანე-ზოსიმეს იმავე მიქაელის მეოხებითა და თხოვნით გადაუწერია ოთხთავი (Sin. 15). მიქაელისავე ხელშეწყობით იოანე-ზოსიმეს 981 წელს მესამედ შეუმოსავს სინური მრავალთავი. ამავე წელს მისსავე თხოვნით იოანე-ზოსიმეს გადაუწერია წმიდათა ცხოვრება (Sin. 6). როგორც ჩანს, იოანე-ზოსიმესა და მიქაელ მღვდელს შორის მჭიდრო ლიტერატურული ურთიერთობა არსებობდა.

ზემოთ მოტანილი მასალების მიხედვით გაირკვა, რომ Sin. 35, ცნობილი ასკეტიკური კრებული, „მამათა დიდი წიგნი“, რომელიც სამეცნიერო ლიტერატურაში მეათე საუკუნით იყო დათარიღებული, საბაწმიდური წარმოშობისაა, გადაწერილია 907 წელს საბაწმიდის ლავრაში ვინმე არსენ ბერის მიერ.

ამრიგად, ქართულ ხელნაწერთა სინურმა ფონდმა სინურ მრავალთავთან ერთად შემოგვინახა ერთ-ერთი უძველესი თარიღიანი ძეგლი, Sin. 35. ამით კიდევ უფრო იზრდება სინური ფონდის მეცნიერული მნიშვნელობა.

Sin. 35-თან მიმართებით დგება კიდევ ერთი საკითხი ტექსტოლოგიური ხასიათისა: Sin. 35 ასკეტიკური ხასიათის კრებულია, რომელიც ანბანურ აპოფთეგმებს უჭირავს კრებულის ბოლო, 275—320v, ნაწილი. კრებულის წინა ნაწილი (1r—275r) შეიცავს ცნობილ საეკლესიო მოღვაწეთა „სწავლანსა“ და „სიტყუანს“. ხშირ შემთხვევაში ასეთი „სწავლანისა“ და „სიტყუანის“ რიცხვი რამდენიმე ათეულს აღწევს (მაგ., „თქუმული ნეტარისა მამისა ჩუენისა ამონაჲსი“—80 „სიტყუა“, „თქუმული წმ. ბასილისი“ — 207 „კურთხევამ“...). „მამათა“ რიგი დანომრილია: ყოველ ახალ სახელთან ასოებრივი ნუმერაციაა. Sin. 35-ის პირველ ნაწილში შესულია 18 საეკლესიო „მამის“ სახელი შესაბამისი ასკეტიკური ხასიათის მასალით. ეს რიგი თავდება ასე: „იწ, სწავლანი მამათა სკიტელთან გამოკრებულნი და მამისა ანტონისნი, ა“. აქ ორგვარი ნუმერაციაა: მეორე ნუმერაციით (ა) იწყება Sin. 35-ში მოთავსებული ანბანური აპოფთეგმების რიგი. როგორც ჩანს, ანტონის თხოვრება ასკეტიკური კრებულის საერთო გამაერთიანებელი ნაწილია, რომლითაც თავდებოდა Sin. 35-ის პირველ ნაწილში შესული ასკეტ მამათა „თქუმული“ და „სწავლანი“ და იწყებოდა ანბანური აპოფთეგმატა. Sin. 35-ში შესული ანბანური აპოფთეგმების ყოველი ახალი თხოვრება გამოყოფილია ასოებრივი ნუმერაციით. აპოფთეგმები წყდება 72-ე თხოვრების „სიტყუანი სუქესტისნი“¹⁷ დასაწყისზე. Sin. 67-ის ეტრა-

¹⁷ „სიტყუანი სუქესტისნი“ ქართულ პატრისტიკულ ძეგლთა შორის sin. 35-მა შემოგვინახა. ბერძნულში „სიტყუანი სუქესტისნი“ არც Guy-სთან (Recherches sur la tradition grecque des



ტის ფურცელმა შემოინახა 76-ე (თავნაკულად) და ბოლო, 77-ე (მთლიანად) თხრობები. ამ ფრაგმენტის მიხედვით განისაზღვრა, რომ Sin. 35-ის აპოფთეგმური ნაწილი 77 თხრობას შეიცავდა.

შეიძლება თუ არა აღვადგინოთ Sin. 35-ის აპოფთეგმური ტექსტის, ანუ Sin. 35-ის ტექსტის ბოლო ნაკლული ნაწილი?

Sin. 35-ის ტექსტის ბოლო ნაწილი აღდგა გრაციის უნივერსიტეტში დაცული ეტრატის ორი ფურცლით, რომლის ტექსტი მთლიანად 1929 წელს გამოაქვეყნა ა. შანიძემ¹⁸. ა. შანიძემ გრაციის ფრაგმენტები მრავალთავის ნაწილად მიიჩნია და დაათარილა XII საუკ. დასაწყისით. ე. გარიტმა გრაცში დაცული ეტრატის ორი ფურცელი სცნო Sin. 35-ის გაგრძელებად და 1959 წელს Le Muséon“-ში გამოაქვეყნა კიდევ Sin. 35-ის ბოლო გვერდი და მისი გაგრძელება, გრაციის ერთი ფურცლის რექტო (r)¹⁹.

Sin. 35 წყდება „სიტყუანი სუქესტისნი“, 72-ე თხრობის, დასაწყისზე. მას მოსდევს თხრობა მარტილისა (ოგ)²⁰. ოდ და ოე თხრობები, აგრეთვე, შემონახულია გრაციის ფრაგმენტში. ამ თხრობების ტექსტი გამოაქვეყნა ა. შანიძემ. მანვე გამოაქვეყნა ამ ტექსტის შემცველი გვერდის ნაწყვეტის ფოტო, რომელზეც ოდ და ოე თხრობების დასაწყისები მოხვდა. სწორედ ფოტოზე აღბეჭდილი ნუმერაციით აღდგა თხრობების თანამიმდევრობა. ოე თხრობა (თავნაკლული) და ბოლო, ოზ თხრობა მთლიანად შემოგვინახა Sin. 67-ში ბოლოსაცავად გამოყენებულმა ეტრატის ფურცელმა. შემოთქმულის მიხედვით, Sin. 35-ის ნაკლული ბოლო ასე შეიძლება აღდგეს:

სიტყუანი სოჟქესტისნი²¹

ობ. ლ[მრთ]ისა სათნოა იგი არს, რ[ომელმა]ნ არასათნოა ლ[მრთისა]ჲ საქმე არა ქმნეს, რ[ომელმა]ნ და ვ[იღრ]ე კნინადმდე ჰეშმარიტებით ქცევამ თვის აღასრულოს, რ[ამეთუ] არარამ არს კნინი ს[ო]ფ[ე]ლსა ამას,

Aporthegmata Patrum, Bruxelles, 1962), Migne-სთან (P. G. t. 65) და არც Lampe-სთან (Patristic Greek Lexicon, 1968) არ დაიძებნა. ამ სურათის მიხედვით დღესდღეობით შეიძლება ითქვას, რომ „სიტყუანი სუქესტისნი“ მხოლოდ ქართული პატრისტიკული ხელნაწერების (Sin. 35) კუთვნილებაა. „სიტყუანი სუქესტისნი“ ანბანურ აპოფთეგმატას დანართი ნაწილია. ანბანური აპოფთეგმების ძირითადი ფენა წმ. ანტონიდან წმ. ორემდე სწორედ სინურმა ხელნაწერებმა (Sin. 35) შემოგვინახეს.

¹⁸ ა. შანიძე, ქართული ხელნაწერები გრაცში, თბ. უნივერ. მოამბე, IX, 1929, გვ. 350.

¹⁹ G. Garitte. Vingt-deux «Sentences de Sextus» en georgien, Le Muséon. 1959, LXXII, 3-4, pl. VII.

²⁰ ე. გარიტის მიერ გამოქვეყნებულ ფოტოზე ჩანს განის (ოგ) კულის ნაწილი. განის დაწერილობა, განზე გაშვებული კუდით, თავისებურია Sin.—35-ის ხელისათვის.

²¹ გამოცემული ტექსტისათვის გამოვიყენეთ შემდეგი ლიტერები:

G-G. Garitte, Vingt-deux «Sentences de Sextus» en géorgien. Le Muséon, 1959, LXXII, 3-4, pl. VI-VII.

D-მ. დვალცი, შუა საუკუნეთა ნოველების ძველი ქართული თარგმანები, II, 1974, გვ. 303.

K-კ. კეკელიძე, მარტვილი ქართველი, ლიტ. ძიებანი, ტ. III, 1947, გვ. 300³⁵—301¹⁵.

S-ა. შანიძე, ქართული ხელნაწერები გრაცში, თბ. უნივერ. მოამბე, IX, 1929, გვ. 351—353.

M- H. Я. М а р р, Описание грузинских рукописей Синайского монастыря, 1940, с. 169—170.

A- Sin. 67



რ[ომელ]ისა თქ[უ]ას ვინმე, თუ მცირედ-ლა რამე ოკვდა: რადენი რა
 გ[ა]ქნდეს ს[ო]ფლისა ამისგ[ან]. ოკეთუ ვინმე მიგიღებდეს, ნუ განი
 ხნები. ბრძენი ოპოვარი, ოუნათესვოა, ოუმახლობელია მსგავს არს ღ[მრთ]-
 ისა. თ[ა]ვი შ[ე]ნი გ[ა]ნიმტკიცე, ოკეთუ აღთქოვამა მიგიღებდეს. GD.
 ღ[მრთ]ისაგ[ან] ჰრცხენისმცა ქეცვისა შ[ე]ნისაგან სოფელსა. ნოვის ყ[ოვ]-
 ლითურთ თ[ა]ვისა შესა შესაპრობელ ჰყოფ, რ[ამეთუ] რ[ომელი] შ[ე]ნ
 ოფროსად შუპრაცხო ყ[ოვლ]ისა, იგი გეფლოს შ[ე]ნ. პატივ ეც შ[ე]ნ ოუმ-
 ჯომსსა, რ[ამეთუ] ოუმჯომსი გეფლოს შ[ე]ნ. იმაწე დიდ ყოფად წ[ინაშ]ე
 ღ[მრთ]ისა, ხ[ოლო] წ[ინაშ]ე ე კ[ა]ტა ვშურველ იქმენ. გონებანი კ[ა]ტანი
 ღ[მრთ]ისა მიერ არიან შემტკიცებულ. აწ იქმოდე ყ[ოველ]სა, ვ[ითარცა] შვი-
 ლი ღ[მრთისა]დ. ღ[მერთს]ა ევედრებოდე და რ[ომელ]საცა საქმესა იყო,
 იგი გ[უ]ლსა იყარ.

იყავ ნუ საგონებელად, ა[რამედ] ჰეშმარიტად მართლ, რ[ამეთუ] იქ
 კ[ა]ტაგ[ან] არსებასა მიიტაცებს.

ფრთხილი კ[ა]ცი ქველის-მოქმედ არს წ[ინაშ]ე ო[ვფლ]ისა. სიჩქრი-
 საგ[ან] ევლტოდე და გ[ან]ზრახვამ კეთილისა შეიწყნარე, სძლე გ[უ]ლის-
 თქვამსა, სძლე კ[ო]რცთა ამათ ყ[ოვლ]ითა სორთებისა (Sic!) აღსასრული,
 ჯმნად პირველად გ[ან]ზრახვ და მერმე ზრახველი. GS.

ოგ. შევიწროთ, ძმანო, თ[უა]ლთა ჩ[უენ]თა ზ[ედ]ა ცხორებამ ჩ[უენ]ნი
 და შევეყენეთ სენაკთა ჩ[უენ]თა და იყავ საზრდელად ჩ[უენ]ნდა მცირედ
 პური და წყალი საკმარად ოდენ კ[ო]რცთა ჩ[უენ]თა. მრავლითა შრომითა,
 მღუძარებითა და ზედგომითა ღამე ყოველ მკოზრვალედ ღ[ო]ცვითა და მკვლ-
 დრეკითა და ქ[უე]ყანასა ზ[ედ]ა წოლითა ოუსაგებლოდ, ტირილითა და ცრემ-
 ლითა შემსრვილითა გ[უ]ლითა, ფსალმუნებითა და გ[ა]ლ[ო]ბითა და ღ[ო]-
 ცვითა საიდუმლოდ ღმწ და ღამე, მრავლითა გ[ან]საცდელითა და ფრ[ია]დო-
 თა შრომითა და აოჯრაცხელითა ჰირითა დაოთმით სიბოროტესა ეშმ[ა]კთასა,
 რ[ომელ]ნი არა დასცხრებთან ცხადად და იღუმალ ბრძოლად ჩ[უენ]ნდა და
 ჰნებავს წარწყმედი ჩ[უენ]ნი, არა თუმცა წყალობამ ო[ვფლისა]დ შემწე
 ჩ[უენ]ნდა.

და იგი შემრაცხს ჩ[უენ] წმიდათა მისთა თანა, რა[ა]ყ[ა]მს მოიხილის
 მალლით წ[მი]დით მისით და გოუხილნის ჩ[უენ]ნ გ[ან]საცდელსა შინა ღმწ
 და ღამე სახელისა მისისათუს და მ[ა]თ შინა ო[ვფლ]ეებასა მისსა აღვიარებლით
 ნებითა ჩ[უენ]ნითა და ს[უ]ლითა იხარებნ ჩ[უენ]ნ ზ[ედ]ა და შემეწვიონ ჩ[უენ]ნ
 მ[ა]ლლითა თუსითა. აწ ოკეთუ ვისწრაფოთ და ვაჩოვენოთ წამებამ ჩ[უენ]ნი
 ქ[რისტ]ესა, დაღაცათუ სხოვათა მიერ არა ვიტანჯებოდით, თ[ავით] თუსით
 შევიწროთ ჩ[უენ]ნ ზ[ედ]ა მისთუს და შრომითა მოვაკდინეთ კ[ო]რცნი
 ჩ[უენ]ნი სიყ[უ]არჯლისა მისისათუს, დაღაცათუ არა მივეცნეთ მახოვლსა,
 რ[ომელმ]ან იგი მსწაფლ გ[ან]არინეს გ[ან]საცდელთაგ[ან], არა არს თვალ-
 თაღება GKS ღ[მრთ]ისა თანა, ვ[ითარცა] არა შემრაცხნა მოწამეთა მისთა
 თ[ან]ა, რ[ომელ]ი არა ჰმონებდეს ნებასა თუსსა, იგი არს მ[ონ]აწ[ო]ნებაა.
 KS.

ოდ. ივლტოდე, ძმაო, ბოროტთაგ[ან] და ნუ თანა ექცევი მ[ა]თ, რ[ამთ]ა
 არა მოიგო ჩვეულებამ მათი ბოროტი და მოიკლა ს[უ]ლი შ[ე]ნი მ[ა]თ თანა
 ც[ო]დვასა შინა. რ[ამეთუ]ხმ ბუნებით სუბოქი არს და შთარადვარდის იგი

ზღ[უ]ასა, არა დაითქის, ა[რამე]დ იქცევიან იგი პირსა ზ[ედ]ა წყლისასჲს
 ხ[ოლო] ოდეს გამოების მას ლოდი ქვისაჲ, გინა მძიმე რამე, დაითქის იგი
 ოფსკრულთა.

ესრმთვე არს მოყსობაჲ ბოროტისაჲ, და რომელი თანა იქცეოდის ოკე-
 თრთა, დაათქის და წარწყმიდის იგი მოყ[უ]სობამ[ა]ნ მ[ა]თმ[ა]ნ. ევლტოდე
 უკვე ა... ბოროტთა მათ და მოიძულე მოყ[უ]სობაჲ მათი, რ[ამთ]ა განერე და-
 თქმისაგ[ა]ნ და შეეყავ სიყ[უ]არულით სათნოთა მათ და ღირსთა, რ[ამთ]ა
 საქმეთა მ[ა]თთა მსგავსებითა და სათნოებათა მ[ა]თთა მიბადეთა აჰმალდღე,
 ვითარცა ა ზმ ზღ[უ]ასა ზ[ედ]ა და არარაჲ გავნოს შენ სიმძაფრემან ღელუ-
 თამან, ა[რამე]დ მიიწიო ნავთსაყ[უ]დელსა მას მყ[უ]დროსა, რ[ომე]ლ არს
 ს[ა]ს[უ]ფეველი ცათაჲ. ხოლო ღ[მერ]სა ა ჩ[უე]ნსა მ[ა]დლი და დ[ი]-
 დ[ე]ბაჲ, აწ და მ[არადი]ს და ო[კუ]ნითი ო[კუ]ნისამღ[ე], ა[მე]ნ.

თქ[უ]ა წ[მიდამა]ნ პიემენ, რ[ამეთუ] ვ[ითარცა] მარილი რაჲ გამოვალს
 წყლისაგან და წყალსა შინა დადნების და წარწყმდების, ეგრეცა კ[ა]ცი დე-
 დათაგ[ა]ნ გამოვლენ და დედათაგ[ა]ნ წარწყმდებიან.

ოგ. თქ[უ]მუ]ლი წ[მიდის]ა კლემექსისი განგებისათჳს მ[ა]მასახლისობისა
 თავი ლა.

არა საკრველ არს მოძღ[უ]რისაგ[ა]ნ, რ[ომელმან] გ[ა]ნსწავლნის ყრმა-
 ნი გონიერნი სიბრძნესა მი[უ]წდომელსა, ა[რამე]დ ესე საკრველ არს,
 რ[ომელმან] ოჯგნოური განაბრძენის ბრმანი. ვ[ითარცა] საცნაოურ არს ახო-
 ვნებაჲ მკედართაჲ და მარჯ[უ]ედ ქცევაჲ, რ[ა]ქ[ამს] იგი ასხლიან ეტლთა
 მალედ მორბედთა და აგობიან და გ[ა]ნარინიან ცხენნი მათნი, მაშინ იქნიან
 ყ[ოველ]თაგან.

ოკვეთუ მოცემულ არს შ[ე]ნდა მეცნიერებაჲ ენებათაჲ და ხედავ ღელუ-
 თა აღძრულთა, განაკრძალენ, რ[ომელ]ნი არიან ნავსა შენსა შენ თანა.
 ოკუეთუ არა ოწყყოდე“... S.

- ოგ. ...მისა მათისაჲ
 ...მს გაჭოუნდინ
 ...რ[ომლ]ისაჲ არს
 ...ნ.
 ...თმინე იყავ
 ...ოკოჲ გა
 ...ლო ეშმაკისა
 ...მის ნათესა
 ...ავს ჩ[უე]ნდა
 ...აჲ ძუწყი
 ...ე თურნი ჯო
 ...ფასთა
 ...ედისა სუ
 ...ა სიყოჲა
 ...რებაჲ
 ...ბაჲ და დი
 ...ჩა მიმართ
 ...ბანი

მღუძარედ დეგ ამის ყ[ოვ]ლისა-
 გ[ა]ნ და მშოვლობით იყ[ა]ვ
 ამის ყ[ოვლ]ისაგან დაცვითა
 ო[ფლის]ათა.

ოგ. ჰკითხა ვინმე ბერმან და
 თქ[უ]ა, რამსათჳს ვითენიმე აწ
 შრომასა ჰყოფინ დიდსა და არა
 მოიღეს მაღლი, ვ[ითა]რ იგი
 პირველთა.

რქ[უ]ა მას ბერმან: მაშინ სი-
 ყოვარული იყო და თითოეული
 მოყოვასსა თჳსსა მიიზიდვიდა ზე
 აღშენებად, ხ[ოლო] აწ გ[ა]ნწ-
 მობითა სიყოვარულისათა თი-
 თოეული მოყოვასსა თჳსსა ქოვე
 გარდამოჰზიდავს და დაჰკნის,

...ლის ზრა
...ლი განუ
...ფო ქენეს
...შაჲ ზრახ
...ათვე სა
...წესონი
...და ოცხო
...და ოუდა
...ორებისა
...ლის შემ
...გონებაჲ
...ქნე ოცო
...შენ, შეილო,

ამისთვისცა ვერ მოიღეს მადლი.
AM



М. Р. ДВАЛИ, Л. К. ДЖГАМАИЯ

ФРАГМЕНТЫ ПАТЕРИКА X ВЕКА (Sin. 35)

(Резюме)

В бумажной рукописи XIII века (Sin. 67) в конце вклеен пергаментный лист, на котором выполнен заглавным письмом X века. В результате сличения фрагмента с патристическим сборником X века (Sin. 35) обнаруживается, что он является последним листом дефектной рукописи Sin. 35.

Sin. 35 является уникальным патристическим сборником, который содержит ранние патристические переводы, в том числе и апофтегматы. В отличие от греческого подлинника, грузинский перевод апофтегм сохранил рассказы, не обнаруживающиеся в греческом. В фрагменте сохранился последний, анонимный 77 и часть 76-го рассказов апофтегматы.

Особого внимания заслуживает то, что фрагмент содержит колофон сборника Sin. 35. По данным колофона, Sin 35, датированный в специальной литературе X веком, точно датируется 907 годом; рукопись переписанна неким Арсением в Саввинском монастыре.

Таким образом, Sin. 35, редчайший патристический сборник, наряду с Синайским Многоглавом (864 г.) и Адишским Евангелием (897 г.), является одной из древнейших датированных рукописей.

მიხეილ ვან მსხრომი

ლენინგრადის პალიმფსესტური მრავალთავი*

აღმოსავლეთმცოდნეობის ინსტიტუტის ლენინგრადის განყოფილების ქართული ხელნაწერი M—13 არ საჭიროებს სპეციალურ წარმოდგენას: ის ცნობილი და აღწერილია სხვადასხვა თვალსაზრისით¹. იგულისხმება ერთ-ტის დიდი (17 სმ. სისქე, 476 ფ.) ხელნაწერი, რომელიც დაწერილია ნუსხურით, შესანიშნავი, თანაბარი კალიგრაფიით. იგი გადაწერილია მიქაელ დვალის მიერ 1038 წელს იერუსალიმში, რის შესახებაც ცნობებს გვაწვდის ვრცელი, თითქმის ორგვერდიანი ანდერძი². ჩვენთვის გაურკვეველი მიზეზების გამო, კოდექსის პირველი 125 ფურცელი** განმეორებით გადაიწერა დაახლოებით XIII—XIV სს.-ში, რომლისთვისაც გამოყენებული იქნა სამი დაშლილი ხელნაწერი, რომელთაგან ორი დაწერილია ასომთავრულით, ხოლო ერთი—ნუსხურით. ილ. აბულაძემ პირველმა აღნიშნა, რომ ასომთავრულით დაწერილი ერთი ხელნაწერი შეიცავს ქართული მრავალთავის რამდენიმე ტექსტს³. უფრო გვიან რ. ორბელმა გამოაქვეყნა რამდენიმე სვეტი ამ პალიმფსესტისა. მისი აზრით, გამოქვეყნებული ფრაგმენტი რომელიღაც, მისთვის უცნობი ბიზანტიური ქრონიკის, ტექსტის ნაწყვეტი უნდა ყოფილიყო. ავტორმა აქვე მიუთითა მის მიერ გამოქვეყნებული ფრაგმენტის შესაძლებელი წყაროები⁴. ამის შემდეგ, თ. მგალობლიშვილმა, რომელმაც შეისწავლა ალექსანდრე კვიპრელის ქრონიკის ძველი ქართული თარგმანი, ადვილად გამოიცნო ამ ნაწარმოების ნაწყვეტი რ. ორბელის მიერ გამოქვეყნებულ ტექსტში⁵.

მოგვყავს პალიმფსესტური მრავალთავის 64 ფურცლის შინაარსი

- | | | | |
|--------|----------------------|------------------------|--------------------------------------|
| ფ. 26, | ალექსანდრე კვიპრელი, | გვ. 1—3 ⁶ , | „ვინაიდან — დაუსაბამოა“ |
| ფ. 33, | — „ — — „ — | გვ. 12—14, | „წიგნები — რისხვაა. |
| ფ. 42, | — „ — — „ — | გვ. 19—21, | „უწინარეს — მრავალნი“ ⁷ . |
| ფ. 44, | — „ — — „ — | გვ. 24—26, | „შეიპყრეს — მოსწყუნა“ |
| ფ. 47, | — „ — — „ — | გვ. 26—29, | „ვიდრემდე—ორმეოცდაათ წელ“ |
| ფ. 49, | — „ — — „ — | გვ. 31—34, | „ფრიად მორწმუნე—იზარდებო—
და იგი |
| ფ. 52, | — „ — — „ — | გვ. 9—12, | რამეთუ არა თუ — წარილო“ |

* დიდ მადლობას მოვახსენებ აღმოსავლეთმცოდნეობის ინსტიტუტის ლენინგრადის განყოფილების უფროს მეცნ. თანამშრომელს საურმაგ კაკაბაძეს ამ სტატიის ქართულ ენაზე თარგმნისათვის.

** მთლიანად ხელნაწერი შეიცავს იოანე ოქროპირის იოანეს სახარების თარგმანებას.

- ფ. 54, — „ — „ გვ. 5—7, „რომელი მოეცა — რაათა შეწი-
როს“;
- ფ. 55, — „ — „ გვ. 7—9, „ძმ—გუამონად“
- ფ. 57, — „ — „ გვ. 3—5, „და სამარადისოა — შემოსილსა“
- ფ. 60, სინური მრავალთავი, გვ. 41,18—42,28⁸, „უკუეთუმცა დედაკაცისა-
გან—უცოდველსა მას“
- ფ. 62, — „ — „ გვ. 56,4 — 57,9, „და ავლიად — მართლისა“;
- ფ. 63, — „ — „ გვ. 57, 10—59,13, „იაკობისთვის — განსუენე-
ბაისა“
- ფ. 65, — „ — „ გვ. 48,36—50,6, „კაც იქმნა—შემშია ეჲ არს“
- ფ. 67, მარტულობაი ორმოცთაჲ, გვ. 141,9—143⁹, „წმიდათანი—ამენ
და: და იქცეოდა იესუ გალილეათ კერძო“
- ფ. 69, სინური მრავალთავი, გვ. 66,15—67,21, „და გიჩუენა—დიდისა მის“
- ფ. 70, — „ — „ გვ. 61,30—63,31, ყლსა ქამსა—ყურთა მის“
- ფ. 71, დაუდგენელი ტექსტი „ლაზარეს“. შესახებ
- ფ. 72, მარტვილობაი ორმოცთაჲ, გვ. 131, 13—134,21, „სატანჯველთა —
წინაშე მისა“
- ფ. 73, სინური მრავალთავი, გვ. 51,13—52,24, „და რომელნი დათესულ
ყოველსავე
- ფ. 74, დაუდგენელი ტექსტი „მოწამეთა“ შესახებ
- ფ. 76, მარტვილობაი ორმოცთაჲ გვ. 138,9—141,19, „და ესენი ესოდენი
გუამები იგი“
- ფ. 77, სინური მრავალთავი, გვ. 120, 13—121,17, „არა ცეცხლითა — წი-
ნაისაჲ“
- ფ. 78, ალექსანდრე კვიბრელი, გვ. 49,9—51,19, „მისსა იპოვენეს — სიხა-
რული“
- ფ. 79, — „ — „ გვ. 21—24, „მათგანნი — აღმოსავალით“
- ფ. 80, სინური მრავალთავი, გვ. 65,7—66,15, „ივარ-ყვეს — შენსა“
- ფ. 81, ალექსანდრე კვიბრელი, გვ. 17—19, „ვენებაი იგი — მცირედ“
- ფ. 82, პარხლური მრავალთავი, ფ. 176 vb, 8—177rb, 25¹⁰, „დიდად—ამენ“
- ფ. 83, ალექსანდრე კვიბრელი, გვ. 34—36, „მთავართა — უშჯულოებათა“
- ფ. 84, სინური მრავალთავი, გვ. 115,20—116,36, „ვინმე — სათნოებითა
მით“
- ფ. 85, ალექსანდრე კვიბრელი, გვ. 29—32, „წმც ეკლესიაჲ—დამეა“
- ფ. 86, ალექსანდრე კვიბრელი, გვ. 42—44, „განმზრახნი — უღმრთოჲ
იგი“
- ფ. 87, — „ — „ გვ. 53—56, „რა მან განმზადოს — დადვა
შჯული“.
- ფ. 88, სინური მრავალთავი, გვ. 119,5—120,14, „მერმე—შესაწირავი“
- ფ. 89, — „ — „ გვ. 63,31—65,4, „საბლარდნელისათა — ნა-
ყოფი მის“
- ფ. 90, ერთი ტექსტის დასასრული, შემდეგი სინური მრავალთავი, გვ.
124,1—125,1 „საყუარელნო — ნელსაცხე-
ბელსა“

- ფ. 91, სინური მრავალთავი, გვ. 235,6—236,20, „და განწმიდნა — ამენ“
- ფ. 92, — „ — „ — გვ. 40—41,18, „ქალწულისა — ცხოვრების“
- ფ. 93, — „ — „ — გვ. 256,26—258,6, „და მღევარნი — დიდად“
- ფ. 94, — „ — „ — გვ. 258,6—259,16, „პატიოსნად — მეტყუელ“
- ფ. 95, — „ — „ — გვ. 50,7—51,14, „ვეშმარითად — უკრწნელნი“
- ფ. 98, — „ — „ — გვ. 247,12—248,23, „აგრიპა — ამით“
- ფ. 99, — „ — „ — გვ. 248,24—249,35, „რონი ჯელოვნებისაგან — წარწყმედად“.
- ფ. 100, ალექსანდრე კვიპრელი, გვ. 14—17, „მაკუდინებელი — ზედა იყო“
- ფ. 100, ალექსანდრე კვიპრელი, გვ. 56—58,4 „ჯელით-წერითა — სიტყუსა რ“.
- ფ. 102, სინური მრავალთავი, გვ. 254,1—256,26, ჰხედავთა — სოფლისათა“
- ფ. 103, — „ — „ — გვ. 58,31—56,4 „და ე“—ყოველთასა“
- ფ. 104, — „ — „ — გვ. 46,9—47,29, „შეყოფილ — ვეშმარითად“
- ფ. 106, — „ — „ — გვ. 122,28—123,15, „ე“დ შემძლებელ — ამენ“ და „მარტივობაჲ ორმოცთაჲ“—ს დასაწყისი
- ფ. 107, — „ — „ — გვ. 116,36—117,39, „და რაქამს—ზმასა მას“
- ფ. 109, — „ — „ — გვ. 44,3—46,5, „აწ რომელმან — მათ თანა“
- ფ. 110, — „ — „ — გვ. 59,13—60,21, „და ამბორს — ზედა და და“
- ფ. 111, — „ — „ — გვ. 68,29, „ერქუა მეგეთეს — ამენ“
ამას მისდევს პარსული მრავალთავის ფ. 175v¹¹, „წესად — მაღლსა“
- ფ. 113, სინური მრავალთავი, გვ. 121,16—122,27, „განწყობილისაჲ — ერი-საგანთა მათ“
- ფ. 114, — „ — „ — გვ. 260,29—262,4, „იგი თუ—ჩუენ ეშმაქსა“
- ფ. 115, სინური მრავალთავი, გვ. 262,4 „შრომითა — ამენ“, და შემდეგ გვ. 245—246,3 „ნეტარი — და შუთით“
- ფ. 116, — „ — „ — გვ. 117,39—119,5, „სხუა სახედ — სისხლითა“
- ფ. 118, — „ — „ — გვ. 67,21—68,29, „ურმისა — სახელი“
- ფ. 119, ალექსანდრე კვიპრელი, გვ. 46—49, „მაცხოვრისა — არა შორს“
- ფ. 120, დაუღგენელი ტექსტი, შესაძლებელია „მოწამეთა“ შესახებ (კატალოგი № 62)
- ფ. 121, სინური მრავალთავი, გვ. 42,28—44,2, „თანა ედვა—შჯულისა“
- ფ. 123, მარტივობაჲ ორმოცთაჲ, გვ. 134, 26—138,9, „პრქუა მან — აღესრულა“.
- ფ. 124, ალექსანდრე კვიპრელი, გვ. 44—46, „რამეთუ მოწყალე—ვნებანი“
- ფ. 125, სინური მრავალთავი, გვ. 60,21—61,30, „ალიზილნა — „საცხენებელ-სა ჩემსა“

ამრიგად, პალიმფსესტში სულ ცოტა 17 ტექსტია წარმოდგენილი¹².

(S 6) ნეტარისა პროკლსი კონსტანტინეპოლელ ეპისკოპოსისაჲ ღმრთის-მშობელისათჳს თქუმული, ფ. 92, 60, 121, 109, 104.

(S 7) თქუმული წმიდისა და ნეტარისა მამისა ჩუენისა ეტუფანე კპრელ მთავარეპისკოპოსისაჲ, წმიდისა მარადის ქალწულისა მარიამისთჳს, ფ. 104, 65, 95, 73 და 103.

- (S 8) წმიდა იაკობ მოციქულისა და ძმისა უფლისა საკითხავი, ფ. 103, 62 და 63.
 (S 9) წმიდა სტეფანოსი, ფ. 63, 110, 125 და 70.
 (S 10) პოენამ წმიდისა სტეფანოსი რჩულისა მის მსახურებისა და პირველმოწამისა, ფ. 70, 89, 80, 69, 118 და 111.
 (P 60) იოანე ოქროპირისა მოწამეთათვის, ფ. 111.
 (P 61) იოანე ოქროპირისა მოწამეთათვის, ფ. 82.
 (S 46) იოანე ოქროპირისა მოწამეთათვის, ფ. 102 და 93.
 (S 47) იოანე ოქროპირისა მოწამეთათვის, ფ. 93, 94 და 114.
 (S 48) იოანე ოქროპირისა მოწამეთათვის, ფ. 114—115.
 (S 44) წმიდა პეტრეს წამება, ფ. 115, 98 და 99.
 (S 21) წმიდისა ბასილისა ორმეოცათვის, ფ. 84, 107, 116, 88, 74, 113 და 106.

- (U 2) მარტულობა ორმეოცთა, ფ. 106, 72, 123, 76, 67.
 (?) ლაზაროსთვის, ფ. 67 და შესაძლოა 71 და 90.
 (S 22) იოანე ოქროპირისა მარიამისთვის და მართაისთვის, ფ. 90.
 (K 37) ალექსანდრე კპრელი, ჯუარისათვის, ფ. 26, 57, 54, 55, 52, 33, 100, 81, 42, 79, 44, 85, 49, 83, 86, 124, 119, 78, 87 და 101.
 (S 41) იოანე ოქროპირისა, ჯუარისათვის, ფ. 91.

აქვე უნდა აღინიშნოს, რომ არც ერთი ეს სათაური პალიმფსესტში არ მოიპოვება, აქ საკითხავებად დაყოფა არსად არ არის წარმოდგენილი. ჩანს, კრებულის ეს სახეობა, იმ დროისათვის, როდესაც ზემოთ დასახელებული კოდექსი იწერებოდა, უკვე მოძველებული იყო. გადამწერს არც სახედაო ასოებით აბზაცების გამოყოფა მიუჩნევია საჭიროდ. ყოველივე ეს დამატებითი საბუთია კრებულის IX ს-ით დათარიღებისათვის¹³, სწორედ ამ პერიოდში ენაცვლება ბიზანტიური ტრადიცია ძველ პალესტინურს.

პალიმფსესტში შემორჩენილია ზოგიერთი ცალკეული რვეულის აღნიშვნა, ასე მაგ.: ხელნაწერის 92-ე ფურცელზე მითითებულია კოდექსის შემადგენელი რვეულის რიგითი ნომერი — „ე“, 73-ე ფურცელზე — „ვ“, 89-ე ფურცელზე — „ზ“, 84-ე ფურცელზე — „ნა“ და 101-ე ფურცელზე — „ნგ“. 93-ე ფურცელზე ძალზე გადაშლილია რვეულის რიგითი ნომერი „თ“ (შესაძლებელია წავიკითხოთ *Θ* ან *θ*). მართლაც, მოწამეთა ტექსტებს (P 60 და P 61) შორის არსებული მანძილი გვაფიქრებინებს, რომ მათ უნდა ჰქონოდათ მნიშვნელოვანი ვაგრძელება, რომლის ერთადერთ მოწმობას წარმოადგენს ფ. ფ. 74 და 120. მოწამეთა საკითხავების ამ სერიის ბოლო შეესაბამება სინურ მრავალთავს.

მოგვყავს ე-თ რვეულების ტაბულა (ა-დ რვეულები აკლია):

	5	6	7	8	9
S 6	92	73	89	X	S 47 93
	60	X	80	X	94
	121	S 8 103	69	(74)	X
	109	62	118	X	S 48 114
P 7	104	S 9 63	P 60 111	(120)	S 49 115
	X	110	X	X	X

რეგულები ი-ივ აკლია

	19	20	
S 21	84	X	
	107	72	
	116	123	
	88	76	
	77	A 67	
	113	X	
U 2	106	(71)	
	X	S 22	90?

რეგულები კა-მთ აკლია

	50	51	52	58
	X	81	X	101
K 37	26	42	X	
	57	79	86	
	54	44	124	
	55	47	119	S 41 91?
	52	85	78	
	33	49	X	
	100	83	87	

საფიქრებელია, რომ ამ დიდი კრებულიდან მხოლოდ ეს სამი ჯგუფიღა შემორჩენილი. პალიმფესტში საკითხავთა რიგის თვალსაზრისით არსებული თავისებურება წმ. სტეფანეს წამების შემდეგ შეიმჩნევა. პარხლის მრავალთავში მოწამეთა პირველ საკითხავად წმ. სტეფანეს წამებაა მოთავსებული¹⁴. ლენინგრადულ პალიმფესტში წმ. პეტრეს წამების დაკავშირება მოწამეთა ჰომილიებთან გვაფიქრებინებს, რომ მოწამეთა საკითხავები, ყველა ერთად, მოთავსებული უნდა ყოფილიყო დეკემბრის ბოლო რიცხვებში.

ამ კრებულის ნაკლები ოთხი დასაწყისი რეგული ზუსტად ის მოცულობაა, რომელიც აუცილებელია ხარებისა და საშობაო საკითხავების მოსათავსებლად, როგორც ეს წარმოდგენილია სხვა მრავალთავებში (S, A და U)¹⁵.

უღაბნოს მრავალთავისაგან განსხვავებით¹⁶, ლენინგრადის პალიმფესტურ მრავალთავში „ორმოცთა მოწამეთა“ საკითხავი თავის ადგილზეა მოთავსებული — მარხვის პერიოდში 9 მარტს, ლაზარეს საკითხავის წინ. დასასრულს, ალექსანდრე კვიპრელის ძალიან დიდი კომპოზიცია უნდა მოთავსდეს 14 სექტემბერს, ჯვრის გამოჩინების საკითხავის კლასიკურ ადგილზე (როგორც ამას დანარჩენი მრავალთავები მოწმობენ)¹⁷.

აქვე შევნიშნავთ, რომ თბილისის ხელნაწერს A—737 დაუცავს კიდევ ერთი აქამდე უცნობი პალიმფესტური მრავალთავის ფრაგმენტები. ამას დასტურებს ამ ხელნაწერში მრავალთავის შემდეგი ტექსტების არსებობა: გვ. 233



და 226 ნახევარფურცლები თავის მეორე ნახევართან ერთად (გვ. 210 და 191) შეიცავენ სტეფანეს გამოცხადების ტექსტს (გამოცემის მიხედვით, 66,30-და 66,31-და „და რომელსა“, ვიდრე გვერდამდე 67,37 „ჩემდა და“)¹⁸.

141 და 134 გვერდების ზედა კიდეზე მითითებული რვეულების სათვალავი 37 ან 47 მიგვანიშნებს იოანე ოქროპირის ჰომილიაზე იოანე ნათლისმცემლის თავისკვეთაზე. ამავე პალიმფსესტში იკითხება აგრეთვე 134r-ზე: „გუეფუფუნებოდის“ (სინური მრავალთავი, გვ. 244,15), ხოლო 133v-ს ქვედა ნაწილში „იგი ვითარცა მატლი“ (სინური მრავალთავი, გვ. 214, 30). ბოლო 37 ან 47 რვეულებში მოთავსებული ეს საკითხავი, განწესებული 24 აგვისტოს, საესებით ეფარდება თავისი ადგილით სხვა მრავალთავებს.

თუ ამასთანავე გავიხსენებთ, რომ უდაბნოს მრავალთავმა შემოგვინახა ერთი ფურცელი (174) დაკარგული მრავალთავისა¹⁹ და ამავე დროს მრავალთავების ყველაზე მნიშვნელოვანი ფრაგმენტები შემოგვინახეს ხანმეტმა ტექსტებმა²⁰, მაშინ X საუკუნეზე უადრესი სულ ცოტა 10 მრავალთავის არსებობა მაინც უნდა ვივარაუდოთ. ეს დასკვნა უფლებას გვაძლევს აღვნიშნოთ, თუ რამდენად ძლიერი უნდა ყოფილიყო ძველი რეპერტუარის შემოჭრა ძველ ქართულ საეკლესიო ლიტერატურაში.

¹ ხელნაწერის შესახებ ცნობები იხ. P. P. Orbeli, К исследованию одного грузинского палимпсеста из Лавры св. Саввы, Эллинистический Ближний Восток, Византия и Иран, М., 1967, стр. 125—135.

² მინაწერი გამოქვეყნებულია: თ. ჟორდანია, ქრონიკები, ტფლისი, 1892, გვ. 177, 179.

³ ილ. აბულაძე, ქართულ-სომხური ფილოლოგიური შტუდიები, „მრავალთავის“ ზოგიერთი თავის წყარო, IV, მარტკოლხაბა ორმოცთაჲ“, საქ. სსრ მეცნიერებათა აკადემიის ხელნაწერთა ინსტიტუტის მოამბე, IV, თბილისი, 1962, გვ. 113. გადაბეჭდილია: ილ. აბულაძე, შრომები, I, თბილისი, 1975, გვ. 91—124 (ძველი პავინაცია შენარჩუნებულია გვერდების ზედა ნაწილში).

⁴ რ. ორბელის დასახ. შრომა, გვ. 132—134.

⁵ თ. მგალობლიშვილი, აღექსანდრე კვიპრელი მონაზონის ცვრის საკითხავი „მოქცევაჲ ქართლისაჲ“-ს ერთ-ერთი წყარო, მრავალთავი, IV, თბილისი, 1975, გვ. 58.

⁶ ჩვენ მივუთითებთ მანქანაზე გადაბეჭდილი ტექსტის გვერდებს, რომელაც თავზიანად მოგვეწოდა თ. მგალობლიშვილმა.

⁷ იხ. რ. ორბელის დასახ. ნაშრ., გვ. 132—134.

⁸ ა. შანიძე, სინური მრავალთავი 864 წლისა, თბილისი, 1959.

⁹ შდრ. ილ. აბულაძის დასახ. ნაშრ.: დაბეჭდილ ტექსტში სვეტის სტრიქონები ძალიან მოკლეა.

¹⁰ ქართულ ხელნაწერთა აღწერილობა ყოფილი საეკლესიო მუზეუმის (A) კოლექციისა, 1, თბილისი, 1973, გვ. 373, № 60.

¹¹ იქვე, გვ. 373, № 59.

¹² ვიძლევიტ ხელნაწერთა იმ აღნიშვნას, რომელიც გამოყენებულია ჩვენს წიგნში: Les plus anciens homéliaires géorgiens, Louvain-la-Neuve, 1975. S—სინური მრავალთავი, P—პარხლური მრავალთავი, A—ათონური მრავალთავი (№ 11), K—კლარჯული მრავალთავი, U—უდაბნოს მრავალთავი. ყოველი ასო-ნიშანი იძლევა პარალელს—სევანურ ან ტბეთის მრავალთავთან. ვ. 74 და 120, შესაძლებელია, შეიკვეცნ მოწამეთა შესახებ კიდევ ორ სხვა ტექსტს.

¹³ რ. ორბელის დასახ. ნაშრ., გვ. 128—129.

¹⁴ ქართულ ხელნაწერთა აღწერილობა..., 1, გვ. 373, № 58: „წესენება ყოველთა მოწამეთა, რომელნი სტეფანესითჲან წამებულ არაან“.

¹⁵ M. van Esbroeck, დასახ. ნაშრ.

¹⁶ სავარაუდოა, არის ადგილი უდაბნოს მრავალთავში. შესაძლებელია ჯერ მოთავსებულ იქნეს ერთი ნაწყვეტი. იხ. M. van Esbroeck, დასახ. ნაშრ. გვ. 133.

ЛЕНИНГРАДСКИЙ ПАЛИМПСЕСТНЫЙ МНОГОГЛАВ

(Резюме)

Рукопись М—13 ленинградского отделения Института востоковедения АН СССР в основном изучена и опубликована Р. Р. Орбели в 1967 году. Она содержит палимпсестные фрагменты трех рукописей. Одна из них по своему содержанию совпадает с древнегрузинскими многоглавами. 64 листа фрагментного палимпсеста читаются хорошо. При помощи пагинации отдельных тетрадей рукописи можно приблизительно восстановить первоначальную форму коллекции IX века. Фрагменты палимпсестных многоглавов также сохранены в рукописи А—737 Института рукописей АН ГССР. Наличие в грузинской литературе десятка экземпляров многоглавов данного типа, могущих быть датированными ранее тысячным годом, свидетельствует о большом значении этой литературы.

M. VAN ESBROECK

LE MRAVALTHAVI PALIMPSESTE DE LENINGRAD

(Résumé)

Étudié et présenté principalement par Rousoudan Orbeli en 1967, le ms. M—13 de l'Institut Orientaliste de Leningrad contient des fragments palimpsestes de trois manuscrits au moins. Un de ceux-ci constituait une collection tout à fait parallèle aux grands mravalthavis géorgiens. 64 feuillets sont encore assez lisibles pour identifier leur contenu. Grâce aux signatures des cahiers, on peut se faire une idée approximative de la collection dans son état initial, au IX^e siècle. Ce ne sont pas là les seuls témoins palimpsestes du mravaltavi; on en trouve aussi des fragments dans le ms. A—737 à l'Institut des manuscrits à Tbilissi. Une dizaine d'exemplaires de ces collections peuvent être repérées avant l'an mil, témoignant de l'importance de cette littérature.

¹⁷ მართლაც, კრებულებში ულის პირველი ნახევრისათვის ის მოთავსებულია 29 იანვარს: პარალელური და სვანური მრავალთავეები.

¹⁸ მითითებულია: ა. შანიძე, სინური მრავალთავეი 864 ულისა, თბილისი, 1959.

¹⁹ M. van Esbroeck, დასახ. ნაშრ. გვ. 156.

²⁰ იქვე.

ლილი ხვსურიანი

Sin. 34-ის შედგენილობის საკითხისათვის

საბაწმიდურ-სინური წარმოშობის ქართულ ხელნაწერთა შორის, რომლებიც სინის მთის წმ. ეკატერინეს მონასტერშია დაცული, Sin. 34 ერთ-ერთ მნიშვნელოვან ლიტურგიკულ კრებულად არის მიჩნეული. იგი X საუკ. შუა წლებში შეუდგენია ცნობილ მოღვაწეს იოანე-ზოსიმეს. პირველი მოკლე ცნობები ხელნაწერის შესახებ ალ. ცაგარელს ეკუთვნის¹. 1902 წელს Sin. 34 აღწერა ივ. ჯავახიშვილმა. ეს აღწერილობა 1947 წელს გამოქვეყნდა² და იმთავითვე აღძრა კრებულის მიმართ მკვლევართა დიდი დაინტერესება. ი. ჯავახიშვილის აღწერილობისა და მასალების საფუძველზე იწყება Sin. 34-ის სისტემატური მეცნიერული შესწავლა³. 1956 წლიდან საქართველოში ხელმისაწვდომი გახდა კრებულის მთლიანი ტექსტი⁴.

Sin. 34-ის ვრცელი კოდოლოგიური დახასიათება და საგულისხმო დაკვირვებები მის შედგენილობაზე მოცემულია ე. გარიტის ფუნდამენტალურ გამოკვლევაში, რომელიც კრებულის ერთი ნაწილის — კალენდრის გამოცემას ეძღვნება⁵. უკანასკნელად Sin. 34 აღწერა ხელნაწერთა ინსტიტუტის მეცნიერმა თანამშრომელმა ც. ჭანკიევმა. ეს არის ყველაზე დაწვრილებითი აქამდე არსებულ აღწერილობათა შორის. თავისი შთაბეჭდილებები და დასკვნები კრებულის შესახებ ც. ჭანკიევმა წაიკითხა მოსხენების სახით. ზოგიერთი დაკვირვება კიდევ გამოაქვეყნა⁶.

Sin. 34-ის ზოგიერთი მასალა გამოქვეყნებულია: არსებობს კრებულის ერთ-ერთი შემადგენელი ნაწილის — კალენდრის სამი პუბლიკაცია⁷. ელ. მეტ-

¹ А. А. Ц а г а р е л и, Памятники грузинской старины в Святой Земле и на Синае. СПб., 1888 (Провосл. Палест. сборник, т. IV, вып. I), с. 206. მისევე, Сведения о памятниках грузинской письменности, вып. 2, 1889, с. 64.

² ი. ჯ ა ვ ა ხ ი შ ვ ი ლ ი, სინის მთის ქართულ ხელნაწერთა აღწერილობა. თბ., 1947, გვ. 54—59.

³ მხედველობაში გვაქვს კ. კ ე ე ლ ი ძ ი ს ნაშრომი იოანე-ზოსიმეს კალენდრის შესახებ (თბილ. უნივერსიტეტის შრომები, ტ. 39, 1950) და პ. ი ნ გ ო რ ო ყ ვ ა ს „გეორგი მერჩულე“, თბ., 1954 (პირველი გამოცემა).

⁴ 1956 წ. საქართველოს სსრ მეცნიერებათა აკადემიის ცენტრ. სამეცნიერო ბიბლიოთეკამ მიიღო სინის მთის ქართულ ხელნაწერთა მიკროფილმები.

⁵ G. G a r i t t e, Le calendrier palestino-géorgien du Sinaiticus 34 (X^e siècle). Bruxelles, 1958.

⁶ ც. ჭ ა ნ კ ი ე ვ ი, პალესტინელ ვადამწერ „იოვანთა“ შესახებ. მრავალთავი, III, თბ., 1973, გვ. 45—51.

⁷ იხ. ი. ჯავახიშვილის, კ. კეკელიძის და ე. გარიტის უკვე დასახელებული შრომები.

რეველმა გამოაქვეყნა ქართულ ძლისპირთა უძველესი რედაქცია, რომელიც Sin. 34-შია დაცული⁸. გამოკვლევაში, რომელიც ძლისპირთა გამოცემას ერთვის, ე. მეტრეველმა საგანგებო თავი უძღვნა ჰიმნოგრაფიული კანონის განვითარების ისტორიული პროცესის ჩვენებას უძველესი ქართული ლიტურგიკული ძეგლების მიხედვით. მათ შორის განსაკუთრებული ადგილი აქვს მიჩენილი Sin. 34-ს, როგორც ერთ-ერთ პირველს და მნიშვნელოვანს იმ კრებულებს შორის, რომლებშიც „კმეანი ვალობების“ ადრეული თარგმანები შემოინახეს. ე. მეტრეველს ეკუთვნის აგრეთვე Sin. 34-ის შენიშვნა-მინაწერებში თუ თავსათურებში ხშირად ხმარებული ტერმინების „ძუელის“ და „ახლის“ სწორი კვალიფიკაცია. ელ. მეტრეველის დაკვირვებით, აქ იგულისხმება ახალი ტიპის იადგარის დაპირისპირება არქაულთან⁹.

Sin. 34-ის იადგარი, მისი სტრუქტურა, შედგენილობა და ტექსტები საგანგებოდ განხილულია პ. ინგოროყვას ცნობილ ნაშრომში „გიორგი მერჩულე“, ქართული იადგარების მრავალმხრივად შესწავლის ფონზე¹⁰.

Sin. 34 მკვლევართა მიერ ერთხმად არის აღიარებული განსაკუთრებულ მოვლენად საბაწმიდურ-სინთურ ნუსხათა შორის. კ. კეკელიძე მას „თავისებურ ენციკლოპედიას“ უწოდებს შინაარსისა და ლიტურგიკული ტრადიციების ასახვის მრავალფეროვნების გამო, რაც ნიშანდობლივია კრებულისათვის¹¹. კალენდრის შესწავლის საფუძველზე ე. ვარიტი თვლის, რომ მას უფრო ენციკლოპედიური მნიშვნელობა აქვს, ვიდრე წმინდა პრაქტიკული¹².

ასეთია Sin. 34-ის შესახებ არსებული ლიტერატურის ძალზე სქემატური განხილვა.

Sin. 34 რთული შედგენილობის კრებულია. მასში თავმოყრილია სხვადასხვა დანიშნულების ლიტურგიკული მასალები. შეიცავს ეამნს, საეკლესიო კალენდარს, იადგარს, მორალურ-ასკეტიკური ხასიათის თხზულებას — ბარსანოფს, პასქალისტური დანიშნულების სხვადასხვა ცნობებს ასტრონომიიდან. კრებულის ეს ნაწილები თანაბრად შესწავლილი არ არის. შესწავლილი არ არის, აგრეთვე, ურთიერთმიმართებები ამ ნაწილებს შორის. ბევრი რამ Sin. 34-ში იმის გამოც არის ბუნდოვანი, რომ მას გარკვეული ნაწილები აკლია: კრებულის დასაწყისში დაკარგულია პირველი და მეორე რვეულები მთლიანად; აგრეთვე მე-6, 21-ე, 23-ე, 24-ე, 25-ე, 26-ე რვეულები და ბოლო. ზოგიერთი დაკარგული ფურცლის კვალი შეიმჩნევა სხვა ადგილებშიც.

ამ ბოლო ხანებში ორმა გარემოებამ Sin. 34-ის შესწავლის ახალი შესაძლებლობები წარმოაჩინა.

1. აღმოჩნდა, რომ Sin. 34-ის იადგარულ ნაწილში იოანე-ზოსიმეს ხელით შეტანილია იადგარის უძველესი ტიპი, რომელშიც თავმოყრილია ადრეულ

⁸ ძლისპირნი და ღმრთისმშობლისანი. გამოსცა და გამოკვლევა დაურთო ე. მეტრეველმა, თბ., 1971.

⁹ ე. მეტრეველი, „მეხელისა“ და „მეხურის“ გაგებისათვის, კრ.: შოთა რუსთაველი (ისტ.-ფილოლ. ძიებანი), თბ., 1966, გვ. 167—168.

¹⁰ პ. ინგოროყვა, გიორგი მერჩული, თბ., 1954, გვ. 874—876, თხზულებათა კრებული, ტ. 3, თბ., 1965, გვ. 359—361, 533—539. ჩვენ ვუთითებთ პ. ინგოროყვას გამოკვლევის ორივე გამოცემას, რადგან Sin. 34-ის დახასიათებისას მათში შეიმჩნევა მნიშვნელოვანი სხვაობა.

¹¹ კ. კეკელიძე, ქართ. ლიტერატურის ისტორია, ტ. I, თბ., 1960, გვ. 166.

¹² G. Garitte, Le calendrier... გვ. 37.

ქრისტიანულ სამრევლო ღვთისმსახურებაში (დაახლოებით VII—IX სს.) წესებულ საგალობელთა მთელი რეპერტუარი.

ცნობილია, რომ იადგარის თვალსაზრისით Sin. 34 საგანგებოდ შეისწავლა პ. ინგოროყვამ. ეს თავისებური იადგარი, რომელიც მოთავსებულია ხელნაწერის 34r—146v-ზე, სხვა მრავალრიცხოვან მინაწერთა და შენიშვნათა შორის 123r-ზე შეიცავს ასეთ მინაწერს: „მარხვანი სრულიად და დღესასწაულნი ყოველნი სრულიად და იბაკონი მარხვათანი და ყოველთა დღესასწაულთანი სრულიად და ადგომისა ჯმანი სრულიად და სამარადისონი სრულიად, ყოველნი ძუელნი წინაით ჰჰოვენე და ახალნი ყოველნი ზემოით ჰჰოვენე და ლოცვა-ყავთ“. მინაწერიდან გარკვევით ჩანს, რომ აქ ლაპარაკია იადგარის ორ შემადგენელ ნაწილზე, რომლებიც ერთმანეთს უპირისპირდებიან როგორც „ახალი“ და ძველი“. თუმც იადგარი აქ მოტანილი მინაწერის შემდეგაც გრძელდება, პ. ინგოროყვა, რატომღაც, შემოიფარგლა იადგარის მხოლოდ ერთი ნაწილით (123r-მდე) და დაჰყო იგი „ძველ“ და „ახალ“ საგალობლებად¹³. ამას კი თავის მხრივ ის მოჰყვა, რომ Sin. 34-ის იადგარის პ. ინგოროყვასეულ დახასიათებაში გაუთვალისწინებელია ყველაფერი, რაც 123r-ს შემდეგ არის მოცემული.

ამ ბოლო დროს მინაწერი ახლებურად განმარტა ც. ჭანკიევიძე. „წინაით“ და „ზემოით“ ტერმინების სწორი განმარტების შედეგად („წინაით“ ნიშნავს „მომდევნოდ“, „ზემოით“—„აღრე“, „ზევით“)¹⁴, ც. ჭანკიევიძე გაარკვია, რომ მინაწერის მიხედვით ყველაფერი „ახალი“ მოთავსებულია 123r-მდე და ყველაფერი „ძველი“ 123r-ს შემდეგ.

მაგრამ კვლავ გასარკვევი რჩებოდა საკითხი, თუ რას წარმოადგენენ იოანე-ზოსიმეს მიერ „ძველად“ წოდებული საგალობლები. გაირკვა, რომ Sin. 34-ის 123r-დან 144v-მდე მოთავსებულია არქაული ტიპის იადგარი სრულად თავისი დღესასწაულებით, მარხვან-ზატიკნით, ერთი ტიპის დღესასწაულთა ზოგადი მოდელებით, აღდგომისა და სამარადისო დასდებლებითა და იბაკობით. იადგარის ეს ტიპი დატულია H—2123, Sin. 18 და Sin. 40 ნუსხებში, რომლებთან შეჯერებითაც გაირკვა Sin. 34-ის აქამდე შეუსწავლელი ამ ნაწილის რაობა. მთელი ეს მასალა ვადაწერილია ძალიან მოკლედ. გარდა აღდგომის დასდებლებისა, არც ერთი საგალობლის ტექსტი სრულად მოტანილი არ არის. კალენდარული დღის, დღესასწაულის ხასიათისა და საგალობლის სახეობის მითითებას მთელი იადგარის მანძილზე მოსდევს ორ ან სამ სიტყვიანი დასაწყისები. ამასთანავე, იადგარის ეს ნაწილი, ისევე როგორც „ახლად“ წოდებული ნაწილი, თავისებურადაა დალაგებული: ჯერ ვადაწერილია აღდგომისა და სამარადისო დასდებლები, შემდეგ — დღესასწაულთა კალენდარული რიგი, მარხვათა კვირიაკეები და მარხვათა სადა დღეები, ცალკეა ზატიკთა ფსალმუნები, „შეკრებულად დღესასწაულნი“ და ბოლოს იბაკობები. Sin. 34-ის იადგარის „ძველ“ ნაწილისათვის ყველაზე ნიშანდობლივი კი ის არის, რომ აქ არ არის შეტანილი არქაული იადგარის ძირითადი საგალობელი — ვალობანი ანუ კანონი, რომლის თვისობრივად ახალი სახე და ახალი ტექსტები შეადგენს კრებულის „ახალ“ ნაწილს.

¹³ პ. ინგოროყვა, ვიორგი მერჩულე, გვ. 874—875. ამ ანდერძის ანალიზი თხზულებათა მე-3 ტომის შესაბამის ნაწილში აღარ არის შეტანილი.

¹⁴ ც. ჭანკიევიძე, პალეოტიჩნელ ვადაწერ „იოვანეთა“ შესახებ, გვ. 50.

ამრიგად, გვირგვინი, რომ „ძველისა“ და „ახლის“ დაპირისპირება Sin. 34-ში გულისხმობს არქაული და ახალი ტიპის იადგარების დაპირისპირებას.

იადგარის რედაქციულად განსხვავებული ეს ორი ნაწილი მრავალი შენიშვნითა და განმარტებით არის დაკავშირებული ერთმანეთთან და კრებულის სხვა ნაწილებში მოთავსებულ საგალობელ მასალასთან. მიუხედავად „ძველი“ და „ახალი“ საგალობლების გამოჩენისა, ისინი ერთმანეთს ავსებენ, ერთ მთლიანობას ქმნიან. Sin. 34-ის იადგარის საფუძვლიანი შესწავლა მხოლოდ ამ მთლიანობის გათვალისწინებით არის შესაძლებელი.

იადგარის აქამდე შეუსწავლელი ნაწილის რაობის დადგენა, Sin. 34 კრებულში იადგარის მთლიანი სახის აღდგენა, ვფიქრობთ, იადგარის კვლევის ახალ შესაძლებლობებს იძლევა.

2. Sin. 34-ის შესწავლისათვის განსაკუთრებული მნიშვნელობის მქონედ მიგვაჩნია ის ფაქტი, რომ ლენინგრადის სალტიკოვ-შჩედრინის სახელობის ბიბლიოთეკის ხელნაწერთა ფონდში, ტიშენდორფის კოლექციის პალიმფესტებს შორის აღმოჩნდა ფურცლები, რომლებიც Sin. 34-დან ჩანს ამოღებული.

ლაიპციგელმა პროფესორმა კ. ტიშენდორფმა თავისი კოლექცია მე-19 საუკუნეში შუა წლებში პალესტინის მონასტრებიდან წამოღებული ხელნაწერებით შეადგინა¹⁵. ხელნაწერთა შორის არის ისეთი პალიმფესტები, რომელთა ძველი ტექსტი ბერძნულია ან სირიული, ხოლო ზედა — ქართული. ამ ფურცლების საბაზილიკო-სინურთა წარმოშობა ეჭვს არ იწვევს, რადგან მათი აბსოლუტური უმრავლესობა იოანე-ზოსიმეს ხელით ნაწერი ან მის მიერ ნასწორებია.

აღსანიშნავია, რომ ტიშენდორფის კოლექციის მცირე ნაწილი, რომელიც ამჟამად ლაიპციგის უნივერსიტეტის ხელნაწერთა ფონდშია დაცული¹⁶, შეიცავს აგრეთვე ქართულ ხელნაწერებს, მათ შორის ფრაგმენტებს, რომლებიც Sin. 34-დან უნდა მომდინარეობდნენ. სამეცნიერო წრეებისათვის დიდი ხანია ცნობილია ლენინგრადის კოლექციის ქართული მასალები, რომელთაგან ზოგი რამ გამოქვეყნებულია მ. ბროსეს, დ. ბაქრაძის და პ. ინგოროყვას მიერ¹⁷. ამ მასალებზე ჩვენი მუშაობის წინასწარი შედეგების მიხედვით თუ ვიმსჯელებთ, ტიშენდორფის კოლექციის 50-მდე ფურცელი შეაესებს Sin. 34-ის ნაკულად დღეებს.

წინამდებარე ნაშრომის მიზანია დაასაბუთოს ტიშენდორფის კოლექციის რამდენიმე ფურცლის Sin. 34-დან მომდინარეობა და შეძლებისდაგვარად შეაფასოს კრებულის ამ შევსების მნიშვნელობა.

სამეცნიერო ლიტერატურაში გარკვეულია, რომ Sin. 34 შეიცავს აღდგო-

¹⁵ Краткий отчет Рукописного отдела за 1914—1938 г. Л., 1940, с. 17—18.

¹⁶ J. A s s f a l g, Georgische Handschriften. Wiesbaden, 1963 (Verzeichnis der orientalischen Handschriften in Deutschland, Bd III), გვ. XIII—XIV, 43—45.

¹⁷ M. B r o s s e t, Notice sur un manuscrit géorgien de la Bibliothèque Impériale publique provenant de m. Tischendorf. Mélanges asiatiques, St. Petersburg, 1858, t. 3, გვ. 264—280; M. B r o s s e t, Études de Chronologie technique, I. Mémoires de l'Académie Impériale des Sciences de St. Petersburg, VII série, XI, № 13, 1868, გვ. 1—20; დ. ბ ა ქ რ ა ძ ე, ისტორია საქართველოსი (უძველესი დროიდან X ს. დასასრულამდე), ტფ., 1889, გვ. 235—236. პ. ინგოროყვა, თხზულებათა კრებული, ტ. 3, გვ. 208—215, 367—368.



მის დასდებლების ორ რედაქციას, ძველსა და ახალს¹⁸. ძველი რედაქციის აღდგომის დასდებლებს უჭირავს კრებულის 123v—131v და წარმოდგენილია იოანე მე-2—მე-8 ხმების საგალობლებით. პირველი ხმის საგალობლები აქვე შეტანილი არ არის. ისინი, იოანე-ზოსიმეს მითითების თანახმად, მოთავსებული იყვნენ კრებულის სხვა ნაწილში, სადაც „ზემოთ“ ანუ წინ და დღეს ხელნაწერში აღარ იძებნებიან: „დასდებელნი წმიდისა ადგომისანი ჳამა ა, ძუელნი, ო-ო ლ-ლესა ჳამა ა და გალობანი სრულიად ჳემოთ ჳპოვენე და ლოცვა-ყავა“. იოანე-ზოსიმეს ეს შენიშვნა წინ უძღვის აღდგომის ძველი რედაქციის დასდებლებს 123 v-ზე.

ტიშენდორფის კოდექციის ქართულ ხელნაწერ ფურცელთა შორის, რომლებიც დღეს ლაიპციგის უნივერსიტეტის ბიბლიოთეკაშია დაცული, აღმოჩნდა აღდგომის დასდებლების პირველი ხმის შემცველი ორფურცლიანი ფრაგმენტი (Cod. Ms. V 1096 UB Lpzg). ამ ფრაგმენტის აღწერილობა 1963 წელს გამოაქვეყნა გერმანელმა ორიენტალისტმა ი. ასფალგმა¹⁹; ხელნაწერის ფოტოპირი კი დაცულია კ. კეკელიძის სახელობის ხელნაწერთა ინსტიტუტში. ყოველივე ამან შესაძლებლობა მოგვცა შეგვესწავლა ფრაგმენტის მიმართება Sin. 34 კრებულთან.

ტიშენდორფისეული ფრაგმენტი იოანე-ზოსიმეს გადაწერილია და ხელის მიხედვით ძალიან ვავს Sin. 34-ის იადგარულ ნაწილს, რომელიც, აგრეთვე, იოანე-ზოსიმეს ეკუთვნის²⁰. ჰგავს არა მარტო ხელით, არამედ იმ თავისებური იერითაც, რომელიც დაკრავს Sin. 34-ის ფურცლებს იოანე-ზოსიმეს მიერ ჩატარებული სარედაქციო მუშაობის შედეგად. ფრაგმენტის ტექსტსაც ახლავს იოანე-ზოსიმეს შენიშვნები და განმარტებები, რომლებშიც ჩანს აღდგომის დასდებლების რედაქციული რაობა და მიმართება სხვა მასალებთან.

ფრაგმენტისეული აღდგომის დასდებლები ძველი რედაქციისაა, რაც სათაურშივეა გარკვეული: „დასდებელნი წმიდისა ადგომისანი ძუელნი: ო-ო ლ-ლესა ჳამა ა“. ამ ზედწერილობას მოსდევს საგალობლების შემდეგი თანამიმდევრობა: უფალო ღალადყავსა, ფსალმუნ-დასდებელი, ოხითა, აქა აკურთხევედითსა, ჭუარისანი, ცისკრის კანონი (სრული, ცხრაოდიანი), ცისკრის ფსალმუნ-დასდებლები, გარდამოთქმა, აქებდითსა, ღეთისმშობლის შესხმები, სამხრად ფსალმუნ-დასდებელი, ალელუია, ხელთაბანისა და სიწმიდისა. შედარებამ გაარკვია, რომ საგალობელთა ეს თანამიმდევრობა ერთნაირად დამახასიათებელია როგორც ფრაგმენტისათვის, ასევე Sin. 34-ის აღდგომის ძველი დასდებლების შვიდივე ხმისათვის. მეტიც, საგალობელთა ასეთი თანამიმდევრობა ახასიათებს ძველი რედაქციის აღდგომის დასდებლებს ყველა არსებული ძირითადი ნუსხის მიხედვითაც²¹. მაშასადამე, ფრაგმენტშიც და Sin.

¹⁸ ც. ქ ა ნ კ ი ე ვ ი, პალესტინელ გადამწერ „იოანეთა“ შესახებ, გვ. 49—50.

¹⁹ I. A s s f a l g, Georgische Handschriften, გვ. 43—44.

²⁰ შევნიშნავთ, რომ იოანე ზოსიმეს მიერ გადაწერილი კრებულები და ხშირად ერთი და იგივე კრებულის სხვადასხვა ნაწილები განსხვავდებიან ერთმანეთისაგან ნაწერის მიხედვით. Sin. 34-ის იადგარული ნაწილი და ტიშენდორფისეული ფრაგმენტიც ერთი და იგივე, შედარებით კალიგრაფიული ხელითა დაწერილი.

²¹ იხ. კილ-ეტრატის იადგარი (H—2123), Sin. 18; Sin. 40, Sin. 41; Sin. 26. მცირე განსხვავებით: ღეთისმშობლის შესხმებს არ შეიცავს კილ-ეტრატის იადგარი, Sin. 18 და Sin. 40. ამ საკითხებს ეხება ც. ქანკიევის გამოუქვეყნებელი ნაშრომი: აღდგომის დასდებლების უძველესი რედაქცია X საუკ. ხელნაწერების მიხედვით.

34-შიც ერთი და იგივე რედაქციის დასდებლები გვაქვს. ეს კი აუცილებლად პირობაა იმისათვის, რომ ისინი ერთმანეთის შევსებად მივიჩნიოთ.

ფრაგმენტისა და Sin. 34-ის დასდებლების რედაქციული იდენტურობა გაირკვა ფრაგმენტის ტექსტის Sin. 18-ის აღდგომის ძველი დასდებლების პირველი ხმის მასალასთან შედარებითაც²². ფრაგმენტის საგალობლებს, ძალიან უმნიშვნელო გამონაკლისის გარდა, ეძებნება პარალელური ტექსტი Sin. 18-ში. ეს შეეხება როგორც გალობანის ტიპის დასდებლებს, ასევე მწუხრის, ცისკრის და ჟამისწირვის ფსალმუნ-დასდებლებსა და სხვა მცირე ფორმის საგალობლებს. მეორე მხრივ შესწავლილია, რომ Sin. 18 აღდგომის ძველი დასდებლების დანარჩენი ხმების მასალით Sin. 34-თან დგას²³. აქედან ერთი დასკვნა გამოდის — ფრაგმენტიც რედაქციულად Sin. 34-თან დგას.

საგულისხმოა ის შენიშვნები, რომლებიც იოანე-ზოსიმეს ფრაგმენტის დასდებლებისათვის დაურთავს.

აღდგომის დასდებლების ბოლოს იოანე-ზოსიმეს განსხვავებული ხელით, შესაძლებელია სხვადასხვა დროს, შეუსრულებია რამდენიმე მინაწერი: „სხვანი აღდგომისა ჳმანი ძუელნი და სამარადისონი სრულიად და წარდგომა-იბაკონი და ძუელნი დღესასწაულნი წინაჲთ [ჰპოვნე]. ლოცვა-ყავთ“. „იბაკონი აღდგომისანი ყოველნი მიწყებით წინაჲთ ჰპოვნე“. „აღდგომისა ჳმანი ახალნი ერცახედ სრულიად და სძლის [პირნი] და დღესასწაულთანი და შეკრებულნი და სსუჲა ყოველი წინაჲ ჰპოვნე“.

ეს მინაწერები საკმაოდ ნათელ წარმოდგენას ქმნიან იმ კრებულის შესახებ, რომელშიც ტიშენდორფისეული ფრაგმენტი შედიოდა. მინაწერების მიხედვით, კრებული სხვადასხვა რედაქციული რაობის ლიტურგიკულ მასალებს შეიცავდა, „ძუელსა“ და „ახალს“: ერთი მხრივ, აღდგომის ძველი დასდებლების პირველ (ე. ი. ფრაგმენტისეულ) და სხვა დანარჩენ (ე. ი. მე-2—მე-8) ხმებს და ხმათა თანამიმდევრობით დალაგებულ იბაკონებს, ძველ სამარადისო დასდებლებს, ძველ დღესასწაულებს და მათ შესაბამის წარდგომა-იბაკონებს. მეორე მხრივ, აღდგომის ახალ დასდებლებს სრულად, ძლისპირებს, საღლე-სასწაულო ახალ დასდებლებსა და კიდევ სხვა მრავალ მასალას.

ფრაგმენტის მინაწერებში მითითებული მთელი ეს მასალა უკლებლივ დასტურდება Sin. 34-ში. აქ ჩვენ მიერ უკვე ხსენებული აღდგომის ძველი დასდებლების მომდევნოდ მასში შეტანილია ძველი რედაქციის სამარადისონი (132r—133v), აღდგომის იბაკონი (133r—134v), დღესასწაულების მოძრავი და უძრავი კალენდრის დასდებლები (134v—141r) და იბაკო-წარდგომანი (141r—143r). ამავე დროს Sin. 34-შია სწორედ შეტანილი ძველის გვერდით აღდგომის დასდებელთა ახალი რედაქციის რვა კანონი (48r—56v), ძლისპირები (157r—161r) და ახალი დღესასწაულები (61v—123v). შევნიშნავთ, რომ საბაწმიდურ-სინური წარმოშობის კრებულებს შორის, Sin. 34-ს გარდა, არ გვეგულება სხვა კრებული, რომელიც თავისი შედგენილობით ასეთი სიზუსტით უდგებოდეს ფრაგმენტის ამ მითითებებს.

იოანე-ზოსიმეს ფრაგმენტისეულ შენიშვნებს შორის ძალიან საინტერესო

²² Sin. 18, 177—230. ამ წესხაში დაცულია აღდგომის ძველი დასდებლების ექვსი ხმა სრულად და მეშვიდე — ნაწილობრივ.

²³ იხ. ც. ჭანკევის დასახელებული ნაშრომი.

სოდ მიგვაჩნია კვლევის საგნისათვის შენიშვნა, რომელიც ცისკრის კანონის უძღვის წინ: „რომლისა დასდებლისა თავი აქა ვაჩინო, ზემოთ მეხუთესა რვეულსა შინა ჰპოო და ლოცვა-ყავ“.

აზრი ამ შენიშვნისა ნათელი გახდება, თუ ვიტყვით, რომ ცისკრის კანონის ცალკეულ ოდებში ტროპარების ნაწილი სრული ტექსტებითაა მოტანილი, ნაწილი კი — მხოლოდ დასაწყისებით, ანუ „თავით“. მაშასადამე, იოანე-ზოსიმე განმარტავს, რომ გალობანის დასაწყისებით მოტანილი ტროპარების სრული ტექსტები მკითხველს შეუძლია ნახოს მეხუთე რვეულში. ბუნებრივია, მას მხედველობაში აქვს იმ კრებულის მეხუთე რვეული, რომელშიც თავის დროზე ფრაგმენტი შედიოდა.

Sin. 34-ის მეხუთე რვეული სრული სახითაა ჩვენამდე მოღწეული. დღევანდელი პავინაციით ეს არის კრებულის 17r—24v. შეიცავს ჟამნის ტექსტს, კერძოდ, აქ მოცემულია ღამის მე-11 და უკანასკნელი მე-12 ჟამთა მასალა. მე-12 ჟამის დასაწყისში ვკითხულობთ: „ჟამი იბ. წარდგომად წმიდათაჲ, რომელიცა ჳამა იყოს, წიგნი იკითხო და მიწყალებს სთქუა და წაღმართ ვითა ვიცით საეროდ, ეგრეთ აღასრულო ჟამი ცისკრისაჲ“ (17v). როგორც ვხედავთ, ღამის მე-12 ჟამი ღვთისმსახურების წესის მიხედვით ცისკრის ჟამია და ხელნაწერში წარმოდგენილი მასალა სწორედ ცისკრის წირვის მიმდინარეობას გადმოგვცემს ისე, როგორც ეს, ჩანს, მიღებული იყო სამრევლო ღვთისმსახურებაში („ვითა ვიცით საეროდ“). ცისკრის წირვის თანმიმდევრობაში ერთ-ერთ ელემენტად ჩართული აღმოჩნდა ცისკრის გალობანი (20v—23v), რომლის ზედწერილობაში ვკითხულობთ: „უგალობდითი შეუღვინოს, რომელსაცა უნდეს ჳმასა. ჳამა ა. დასდებლნი გამორჩეულნი“. ზედწერილობას მოსდევს პირველი ხმის ცხრაოდიანი კანონი, რომლის ხასიათი განსაზღვრულია სიტყვებით: „დასდებლნი გამორჩეულნი“. კანონის ტექსტის შესწავლით გაირკვა, რომ იგი წარმოადგენს უძველესი ტიპის იადგარის სხვადასხვა დანიშნულების, სხვადასხვა დღესასწაულებისათვის დაწესებული კანონებიდან შერჩევით გამოკრებილი, ანუ, როგორც იოანე-ზოსიმე ამბობს, „გამორჩეული“ ტროპარების ხელოვნურ გაერთიანებას, თავისებურ კომპილაციას. თემა ამ კანონისა, ბუნებრივია, კონკრეტული არ არის. მასში ყოველი გალობის ფარგლებში მონაცემობენ აღდგომის, ჳვრის, მოწამეთა, მღვდელთ-მოძღვართა, შესვენებულთა, ღვთისმშობლის ტროპარები, რომლებიც იადგარის შესაბამისი კანონებიდან მომდინარეობენ²⁴. რედაქციულად ეს დასდებლები დგება აღდგომის ძველ დასდებლებთან. ისინი ერთად ყველა უძველესი ტიპის იადგარს ეკუთვნიან.

სწორედ Sin. 34-ის ჟამნის ჩვენ მიერ განხილულ კანონში დაიძებნა თითქმის უკლებლივ²⁵ ტიშენდორფისეული ფრაგმენტის აღდგომის კანონში დასაწყისებით მოტანილი ტროპარების სრული ტექსტები.

²⁴ საგულისხმოა, რომ ამგვარი კომპილაციური კანონი ქართულ ლიტურგიკულ ძეგლებში დასატურებული არ არის. არ გამოვრიცხავთ, რომ Sin. 34-ის ცისკრის განგებაში იგი შეტანილია როგორც მინიშნება სავალდებულო ვარკვეულ წრეზე, კერძოდ, არქაული ტიპის იადგარის სავალდებულებაზე, როგორც ნიმუში, რომელიც ყოველ კონკრეტულ დღესასწაულზე კონკრეტული დანიშნულების კანონმა უნდა შეცვალოს.

²⁵ ერთდერტი ტროპარის გარდა პირველი ოდიდან, შემდეგი დასაწყისით: „ფარაო ეტლებით...“

უგალობდითსა

რომელი ვორციელ იქმნა ქალწული-
საგან...

რომელი ვორციელ იქმნა ქალ-
წულისაგან ღმრთისა სიტყუაჲ,
ვადიდებდეთ, მცხენლსა ყოველ-
თასა ვაქებდეთ და ვიტყოდით:
უგალობდეთ უფალსა, რამეთუ
[დიდებით დიდებულ არს] (20 r).

ჯუართა ქრისტემან სიკუ...

ჯუართა ქრისტემან სიკუდილი
წარმოტყუენა და ცხორებაჲ მოკ-
უდაეთა, ვითარცა ღმერთ არს,
მოანიჭა. მას მხოლოსა უგალობ-
დეთ, რამეთუ დიდებით დიდე-
ბულ არს (20 r).

რომელმან სიტყუთა ღმერთი
უთესლ...

რომელმან სიტყუთა ღმერთი
უთესლოდ ჰშევ, ქალწულსა მა-
რიამს უგალობდეთ, მეოხსა ცხო-
რებისათჳს სულთა ჩუენთაჲსა
(20 r).

მოიხილესა

მოიხილე, ცაო, და ვიტყ...

მოიხილე, ცაო, და ვიტყოდით
და უგალობდეთ ქრისტესა, მხო-
ლოსა კაცთმოყუარესა (20v)

დაგვევენ შენნი მოსა...

დაგვევენ შენნი მოსავნი, რო-
მელმან ძელსა ზედა ვნებაჲ თავს
იღევ ჩუენთჳს (20v).

უბიწოო ღმრთისმშო...

უბიწოო ღმრთისმშობელო, მა-
რადის ქალწულო მარიამ, ჩუენ-
თჳს უფლისა მიმართ მეოხ-გუე-
ყავ (20 v).

ფრაგმენტისა და Sin. 34-ის ამგვარი ურთიერთდამთხვევა გრძელდება მთელი კანონის მანძილზე.

საგულისხმოა, რომ ეამნში ჩართული ამ უჩვეულო კანონის ოდებში აღ-
დგომის თემას ეხება ყველა პირველი და მეორე ტროპარი, ყველა ბოლო ტრო-
პარი ლეთისმშობლის სახელზე დაწერილი. ეს ტროპარები უკლებლივ შედის
ფრაგმენტის კანონში და ყველა შემთხვევაში მხოლოდ დასაწყისით. ამგვარად,

იქმნება სრული შთაბეჭდილება, რომ ამ ორი კანონის ტექსტები ერთმანეთის
გათვალისწინებით არის გადაწერილი.

უადგილო არ იქნება, თუ შევნიშნავთ, რომ Sin. 34-ის ძველი რედაქცი-
ის სამარადისო სინანულის დასდებლებიც, რომლებიც აღდგომის ძველი დას-
დებლების მომდევნოდ არის შესული კრებულში (132 r—133 v), აღდგომის
დასდებლების ანალოგიურად მე-2—მე-8 ხმებითაა წარმოდგენილი. იადგარულ
ნაწილში, ხოლო პირველი ხმის დასდებლები აღმოჩნდა ასევე ქამში, კერ-
ძოდ, დღის მე-11 და ღამის მე-12 ქამთა მიმდევრობაში, (1v—2r, 23v—24r),
რომლებიც შესაბამისად შეიცავენ მწუხრისა და ცისკრის წირვათა მასალას.
მაშასადამე, Sin. 34-ისათვის დამახასიათებელი ყოფილა ძველი რედაქციის
საგალობლების ქამნსა და იადგარს შორის განაწილება და სათანადო მითითე-
ბითა და განმარტებებით მათი ურთიერთდაკავშირება. ამაში ჩანს კრებულის
აგების წინასწარ არჩეული გეზი, წინასწარ მოფიქრებული კონცეფცია, ქამნი-
სა და იადგარის ძველი ნაწილის რედაქციული ერთიანობა. ტიშენდორფისეუ-
ლი ფრაგმენტი, როგორც ვნახეთ, სრულიად ესადაგება კრებულის ამგვარ
ქარგას, რამდენადაც იგი გვიჩვენებს ორგანულ კავშირს როგორც იადგარულ
ნაწილთან, ასევე ქამთან.

ამრიგად, ფრაგმენტისა და Sin. 34-ის შედარებითმა შესწავლამ შემდეგი
სურათი მოგვცა:

1. ფრაგმენტიც და Sin. 34-იც ერთი წარმოშობისაა — იოანე-ზოსიმეს
გადაწერილია.
2. ფრაგმენტის ფურცელთა ზომები სავეტებით ემთხვევა Sin. 34-ის ფურ-
ცელთა ზომებს.
3. ფრაგმენტის აღდგომის დასდებლები რედაქციულად Sin. 34-ის აღდ-
გომის ძველ დასდებლებთან დგას.
4. ფრაგმენტი შეიცავს პირველი ხმის დასდებლებს, Sin. 34—დანარჩენი
მე-2—მე-8 ხმების დასდებლებს. ამასთანავე, ფრაგმენტიც და Sin. 34-ის დას-
დებლებიც უთითებენ მათი შემესები ხმების დასდებლების არსებობაზე იმავე
კრებულში, რომელშიც შედიან.
5. Sin. 34-ის აღდგენილობა ლიტურგიკული მასალის მრავალფეროვნეი-
თა და რედაქციული რაობით ემთხვევა იმ კრებულს, საიდანაც, მინაწერების
მიხედვით, ფრაგმენტი უნდა მომდინარეობდეს.
6. ფრაგმენტის ცისკრის კანონში დასაწყისებით წარმოდგენილი ტროპა-
რები ტექსტობრივად ემთხვევა Sin. 34-ის ქამნის ცისკრის კანონის აღდგომი-
სა და ღვთისმშობლის ტროპარებს. ეს ტროპარები Sin. 34-ში მეხუთე რვე-
ულშია მოთავსებული, როგორც ამას ფრაგმენტის სათანადო შენიშვნა უთი-
თებს.

ამრიგად, ლიპციცის უნივერსიტეტის ბიბლიოთეკაში დაცული ფრაგმენ-
ტი, რომელიც აღდგომის ძველი რედაქციის პირველი ხმის საგალობლებს შე-
იცავს, ყველა ნიშნით თუ მონაცემით შეთანხმებულია Sin. 34-თან. ის ორგა-
ნულად ჯდება კრებულის კონტექსტში თავისი წარმოშობით, რედაქციული
რაობით, ლიტურგიკული ფუნქციით, ტექსტით, სხვადასხვა მიმართებებით,
წმინდა ტექნიკური მონაცემებით. ყოველივე ეს საკმარის საფუძვლად მიგვა-
ჩნია, რათა ფრაგმენტი Sin. 34-ის ნაწილად ჩავთვალოთ.

ამ დასკვნის სასარგებლოდ მეტყველებს სხვა მასალაც. ტიშენდორფის



ხენგელი კოლექციის ქართულ ხელნაწერთა შორის, აღდგომის დასდებლებზე²⁶ თან ერთად, არის საშაბათო დასდებლების ორფურცლიანი ფრაგმენტიც, რომელსაც, აგრეთვე, Sin. 34-დან ამოღებულად ვთვლით²⁶.

ამ ფურცლებზე საშაბათო დასდებლები ნაკლული სახითაა წარმოდგენილი—შემორჩენილია მეექვსე ხმის ნაწილი და მეშვიდე-მერვე ხმები. საშაბათო დასდებელთა დანარჩენი ხმები და მეექვსე ხმის დასაწყისი აღმოჩნდა ტიშენდორფის კოლექციის იმ პალიმფსესტთა შორის, რომლებიც აქამად ლენინგრადის სალტიკოვ-შიგერინის სახ. ბიბლიოთეკის ხელნაწერთა ფონდშია დაცული²⁷. ამ დასდებლებს ორი სრული ფურცელი უჭირავთ.

ორივე ფრაგმენტის საშაბათო დასდებლების დაწვრილებით აღწერას ქვემოთ ვიძლევი. მანამდე კი განვიხილავთ, თუ რა ვითარებაა დღეს Sin. 34-ში საშაბათო დასდებლებთან დაკავშირებით.

ქართული საწელიწდო იადგარებისა და პარაკლიტონების შედგენილობის ანალიზი გვიჩვენებს, რომ ისინი შეიცავენ საშაბათო დასდებლებად წოდებულ საგალობლების ჯგუფს²⁸. Sin. 34 კრებული ერთ-ერთი პირველთაგანია ქართულ ნუსხებს შორის, რომელმაც საშაბათო დასდებლების ცალკე რიგი შემოინახა. Sin. 34-ში ისინი მოთავსებული არიან არა იადგარულ ნაწილში, როგორც ეს მოსალოდნელი იყო, არამედ კრებულის ბოლოს 204r—210v-ზე²⁹. დასდებლები გადაწერილია იოანე-ზოსიმეს გაკრული ხელით, ნუსხურით. ე. გარიტი, რომელმაც აღწერა Sin. 34 კრებული, არაფერს ამბობს იმ ნაწილის გადაწერის შესახებ, რომელშიც საშაბათო დასდებლებია მოქცეული³⁰. ჩანს, მას ნაწერში იოანე-ზოსიმე არ შეუტყვია, ე. ჰანკიევი გადაწერად იოანე-ზოსიმეს მიიჩნევს, ჩვენც ამ აზრს ვიზიარებთ³¹. იოანე-ზოსიმეს ეკუთვნ

²⁶ Cod. Ms. V. 1096 UB Leipzig, ფურც 6—7. ი. ასფალგის ქართულ ხელნაწერთა აღწერილობაში (გვ. 42—45) მე-13 ნომრით ცალკე ერთეულად გამოყოფილია და ვრცლად აღწერილი აღდგომისა და საშაბათო დასდებლების შემცველი ოთხივე ფურცელი. იოანე-ზოსიმეს ხელით დაწერილ ამ ფურცლებს ი. ასფალგი ერთ მთლიანობად განიხილავს, მაშასადამე, მათ ერთი კრებულიდან მომდინარედ თვლის, თუმც ამის დასაბუთება აქ მოცემული არ არის. აღწერილობაში დასდებელთა ეს ორი ჯგუფი სათანადოდ გამოჯნული არ არის და საშაბათოთა ერთი ნაწილი მიჩნეულია აღდგომის ახალ დასდებლებად. ი. ასფალგი, ჩანს, შეცდომაში შეუყვანია აღდგომის დასდებლების ბოლოს (ფრაგმენტის რიგით მეორე ფურცლის v-ზე) მიწერილ შენიშვნას, რომელიც ზემოთ სრულად მოვიტანეთ. შენიშვნა იწყება სიტყვებით: „აღდგომისა ჳმანი ახალნი“. ეს სიტყვები შენიშვნის ტექსტის დანარჩენ ნაწილთან შედარებით მსხვილი მთავრულითაა ნაწერი. როგორც ჩანს, ი. ასფალგს ისინი სათაურად მიუჩნევია და ამ სათაურით აღწერილობაში ცალკე გამოუყვია საშაბათო დასდებლების თავსაკლული მეექვსე ხმა, მომდევნოდ კი ცალკე — საშაბათოთა მეშვიდე-მერვე ხმები.

²⁷ Сур. Н. С. 16/3, л. 5.6.

²⁸ პ. ი ნ გ ო რ ო ყ ვ ა, თხზულებათა კრებული, ტ. 3, გვ. 481.

²⁹ Sin. 34-ის ერთ-ერთი მინაწერის მიხედვით ირკვევა, რომ 27-ე რვეული, რომელშიც შედის საშაბათო დასდებლების შემცველი ფურცლები (204r—210v), კრებულის ბოლო ნაწილია. ამ რვეულში საშაბათო დასდებლების მომდევნოდ შეტანილია ღვთისმშობლის შესხმები. ღვთისმშობლის შესხმების ერთი ნაწილი მოთავსებულია იადგარულ ნაწილში, 61r-ზე, სადაც არის ასეთი შენიშვნა: „სხუანი ღმრთისმშობლისანი ფარაფთონი ყოველთა ჳმათა ჳედა ქუემოთ ბოლოსა ჳპოვნე“. შენიშვნა გულისხმობს 27-ე რვეულში არსებულ შესხმებს. იხ. ელ. მე ტ რ ე ვ ე ლ ი, ჰიმნოგრაფიული ტერმინების „ფარაფთონისა“ და „მოსართავის“ გაგებისათვის, იბერ-კავკ. ენათმეცნიერება, ტ. 18, თბ., 1973, გვ. 146—147.

³⁰ G. Garitte, Le calendrier... გვ. 19.

³¹ ე. ჰანკიევის ამ დაკვირვებას ჩვენ ვიცნობთ მისი გამოუქვეყნებელი ნაშრომიდან.



ნის ყველა შენიშვნა თუ მითითება, რომლებიც ამ დასდებლებს ახლავს. ადვოკატი ნიშნავია, რომ ისინი ტექსტის გადაწერის პროცესშივეა კრებულში შეტანილი. ამავ შემთხვევებს მათი განლაგება და, რაც მთავარია, ზუსტად იგივე ხელი.

საშაბათო დასდებლები წარმოდგენილია გალობათა რვახმიანი რიგით, რომლის პირველი და მეორე ხმების ტექსტები, როგორც ამას სათანადო მითითებები გვამცნობენ, კრებულის იადგარულ ნაწილშია შეტანილი. 204რ-ზე, სადაც დასდებლები იწყება, ვკითხულობთ: „დასდებელნი საშაბათონი წმიდათანი, ო-ო ღ-ლტყესა ჯამა ა: შენ ღრუბელო ნათლისაო. უგალობდითსა: მხილველი ღმრთისაჲ მოსე—ზემოთ მე-ივ მ-თა შინა ჰპოო“. მითითების მიხედვით, პირველი ხმის მასალა მე-16 რვეულში უნდა იძებნებოდეს, მაგრამ აღმოჩნდა, რომ მითითებაში აშკარა შეცდომაა დაშვებული. კრებულის ამ ნაწილში გალობანი საერთოდ არ არის შეტანილი. საშაბათო დასდებლების ა ხმა აღმოჩნდა მე-13 რვეულში, 98რ—99რ-ზე, ე. წ. „შეკრებულთა“ დასდებელთა შორის, რომლებიც, პ. ინგოროყვას მიხედვით, „საბაწმიდურ სამარადისო დასდებლებად“ იწოდებიან³². აქ ვკითხულობთ: „დასდებელნი საშაბათონი წმიდათანი ო-ო ღ-ლყსა ჯამა ა: შენ ღრუბელად... უგალობდითსა: მხილველი ღმრთისაჲ მოსე“ (შეადარე დასაწყისები ზემოთ მოტანილი მითითების ტექსტს).

საშაბათო დასდებლების მეორე ხმის ადგილას შენიშნულია: „დასდებელნი საშაბათონი წმიდათანი და სულისანი, უგალობდითსა ჯამა დ გუერდი: ისრაელი მონა-ქმნული. ამას ზედა ორნი გალობანი სრულიად ყოველითავე ზემოთ ჰპოო და სხუა ყოველივე ამათ შეუდგინე. და რომელი რაჲ დამიკლია, შემინდეთ ღმრთისათჳს და ლოცვასა წმიდასა თქუენსა გვედევ მე, ფრიად ცოდვილი და საწყალობელი ესე, და მშობელნი და ძმანი ჩემნი, აჲენ. და თქუენცა ქრისტემან შეგიწყალებინ“ (208 რ).

თუმც მინაწერი არ უთითებს მეორე ხმის საგალობლების კონკრეტულ ადგილს კრებულში, მისი მონაცემების მიხედვით, იოანე-ზოსიმე აქ უნდა გულისხმობდეს იმ საშაბათო დასდებლებს, რომლებიც იადგარულ ნაწილში, ე. წ. „კვიპრულ“ სამარადისო დასდებელთა შორის იძებნება, 44-რ-ზე ვკითხულობთ:

„დასდებელნი წმიდათანი, ვისთჳსცა გინდეს, და საშაბათონიცა, ოდესცა ვინდეს. უგალობდითსა ჯამა დ გუერდი: ისრაელი მონა-ქმნული გამოიქსენ“...

როგორც ვხედავთ, უგალობდითსა იმ ძლისპირზეა გაწყობილი, რომელსაც იოანე-ზოსიმე უთითებს მინაწერში. კიდევ აღმოჩნდა, რომ სათაურს მოსდევს ორი სრული გალობანი. ამასთან ცალ-ცალკე კი არა, არამედ შერწყმულად: ყოველი ოდა წარმოდგენილია ძირითადი ტექსტითა და „სხუანით“. და, რაც მთავარია, ორივე გალობანის პირველი-მეექვსე ოდები ერთი და იგივე ძლისპირებს იყენებენ. ამ თავისებურებებს უნდა გულისხმობდეს იოანე-ზოსიმე, როცა იგი შენიშნავს: „ისრაელი მონა-ქმნული — ამას ზედა ორნი გალობანი სრულიად“.

Sin. 34-ის 210v-ზე, სადაც საშაბათო უფალო ღილაღყავები თავდება, კიდევ არის მინაწერი, მეორე ხმის მასალას რომ ეხება:

„უგალობდითსა: ისრაელი მონა-ქმნული გამოიქ. ესენი ორკეცად ზემოთ

³² პ. ინგოროყვა, „საშაბათო კრებული“, ტ. 3, გვ. 534.

98



პოვნე და შემინდვეთ ყოველი დაკლებამ და ლოცვასა თქუნესა გვედიე, ამენს სიტყვა „ორკეცად“ კარგად გამოხატავს ორი დამოუკიდებელი კანონის იმ სახეზე გადაწერას, ზემოთ რომ ვუჩვენეთ, როცა ერთი სათაურით მოტანილია ერთი და იმავე ძლისპირზე გაწყობილი ორი განსხვავებული საგალობელი ტექსტი — ძირითადი და „სსუანი“.

დაბოლოს, მერვე ხმის საშაბათო დასდებლებად რომ „კვიპრული“ საშაბათონი ივულისხმება, ეს გამოჩნდა შენიშვნაში, რომელიც მე-13 რვეულში ა ხმის დასდებლებს ახლავს:

„დასდებელნი საშაბათონი კმაი დ გუერდი. უგალობდითსა კმაი დ გუერდი ისრაელი მონა-ქმნული — ესენი პპოვნე ზემოთ მსგებსსა“ (99v). მსგებსს კი იოანე-ზოსიმე „კვიპრულ“ დასდებლებს უწოდებს.

Sin. 34-ის საშაბათო დასდებლების პირველი და მერვე ხმების შედარებაში Sin. 26 იადგარის იმავე დანიშნულების დასდებლებთან, დამატებითი საბუთიანობა შესძინა უკვე თქმულს. Sin. 26-ში, რომლის ერთ-ერთი გადაწერა და საერთო რედაქტორი იოანე-ზოსიმეა, შემონახულია საშაბათო დასდებლების რვავე ხმის მასალა. პირველი ხმა, რომლითაც იწყება დასდებლების რიგი 261v-ზე, ემთხვევა Sin. 34-ის მე-13 რვეულში მოთავსებულ ა ხმის მასალას; ხოლო მერვე ხმა აქაც წარმოდგენილია შენიშვნით: „დასდებელნი საშაბათონი წმიდათანი, ო-ო-ო-ლ-ლ-ლ-სა კმაი დ გუერდი: ვითარ გხადოდით თქუნე წმიდანო. სსუანი: რომელთა მოიგეთ ზეცით გარდამო უ-უ-გლბსა: ისრაელი მონა-ქმნული — ესენი ორკეცად ორნი გალობანი ზემოთ შეკრებულთა შინა პპოვნე და რომელი რაა დამიკლია, შემინდვეთ და ლოცვა-ყავთ ჩემთვის“ (287r). Sin. 26-ის საშაბათო დასდებლების მერვე ხმა ე. წ. „კვიპრულ“ დასდებელთა შორის იძებნება და აქაც იგივე ორი სრული გალობანი „ორკეცად“ არის წარმოდგენილი.

Sin. 34-ის საშაბათო დასდებლების დანარჩენი მეორე-მეშვიდე ხმების საგალობლები, როგორც უკვე ითქვა, მოთავსებულია კრებულის ბოლოს. ყოველი ხმა წარმოდგენილია არასრული კანონით — შეიცავს პირველ, მესამე, მეოთხე და მეხუთე ოდებს, ვიდრე ღაღადყავამდე. ხოლო ყოველი ხმის ბოლოს ამგვარი ან ამის მსგავსი შენიშვნაა: „ღაღატყავი და სსუაჲ ყოველი ზემოთ პპო“ (205 r), „ღაღატყავითგან ყოველივე ზემოთ თავით პპო“ (205r) და ა. შ. ამ მითითებათა შესაბამისი საგალობლები დღეს ხელნაწერში არ იძებნება, თუმცა უნდა შევნიშნოთ, რომ კრებულის იადგარულ ნაწილს არც ერთი ფურცელი არ აკლია. მაშასადამე, ისინი მოთავსებული იყო კრებულის წინა ნაწილში, ან, როგორც იოანე-ზოსიმე ამბობს, „ზემოთ თავით“. აქ კი ხელნაწერს სამი რვეული აკლია — პირველი, მეორე და მეექვსე.

საშაბათო დასდებლების ცალკე რიგს ქმნიან ხმათა თანამიმდევრობით დალაგებული უფალო ღაღადყავები, რომლებიც გალობათა მომდევნოდაა გადაწერილი. აქ მოთავსებულია მესამე-მერვე ხმების ტექსტები; პირველი და მეორე ხმების მასალაზე არაფერია შენიშნული. ყოველი ხმის ბოლოს მოტანილია იმავე ხმის საშაბათო გალობანის დასაწყისი. ეს დასაწყისები ემთხვევა Sin. 34-ის ჩვენ მიერ განხილული კანონების დასაწყის სიტყვებს.

პირველი ხმის უფალო ღაღადყავასა, როგორც უკვე ვნახეთ, მოთავსებულია კრებულის მე-13 რვეულში იმავე ხმის კანონთან და აქედანდისთან ერთად. იგივე ტექსტი დასტურდება Sin. 26-შიც (261v). მეორე ხმის უფალო



ლადაყავსა წინ უძღვის იმავე ხმის გალობანს 204r-ზე. მას ბოლოში აქვს მინაწერი: „სსუანი ოო ლლყნი წინაით ჰპოენე და შემინდვეთ ღმრთისათჳს და ლოცვა-ყავით“. მინაწერი, ბუნებრივია, გულისხმობს დანარჩენი ხმების უფალო ლადაყავებს, რომლებიც საშაბათო გალობანის მომდევნოდ არიან ხმათა თანამიმდევრობით გადაწერილი. რაც შეეხება მეორე ხმას, იგი წარმოდგენილია ერთი სტიქარონით, რომლის დასაწყისია: „მოვედით, მორწმუნენო, ცხორებისა ჩუენისა ძელსა...“ და მითითებით იმავე დანიშნულების სხვა ტექსტებზე:

„დასდებელნი წმიდათანი ოო ლლყსა კჳმა დ გუერდი: ვითარ გხადოდით თქუენ, წმიდანო — ესენი და სსუანიცა ედემთა [ზედა] ზემოთ მე-იბ G-ულთა შინა ჰპოო. სსუანი ედემთავე ზედა ივინივე უგრძღესად თქუენ: რომელმან ედემს შინა და მას ზედა: რომელთა მოიგეთ სიმკნით გ³³ — ესენი მთავარანგელოზთასა გაბრიელისათა წინაით ჰპოო“ (209v).

ამ შენიშვნის პირველი ნაწილის მიხედვით, კრებულის 95v-ზე, რომელიც მე-12 რეველშია მოქცეული, მართლაც დაიძებნა დ გი ხმის საშაბათოდ განკუთვნილი ორი უფალო ლადაყავსა „დასდებელნი წმიდათანი ვისთუსცა გინდენ და საშაბათოდცა, ოო ლლყსა დ გუერდი: ვითარ გხადოდით თქუენ წმიდანო... სსუანი წმიდათანი და საშაბათოდცა დ გუერდი: რომელმან ედემს შინა“.

რაც შეეხება შენიშვნის მეორე ნაწილს, მასში ლაპარაკია მთავარანგელოზთა მეორე ხმის დასდებლებზე, რომლებიც საშაბათოდცა გამოიყენებიან. მითითების მიხედვით, ისინი მოთავსებულნი არიან „წინაით“, ე. ი. 210v-ს მომდევნოდ. ბოლონაკლული Sin. 34 კი დღეს 211r-ზე წყდება და უკანასკნელ ორ გვერდზე, საშაბათო დასდებლების მომდევნოდ, მოთავსებულია ღმრთისმშობლის სპეციალურ შესხმათა პირველი და მეორე ხმების ფრაგმენტები.

ფრაგმენტულად მოღწეული ღვთისმშობლის შესხმები თავიდან კრებულში რვა ხმის მასალით ყოფილა წარმოდგენილი, რაც 61 r-ზე. მოთავსებული მინაწერიდან ირკვევა. 61r-ზე, თავისუფლად დარჩენილ არეზე, იოანე-ზოსიმეს მოგვიანებით დაუწერია ღვთისმშობლის ორი თითოტროპარიანი შესხმა და მათზე დაურთავს შენიშვნა: „სსუანი ღმრთისმშობლისანი ფარაფთონნი ყოველთა კჳმათა ზედა ქუემოთ ბოლოსა ჰპოენე³⁴. მამსაღამე, თვით იოანე-ზოსიმე თვლიდა, რომ ღვთისმშობლის შესხმანი კრებულის ბოლო ნაწილია. შეიძლება დაგვეშვა კიდევც, Sin. 34 სწორედ შესხმებით თავდებოდა. ჩვენ ხელთა გვაქვს მაგალითები, როცა ჰიმნოგრაფიულ კრებულს ღვთისმშობლის ანალოგიური შესხმები ამთავრებს. ასე მაგალითად: Sin. 13 პარაკლიტონი; მიქაელ მორდრეკილის იადგარიც ღვთისმშობლის შესხმებზე წყდება და იადგარის შედგენილობიდან გამომდინარე ბოლოში თითქოს სხვა რამ კიდევ მოსალოდნელი არ უნდა იყოს.

მაგრამ, როგორც ახლა ირკვევა, Sin. 34 ღვთისმშობლის შესხმების მომდევნოდ შეიცავდა კიდევ გაბრიელ მთავარანგელოზის სახელზე დაწესებულ დასდებლებს. ამ ვითარებას, გარდა ჩვენ მიერ განხილული მინაწერისა 209v-დან, ასახავს ზოგიერთი შენიშვნა კრებულის იადგარულ ნაწილში. 92r-ზე, სა-

³³ იხ. Sin. 26, 287 r.

³⁴ ე. მ ე ტ რ ე ვ ე ლ ი, ჰიმნოგრაფიული ტერმინების „ფარაფთონისა“ და „მოსართვის“ გაგებისათვის, გვ. 146—147.

დაც მთავრდება მთავარანგელოზთა პირველი ხმის დასდებლები, არის შემდეგნი შენიშვნა:

„სსუანი გალობანი მთავარანგელოზთათჳს ჳმად დ: გიგალობთ შენ, უფალო, ღმერთო ჩუენო — ესენი ნოემბერსა იდ ჰჳოენე. და სსუანი გალობანი მთავარანგელოზთანივე ჳმად დ: დაანთქე ვნებანი — ესენი ჳემოთ მსგებსა ჰჳოენე. და სსუანი მთავარანგელოზთანი ყოველთა ჳმათა ჳედა გალობები სრულიად ოო ღალატყავებითურთ ქუემოთ ბოლოსა ჰჳოენე და რომელი რად დამიკლია, შემინდღეთ ღმრთისათჳს ლოცვა-ყავთ ჩემოჳს...“

ამ შენიშვნის მიხედვით, Sin. 34-ში იძებნება მხოლოდ 14 ნოემბრის (81v—82v) და მსგებსის, ანუ „კჳპრულ“ სამარადისოთა შორის (34r—35r) არსებული მთავარანგელოზთა დასდებლები, რაც შეეხება „გალობებს ყოველთა ჳმათა ჳედა სრულიად უფალო ღალატყავებითურთ“, რომლებიც 92r-ს მომდევნოდ უნდა იძებნებოდნენ, ისინი დღეს კრებულში არ ჩანან. მითითება „ქუემოთ ბოლოსა ჰჳოენე“, ვფიქრობთ, იმავე ადგილს გულისხმობს, რასაც ჩვენ მიერ ჳემოთ განხილული შენიშვნა — ღვთისმშობლის შესხმების მომდევნოდ.

ანალოგიურია შენიშვნა 144r-ზე, რომელიც დაერთვის ღვთისმშობლის ა გო ხმის უფალო ღალადყავსას. უფალო ღალადყავსა აქ მოტანილია ტროპარითა მხოლოდ დასაწყისებით და შენიშვნით: „ესე მთავარანგელოზთასა გაბრიელისათა წინაით ჰჳოო“.

როგორც ამ მინაწერებით ირკვევა, Sin. 34-ის დღეისათვის დაკარგულ ბოლო ნაწილში, ღვთისმშობლის შესხმათა შემდეგ შეტანილი ყოფილა გაბრიელ მთავარანგელოზის სახელზე დაწესებული დასდებლების რვახმიანი რიგი, რომლის მე-8 ხმის უფალო ღალადყავების საშაბათოდ გამოყენებას უთითებს იოანე-ზოსიმე 209v-ზე მოთავსებულ მინაწერში.

ამგვარად, დღეს Sin. 34 კრებულში საშაბათო დასდებლები ასე გამოიყურება: კრებულის ბოლო ნაწილში (204r—208r) გალობანის რვახმიანი რიგია, რომლის პირველი და მეორე ხმების ტექსტები იადგარულ ნაწილშია შეტანილი (98r, 44r). დანარჩენი ხმები წარმოდგენილია არასრული კანონებით და მითითებებით მათ შემგსებ გალობებზე, რომლებიც დღეს ხელნაწერში არ იძებნება. საშაბათო უფალო ღალადყავები კრებულის ბოლოშივე დალაგებულია ხმების თანამიმდევრობით (208r—210v). მათ გარდა, საშაბათოდ გამოყენებული ჳოგიერთი საგალობელი შეტანილია იადგარულ ნაწილში (98r, 95r), ჳოგი კი, ფურცელთა დაკარგვის გამო, კრებულში არ იძებნება.

გარდა საკუთრივ დასდებელთა ტექსტებისა, Sin. 34-მა იოანე-ზოსიმეს მინაწერებსა თუ შენიშვნებში შემოინახა საგულისხმო ცნობები საშაბათო დასდებლების შესახებ:

1. კრებულის იადგარულ ნაწილში, 69v-ს ქვედა აშიაზე, ტექსტის გადაწერის შემდეგ იოანე-ზოსიმეს მიუწერია:

„მწუხრი. დასდებელნი ოო ღლყვსა ჳმად ზ ვუერდი: უფსკრულმან სიბრძნისამან მოტევებ; ეტყჳს დამბადებელი პეტრეს, გიყუარ მე; ჰრქუა უფალმან მოწაფეთა აღთქემა; ყოველნი ტომნი ერთად სამართლად გნატრიან; ყოველნი ნათესავნი გადიდებენ, ღმრთისმშობელო — ესენი ჳემოთ საშაბათოთა შემდგომად ჳოლო ჰჳოენე და ლოცვა-ყავთ, ამენ“.

მწუხრის უფალო ღალადყავსა, რომელიც აქ ხუთი ტროპარის დასაწყის-
ბითაა მოტანილი, დიდი ხუთშაბათის საგალობლებზეა დამატებული. დიდი
ხუთშაბათი იადგარის 68V—69V-ზე შეიცავს უფალო ღალადყავსას, გალობანს
და აქებდითსას. იოანე-ზოსიმე მკითხველს დამატებით კიდევ ერთ უფალო
ღალადყავსას სთავაზობს, რომლის სრული ტექსტი მოთავსებულია წინ, საშა-
ბათო დასდებლების მომდევნოდ. აშკარაა, რომ აქ ლაპარაკია საგალობლების
მთელ ჯგუფზე, საშაბათო დასდებლებად რომ იწოდებიან.

მსგავსი შინაარსისაა მეორე მინაწერიც იმავე დიდი ხუთშაბათის დას-
დებლებთან 68V-ზე. იგი ხელნაწერის ფოტოზე ბოლომდე არ იკითხება: „ყო-
ველნი ტომნი ერთად სამართლად გნატრიან — ესენი ზემოთ საშაბათოთა...“
ამაზე გამოტანილი ეს დასაწყისი წარმოადგენს დიდი ხუთშაბათის აქებდით-
სას „ღმრთისმშობლისასა“. იგი ემთხვევა 69V-ზე მოთავსებულ, ჩვენ მიერ გან-
ხილულ უფალო ღალადყავის მეოთხე ტროპარს. ამ ორ სტიქარონს კიდევ აქვთ
ერთი საერთო ტროპარი, რომელიც უფალო ღალადყავისათვის ღმრთისმშობ-
ლისაა, ხოლო აქებდითსასთვის — მეოთხე ტროპარი: „ყოველნი ნათესავნი გა-
დიდებენ ღმრთისმშობელო“. მაშასადამე, უნდა ვიფიქროთ, რომ იოანე-ზოსიმე
ამ მინაწერშიც მკითხველს უთითებს, რომ აქებდითსას ღმრთისმშობლისას
სრული ტექსტი ზემოთ საშაბათო დასდებლების მომდევნოდაა მოთავსებული.

2. კრებულის 131V-ზე, აღდგომის ძველი რედაქციის დასდებლების ბო-
ლოს, არის მინაწერი:

„სხუანი აღდგომისა ვმანი ახალნი და საშაბათონი ახალნი და სძლისპირნი
და დღესასწაულნი და მსგებსი და შეკრებულნი — ყოველნი ახალნი დიად
მზად და სხუად მრავალი ზემოთ ჰჰოო და ლოცვა-ყავ ჩემთსა“.

ამ მინაწერის ძირითადი აზრი იმაში მდგომარეობს, რომ გაიმიჯნოს კრე-
ბულის იადგარულ ნაწილში რედაქციულად ძველი და ახალი საგალობლები.
ხაზგასმულია, რომ ყველაფერი ახალი მოთავსებულია აღდგომის ძველი დას-
დებლების წინ⁸⁵, ე. ი. 123V-მდე. ჩვენთვის კი ამ შემთხვევაში საინტერესოა
სხვა რამ: როცა იოანე-ზოსიმე მინაწერში იადგარის შემადგენელ ნაწილებს ჩა-
მოთვლის, იგი საგანგებოდ ასახელებს ახალი რედაქციის საშაბათო დასდებ-
ლებს, „საშაბათონი ახალნი“, რომლებიც კრებულში 123V-მდე უნდა იძებნე-
ბოდნენ. ასეთი ნაწილი კი დღეს კრებულში არ ჩანს, თუმც, როგორც უკვე
ვთქვით, საკუთრივ იადგარი უხარვეზოა. შეიძლება გვეფიქრა, რომ „საშა-
ბათონი ახალნი“ ქვეშ იოანე-ზოსიმე გულისხმობს ჩვენ მიერ განხილულ
პირველი და მეორე ხმების დასდებლებს, რომლებიც იადგარში 123V-მდე არი-
ან „კვიპრულ“ და „შეკრებულ“ დასდებელთა შორის. მაგრამ მინაწერში აშ-
კარად ლაპარაკია საშაბათო დასდებლების ერთად თავმოყრილ ჯგუფზე, რო-
მელიც იადგარის ერთ გარკვეულ ნაწილს ქმნის. ამასვე ადასტურებს მინაწე-
რი 69V-ზე.

უაღრესად საინტერესოა და საფუძვლიან ახსნას ითხოვს კიდევ ერთი გა-
რემოება: საშაბათო დასდებლების რიგი, რომელიც Sin. 34-ის ბოლოშია შე-
ტანილი და ყველა ნიშნით ახალი რედაქციისაა. რასაც Sin. 26-იც ადასტუ-

⁸⁵ იადგარის ეს არსებითი თავისებურება საგანგებოდ ხაზგასმულია კრებულის 123r-ზე მოთავ-
სებულ მანაწერშიც, რომელიც არაერთგზის ყოფილა სამეცნიერო ლიტერატურაში განხილვის სა-
განი, ამის შესახებ ჩვენ ზემოთ უკვე ვეაქვს აღნიშნული.

რებს, ჩვენ მიერ მოტანილი მინაწერში გათვალისწინებული არ არის. წინააღმდეგ შემთხვევაში საფუძველს მოკლებული აღმოჩნდებოდა იოანე-ზოსიმეს კატეგორიული განცხადება, რომ ყველაფერი ახალი კრებულის 123v-მდე მოთავსებული. როგორ უნდა აიხსნას ეს შეუსაბამო მინაწერსა და იადვარის ფაქტიურ მონაცემებს შორის? ამ კითხვას ჩვენ ვუპასუხებთ ქვემოთ.

თუ შევაჯამებთ ყველა ფაქტს, Sin. 34-ის საშაბათო დასდებლებს რომ ეხება, უნდა დავასკვნათ: გარდა იმ საშაბათო დასდებლებისა, რომლებიც დღეს კრებულში სახეზეა, Sin. 34-ში თავიდან კრებულის დასაწყის ნაწილში შეტანილი იყო კიდევ საშაბათო დასდებლების სხვა ჯგუფი. ეს დასდებლები, ფურცლების დაკარგვის გამო, კრებულში აღარ იძებნება.

როგორც ზემოთ უკვე ვთქვით, Sin. 34-ის შევსებად მიგვაჩინა საშაბათო დასდებლების ის ოთხი ფურცელი, რომლებიც დაცულია ტიშენდორფის კოლექციის ფრაგმენტებს შორის, ლენინგრადის სალტიკოვ-შჩედრინის სახელობის და ლაიპციგის უნივერსიტეტის ბიბლიოთეკების ხელნაწერთა ფონდებში.

საშაბათო დასდებლების ტექსტი გადაწერილია იოანე-ზოსიმეს შედარებით ლამაზი ნუსხურით, თავსათურები — მთავრულით. დასდებლებს ახლავს მრავალრიცხოვანი მინაწერები, რომლებიც, აგრეთვე, იოანე-ზოსიმეს ეკუთვნის, მაგრამ დაწერილია აშკარად ტექსტის გადაწერის შემდეგ, რადგან გაკრული ხელითაა შესრულებული აშიებზე. საშაბათო დასდებლებს უჭირავთ სულ შვიდი გვერდი. მერვე გვერდზე, საშაბათოთა მომდევნოდ, მოთავსებულია სხვა დანიშნულების საგალობელი, რომლის სათაურია: „იდღისა ხუთშაბათისა, ფერჯთა ბანასა დასდებელნი ო-ო ღ-ლყსა კმა ბ. გ-ი ახალნი“.

ტიშენდორფისეულ ფრაგმენტში გარკვევით და ნათლად ჩანს, რომ საშაბათო დასდებლები თავდაპირველად იწყებოდა შემდეგი ზედწერილობით: „დასდებელნი საშაბათონი წმიდათანი კმა ა ო-ო ლალატყავითა და გალობანი სრულიად წინაჲ ჰპოო. დასდებელნი საშაბათონი წმიდათანი ლალატყავსა კმა ბ: სიღრმითგან აღმომიყ[ვანე]...“ შემდგომი ჩამატებების შედეგად, რაც იოანე-ზოსიმეს განსხვავებული ხელითაა შესრულებული, ამ ზედწერილობას ასეთი სახე მიუღია:

„დასდებელნი საშაბათონი წმიდათანი მარხვათანი ახალნი კმა ა ო-ო ლალატყავითა და გალობანი სრულიად წინაჲთ მე-იგ-თა მ-ულთა შინა ჰპოო, უგალობდითსა კმა ა: მხილველი ღმრთისაჲ მოსე... და მათ სხუათა საშაბათოთა ყოველთა კმათა ზედა გალობანი სრულიად ლალატყავამდეს ქუემოთ ბოლოსა ჰპოვნე. ესენი მათ ზედა შეუდგინენ.“

დასდებელნი საშაბათონი წმიდათანი ლალატყავსა კმა ბ: სიღრმითგან აღმომიყ[ვანე]...“

ზედწერილობის ამ ვრცელ ვარიანტს ფრაგმენტში მოსდევს მე-2—მე-7 ხმების დასდებლების ტექსტები და ბოლოს შენიშვნები მე-8 ხმის დასდებლებზე:

„დასდებელნი საშაბათონი წმიდათანი ო-ო ღ-ლტყსა კმა დ გ-ი: ვითარ გხადოდით თქუენ წმიდანო ქერობინად — რამეთუ ეტლ ექ—ესენი წინაჲ მე-იგ-თა რვეულთა შინა ჰპოო. უგალობდითსა კმა დ გ-ი: ისრაელი მონაქმნული გამოიკ—წინაჲთ მე-თ-თა რვეულთა შინა ჰპოო ორნი გალობანი სრულიად და რომელი რაჲ დამიკლია შემინდვეთ. ლოცვა-ყავთ“.



მსგავსად პირველი ხმის შენიშვნისა, ამასაც აშკარად ეტყობა გვიანდელი ჩასწორება: თავდაპირველი ტექსტის ნაწილი საეკლესიო ანტიკონსტანტინოპოლისის და სხვა უფრო ვრცელი ტექსტით შეცვლილი.

საშაბათო დასდებლების მე-2—მე-7 ხმები წარმოდგენილია, ე. წ. „ხუედრ-ნის“ სახით, ე. ი. ჰიმნოგრაფიული კანონიდან მოტანილია მხოლოდ შაბათის წილხვედრი ოღები — დაღადყავსა, კურთხეულარსა, აკურთხევედითსა, ადიდებდითსა. ეს ვითარება მეორდება აქ მითითებულ ყველა ხმაში. ამასთანავე, ოთხსალმუნს ყველა ხმაში მოსდევს აქებდითსა და ტექსტის გადაწერის შემდეგ დართული მითითება: „და ო^ო ლაღატყავსაცა, თუ გინდეს“. ო^ო ლაღადყავთა ტექსტები კი აქ არ არის.

საშაბათო დასდებლების ყოველ ხმასთან, ხან დასაწყისში, ხან კი საგალობელთა დასასრულს, არის სპეციალური მითითებები ამავე ხმის საშაბათო დასდებლებზე, რომელიც ამ ფრაგმენტის შემცველი კრებულის ბოლოშია მოსაძიებელი. მაგალითად, მეორე ხმის დასდებლების ბოლოს, ქვედა ამიაზე, მიწერილია: „დასდებელნი საშაბათონი. უგალობდითსა ჳმამ ბ: უგალობდეთ უფალსა, რომელმან წარგუმართა — ქუემით ხოლო ბოლოსა ჳპოო და უფალო დაღატყავები ყოველთა ჳმათა ჳედა“. მეხუთე ხმის დასდებლების წინ ჩაწერილია: „უგალობდითსა ჳმამ ა გუერდი; მკსნელსა ჩუენსა ღმერთსა — ქუემით დასასრულსა ხოლო ჳპოო“. ან კიდევ მეშვიდე ხმის დასდებლების წინ: „უგალობდითსა ჳმამ გ გუერდი; ღმერთსა რომელმან დაანთქა—ქუემით ბოლოსა ჳპოო“. ეს მითითებებიც დაწერილია იოანე-ზოსიმეს გაკრული ხელით და აშკარად გვიანაა ჩამატებული.

ამრიგად, ახლად მიკვლეული ფრაგმენტი ასეთ შთაბეჭდილებას ტოვებს: როდესაც იოანე-ზოსიმემ რომელიღაც ნუსხისათვის საშაბათო დასდებლების ეს ჯგუფი გადაწერა, მას ხელთ ჰქონდა კიდევ პირველი და მეორე ხმების უფალო დაღადყავსა, სრული გალობანი და აქებდითსა, რომლებიც წინასწარი მოფიქრებით და განზრახვით კრებულის სხვა ადგილებში უნდა შეეტანა. ეს გარემოება ასახა სწორედ იოანე-ზოსიმემ თავსათაურის პირველ ვარიანტში და, ალბათ, მეორე ხმის შენიშვნაშიც, რომელიც ისეა ამოფხეკილი, რომ აღარ იკითხება. როგორც ჩანს, შემდგომში, როცა გაირკვა ამ მასალათა ზუსტი ადგილი და, ამასთანავე, კრებულში საშაბათო დასდებლების ახალი შევსება შეიტანეს, ამან განაპირობა ცვლილებები და დამატებები თავსათაურში და მეორე ხმის დასდებელთა შენიშვნაში, აგრეთვე, საჭირო მითითებები უკვე გადაწერილ დანარჩენი ხმების დასდებლებთან და საერთო ხასიათის შენიშვნა, რომლითაც მთავრდება საშაბათო დასდებლები:

„ამათ საშაბათოთა ყოველთა გალობანი სრულიად, და უფალო დაღატყავები ყოველთა ჳმათა ჳედა ქუემოთ ბოლოსა ხოლო ჳპოენე. უკანაჲს ვპოვენ და მუნ ჩაგზხრიკენ შემოსილთა შინა სადედედ და სალოცველად. რომელი რაჲ დამიკლია, შემინდვეთ და ლოცვა-ყავთ ჩემთს, წმიდანო მამანო, რამეთუ მე მრწამს თქუენი ლოცვამ“.

ასეთია საშაბათო დასდებლების სურათი Sin. 34-სა და ფრაგმენტში ცალ-ცალკე. მათი ურთიერთშეჭერებით გაირკვა, რომ დასდებლები, რომლებსაც ფრაგმენტის მინაწერები უთითებენ თავის შემსვებ მასალად, უკლებლივ

და ზუსტად იძებნება Sin. 34-ში და, პირიქით, Sin. 34-ის ხარვეზს სწორედ ფრაგმენტი ავსებს.

1. ფრაგმენტის თავსათაურის მიხედვით საშაბათოთა ა ხმის საგალობლების ტექსტი მოთავსებული უნდა იყოს მე-13 რვეულში. სწორედ Sin. 34-ის მე-13 რვეულში დასტურდება თავსათაურის შესატყვისი დასდებლები. ისინი, ამავე დროს, როგორც ზემოთ ვნახეთ, Sin. 34-ის ბოლოში მოთავსებულ საშაბათოთა პირველი ხმის შესატყვისი მასალაა.

2. ფრაგმენტის მიხედვით, მერვე ხმის გალობანი მოთავსებული უნდა იყოს მეცხრე რვეულში, ხოლო უფალო ღაღადყავსა — მე-13 რვეულში. მართლაც Sin. 34-ის მეცხრე რვეულში „კვიპრულ“ სამარადისოთა შორის დაიძებნა ფრაგმენტის შესატყვისი საშაბათო „ორნი გალობანი სრულიად“ ანუ გალობანი „ორკეცად“.

მერვე ხმის უფალო ღაღადყავის მითითებისას იოანე-ზოსიმეს დაშვებული აქვს უზუსტობა. ფრაგმენტის შენიშვნაში მითითებული დასაწყისის („ვითარ გხადოდით თქუენ, წმიდანო, ქერობინად...“) შესატყვისი საგალობელი მოთავსებულია კრებულის არა მე-13, არამედ მე-12 რვეულში (95v). ეს დასდებლები ამავე დროს, როგორც უკვე ვნახეთ, Sin. 34-ის საშაბათოთა მერვე ხმის შესატყვისი მასალაა.

3. ფრაგმენტის მეორე-მეშვიდე ხმების დასდებლებთან მითითებული გალობითა დასაწყისები უკლებლივ დაემთხვა Sin. 34-ის საშაბათო გალობანის უგალობდითსას ძლისპირებს, რომლებიც იწყებენ ყოველი ხმის გალობანს. ეს ძლისპირები კრებულში მოტანილია მოკლე დასაწყისებით:

ფ რ ა გ მ ე ნ ტ ი

Sin. 34

დასდებელნი საშაბათონი წმიდათანი, უგალობდითსა კჳმა ბ: უგალობდეთ უფალსა, რომელმან წარუშარათა

დასდებელნი საშაბათონი, უგალობდითსა კჳმა ბ: უგალობდეთ უფალსა, რომელმან წარუ[მართა] (204v).

დასდებელნი საშაბათონი, უგალობდითსა კჳმა გ: ღმერთმან, რომელმან იკსნა

დასდებელნი საშაბათონი, უგალობდითსა კჳმა გ: ღმერთმან, რომელმან იკსნა (205 r).

უგალობდითსა კჳმა დ: გიგალობთ შენ, უფალო, ღმერთო ჩუენო, რამეთუ წარ

დასდებელნი საშაბათონი წმიდათანი, უგალობდითსა კჳმა დ: გიგალობთ შენ, უფალო, ღმერთო ჩუენო (205 r).

უგალობდითსა კჳმა ა გუერდი: მკსნელსა ჩუენსა ღმერთსა

დასდებელნი საშაბათონი წმიდათანი, უგალობდითსა კჳმა ა გუერდი: მკსნელსა ჩუენსა (206v).

უგალობდითსა კჳმა ბ გუერდი: რომელმან ზღუასა მეწამულ

დასდებელნი საშაბათონი წმიდათანი, უგალობდითსა კჳმა ბ გუერდი: რომელმან ზღუასა მეწამ (207r).



უგალობდითსა კჳმა გ ჟუერდი:
ღმერთსა, რომელმან დაანთქა

დასდებელნი საშაბათონი წმიდელნი
დათანი, უგალობდითსა კჳმა გ
გჟუერდი: ღმერთსა, რომელმან
დაანთქა (207v).

ამასთანავე აღმოჩნდა, რომ ფრაგმენტში ყოველი ხმა შეიცავს კანონის ოთხ უკანასკნელ ოდას (ლაღაღყავსა, კუთხეულარსა, აკურთხევედითსა, აღიდებდითსა), აქებდითსას და საერთო შენიშვნას ზედწერილობაში: „ყოველთა კჳმათა ზედა გალობანი სრულიად ღაღატყავამდეს ქვემოთ ბოლოსა ხოლო ჰპოვენე. ესენი მათ ზედა შეუდგინენ“. ხოლო Sin. 34-ის კანონები წარმოდგენილია დასაწყისი ოდებით (უგალობდითსა, განძლიერდასა, უფალო მესმასა, ღამითგანსა), ხმათა თანამიმდევრობით დალაგებული უფალო ღაღაღყავებით და შენიშვნით ყოველ ხმასთან: „ღაღატყავი და სხვა ყოველი ზემოთ ჰპოო“. მაშასადამე, ფრაგმენტი და Sin. 34 ერთად დასდებელთა ერთ მთლიანობას ქმნიან, რაც დადასტურა Sin. 26-მა. Sin. 26-ში, სადაც საშაბათო დასდებლების რვახმიანი რიგია შემონახული, ასეთი ვითარებაა: ა ხმის დასდებლები მთლიანად ემთხვევა Sin. 34-ის მე-13 რვეულში მოთავსებულ ამავე ხმის საშაბათო დასდებლებს. მეორე-მეშვიდე ხმებში შერწყმულია დასდებლების ის ორი რიგი, რომლებიც ცალ-ცალკე გვაქვს ფრაგმენტსა და Sin. 34-ში. ხოლო მერვე ხმის დასდებლები აქაც მოთავსებულია „კვიპრულ“ სამარადისოთა შორის, რაზედაც ზემოთ უკვე მივუთითეთ.

ამრიგად, ჩვენ მიერ განხილული საშაბათოთა ორი ჯგუფი ყველა მონაცემით ერთმანეთს ავსებს და შეგვიძლია ვთქვათ, რომ ისინი ერთი და იმავე კრებულის ნაწილებია.

არის კიდევ ერთი დეტალი, რომელიც უდავოს ხდის ამ დასკვნას:

Sin. 34-ის საშაბათო დასდებლების მეოთხე ხმის კანონთან, რომელიც შეიცავს მხოლოდ დასაწყის ოდებს, ვიდრე ღაღაღყავამდე, შენიშნულია: „ღაღატყავსა და სხუა ყოველი ზემოთ ჰპოო და ესე თითო დასდებელი სულისა მათვე ზედა შეუდგინე“. ამ შენიშვნას მოსდევს ღაღაღყავსა, კურთხეულარსა, აკურთხევედითსა და აღიდებდითსა ოდებზე და აქებდითსაზე დასამეტებელი თითო დასაღებელი „სულისა“. დასდებლების სრულ ტექსტებთან ერთად, იოანე-ზოსიმეს მოაქვს მოკლე დასაწყისებით იმ ოდების სტროფული შედგენილობაც, რომლებშიც „სულის“ დასდებლები შესაბამისად უნდა ჩართოს. აღმოჩნდა, რომ ეს დასაწყისები ზუსტად იმეორებენ ფრაგმენტის მეოთხე ხმის ოთხფალმუნს და აქებდითსას. მოგვყავს ერთი ოდა დამატებით ტროპართან ერთად ფრაგმენტთან შეპირისპირებით.

Sin. 34
ღაღატყავსა
ღაღადებდა წინაწარმეტყუელი

ღაღადებდეს მო
დაუტევეს მოწამ
განუსუენე სულსა

ფ რ ა გ მ ე ნ ტ ი
ღაღატყავსა
ღაღადებდეს წინაწარმეტყუელი

ღაღადებდეს მოწამენი შენი
დაუტევეს მოწამეთა
განუსუენე სულსა

საშუებელსა სამოთხისასა წმი-
დათა შენთა თანა ღირს-ყვენ
სულნი, სარწმუნოებით გარდაც-
ვალბულნი, რაათა გადიდებდენ
შენ, მკსნელსა და ღმერთსა, უკუ-
ნისამდე.

უმეტეს³⁶

უმეტეს ხარ ყოველთა დაბად³⁷

ასეთივე სურათი გამოჩნდა სხვა ოდებისა და აქებდითსას შემთხვევაშიც. „სულის“ დამატებითი ტროპარი ყოველთვის „ღმრთისმშობლისაჲს“ წინაა ჩართული. იგივე ვითარებაა Sin. 34-ის კანონის პირველ ოთხ ვალობაშიც. აქაც ჩართულია თითო ტროპარი „სულისაჲ“, რითაც იგი სხვაობს Sin. 26-ისა და სხვა ნუსხების შესაბამისი მასალისაგან. ამავე დროს ფრაგმენტის მეოთხე ხმის დასდებლებთან შემონახულია ორიოდ სიტყვა ძალიან დაზიანებული მინაწე-რიდან, რომელიც „სულის“ დასდებლებს შეეხება. „სულისაჲ... არს...“ მინაწე-რი უთუოდ შეიცავდა მითითებას შემესებ დასდებლებზე.

როგორც ვხედავთ, „სულის“ დასდებლების დართვა Sin. 34-ის სპეციფი-კაა, ამავე დროს ფრაგმენტისაც. აშკარაა, რომ ისინი ერთი მთლიანობის ნაწი-ლებია.

ამრიგად, დაიძებნა Sin. 34-ის საშაბათო დასდებლები, რომლებიც, ფურ-ცელთა დაკარგვის გამო, დღეს კრებულში აღარ არის და რომელთა შესახებ ვიცოდით და ვმსჯელობდით მხოლოდ კრებულის მინაწერებისა და შენიშვნე-ბის მიხედვით³⁸.

საშაბათო დასდებლები, როგორც ვხედავთ, მართლაც ქმნიან ახალი რე-დაქციის საგალობლების ჯგუფს — ახალ საშაბათოებს, როგორც მათ უწო-დებს იოანე-ზოსიმე ერთ-ერთ მინაწერში კრებულის 131v-ზე.

ამჯერად შევეხებით ლენინგრადის კოლექციის კიდევ ერთი ფურცლის (Gr. VII, 3) მასალას, რომელიც ჩვენ მიერ აქ განხილული საგალობლების წრეს განეკუთვნება. ეს არის იოანე-ზოსიმეს ხელით დაწერილი საბაწმიდურ სამარადისოთა შესრულების წესი — „წესი საბაწმიდისაჲ“. ეს ფურცელიც, როგორც ირკვევა, Sin. 34-ის კუთვნილებაა.

Sin. 34-ის 131v-ზე მოთავსებულია არქაული რედაქციის სინანულის სა-მარადისო დასდებლების რიგი, რომელიც იოანე-ზოსიმეს ხელით ასეა დასა-თაურებული: „დასდებელი წინა-უკანათა დღეთანი სამარადისონი სინანული-სანი, მარხვათანი და ოდესცა გინდეს“.

დასდებელთა ეს ჯგუფი, რომელსაც აქ დაწვრილებით არ განვიხილავთ, წარმოადგენს, როგორც სათაურიდან ჩანს, დიდმარხვის პერიოდში და სურვი-ლისამებრ სხვა დროსაც სადა დღეებში შესასრულებელ სამარადისო დასდებ-

³⁶ Sin. 34, 206r.

³⁷ გარდა პირველი და ბოლო ტროპარისა, რომლებიც შესაბამისად ძლისპირი და ღმრთის-მშობლისაა, ფრაგმენტში ყველა დანარჩენი სრული ტექსტითაა მოცემული.

³⁸ აქვე შევნიშნავთ, რომ ჩვენ მიერ განხილული ფრაგმენტის ბოლო გვერდზე, საშაბათო დას-დებელთა მომდევნოდ, აღმოჩნდა დიდი ხუთშაბათის მწუხრის იმ უფალო ღალადაყავსას სრული ტექსტი, რომელიც იადგარის 69v-ზე მოყვანილია დასაწყისებითა და შენიშვნით: „ესენი ზემოთ საშაბათოთა შემდგომად ჰჰოვენ“. ეს კიდევ ერთი საბუთია იმის დასამტკიცებლად, რომ ფრაგ-მენტი Sin. 34-დან არის ამოღებული.



ლებს, შეადგენს რვახმიან რიგს³⁹ და ყოველ ხმაში საგალობელთა შემდეგ თანამიმდევრობას უჩვენებს: ო-ო ლალადყავსა, ოხითაჲ, ფსალმუნ-დასდებელი, სტიქერონი, ლიტანიისაჲ, აქებდითსა, ალვიცენითსა. სამარადისოთა ეს რიგი 133v-ზე მთავრდება შემდეგი მინაწერით:

„სხუანი სამარადისოთა მსგებსისა დღეთა გალობები სრულიად ახალნი, ყოლადვე ყოველთა დღეთა შინა სათქუმელნი, ზემოთ ჰპოვნე.

და სხუანი სამარადისონი საბაწმიდურად, გალობათა ხუედრნი და მარხვა- [თა]ნი ზემოთ ქამთა შედეგად ჰპოვნე და ლოცვა-ყავ ჩემოუს.

და რომელი რამე დაკლება მიყოფია, შემინდვეთ ღმრთისათუს და ლოცვა-ყავთ ჩემოუს და თქუნეცა ქრისტემან შეგიწყალენინ“.

მინაწერის მიხედვით აშკარაა, რომ არქაული რედაქციის სამარადისო დასდებლების გარდა, კრებულში სამარადისო დასდებელთა კიდევ ორი ჯგუფი უნდა იყოს შეტანილი. პირველი წარმოადგენს ღვთისმსახურების პრაქტიკაში დამკვიდრებულ სრულიად ახალ დასდებლებს, რომლებიც კრებულში სადღაც „ზემოთ“ არიან მოთავსებულნი. მათ იოანე-ზოსიმე „მსგებსისა დღეთა გალობებს“ უწოდებს. მათთან, საქმე გვაქვს შეიდეულის წრის საგალობლებთან, პარაკლიტონისეულ დასდებლებთან. მეორე ჯგუფს იოანე-ზოსიმე უწოდებს „სამარადისონი საბაწმიდურად“, რომელთა ადგილი კრებულში ასეა განსაზღვრული: „ქამთა შედეგად ჰპოვნე“.

მრავალმხრივ საინტერესო მინაწერი, რომელსაც ჩვენ განვიხილავთ, სპეციალური ანალიზის საგანი სამეცნიერო ლიტერატურაში ჯერჯერობით არ ყოფილა. მაგრამ ეს მინაწერი, როგორც ირკვევა, მხედველობაში ჰქონდა მკვლევარ პ. ინგოროყვას, როცა იგი Sin. 34-ის იადგარული ნაწილის შედგენილობას განიხილავდა. ახლა უკვე ცნობილია, რომ Sin. 34 იადგარის შედგენილობის გარკვევის დროს, პ. ინგოროყვამ იადგარის მხოლოდ ახალი რედაქციის დასდებლები გაითვალისწინა⁴⁰, რომელთა შორის მან გამოყო სამარადისოთა ორი რიგი:

„დასდებელნი (საგალობელნი) სამარადისოთა დღეთანი ახალნი კვბრულნი“ (ხელნაწერის ფურცლები 34—48).

„დასდებელნი სამარადისოთა დღეთანი საბაწმიდურნი“ (ხელნაწერის ფურცლები 86—106)⁴¹.

დასდებელთა პირველი რიგი სრულიად სამართლიანად არის პ. ინგოროყვას მიერ მიჩნეული სამარადისო დასდებლებად, რასაც სათაურიც გვეუბნება. ამასთანავე Sin. 34-ის იადგარული ნაწილის ძალიან ბევრ მინაწერში ჩანს, რომ „კვიბრულად“ წოდებული ამ დასდებლების ჯგუფს იოანე-ზოსიმე მოკლედ „მსგებსს“ უწოდებს. ასე მაგალითად:

87r—88v-ზე მოთავსებულია სავედრებელნი ღვთისმშობლის მიმართ. მათ ერთვის შენიშვნა: „სხუანი დასდებელნი წმიდისა ღმრთისმშობლისანი, უგალობდითსა კმაჲ დ: ზღუსა მის მეწამულისა ღელვათა... ესენი ჰპოვნე ზემოთ

³⁹ სამარადისოთა პირველი ხმ-ს მასალა მოთავსებულია „მწი“³⁹, რაზედაც უკვე მ ვუთითეთ ზემოთ.

⁴⁰ ც. ჭ ა ნ კ ი ე ვ ი, პალესტრელ გადამწერ „იოანე-ზოსიმე“ შესახებ, გვ. 49—50.

⁴¹ პ. ინგოროყვა, თხზულებათა კრებული, ტ. 1, გვ. 360—361.

მსგებსსა“. მითითებული საგალობელი მოთავსებულია „კვიპრულ“ დასდებულში ბელთა შორის 35r—36r-ზე.

92r-ზე არის ამგვარი მითითება: „დასდებელნი წმიდისა იოვანე ნათლის-მცემლისათჳს ოდესცა გინდეს ჳმაჲ დ: ზღუსა მის მეწა... — ზემოთ მსგებსსა ჰპოვნე. ჭუარისათჳს ოდესცა გინდეს ჳმაჲ დ: გიგალობთ შენ, უფალო ღმერთო ჩუენო, ზემოთ სეკდენბერსა იდ ჰპოვნე და სხუანი ჭუარისანივე ორნი გალო-ბანი ზემოთ მსგებსსა ოთხშაბათსა და პარასკევსა ჰპოვნე“. ამ მითითების მი-ხედვით, საგალობლები კვლავ „კვიპრულთა“ შორის იქებნება (იხ. 38v—39v, 41v—42v).

მსგავსი მითითებები გაბნეულია მთელს Sin. 34-ში და ყველა შემთხვევა-ში „მსგებსი“ ემთხვევა „კვიპრულ“ დასდებულს.

ამრიგად, სრულიად ნათელია, რომ მინაწერი 133v-ზე „სამარადისოთა მსგებსისა დღეთა გალობების“ ქვეშ „კვიპრულ“ დასდებლებს გულისხმობს. ისინი, იოანე-ზოსიმეს თქმით, მოთავსებულნი არიან „ზემოთ“. ეს „ზემოთ“ მოიცავს ფურცლებს 34r—48r⁴¹.

სამარადისო დასდებლების მეორე ჯგუფად, როგორც ზემოთ ითქვა, პ. ინ-გოროყვამ მიიჩნია კრებულის 86—106 ფურცლებზე მოთავსებული საგალობ-ლები, რომლებიც კრებულში რაიმე სათაურით გამოყოფილნი არ არიან და უშუალოდ მისდევნენ დღესასწაულთა საგალობლებს. პ. ინგოროყვამ ამ საგა-ლობლებს თვითონ მისცა დასათაურება: „დასდებელნი სამარადისოთა დღე-თანი საბაწმიდურნი“. „საბაწმიდურნის“ თაობაზე იგი შენიშნავს: „სახელწო-დება სამარადისონი საბაწმიდურნი — სამარადისონი საბაწმიდურად იხ. იოა-ნე-ზოსიმეს ტექსტში, ფურც. 133“. მაშასადამე, დასდებულთა სახელწოდება შერჩეულია მინაწერიდან, რომელსაც ჩვენ აქ განვიხილავთ. საგალობელთა ეს ჯგუფი თემატურად და შინაარსობრივად ძალიან ახლოს დგას „კვიპრულ“ დასდებლებთან და ხშირად მიმართავს მათ მასალის შეესებების მიზნით. ამის მაჩვენებელია მრავალრიცხოვანი მითითებები: „მსგებსსა ჰპოო“. მაგრამ, რო-გორც ჩანს, ეს მაინც არ არის მყარი საფუძველი, რათა მეორე ჯგუფი საბა-წმიდურ სამარადისო დასდებლებად მივიჩნიოთ. ამას ხელს უშლის, პირველ ყოვლისა, ის გარემოება, რომ იოანე-ზოსიმე უთითებს მათ კონკრეტულ ად-გილს კრებულში „ჟამთა შედეგად“. პ. ინგოროყვას მიერ საბაწმიდურად მიჩ-ნეული დასდებლები კი მოთავსებულია არა „ჟამთა შედეგად“, არამედ „დღე-სასწაულთა შედეგად“⁴². ეს კი კრებულის სრულიად სხვადასხვა ნაწილებია.

⁴¹ გამორიცხული არ არის, რომ „მსგებსისა დღეთა გალობების“ ქვეშ „იოანე-ზოსიმე, გარდა „კვიპრული“ დასდებლებისა, რომლებიც კვირის ექვსი დღის (ორშაბათი-შაბათი) საგალობლებს უჩვენებენ, კვირა დღის საგალობლებსაც, ანუ აღდგომის დასდებლებსაც გულისხმობდეს. ამას გვაღიქვრებინებს იოანე-ზოსიმეს გამოთქმა, რომელსაც იგი ახალ სამარადისოთა მიმართ ხმარობს: „ყოველთა დღეთა შინა სათქუმელნი“. Sin. 34-ში აღდგომის დასდებლები უშუალოდ „კვიპ-რულ“ დასდებლებს მოსდევს და თავისი დანიშნულებით, აგრეთვე, სამსგებსოა. „მსგებსი“ რომ საკვირაო დასდებლებსაც მოიცავს, ეს კარგად ჩანს Sin. 3-დან. ამ შეღწეულში შეიღველის დას-დებლებს ყოველ ხმას აქვს ამგვარი სათაური: „პირველი მსგებსი ოქტაბოხონისაჲ“ (80r), „მეორე მსგებსი ოქტაბოხონისაჲ“ (110r) და ა. შ.

⁴² გამოთქმა „დღესასწაულთა შედეგად“ ანუ „დღესასწაულთა შემდგომად“ იოანე-ზოსიმეს ეკუთვნის. Sin. 34-ის შენიშვნებში იგი ორჯერ გვხვდება: 34r: „მსგებსი და შეკრებულნი. სხუანი შეკრებულნი გალობები ორ ლაღატყავებითურთ დღესასწაულთა შემდგომად (ჰპოვნე)“. 64r:



Sin. 34-ში ჩვენ ყურადღება მივაქციეთ ერთ მეტად საინტერესო მინაწერს, რომელიც „კვიპრული“ დასდებლების სათაურს ზემოთ არის მოთავსებული „მსგებსი და შეკრებულნი. სხუანი შეკრებულნი გალობები ო-ო დაღატყავე-ბითურთ დღესასწაულთა შემდგომად [ჰპოვნე]. მინაწერი იოანე-ზოსიმესეულია და შესრულებულია, როგორც ჩანს, ტექსტის გადაწერის შემდეგ „მსგებსი“, როგორც უკვე ვიცით, „კვიპრულ“ დასდებლებს ჰქვია, მაგრამ იოანე-ზოსიმე კიდევ უფრო აზუსტებს დასდებელთა ამ რიგის სათაურს: „მსგებსი და შეკრებულნი“. თუ რა კონკრეტული ლიტურგიკული შინაარსია დაზუსტებული ამ ორ სიტყვაში, ეს ცალკე შესწავლას მოითხოვს. ამჯერად ჩვენთვის საინტერესოა ის, რომ იოანე-ზოსიმე დღესასწაულთა მომდევნოდ უთითებს საგალობელთა ჯგუფს, რომელსაც „შეკრებულნის“ უწოდებს: „სხუანი შეკრებულნი გალობები უფალო დაღატყავებითურთ დღესასწაულთა შემდგომად [ჰპოვნე]ო“, ეს კი ადგილის მიხედვით ემთხვევა პ. ინგოროყვას მიერ საბაწმიდურად მიჩნეულ საგალობლებს.

„კვიპრულ“ დასდებლებთან არის კიდევ ერთი მინაწერი, სადაც კვლავ ჩნდება სიტყვა „შეკრებულნი“, როგორც დასდებლების გარკვეული ჯგუფის საერთო სახელწოდება. 48r-ზე მიწერილია: „დასდებელნი სულისანი. უგალობდითსა ჯამა ბ გუერდი: მკსნელი... ესენი წინაით შეკრებულთა ჰპოვო“. აღნიშნული დასდებლები იძებნება დღესასწაულთა მომდევნოდ 99v-ზე.

დაბოლოს, Sin. 34-ის 131v-ზე მოთავსებულ მინაწერში, რომელსაც ზემოთ უკვე შევეხეთ საშაბათო დასდებლებთან დაკავშირებით, „შეკრებულნი“ იადგარის ერთ-ერთი შემადგენელი ნაწილის სათაურად გვევლინება: „სხუანი ადგომისა ჯმანი ახალნი და საშაბათონი ახალნი და სძლისპირნი და დღესასწაულნი და მსგებსი და შეკრებულნი ყოვლნი ახალნი დიად მზაჲ და სხუაჲ მრავალი ზემოით ჰპოო და ლოცვა-ყავ ჩემთს“.

ამრიგად, დასდებლების იმ ჯგუფს, რომელსაც პ. ინგოროყვა „სამარადისოთა დღეთანი საბაწმიდურად“ უწოდებს, იოანე-ზოსიმეს მიხედვით „შეკრებულნი“ ჰქვია. ამ დასდებლებს იოანე-ზოსიმე არსად არ მოიხსენიებს, როგორც სამარადისონს. მათ, ვფიქრობთ, სხვა ლიტურგიკული ფუნქცია აქისრიათ, ვიდრე სამარადისო დასდებლებს. ცხადია, რომ შეუსაბამოა იოანე-ზოსიმეს მითითებებსა და პ. ინგოროყვას დასკვნებს შორის და, ამდენად, საბაწმიდური სამარადისონი კრებულის სხვა ნაწილში, კერძოდ, „ჟამთა შედეგად“ უნდა მოვიძიოთ. აქ კი Sin. 34-ს ერთი სრული რვეული აკლია⁴³.

მინაწერში, რომელსაც ჩვენ განვიხილავთ, არის საბაწმიდურ დასდებლებთან დაკავშირებული კიდევ ერთი საგულისხმო დეტალი, რომელსაც პ. ინგოროყვა ყურადღების გარეშე ტოვებს. მინაწერში ნათქვამია: „სამარადისონი

⁴² იანვარსა ივ ომრთსმშობლისანი და ივ ანტონისნი და კშ მამათანი და სქემისა მიცემისანი წინაით დღესასწაულთა შედეგად ჰპოო“. ორივე შემთხვევაში მითითებული საგალობლები იძებნება იადგარის კალენდარულ დღესასწაულთა მომდევნოდ.

⁴³ Sin. 34-ის 24v-ზე მოთავსებულია ლამის უკანასკნელი, მეთორმეტე ჟამი, რომელიც ცისკრის წირვის ვრცელ განგებას შეიცავს. აქ ვკითხულობთ: „რაჟამს ცისკრისა ჟამი აღასრულონ და ტაძარად შევიდინან, ფსალმუნი ესე: შენ გშუენის გალობაჲ, ღმერთო, სიონს...“ 25r-ზე კი, ჟამის მომდევნოდ, ანუ „ჟამთა შედეგად“, იწყება „კრებაჲ თთუეთაჲ წელიწადისაჲ“, ძველი, რომელიც იოანე-ზოსიმეს კალენდრის სახელითაა ცნობილი. ამ გვერდებს შორის აკლია სწორედ კრებულს ერთი რვეული.



საბაწმიდურად, გალობათა ხუედრნი და მარხვა[თა]ნი“⁴⁴. რას უნდა ნიშნავდეს გამოთქმა „გალობათა ხუედრნი“, საბაწმიდურ სამარადისოთა რა თავისებულება აქ მითითებული?

ლიტერატურიდან ცნობილია, რომ „ხუედრნის“ ლიტურგიკულ მნიშვნელობათა განსაზღვრა კ. კეკელიძეს ეკუთვნის⁴⁴. „ხუედრნი“, კ. კეკელიძის მითითებით, როგორც სპეციალური ტერმინი საგალობელთა ერთი ჯგუფისა, აღნიშნავს სამი გალობისაგან შემდგარ ლიტურგიკულ კანონს, რომელიც დიდმარხვისა და ზატიკის პერიოდის სადა დღეებში დაწესებულია ცისკრისა და მწუხრის წირვათა სრული კანონების ნაცვლად ისე, რომ ყოველი დღე წარმოდგენილია კანონის ორი უკანასკნელი გალობით — აკურთხევდითსა და აღიდებდითსათი — და კვირის დღეებზე განაწილებული კიდევ ერთი, ამ დღის წილხვედრი გალობით: ორშაბათი — პირველი გალობით, სამშაბათი — მეორე, ოთხშაბათი — მესამე, ხუთშაბათი — მეოთხე, პარასკევი — მეხუთე და შაბათი — მეექვსე-მეშვიდე გალობებით. „ხუედრნის“ გამოჩენა Sin. 34-ში ამ მნიშვნელობით მოულოდნელი არ არის. ჯერ ერთი, იმიტომ, რომ მე-10 საუკუნეა წლებისათვის, როცა Sin. 34 დაიწერა, მარხვანის, როგორც ბერძნული კრებულის, ჩამოყალიბების ისტორიული პროცესი თითქმის დამთავრებული იყო. მას გავლილი ჰქონდა უკვე საბაწმიდური და კონსტანტინოპოლური ეტაპები⁴⁵. მეორეს მხრივ, არქაული ტიპის ქართული იადგარები — ჰილ-ეტრატის იადგარი, Sin. 18, Sin. 40 — უკვე იცნობენ გალობანის კვირის დღეებზე სამსაგალობლებად განაწილების წესს⁴⁶. მართალია, არქაულ იადგარში ეს მოვლენა არ არის დამახასიათებელი დიდმარხვის მთელი პერიოდისათვის, როგორც ეს შემდეგ გვაქვს ქართულ კრებულებში⁴⁷, არც ზატიკისათვის, ჩნდება მხოლოდ ვნების კვირაში, მაგრამ ესეც საკმარისია, რათა ვილაპარაკოთ ამ მოვლენის არსებობაზე უკვე ადრეულ საღვთისმსახურ პროპაგანდაში და, ამდენად, ადრეულ ძეგლებშიც⁴⁸. ქართული არქაული იადგარებით ირკვევა, რომ ჯერ კიდევ სახელგანთქმულ საბაწმიდელ ჰიმნოღებამდე, რომელთაც მიეწერებათ დიდმარხვის პერიოდისათვის ჰიმნოგრაფიული სამფსალმუნების შემოღება, არსებობდა წესი არა თუ ბიბლიური ოდების, არამედ თვით ჰიმნოგრაფიული ოდების კვირის დღეებზე სამსაგალობლებად დანაწილებისა.

სწორედ ამგვარ წესს უნდა გულისხმობდეს Sin. 34-ის მინაწერის „გალობათა ხუედრნი“, რაც, ჩვენის აზრით, გამოჩნდა ახლად გამოვლენილ საშაბათო დასდებლებშიც, რომლებიც, როგორც უკვე ზემოთ ითქვა, „ხუედრნის“ პრინციპით არის მოტანილი.

⁴⁴ К. Кекелидзе, Литургические грузинские памятники в отечественных книгохранилищах и их научное значение, Тифлис, 1908, XX—XXI; ძვ. ქართული ლიტერატურის ისტორია, 1960, გვ. 595—596. ლიტურგიკული პრაქტიკა იცნობს კვირის შვიდივე დღეზე განაწილების წესსაც, იხ. კ. კეკელიძე, ძვ. ქართ. ლიტ. ისტორია, 1960, გვ. 595—596.

⁴⁵ И. Карабинов, Постная триодь, СПб., 1919, с. 77.

⁴⁶ იხ. Н—2123, 140r—170r; Sin 18, 187v—113v; Sin. 40, 133r—154r.

⁴⁷ იხ. Sin. 64—65, Sin. 75 და სხვა.

⁴⁸ შევნიშნავთ, რომ არქაული იადგარების კანონი სამეცნიერო ლიტერატურაში მიჩნეულია დამსკვლის წინა პერიოდის კანონად. ამდენად არქაულ იადგარებში ჰიმნოგრაფიის განვითარების უფრო ადრეული ეტაპია ასახული. იხ. ე. მეტრეველი, ძლისპირნი და ღმრთისმშობლისანი, თბ., 1970, გვ. 040—042.



ამრიგად, Sin. 34-ის 133v-ზე მოთავსებული მინაწერიდან ირკვევა, რომ Sin. 34-ის დღეისათვის დაკარგულ მეექვსე რვეულში, რომელიც უშუალოდ მოსდევდა კრებულში შემავალ ჟამს, მოთავსებული იყო „სამარადისონი საბაწმიდურად“. ეს იყო სამფსალმუნებად წარმოდგენილი საგალობლები, ანუ „გალობათა ხუედრნი“, როგორც ამას იოანე-ზოსიმე ამბობს.

ეს სამარადისონი აღმოჩნდა სწორედ ლენინგრადში დაცულ პალიმფსესტურ ფურცლებს შორის (Гр. VI, 3), რომლის სათაურში ვკითხულობთ:

„წესი საბაწმიდისაჲ, სამარადისოთა გალობათა ვითარ იტყვან დღითი-დღედი“.

ეს იშვიათი ლიტურგიკული ტექსტი, რომელშიც განმარტებულია სამარადისო საგალობელთა შესრულების საბაწმიდური წესი, დაწერილია იოანე-ზოსიმეს მიერ ძალიან წვრილი ნუსხურით და უქირავს თითქმის გვერდნახევარი. მოგვყავს ტექსტი მთლიანად:

წესი საბაწმიდისაჲ, სამარადისოთა გალობათა ვითარ იტყვან დღითი-დღედი:

ზ-შაბათსა ყოლაღვე უგ ა ლ ბ დ ი თ ი ესრე არს ყოველთა ჳმათა ზედა უგალობდეთ უფალსა, დიდებით დიდებულსა. და ბოლოსა, დიდებასა ზედა იგივე სიტუა. ა კ უ რ თ ხ ე ვ დ ი თ ს ა ყოლაღვე ესრტთ: უფალსა უგალობდეთ და უფროსად ამაღლებდეთ მას უკუნისამდე. დიდებამა ესრტთ: ვაკურთხევდით მამასა და ძესა სულით წმიდათურთ, უფალსა უგალობდეთ და უფროსად ამაღლებდეთ მას უკუნისამდე. დიდებასა ზედა: უფალსა უგალობდეთ — იგივე. ა დ ი დ ე ბ დ ი თ ს ა : განადიდე, უფალო, წყალობამა შენი ჩუენ ყოველთა ზედა. კ უ რ თ ხ ე უ ლ ა რ ს ი თ გ ა ნ : მოაკლინე, უფალო, ლხინებაჲ შენი ჩუენ ყოველთა ზედა. მ ს ა ხ უ რ ე ბ ი თ გ ა ნ : გამოაბრწყინე, უფალო, ნათელი პირი[სა] შენისაჲ ჩუენ ყოველთა ზედა. რ ა მ თ ა წ ა რ გ ვ მ ა რ თ ო ს ა და დიდებასა ზედა: სამებაო ერთარსებაო, აცხოვნენ სულნი ჩუენნი. ა ქ ე ბ დ ი თ ს ა : შენ გშუენის გალობამა, ღმერთო. ვ ა ქ ე ბ თ ს ა ხ ე ლ ს ა მ ი ს ს ა ესე: ძეო ღმრთისაო, შეგუწყალენ ჩუენ, აქებდით მას ძლიერებითა, და დიდებასა ზედა: შენდა დიდებამა გშუენის, უფალო. მ ო ს ა რ თ ა ვ ა დ : შენდა დიდებასა შევსწირაეთ მამისა და ძისა, წმიდისა სულისა. დ ი დ ე ბ ა მ მ ა ღ ა ლ თ ა მ .

ხოლო კურიაკეს ყოლად ესრე: ყოველი სული აქებდი უფალსა.. და სხუამ ყოველი ქ[ა]რთუ[ლად].

სამშაბათსა. მ ო ი ხ ი ლ ე ს ა ყოლაღვე ქართულად. დ ი დ ე ბ ა ს ა ზედა ესე: იხილეთ, იხილეთ, რამეთუ მე ვარ და არავინ არს სხუამ ღმერთ ჩემსა გარეშე. შე[ნ] ხარ ღმერთი ჩუენი, დიდებამა შენდა, დიდებამა შენდა! ა დ ი დ ე ბ დ ი თ ს ა : აღიდებს და უგალობს სული ჩემი უფალსა. კ უ რ თ ხ ე უ ლ ა რ ს ი თ გ ა ნ : კურთხეულ არს უფალი იესუ მეუფე. ბოლოსა იგივე: სამებაო ერთარსებაო.

ღ-შაბათსა. გ ა ნ ძ ღ ი ე რ დ ა ს ა : წმიდა ხარ შენ, უფალო, შენ გიგალობს სული ჩემი, და დიდებასა ზედა იგივე. ა დ ი დ ე ბ დ ი თ ს ა : ქრისტე მაცხოვარ, გვედრებით, აცხოვნენ სულნი ჩუენნი. კ უ რ თ ხ ე უ ლ ა რ ს ი თ გ ა ნ : ძალითა ჯუარისაითა დაგვცვენ ჩუენ, უფალო. მ ს ა ხ უ რ ე ბ ი თ გ ა ნ : ჯუარითა შენი-

თა, უფალო, ნათელი გამოვჩნდა ჩუენ. რაათა წარგვმართოსა და დიდებასა ზედა იგივე: სამებაო ერთარსებაო.

ე-შაბათსა. ორ მესმასა ყოლაღვე ესრც: დიდებაა ძალსა შენსა, უფალო. დიდებასა ზედა ესევე: მოწყალე ხარ და მწყალობელ, გუაცხოვენ ჩუენ, უფალო. აღიდებდითსა: ღმრთისმშობელსა მარიამს გალობით ვადიდებდეთ. კურთხეულარსითგან: მეუფესა დიდებისასა გალობით ვადიდებდეთ. მსახურებითგან: მაცხოვარსა სოფლისასა გალობით ვადიდებდეთ. ბოლოსა იგივე: სამებაო ერთარსებაო, აცხ[ოვნენ].

პარასკევსა. ღამითგანსა: უფალო, ღმერთო ჩუენო, შენი მშულობა მომეც ჩუენ. შესძინესა: ჯუარითა შენითა განგუანათლენ ჩუენ, ქრისტე. დიდებასა ზედა: ჯუარითა შენითა განგუა- იგივე. აღიდებდითსა: ქრისტე მაცხოვარ, გვედრებით, აცხ[ოვნენ სულნი ჩუენნი] — დ-შაბათისავე.

შაბათსა. ღაღატყავსა დასდებელნი უქციენით ქმასა ზედა, გინა ვითა იცოდით: კურთხეულარსი ყოლაღვე აკმისა აილით და ბოლოსა ესრც სოქუათ: კურთხეულ ხარ შენ, უფალო, ღმერთო მამათა ჩუენთაო, შენ გიგალობთ, უფალო, შენდა დიდებასა შევსწირავთ-მამისა და ძისა და წმიდ[ისა] სულისა. აღიდებდითსა ე-შაბათისავე თქუათ, გარნა ხოლო⁴⁹ კმაი გ და გუერდისა. ესე ე-შაბათსა და შაბათსა კმაი გ: განადიდე, ღმრთისმშობელო, წყალობა შენი ჩუენ ყოველთა ზედა. კურთხეულარსითგან: სასოო სოფლისაო, ილუაწე წინაშე ძისა. მსახურებითგან: ყოლაღ ქებულო ღმრთისმშობელო, მვედრებელთა შენთა ნუ უგულუებელს-ჰყოფ. რაათა წარგვმართოსა და დიდებასა ზედა: ყოლაღ დიდებულო სამებაო, ერთარსებაო, აცხოვნენ სულნი ჩუენნი. ა გუერდისა: ღმრთისმშობელსა დღესა ჩუენ ვადიდებდეთ, ანგელოზთა თანა ავამაღლებდეთ. კურთხეულარსითგან: მალაღ-თა მყოფსა უღაღადებდეთ, უბიწოთა თანა დიდების-ემეტყუელებდეთ. მსახურებითგან: ყოველთა ღმერთსა და მეუფესა კეთილის-მყოფელსა გალობით ვადიდებდეთ. რაათა წარგვმართოსა და დიდებასა ზედა: გამოუთქუმელსა, მიუწლომელსა სამებისა ერთარსობასა გალობით ვადიდებდეთ. — აღვივსენითსა ჰპოო.

მწუხრისასა სენაკთა შინა ფსალმუნთა ნაცვალად ამას იტყვან. კათოლიკესა მწუხრი ალელუაჲ დასდებელი: უფალო სუფევს შუენ... ვიდრე — შეირტყა⁵⁰. ალელუაჲ დასდებელი: დაამყარა სოფელი... ვიდრე — არა შეიძრას⁵¹. ალელუაჲ, დიდებაჲ და ალელუაჲ და ღირსმყვენი.

ბ-შაბათსა. მწუხრი. ალელუაჲ დასდებელი: ყურად-იდე, ღმერთო, ლოც... [ვიდრე] — შეეწუხენ⁵². ალელუაჲ დასდებელი: მე ღმერთსა ვხადე, უფაღსა... ვიდრე — ესმას ჯმისა ჩემისა⁵³. ალელუაჲ, დიდებაჲ და ალელუაჲ და ღირსმყვენი.

⁴⁹ „გარნა ხოლო“ ორჯერა გამოვრებული.

⁵⁰ ფს. 92, 1ა.

⁵¹ ფს. 92, 1ბ.

⁵² ფს. 54, 2—3.

⁵³ ფს. 54, 17—18.



გ-შაბათსა. მწუხრი. ალეღუაჲ დასდებელი: ხადილსა ჩემსა⁵⁴. ალეღუაჲ დასდებელი: გამოგუჩნდა ჩუენ ნათელი... ვიდრე — განამრავლენ შენ ივინი⁵⁵. ალეღუაჲ, დიდებაჲ და ალეღუაჲ და დირსმეყენი.

ღ-შაბათსა. მწუხრი. ალეღუაჲ დასდებელი: ადიდებს სული ჩემი უფალსა და იხა... ვიდრე — მაცხოვრისა ჩემისა⁵⁶. ალეღუაჲ დასდებელი: რამეთუ მოჰხედა სიმღ... ვიდრე — ყოველი თესლეჲ ⁵⁷. ალეღუაჲ, დიდებაჲ და ალეღუაჲ და დირსმეყენი.

ე-შაბათსა. მწუხრი. ალეღუაჲ დასდებელი: მოყავ, უფალო, ყური... ვიდრე — რომელი ვესავე შენ⁵⁸. ალეღუაჲ დასდებელი: ყავ ჩუენ თანა სასწაულ... ვიდრე — და ნუგეშინის-მეც მე⁵⁹. ალეღუაჲ, დიდებაჲ და ალეღუაჲ და დირსმეყენი.

პარასკევსა. მწუხრი. ალეღუაჲ დასდებელი: წყალობათა შენთა, უფალო, უკუნისამდე უგალობდე... ვიდრე — პირითა ჩემითა⁶⁰. ალეღუაჲ დასდებელი: ღმერთი დიდებულ არს ზრახვასა... ვიდრე — გარემოჲს მისა⁶¹. ალეღუაჲ, დიდებაჲ და ალეღუაჲ და დირსმეყენი.

შაბათსა. მწუხრი. წარემართისა დასდებელი:
 კმაჲ ა: შეითხინენ სათხე⁶²... გუერდი: მსწავლოს მე მართალ⁶³...
 კმაჲ ბ: დაიდგენ მახლობელად⁶⁴... გუერდი: რამეთუ შენდამი, უფალო, უფალო, თუაღნი⁶⁵...

კმაჲ გ: ნუ მისდრეკ გულსა ჩემსა სიტყ⁶⁶... გუერდი: დასდე, უფალო, საცოჲ პირსა ჩემსა⁶⁷...

კმაჲ დ: ვღაღადებ შენდამი, უფალო, და ვთქუ; შენ ხარ სასოჲ⁶⁸... გუერდი: უფალო, ვღაღად-ყავ შენდამი, ისმინე, მომხე⁶⁹...

ბ-შაბათი და გ-შაბათი სინანულისაჲ არს, ღ-შაბათი და პარასკევი ჯუარი-საჲ არს, ე-შაბათი ღმრთისმშობლისაჲ არს, შაბათი — ყოველთა წმინდათაჲ და სულისაჲ.

დიდთა კათოლიკე მარხვათა ბ-შაბათსა და გ-შაბათსა და ე-შაბათსა ვიდრე ბზობამდე ო⁷⁰ და ღაღა ტყავი ყოლაღვე ესრეთ აიღოთ ყოლაღვე კმაჲ ა გუერდი. კმაჲ ბ გუერდი: ალეღუაჲ, ალეღუაჲ, უფალო, ღაღად-ყავ შენდამი ისმი... ალეღუაჲ, ალეღუაჲ — ვიდრე დასდებლისა საქცეველამდე და საქცეველითგან დასდებელნი უქციენით⁷⁰.

⁵⁴ ფს. 4, 2; ⁵⁵ ფს. 4, 7—8; ⁵⁶ გალობა 9, 1—2; ⁵⁷ გალობა 9, 3; ⁵⁸ ფს. 85, 1—2; ⁵⁹ ფს. 85, 17; ⁶⁰ ფს. 88, 2; ⁶¹ ფს. 88, 8; ⁶² ფს. 140, 10; ⁶³ ფს. 140, 5; ⁶⁴ ფს. 140, 6; ⁶⁵ ფს. 140, 8; ⁶⁶ 140, 4; ⁶⁷ ფს. 140, 3; ⁶⁸ ფს. 141, 6; ⁶⁹ ფს. 140, 1.

⁷⁰ აქ გვიან ჩამატებული ჩანს შემდეგი წინადადება: „ხოლო ოთხშაბათ-პარასკევთა ესრეთ კმაჲ ბ გუერდისავე ვიდრე ბზობამდე. კმაჲ ა გუერდი“.



დ-შაბათსა დალად-[ვ]ყავ შენდამი, ისმინე ჩემი, სოფლის მაცხოვარ, შეგვწყალენ ჩუენ. ო⁷⁰ დალდყავი ვიდრე შეითხინენსა ზედა: სოფლის მაცხოვარ, დალდუმებ პირსა, რომელნი ადიდებენ სახელსა შენსა. განვჴფინენით გულნი. მეოხებითა წმიდისა ღმრთისმშობლისაჲთა, სოფლის მაცხოვარ, შეგვწყალენ ჩუენ. გამოიყვანე საპყრობილითგან. დასდებელნი უქციენით.

პარასკევთა ვიდრე ბზობამდის ეგრევე ა ვუერდი იგივე: დალად-[ვ]ყავ შენდამი, ისმინე ჩემი, სოფ[ლის] მაცხოვარ. ო⁷⁰ დალდყავი—შეითხინენსა. მეოხებითა წმიდათა მოციქულთა შენთაჲთა, სოფლის მაცხოვარ, შეგვწყალენ ჩუენ. განვჴფინენით გულნი. მეოხებითა წმიდათა მოწამეთა შენთა[თა], სოფლის მაცხოვარ შეგვწყალენ ჩუენ. მეოხებითა ყოველთა წმიდათა შენთა[თა] სოფ.—იგივე. საქცეველითგან დასდებელნი უქციენით ზედა საკითხავთასა. ფ ს ა ლ მ უ ნ ი: წარემართმ, დასდებელი: უფლო, დალად-[ვ]ყავ შენდამი, ის⁷¹.

ესე დასდებელანი სამარადისოთა დღეთა ო⁷⁰ დალდტყავსათუ გინდეს, არარაი იყოს დაკლებამ, ვისთვისცა გინდეს, სახელსა უქცევდეთ ესრე: მეოხებითა ღმრთისმშობლისაჲთა, მეოხებითა წინაწარმეტყუელთა, მეოხებითა მოციქულთა, მეოხებითა ყოველთა წმიდათა, მღღელთმოძღუართა, მამათა, ჯუარისაჲ და ვისაცა გინდეს, სახელი თქუ და ლოცვასა წმიდასა მომიჯნენეთ და რომელი-რამ დაკლებამ მიყოფია, შემინდვე ღმრთისათუს, ამენ⁷².

ტიშენდორფის კოლექციაში მოხვედრილი ეს ფურცელი Sin. 34-დანაა ამოღებული, რაც შემდეგი გარემოებით დასტურდება:

Sin. 34-ის „ჟამნის“ ნაწილში, 5r-ს ქვედა აშიაზე არის იოანე-ზოსიმეს ხელით მიწერილი შენიშვნა⁷², რომელსაც პირველად ც. ჭანკიევმა მიაქცია ყურადღება⁷³. მინაწერში ვკითხულობთ: „ლოცვამ ტაბლის აკრებისაჲ — გიგალობთ შენ ყოლად წმიდაო ღმრთისმშობლო მარიამ — ესე წინაით მე-ვ მ-სა შინა პპოო და ლოცვა-ყავთ“. მაშასადამე, Sin. 34-ის მე-6 რვეულში, რომელიც დღეს დაკარგულად ითვლება, შეტანილი იყო 5r-ზე მოთავსებული შენიშვნის შესაბამისი ლოცვის სრული ტექსტი. Sin. 34-ის 5r-ზე არის მოწესეთა პურად დასხდომისა და შემდგომ ტაბლის აკრების რიტუალის მასალა, მათ შორის ტაბლის აკრების ერთმუხლიანი ლოცვაც. ჩანს, იოანე-ზოსიმეს მოგვიანებით საჭიროდ მიუჩნევია კიდევ სხვა ლოცვის დამატება, რომლის სრული ტექსტისათვის აქ ადგილი აღარ იყო. ამიტომ მას აშიაზე მოუთავსებია მითითება, ხოლო ლოცვის სრული ტექსტი შეუტანია მეექვსე რვეულში. ეს უნდა მომხდარიყო ან მაშინ, როცა Sin. 34-ის მეექვსე რვეული იწერებოდა, ან შესაძლებელია უფრო გვიანაც. ასეთ შემთხვევაში უნდა დავუშვათ, რომ მეექვსე რვეულში დარჩენილი იყო თავისუფალი ადგილი, რომელიც იოანე-ზოსიმემ მოგვიანებით გამოიყენა. გვიანდელი შევსების ფაქტები Sin. 34-ში სხვაც მრავალია.

⁷¹ ამის მომდევნოდ წაშლილია: „რომელი რამ დაშკლია, შემინდვეთ“. აქ ფიქრობდა, ჩანს, დამთავრებას თავდაპირველად.

⁷² 5r-ს ძირითადი ტექსტი გადაწერილია უცნობი გადამწერის ხელით.

⁷³ ც. ჭ ა ნ კ ი ე ვ ი, გამოუქვეყნებელი ნაშრომი Sin. 34-ის შესახებ.



აი, ამ ლოცვის სრული ტექსტი აღმოჩნდა „წესი საბაწმიდაჲ-ს შემცველი ფურცლის v-ზე. აქ ვკითხულობთ: „სხუად ტაბლის აკრებისაჲ ჯამი და: გეგლობთ შენ, ყოლად წმიდაო ღმრთისმშობელო მარიაჲ...“ ტექსტი, როგორც ვხედავთ, თავისი დანიშნულებით და დასაწყისით ემთხვევა Sin. 34-ის 5r-ზე მოთავსებულ მითითებას. ამასთანავე, მინაწერიცა და ტექსტიც იოანე-ზოსიმეს ზუსტად ერთი და იგივე ხელითაა ნაწერი და სრულიად განსხვავებულია „წესი საბაწმიდაჲ“-ს იოანე-ზოსიმესეული ხელისგან.

ამას გარდა, „წესი საბაწმიდისაჲ“-ს შემცველი ფურცლის v-ზე ჩვენ მიერ განხილული ლოცვის ტექსტის მომდევნოდ არის ამგვარი შენიშვნა: „და ესე სიტყუთა წართქუას: მომანიჴებელო ყოვლისა კეთილისა — ზემოთ ჰპოო და შემინდვეთ და ლოცვა-ყავთ, ამენ“.

ამ მითითების შესაბამის მასალად ჩვენ მიგვაჩნია Sin. 34-ის 5r-ზე მოთავსებული ტაბლის აკრებასთან დაკავშირებული შემდეგი ტექსტი: „მომანიჴებელო ცხოვრებისა ჩუენისა და მომცემელო ყოვლისა კეთილისა, ქრისტე ღმერთო, მშუდობა-ყავ...“ ეს სიტყვები „და მომცემელო ყოვლისა კეთილისა, ქრისტე ღმერთო“ იოანე-ზოსიმეს ხელითაა ჩამატებული.

ამრიგად, ორმხრივი მითითებები და მითითებათა შესაბამისი მასალის დადასტურება როგორც Sin. 34-ში, ასევე ფრაგმენტში, იოანე-ზოსიმეს ზუსტად ერთი და იგივე ხელი და შესაძარებელ ფურცელთა ერთი და იგივე ზომები ჩვენ მიგვაჩნია საკმარის საფუძვლად, რათა ვთქვათ, რომ ფურცელი, რომელზედაც „წესი საბაწმიდისაჲ“ არის გადაწერილი, Sin. 34-ის კუთვნილებს. იგი ამოღებულია ხელნაწერის დღეს დაკარგულად მიჩნეული მეექვსე რვეულიდან. „წესი საბაწმიდისაჲ“. Sin. 34-დან მომდინარეობას სხვა გარემოებაც ადასტურებს: აღმოჩნდა, რომ ეს ფურცელი, ტიშენდორფის კოლექციაში დღესაც დაცულია თავის წყვილ ფურცელთან ერთად, რომელზედაც ზიარების ლოცვებია გადაწერილი. ზიარების ლოცვებს, გარდა ამ ფურცლისა, უჭირათ კიდევ ორი ფურცელი და უკანასკნელი მათგანის v-ზე ზის რვეულებრივი პაგიონაციის აღნიშვნელი „ვ“. მაშასადამე, ზიარების ლოცვები და მათთან ერთად „წესი საბაწმიდისაჲც“ ერთი და იმავე კრებულის მეექვსე რვეულიდან არის ამოღებული. ეს კრებული კი, უეჭველად, Sin. 34-ია, რადგან Sin. 34-ის „ჟამნი“ (4r) შემონახულია ამ ლოცვათა დასაწყისები და მითითება მათი სრული ტექსტების მეექვსე რვეულში არსებობის შესახებ.

ამრიგად, Sin. 34-ის მეექვსე რვეულში, ანუ „ჟამთა შედეგად“, როგორც იოანე-ზოსიმე ამბობს, მართლაც ყოფილა მოთავსებული სამარადისონი „საბაწმიდურად“, რომელთა შესახებ აქამდე ვიცოდით მხოლოდ კრებულის 133v-ზე მოთავსებული მინაწერის მიხედვით.

„წესი საბაწმიდისაჲ“ წარმოადგენს თავმოყრას იმ სამარადისო საგალობლებისა, რომლებიც დამკვიდრებული ჩანს საბაწმიდის სამონასტრო ღვთისმსახურების პრაქტიკაში („სენაკთა შინა“). ეს არის კვირის ექვსი დღისათვის (ორშაბათი-შაბათი) განკუთვნილი მასალა. საგალობლები, რომლებიც ყოველი დღის ფარგლებში გარკვეულ თანამიმდევრობას გვიჩვენებენ, მოტანილია სახელწოდების აღნიშვნით და მოკლე, ერთფრაზიანი ტექსტით, რაც მეტწილად პოეტური ან ფსალმუნური საგალობლის დასაწყისს უნდა წარმოადგენდეს.



„წესი საბაწმიდისაჲ“ დაწერილებითი განხილვა ამჯერად ჩვენს მიზანს შეადგენს. მიუვითებებთ ამ წესის ზოგიერთ არსებით მხარეზე, რითაც, ჩვენი აზრით, გამოიკვეთება საბაწმიდურ სამარადისოთა ის სპეციფიკა, რომელიც Sin. 34-ის 133v-ზე მოთავსებულ მინაწერშია ხაზგასმული.

1. საბაწმიდური წესი გვიჩვენებს, რომ სამარადისო დასდებლები კვირის ექვს დღეს სრულდება: ორშაბათს, სამშაბათს, ოთხშაბათს, ხუთშაბათს, პარასკევს და შაბათს. ყოველ დღეს თავისი კონკრეტული შინაარსი აქვს, რაც მიითებულა ამავე წესის შემდეგ განმარტებაში: „ბ-შაბათი და გ-შაბათი სინაწულისაჲ არს, დ შაბათი და პარასკევი ჯუარისაჲ არს. ე-შაბათი ღმრთისშობლისაჲ არს, შაბათი ყოველთა წმიდათაჲ და სულისაჲ“.

2. ყოველი დღის წირვის საგალობელთა თანამიმდევრობა იწყება გალობანით, რომელიც მოტანილია „ხუედრნის“ პრინციპით.

- ორშაბათი — უგალობდითსა, აკურთხევდითსა, ადიდებდითსა
- სამშაბათი — მოიხილესა, ადიდებდითსა
- ოთხშაბათი — განძლიერდასა, ადიდებდითსა
- ხუთშაბათი — ო ო მესმასა, ადიდებდითსა
- პარასკევი — ღამითგანსა, ადიდებდითსა
- შაბათი — დადაყვასა, კურთხეულარსა, ადიდებდითსა

გალობათა ამ განაწილებაში არის ერთი მოულოდნელი თავისებურება: გარდა ორშაბათისა, არც ერთი დღე არ შეიცავს აკურთხევდითსას, რის გამოც სამშაბათი-პარასკევი წარმოდგენილია ორფსალმუნებით, ნაცვლად სამფსალმუნებისა, ხოლო შაბათი — სამფსალმუნით, ნაცვლად ოთხფსალმუნისა. ლიტურატიურიდან ცნობილი ფაქტია, რომ სამსაგალობლებში, როგორც წესი, აუცილებლად შედის აკურთხევდითსა და ადიდებდითსა — ეს ორი განუყოფელი ოდა. ძალიან საინტერესოდაა დაცული ეს პრინციპი ქართულ არქაულ იადგარებში. ჰილ-ეტრატის იადგარი, რომელიც ბევრად უსწრებს წინ Sin. 34-ს, რამდენიმე არასრულ კანონს შეიცავს. ზოგი მათგანი ორფსალმუნია, ზოგი — სამფსალმუნია, ზოგიც — ოთხფსალმუნია. ორფსალმუნებითაა, მაგალითად, წარმოდგენილი 27 დეკემბრის სტეფანე პირველმოწამის ხსენება, აბოს ხსენება, განცხადების ზატიკის ექვსივე დღე, 24 სექტემბრის თეკლას ხსენება და 14 ნოემბრის მთავარანგელოზთა დღესასწაული. სამფსალმუნებით წარმოდგენილია 28 დეკემბრის პეტრე-პავლობა და აგრეთვე ლაზარობა, ოთხფსალმუნებით—წმიდა ორმოცთა და წმიდა გიორგის 23 აპრილისა და 3 ნოემბრის ხსენებები.

ყველა აქ მითითებულ შემთხვევაში, როგორც წესი, არასრული კანონის შედგენილობაში შედის აკურთხევდითსა და ადიდებდითსა. ასეთივე სურათია Sin 34-ის ჩვენ მიერ განხილულ ფრაგმენტისეულ სამშაბათო დასდებლებში. ასეთივე ვითარებაა სხვა ქართულ კრებულებში⁷⁴.

როგორ უნდა აიხსნას თავისებურება, რომელსაც „წესი საბაწმიდისაჲ“ გვიჩვენებს. შესაძლებლად მიგვაჩნია დაუშვათ, რომ აკურთხევდითსა, რომე-

⁷⁴ იხ. Sin. 64—65, Sin. 75 და სხვა.

ლიც ორშაბათსაა მხოლოდ მითითებული, იგულისხმება ყველა დანარჩენი დღისთვისაც. იგივე ვითარებაა ამავე წესში აქებდითსას შემთხვევაშიც. აქებდითსაც მხოლოდ ორშაბათის თანამიმდევრობაში გვხვდება. ორშაბათი საერთოდ უფრო ვრცელია ელემენტების თვალსაზრისით, ვიდრე კვირის დანარჩენი დღეები. ვვარაუდობთ, რომ ეს ელემენტები მეორდება კვირის დანარჩენ დღეებშიც, მათ შორის აკუროთხვედითსაც. და თუ ეს ასე არ არის, მაშინ „ხუედრნის“ რაღაც თავისებურ შემთხვევასთან გვაქვს საქმე.

3. „წესი საბაწმიდისაჲ“ დიდმარხვის პერიოდსაც მოიცავს. ამის მაჩვენებელია ტექსტის ის ნაწილი, სადაც იოანე-ზოსიმე დიდმარხვის სამარადისოთა შესრულების თავისებურებებს განმარტავს.

ამრიგად, ტიშენდორფის კოლექციაში მიკვლეული „წესი საბაწმიდისაჲ“ საკვებით ესადაგება Sin. 34-ს. იგი, როგორც ვნახეთ, მართლაც არის „ჟამთა შედეგად“ მოთავსებული „სამარადისონი საბაწმიდურად, გალობათა ხუედრნი და მარხვათანი“.

ახლა გასარკვევი რჩება ერთი არსებითი საკითხი: სად უნდა ჩაირთოს კრებულში ახლად მიკვლეული ფურცლები.

„წესი საბაწმიდისაჲ“ ადგილი გარკვეულია. ზემოთ უკვე ვნახეთ, რომ ის შედიოდა ხელნაწერის მეექვსე რვეულში და მისი წყვილი ფურცლის ადგილის მიხედვით თუ ვიმსჯელებთ, რვეულის რიგით მესამე ფურცელი იყო.

რაც შეეხება აღდგომისა და საშაბათო დასდებლებს, Sin. 34-ისა და ფრაგმენტის ჩვენ მიერ განხილული მინაწერების საფუძველზე ხერხდება მათი აღდგომის მხოლოდ მიახლოებით განსაზღვრა.

ფრაგმენტის მინაწერების მიხედვით, აღდგომის დასდებელთა პირველი ხმა Sin. 34-ის ჟამნსა და იადგარს შორის, უფრო ზუსტად, ჟამნში ჩართულ გალობანსა და იადგარის აღდგომის ახალი რედაქციის დასდებლებს შორის თავსდება. ჟამნის გალობანის შესახებ ფრაგმენტის ერთ-ერთ შენიშვნაში ნათქვამია: „ზემოთ მეხუთესა რვეულსა შინა ჰპოო“, ახალი რედაქციის აღდგომის დასდებლების შესახებ კი შენიშნულია: „აღდგომისა ჳმანი ახალნი... წინათ ჰპოენე“.

საშაბათო დასდებლების შესახებ იოანე-ზოსიმე არა ერთგვან შენიშნავს, რომ ისინი მოთავსებულნი არიან „ზემოთ, თავით“. რიგით პირველი ამგვარი მითითება იადგარულ ნაწილში 69v-ზე გვხვდება დიდი ხუთშაბათის საგალობლებთან: „ესენი ზემოთ საშაბათოთა შემდგომად ხოლო ჰპოენე“. თუ გავითვალისწინებთ, რომ იადგარის არც ერთი ფურცელი დაკარგული არ არის, აღმოჩნდება, რომ საშაბათო დასდებლების ადგილი უნდა ვეძებოთ რვა რვეულის ფარგლებში (იადგარი დღეს იწყება მერვე რვეულის მეორე ფურცლიდან 34r-ზე). თუ იმასაც გავითვალისწინებთ, რომ ხელნაწერის წინა ხუთი რვეული, რომელთაგან პირველი და მეორე დაკარგულია, ეჭირა ჟამნს, საშაბათო დასდებლების ადგილი კრებულში კიდევ უფრო შემოიზღუდება. ჟამნში კი საშაბათო დასდებლების რვახმიანი რიგის ჩართვა, ჩვენის აზრით, გამორიცხულია, რადგან მათი ლიტურგიკული დანიშნულება სრულიად განსხვავებულია და ასეთი ჩართვა დაარღვევდა ჟამნის სტრუქტურას, მის მწყობრს სახეს. ჟამნის დაკარგული და შემორჩენილი ნაწილების შეფარდებაც ასეთი ჩართვის საწინააღმდეგოდ მეტყველებს. ჩვენი დაკვირვებით, საშაბათო დას-

დებლები, ისევე როგორც აღდგომის ძველი დასდებლების პირველი ხმა, მტკიცებით
თავსებული უნდა ყოფილიყო კრებულის მეხუთე-მერვე რვეულებს შორის.
სამი დაკარგული ფურცლის კვალია დარჩენილი დღევანდელ 33-ე — 34-ე ანუ
მერვე რვეულის პირველ და მეორე ფურცლებს შორის⁷⁵. შევნიშნავთ, რომ
33-ე ფურცელზე მთავრდება კალენდრის ტექსტი და 34-ე ფურცელზე იწყება
იადგარის „კვიბრული“ დასდებლების ჭგუფი. ფურცლების კლება მათ შორის
რეალური ფაქტი უნდა იყოს იმის გამოც, რომ მერვე რვეული დღეს მხოლოდ
ექვს ფურცელს ითვლის, მაშინ როცა ხელნაწერის არც ერთ რვეულში რვა
ფურცელზე ნაკლები არ არის. თუმც ტექსტის მიხედვით ხარვეზი არ იგრძნო-
ბა და არც იოანე-ზოსიმეს კალენდრის გამომცემლებს და არც იადგარის მკვლე-
ვრებს რაიმე დარღვევა კრებულის ამ ნაწილებში აღნიშნული არა აქვთ.

რამდენადაც აღდგომისა და საშაბათო დასდებლები იადგარული მასალაა,
ბუნებრივია, მათი ადგილი სწორედ იადგართან 33-ე — 34-ე ფურცლებს შო-
რის ვივარაუდოთ. მით უმეტეს, ეს ითქმის საშაბათო დასდებლებზე, რომლე-
ბიც რედაქციულად „კვიბრულ“ დასდებლებთან დგება. მაგრამ არის გარემო-
ებები, რომლებიც ამ დაწვების სასარგებლოდ არ მეტყველებენ. იმ ოთხ ფურ-
ცელთაგან, რომლებზედაც საშაბათო დასდებლებია გადაწერილი, რიგით პირ-
ველი და მეორე წყვილს შეადგენენ. ეს კი ნიშნავს, რომ მათ რომელიღაც რვე-
ულში შუა ფურცლების ადგილი ეჭირათ, სხვაგვარად, შეწყვილებული ფურც-
ლების ტექსტი არ შეიძლება უშუალოდ გრძელდებოდეს, როგორც ეს ჩვენს
შემთხვევაში გვაქვს. თუ Sin. 34-ის მერვე რვეულში დღეს შუა ფურცლები
სახეზეა, რისი შემოწმების საშუალებაც ჩვენ არა გვაქვს ხელნაწერის უქონ-
ლობის გამო, მაშინ იმათივე გამორიცხულია საშაბათო დასდებლების აქ
ჩართვა. ხოლო თუ ეს ასე არ არის და დაეუშვებთ, რომ საშაბათო დასდებლე-
ბი ამოღებულია მერვე რვეულის პირველ და მეორე ფურცლებს შორის, მაშინ
აღმოჩნდება, რომ რვეულს კლება სულ მცირე ათი ფურცელი, რაც აშკარად
არ ემთხვევა ყ. გარიტის ჩვენებას. არის სხვა გარემოებაც: Sin. 34-ის მრ-
ვალრიცხოვანი მინაწერების დეტალური შესწავლა, აგრეთვე, იადგარის შედ-
გენილობისა და სტრუქტურის შესწავლა და მისი შედარება ამ თვალსაზრისით
ყველაზე ახლო მდგომ კრებულ Sin. 26-თან გვიჩვენებს, რომ, გარდა ჩვენ
მიერ განხილული აღდგომის, საშაბათო და სამარადისო საგალობლებისა, კრე-
ბულს იადგარულ ნაწილში სხვა არაფერი არ აკლია, რისი არსებობაც „ზე-
მოთ“ ივარაუდებოდეს. მაშასადამე, ჩვენ ხელთ არა გვაქვს ათი ფურცლის
შემგებები იადგარული მასალა.

ჩვენი ვარაუდით, აღდგომისა და საშაბათო დასდებლებიც მეექვსე რვე-
ულში შედიოდნენ „წესი საბაწმიდისაჲს“ მომდევნოდ. გამართლებული ეს
იმით არის, რომ „წესი საბაწმიდისაჲს“ და ზემოხსენებული დასდებლებიც ერ-
თი და იგივე ლიტურგიკული დანიშნულების მასალაა — შვიდეულის საგა-
ლობლები. „წესი საბაწმიდისაჲს“ შეიცავს ორშაბათი-შაბათის საგალობლებს,
რომელსაც, ჩვენი აზრით, ლოგიკურად აგრძელებს ფრაგმენტის აღდგომის,
ანუ საკვირაო დასდებლები.

⁷⁵ G. G a r i t t e, Le calendrier... გვ. 15.



ძველი რედაქციის აღდგომის დასდებლები, როგორც უკვე ვიცით, Sin. 34-ში არ არის ერთად თავმოყრილი, თუმც ერთ მთლიანობას შეადგენს. ბუნებრივად იბადება კითხვა: რა მიზანს ისახავდა იოანე-ზოსიმე, როცა მან აღდგომის დასდებლების პირველი ხმა დააშორა დანარჩენ ხმებს, რომელთაც თავისი კანონიერი ადგილი აქვთ მიჩენილი იადგარის არქაულ ნაწილში, და გადაიტანა ისინი სადღაც წინ, კრებულის თავში. რა შინაარსი ჩადო იოანე-ზოსიმემ დასდებლების ამგვარ შეგნებულ გათიშვაში, რაც მხოლოდ Sin. 34-ში გვხვდება? ვფიქრობთ, აქ მათი ლიტურგიკული გამოყენების სხვადასხვა ტრადიცია მიწინააღმდეგე თუ ასახული. არქაული იადგარის აღდგომის დასდებლები სამრევლო ღვთისმსახურებისათვის განკუთვნილი საგალობლებია, ამავე დროს, ვფიქრობთ, გამოყენებულია საბაწმიდის სამონასტრო პრაქტიკაშიც. ამ ნიშნით ჩანს ეს დასდებლები დაკავშირებული საბაწმიდურ სამარადისობებთან.

შემთხვევითი არც ის უნდა იყოს, რომ საშაბათო გალობანი, როგორც სამარადისოთა ერთი გარკვეული ჯგუფი, Sin. 34-ში თავდაპირველად „ხუედრინს“ სახით შევიდა. ესეც Sin. 34-ის სპეციფიკაა, რადგან საშაბათო დასდებლების შემცველი დანარჩენი კრებულებისათვის სრული გალობანი დამახასიათებელი. გამორიცხული არ არის, რომ საშაბათო ახალი საგალობლები იმ სახით დამკვიდრდნენ თავიდან საბაწმიდაში, როგორც ამას სამონასტრო პრაქტიკა მოითხოვდა, სადაც სრულდებოდა არა სრული გალობანი, არამედ „გალობათა ხუედრინი“ და ეს ისახა სწორედ Sin. 34-ში. ფრაგმენტის საშაბათო დასდებლებზე დართულ მინაწერში იოანე-ზოსიმე შენიშნავს, რომ დასდებლების ის ნაწილი, რომელიც კრებულს დღეს ბოლოში ჩაერთვის, მას მოგვიანებით მოუპოვებია: „უკანაას ვპოვენი და მუნ ჩაეჩხრიკენ“. საგულისხმო ფაქტია, რომლის მიღმა გარკვეული ტრადიცია ჩანს. თავისი სპეციფიკით საშაბათო დასდებლები „წესი საბაწმიდისაჲს“ ესადაგებიან.

ამრიგად, Sin. 34-ის ახლად მიკვლეული ფურცლებისათვის ზუსტი ადგილის მიჩენა ძნელდება. ჩვენს ხელთ არსებული ფაქტობრივი მონაცემები ამის საშუალებას არ იძლევა. ჩვენი ვარაუდით, აქ განხილული ყველა ფრაგმენტი კრებულის მეექვსე რვეულში იყრიდა თავს.

Sin. 34-სა და ლაიპციგის ფრაგმენტების შესწავლა ტექნიკური მონაცემების თვალსაზრისით, აგრეთვე, კრებულის, როგორც მთლიანობის შესწავლა, მომავალში გარკვეულ სიცხადეს შეიტანს ამ საკითხში. ვარაუდებზე დაყრდნობით, Sin. 34-ის დაკარგულად მიჩნეული მეექვსე რვეული ასეთ სახეს იღებს: რვეულის მესამე ფურცელზე მოთავსებულია „წესი საბაწმიდისაჲს“, მეოთხე-მეხუთე დათმობილი აქვს აღდგომის პირველი ხმის დასდებლებს, მეექვსე-მეცხრე — საშაბათოებს და მეათე-მეთორმეტე — ზიარების ლოცვებს. „წესი საბაწმიდისაჲს“ და ზიარების ლოცვების ამ რვეულიდან მომდინარეობა არავითარ ეჭვს არ იწვევს.

აღდგომის, საშაბათო და სამარადისო დასდებლების მთლიანი სურათის აღდგენამ შუქი მოჰფინა Sin. 34-ის ზოგიერთ თავისებურებას, იოანე-ზოსიმეს მუშაობის ზოგიერთ მხარეს. როგორც ცნობილია, Sin. 34 რთული აღნაგობის კრებულია. „სხვადასხვა დროისა და სხვადასხვა რედაქციული რაობის („ახალი“ და „ძველი“) ლიტურგიკული მასალა იოანე-ზოსიმემ კრებულში გააერთიანა, შენიშვნა-განმარტებების საშუალებებით შეაფასა და შეუფარდა მისი დროის ახალ საღვთისმსახურო პრაქტიკას. მან მეცნიერი-ლიტურგიკისტის თვა-

ლით გაჩხრიკა კრებულის მასალა და ამ სახით მიაწოდა იგი სახმარად „ბრძენ²⁶ მკაცრულ მნიშვნელობაში“²⁶. იოანე-ზოსიმეს მუშაობის ეს მეთოდი, სა და ღმრთისმოყუარე მღვდელს“⁷⁶. იოანე-ზოსიმეს მუშაობის ეს მეთოდი, კრებულის შედგენის ეს წინასწარ არჩეული ხაზი თვალნათლივ გამომჩნდა ჩვენ მიერ განხილულ მასალაზე. ამ რთული მუშაობის პროცესში, როგორც ირკვევა, ზოგიერთი რამ კრებულში თავიდან შეტანილი არ იყო და გვიანდელი დამატებულია. ასეთად მიჩნეულია, მაგალითად, ლეთისმშობლის შესხმები კრებულის იადგარულ ნაწილსა და ბოლოში⁷⁷. ასეა საშაბათო დასდებლების შემთხვევაშიც. ახლა გარკვეულია, რომ Sin. 34-ის საშაბათო დასდებლები გაყოფილია ორ ნაწილად და მოთავსებული კრებულის თავსა და ბოლოში. მრავალრიცხოვანი მითითებების საშუალებით ეს ნაწილები ურთიერთდაკავშირებული და ერთ მთლიანობად შეკრულია, მაგრამ თავიდან დაშვებულ გათიშვას თავისი მიზეზი ჰქონდა. იოანე-ზოსიმე ამის თაობაზე ფრაგმენტისეულ საშაბათო დასდებლებთან წერს: „უკანაჲს ვბოვენ და მუნ ჩავჩხრიკენ შემოსილთა შინა სადედედ და სალოცველად“. მრავალმხრივ საინტერესო შენიშვნაა. იოანე-ზოსიმე თვითონ გვეუბნება, რომ უკვე „შემოსილ“ ანუ წიგნად აკინძულ კრებულში მას ჩაუმატებია, „ჩაუჩხრიკეია“ მოგვიანებით მოპოვებული საშაბათო დასდებლები. მაშასადამე, ეს მომხდარა მას შემდეგ, რაც კრებულს უკვე მიღებული ჰქონდა გარკვეული სახე. მას შემდეგ, რაც მთლიანად გადაწერილი იყო იადგარული ნაწილი და მის მომდევნოდ სხვადასხვა ხასიათისა და დანიშნულების უამრავი მასალა. ამიტომაც საშაბათო დასდებლების ახალი შევსება ასე დაშორებული საკუთრივ იადგარს. ბუნებრივად იბადება კითხვები: როგორი იყო Sin. 34 კრებულის თავდაპირველი სახე, რას შეიცავდა იგი, როგორ მოხდა კრებულის შევსება, ერთგზის თუ თანდათან.

ამ კითხვებზე პასუხი მოითხოვს მთელი კრებულის ძალიან დეტალურ შესწავლას და ეს მომავლის საქმეა.

საკუთრივ იადგარული მასალის მიმართ გამოიკვეთა სურათი. ჩვენი დაკვირვებით, თავდაპირველი სახით Sin. 34-ის იადგარული ნაწილი, თავისი ძველი და ახალი საგალობლებით, თავდებოდა 143 v-ზე იქ, სადაც მოთავსებულია იოანე-ზოსიმეს ცნობილი ანდერძი:

„სახელითა მამისათა და ძისათა და სულისა წმიდისათა... ესე საგალობელნი იადგარნი, რომელსა შინა წერილ არიან დღესასწაულნი ყოველნი, ახალნი და ძველნი სრულიად, და ჟამნი ათორმეტნი სრულიად ქართულად და საბაწმიდურად და ქრონიკონი სრულიად ყოვლითავე და სხუად მრავალი განგებაჲ, მომმადლა უფალმან დაწერად...“

ანდერძი ერთგვარად ასრულებს იადგარის მწყობრ თანამიმდევრობას. აქამდე კრებულში ყველაფერი ურთიერთშეთანხმებულია. ხოლო კრებულის შემდეგ ნაწილებში შეტანილი საგალობლები თავისი დანიშნულებით იადგარის შევსებას ემსახურება. ამ ანდერძის მომდევნოდ 144—146 ფურცლებზე იოანე-ზოსიმემ მოათავსა იადგარის რედაქციულად ახალ ნაწილში გამორჩენილი თუ დასამატებელი ზოგიერთი დასდებელი, რომელთაც სათანადო ზედწერილობით ან მითითებით მიუჩინა თავისი ნამდვილი ადგილი იადგარში. აქ

⁷⁶ ე. მ ე ტ რ ე ვ ე ლ ი, ძლისპირანი და ღმრთისმშობლისანი..., გვ. 020.
⁷⁷ ე. მ ე ტ რ ე ვ ე ლ ი, ჰიმნოგრაფიული ტერმინების „უარაფთონისა“ „დამოსართავის“ გავებისათვის..., გვ. 47.



არის ღვთისმშობლის სახელზე დაწესებული ორიოდ სტიქარონი და ერთი ნონი, ბზობის პარასკევის, მარხვის მე-4 და მე-5 კვირიაკეთა და დიდი შაბათის რამდენიმე სტიქარონი.

უფრო მოგვიანებით კი იოანე-ზოსიმემ დაწერა საშაბათო დასდებლების შევსება, რომელიც კრებულის ბოლოშია მოთავსებული.

იადგარის შევსება იოანე-ზოსიმეს უწარმოებია სხვადასხვა დროს, რაც იქიდან ჩანს, რომ შემავსებელი საგალობლები ერთმანეთისაგან დაშორებულია და გათიშული სხვა დანიშნულების მასალით.

ზემოთ მივუთითეთ, რომ Sin. 34-ში შეიმჩნევა გარკვეული შეუსაბამობა იოანე-ზოსიმეს ზოგიერთ მინაწერსა და კრებულის ფაქტიურ მონაცემებს შორის. კერძოდ, იოანე-ზოსიმე არაერთგზის ამბობს კატეგორიულად, რომ 123v-მდე იადგარში ყველაფერი „ახალია“, ხოლო 123v-ს მომდევნოდ — ყველაფერი „ძველი“ (იხ. მინაწერები 123r, 131v). სინამდვილეში, როგორც ვნახეთ, ეს ასე არ არის, 144—146 ფურცლებზე მოთავსებული საგალობლები, საშაბათო დასდებლები კრებულის ბოლოს, აგრეთვე, ღვთისმშობლის შესხმები ახალი რედაქციისანი არიან. ამკარაა, რომ მინაწერები ასახავს იმ ვითარებას, რაც იადგარის თავდაპირველ ვარიანტში იყო 143 v-მდე. მოგვიანებით თანდათან წარმოებული შევსება მოითხოვდა არსებით ცვლილებებს და შესწორებებს მინაწერებში, რაც, როგორც ჩანს, იოანე-ზოსიმეს ყველა შემთხვევაში არ გაუკეთებია.

აი, ამ მიზეზით არ აისახა, ჩვენი აზრით, 131v-ზე მოთავსებულ მინაწერში, რომელსაც ჩვენ ზემოთ ვეხებოდით, Sin. 34-ის ბოლოში მოთავსებული საშაბათო დასდებლები. მინაწერის შესრულების მომენტისათვის ეს დასდებლები კრებულში არ იყო და არც ივარაუდებოდა.

Л. М. ХЕВСУРИАНИ

О СОСТАВЕ ГРУЗИНСКОЙ РУКОПИСИ Sin. 34

(Резюме)

Грузинская рукопись X в. Sin. 34, хранящаяся в монастыре св. Екатерины на Синае, в научной литературе признана самой значительной среди ранних грузинских литургических памятников. Рукопись дошла до нас в неполном виде. Выясняется, что свыше 50-ти палимпсестных листов Коллекции Тишендорфа, хранящиеся в рукописных фондах Государственной библиотеки им. Салтыкова-Щедрина и библиотеки Лейпцигского университета, изъяты из названной рукописи.

Настоящий труд содержит обоснование принадлежности к рукописи Sin. 34 некоторых листов из Коллекции Тишендорфа и оценку значения данного пополнения для изучения и раскрытия этого сложного и многообразного сборника.

ბაპარ გიბინიშვილი, ზურაბ სარჯველიძე

ნანათესაობითარი მიმართულებითისა და ნანათესაობითარი
დანიშნულებითის აღგილი ძველი ქართულისა და
ქართველური ენების ბრუნვათა სისტემაში

ცნობილია, რომ ძველ ქართულ სალიტერატურო ენაში **-ისა /-ისა /-თა** დაბოლოებით ნაწარმოები სახელური ფორმები მიმართულებითი ბრუნვის (lativ-ის) ფუნქციით გვხვდება:

მრავალნი ჰურიათა მათგანნი მოსრულ იყვნეს **მარამისა** და **მართასა**, ი. 11, 19 C; ნუ მომეხები მე, რამეთუ არღა აღსრულ ვარ **მამისა ჩემისა**: წარვედ **მშათა ჩემთა** და ხარქუ მათ: აღვალ **მამისა ჩემისა** და **მამისა თქუენისა**, **ღმრთისა ჩემისა** და **ღმრთისა თქუენისა**, ხანმ. ლექც. 061,30—35b, და მოიქცეს და მოვიდეს მოციქულნი **იაკობისა** და ჰრქუეს: მივედით **ესავისა**, **ძმისა შენისა** და აჰა იგიცა მოვალს შემთხუევად შენდა..., შეს. 32,6; ჰრქუა უფალმან მოსეს: შევედ **ფარაოისა** და არქუ მას..., გამ. 8,1. და მოვიდა **წინაწარმეტყუელისა** მის **ქალწულისა** და მუცლად-იღო და შვა ძმ, ეს. 8,3; სიკუდილი მიაგლინა უფალმან **იაკობისა...**, ეს. 9,7; ...აჰა ესერა ჩუენ მოსავ ვიყვენით მიველტოლად **მათა** შეწევნისათს და მათ ვერ უძლეს..., ეს. 20,6 ესმა რაჲ უკუე მოციქულთა... რამეთუ შეიწყნარეს სამარიას სიტყუაჲ იგი ღმრთისაჲ, მიაგლინეს **მათა** პეტრე და იოვანე, საქმე 8,14; ჰრქუა იუდა ავნანს: შევედ **ცოლისა** ძმისა შენისა და ესიძე მას..., შეს. 38,8; და მოივლტოდის სულ-თქუმით და სინანულით **ბჭეთა** მოწყალებისა შენისათა, S—1141, 281; ამას მახვლსა იტყოდა სუმეონ, რომელ-იგი ურვამ მოწევნულ იყო **ქალწულისა** (სინ. მრ. 97,24).

1920 წ. გამოქვეყნებულ მონოგრაფიაში „სუბიექტური პრეფიქსი მეორე პირისა და ობიექტური პრეფიქსი მესამე პირისა ქართულ ზმნებში“ ა. შანიძემ გამოთქვა მოსაზრება, რომ ამგვარ შემთხვევებში ნათესაობითი ბრუნვაა „საგულეებელი“. ამ მოსაზრების საყრდენს წარმოადგენდა არსებითად **შეწირა** ზმნასთან შეწყობილი დამატების მორფოლოგიური გამოხატვა (**შეწირა** ღმრთისა).

ამ რიგის ფორმებს ნათესაობითად მიიჩნევენ აგრეთვე ც. ქურციკიძე¹ და ა. ჭინჭარაული². ნერონისა, მეფისა, ღმრთისა ფორმების ნათესაობითად კვა-

¹ ა. შ ა ნ ი ძ ე, თხზულებანი, I, თბ., 1957, გვ. 213.

² ც. ქ უ რ ც ი კ ი ძ ე, ნანათესაობითარი ვითარებითი ძველ ქართულში, ხელნაწერთა ინსტიტუტის მოამბე, II, თბ., 1960, გვ. 31—42.

³ ა. ჭ ი ნ ჭ ა რ ა უ ლ ი, ნათესაობითი ბრუნვა ლოკატივის ფუნქციით ქართულში, საქ. სსრ მეცნ. აკად. ენათმეცნიერების ინსტიტ-ის XXV სამეცნიერო სესია, თეზისები, 1969, გვ. 14—15.



ლიფიკაციამ მიმართულების აღმნიშვნელ ზმნებთან მისცა ც. ქურციკი⁴ ფუძეველი, ნათესაობითი ირიბი დამატების ერთ-ერთ ბრუნვად მიეჩნია⁴. ამ მოსაზრების გაზიარება ძნელია, რადგან, ცნობილია, რომ ირიბი დამატება ზმნაში მორფოლოგიურ გამოხატულებას პოვებს ყველა შემთხვევაში, მაშინ როცა ნათესაობითში დასმული სახელის ასახვა პირის ნიშნით არ ხდება. კიდევ უფრო აძლიერებს ეჭვს ამ მოსაზრებისადმი ამგვარი ფორმების გამოვლენა ერთპირიან ზმნებთან, რომელნიც არავითარ დამატებას არ საჭიროებენ (მოვიდა მისა, წარვიდა იესუხა, შეკრბა ერი პილატესა). -ისა/-ახა-ზე დაბოლოებულ ფორმათა წმიდა ნათესაობითად შეფასებამ მიიყვანა ც. ქურციკი⁴ დასკვნამდე, რომლის მიხედვითაც, ზმნასთან დაკავშირებული სახელის დასმა ნათესაობით ან მიცემით ბრუნვაში შინაგან კავშირშია ბინარულ დაპირისპირებასთან ვინ და რა ჯგუფის სახელთა შორის⁵.

საჭიროდ მიგვაჩნია აღვნიშნოთ, რომ ეს დაყოფა ორ კლასად, თავისთავად საინტერესო, აგებულია -ისა/-ახა დაბოლოების არასწორ კვალიფიკაციაზე ჰბამედ ჯინჭელისა და მივედ ფუტკრისა ტიპის მაგალითებში. -ისა აქ მთლიანად მიჩნეულია ნათესაობითის აფიქსად, მაშინ როცა ის ექვემდებარება შემდგომ დანაწევრებას, რაზედაც ქვემოთ გვექნება საუბარი. ხსენებულ ფორმათა მიჩნევა მიმართულებითად და არა ნათესაობითად თავისთავად ხსნის ნათესაობით-მიცემითის დაპირისპირების საკითხს ამ შემთხვევაში.

ა. ჭინჭარაულის აზრით, მთის ქართული დიალექტების უთანდებულო ფორმები მთებისა, გზისა, რომლებიც ლოკატიური ფუნქციითაა ნახმარი, ფონეტიკურად, მორფოლოგიურად და სემანტიკურად ტოლფასია ძველი ქართული ზემოთ განხილული ფორმებისა და აგრეთვე მეგრულ-ჭანური -შა/-იშა სუფიქსიანი სახელებისა. ა. ჭინჭარაული ვარაუდობს, რომ ყველა ამგვარ შემთხვევაში საქმე გვაქვს ნათესაობითი ბრუნვის ფორმასთან⁶. თუ ამ შეხედულებას მივიღებთ, ბოლოკიდური -ა მხოლოდ და მხოლოდ ემფატიკური ხმოვანი შეიძლება იყოს. ეს კი გამორიცხულია იმის გამო, რომ მეგრულ-ჭანურს არ მოეპოვება ემფატიკური ა⁷. ასევე შეუძლებელია ა-ს მიჩნევა ემფატიკურ ხმოვნად ქართულშიც განხილულ ნიმუშებში.

წარვიდა მეფისა ტიპის მაგალითებში -ისა მიჩნეულია ნანათესაობითარი ვითარებითის ნიშნად სტ. ჩხენკელის⁸, ვ. თოფურიას⁹, ი. იმნაიშვილის¹⁰,

⁴ ც. ქურციკი⁴ ძე, დასახ. ნაშრომი.
⁵ იქვე.
⁶ ა. ჭინჭარაული, დასახ. ნაშრომი, გვ. 15.
⁷ არნ. ჩიქობავა, ჭანურის გრამატიკული ანალ-ზა, ტფილისი, 1936, გვ. 54; Г. А. К л и м о в, Склонение в картвельских языках в сравнительно-историческом аспекте, М., 1961, с. 90.
⁸ სტ. ჩხენკელი, საკუთარ სახელთა ბრუნება ოშკური ხელნაწერის „მეფეთა წიგნებში“, თსუ შრომები, XXV, თბ., 1942, გვ. 175—177.
⁹ ვ. თოფურია, ვითარებითი ბრუნვის დაბოლოების საკითხისათვის ქართულში (თეზისები), სახელის ბრუნვის ისტორიისათვის ქართველურ ენებში, I, თბ., 1956, გვ. 32.
¹⁰ ი. იმნაიშვილი, სახელთა ბრუნება და ბრუნვითა ფუნქციები ძველ ქართულში, თბ. 1957, გვ. 379—380, 591, 711—712.



ნიშნული, ძველ ქართულში თითქმის გამქრალი, ეს -**ეთ** სუფიქსი გვეხსენება. შემორჩენილი ქართულ ტოპონიმებში, როგორცაა: **თოშ-ეთ-ი**, **სა-სენი-ეთ-ი**, **კახ-ეთ-ი**, **სვან-ეთ-ი** და სხვა.

ნანათესაობითარი მიმართულებითი გვაქვს, უდავოდ, ისეთ ფორმებში, როგორცაა **ქრისტესამდე**, **მოსესამდე**, **იოვანესამდე** და სხვა. აქ ლაპარაკიც არ შეიძლება იმაზე, რომ **-მდე** ერთვის ნათესაობითი ბრუნვის ფორმას, რადგანაც, როგორც კარგადაა ცნობილი, ემფატიკური ხმოვანი პირთა სახელებს, როგორც წესი, არ დაერთვის. გარდა ამისა, არის რედაქციების მიხედვით **-ისამდე/-ისადმდე** დაბოლოებების პარალელური ხმარების შემთხვევები: **ქრისტესამდე** მთ. 1,17 C (შდრ. **ქრისტესადმდე D**), **მოსესამდე** ჰრომ. 5.14 AD (შდრ: **მოსესადმდე AB** და სხვ) ¹⁵. იმნაიშვილმა მიუთითა იმ ფაქტზე, რომ ადამიანთა სახელები ვითარებითში თითქმის სრულებით არ გვევლება ძველ ქართულში. მანვე საესებით მართებულად აღნიშნა, რომ ამ დანაკლის (ვითარებითი ბრუნვის წარმოების შეუძლებლობას უშუალოდ ფუძიდან) ადამიანთა სახელები ავსებდნენ სხვა გზით: „საჭირო სახელს დავსამდნენ ნათესაობითში, ნათესაობითის მთელ ფორმას (ფუძესა და ბრუნვის ნიშანს) აიღებდნენ ახალ ფუძედ და ისე აბრუნებდნენ“¹⁵. ასე რომ, რომელიმე დავით ვითარებითში წარმოდგენილი იყო შემდეგი თანდებულისანი თუ უთანდებულო ფორმებით: **დავით-ის-ა/დ/**, **დავით-ის-ა/დ/-მდე**¹⁶. როგორც მოტანილი ადგილიდან ჩანს, **-მდე** თანდებულის საკუთარ სახელთა ფორმებს ავტორი მიიჩნევს ნანათესაობითარი ვითარებითიდან ნაწარმოებად. დაყოფაც **-ის- ად** ამ თვალსაზრისს ასახავს. ამავე დროს, დასახელებულ ნაწარმოებში საზოგადო სახელებში (**მეფისამდე** ტიპის ფორმებში) ავტორი **-ისა** დაბოლოებას მთლიანად ნათესაობითის ნიშნად მიიჩნევს¹⁷. გამოდის, რომ **-მდე** თანდებულის ერთ შემთხვევაში ნათესაობითის დაერთვის, მეორე შემთხვევაში კი—ნანათესაობითარ ვითარებითს, ე. ი. ფორმები: **დავით-ის-ა/დ/-მდე**, **ქრისტეს-ს-ა/დ/-მდე** უპირისპირდება ფორმებს: **მეფ-ისა-მდე**, **ვერძ-ისა-მდე** თავისი აგებულებით: პირველი რიგის მაგალითებში **-ა** მიმართულებითის ნიშნადაა ჩათვლილი, მეორე ტიპის მაგალითებში კი (საზოგადო სახელებში)—ემფატიკურ ხმოვნად. შესაბამისად გამოგვივა, რომ **დავით-ისა** და **მეფ-ისა** სხვადასხვა ბრუნვის ფორმებია: **დავითისა** — მიმართულებითი, ხოლო **მეფისა** — ნათესაობითი. რაც შეეხება პირველს, აქ სხვა დასკვნის გაკეთების საშუალება არც არის: **დავითისა** მხოლოდ ნანათესაობითარი მიმართულებითი ან დანიშნულებითი შეიძლება იყოს. მაგრამ **მეფისა** თანაბრად შეიძლება იყოს როგორც ნათესაობითის ფორმა, ისე მიმართულებითის ან დანიშნულებითისა, რომლებიც ნათესაობითის ფორმას ემყარებიან. აქ მნიშვნელობის ამოცნობა მხოლოდ და მხოლოდ კონტექსტით შეიძლება. ხომ არ ნიშნავს ეს იმას, რომ **-ისა** მიმართულებითის ფუნქციით ნათესაობითი ბრუნვის კონტექსტუალური ვარიანტია მხოლოდ? ამ შესაძლებლობას გამოვრიცხავს მიმართულებით-ნათესაობითის ოპოზიციის საკუთარ სახელებში: **დავი-**

¹⁵ ი. იმნაიშვილი, სახელთა ბრუნვა და ბრუნვათა ფუნქციები ძველ ქართულში, გვ. 376.

¹⁶ იქვე.

¹⁷ იქვე, გვ. 712.



თისა (მიმ).—დავითის (ნათ.) საზოგადო სახელებში ემფატიკური -ა-ს არსებობა განპირობებს ნათესაობითის მორფემის დამთხვევას მორფემათა ჯგუფთან ნათესაობითი-მიმართულებითი. აქ საქმე გვაქვს მორფოლოგიური სინკრეტიზმის ტიპიურ შემთხვევასთან. ამგვარივე კვალიფიკაცია (ნათ.- მიმ.) უნდა მიეცეს უკუნ-ის-ა-მდე, ხვალ-ის-ა-მდე და მისთანა ფორმებს¹⁸.

ისა/-ისა /-თა მიმდევრობა შეიძლება სხვა ფუნქციითაც მოგვევლინოს. იგი გადმოგვეცვს დანიშნულებითის მნიშვნელობასაც. მაგალითები:

მიუგეს ბრძენთა მათ და პრქუეს: ნუუკუე ვერ გუეყოს ჩუენ და თქუენ? არამედ წარვედით სავაჰროდ და იყიდეთ თავისა თქუენისა ზეთი! მთ. 25,9 D; ...რამეთუ ზგულსხმის-საყოფელ არს მამისა (ხელნ.: მამისაჲ), S—1141, 304 vb; და ესე განცხადებული არის, რამეთუ ვის მოველით ზეციდ ჩუენისა ქსნისათუს, არამედ მას, რომლისა განმზადებულ არს შჯული და წინაჲსწარმეტყუელებანი, S—1141, 151ra; ...ნავსადგურნი განფენილ და შესავდერებელ არია მორწმუნეთა, S—1141, 151vb; და ყოველივე შესაწირავი, რომელი იქმნეს თორნესა და ყოველი, რომელი იქმნეს ლანძუსა გინა ტაპაკსა, მდღელისა მის შემწირველისა იყოს იგი, ლევ. 7,9; უკუეთუ... ვჰამო ცოდვისაჲ ესე დღეს, ნუუკუე არა სათწო იყოს ღმრთისა? ლევ. 10, 19; ღრუბელი არს საფარველი მისა და ვერ იხილა ვინ, გარემოჲს ცათა ვიდოდის, იობ. 22,14; ...გამოვჰყუეთოთ ქეები და მოვჰვაფოთ ლღლ-სულელი და ნაძუ და ვიშენოთ თავისა ჩუენისა გოდოლი, ეს. 9,9; და არა იყოს ეგვბტელთა საქმე, რომელ ქმნეს თავი და ბოლოჲ, დასაბამი და აღსასრული, ეს. 19,15; და საცნაურ იყოს უფალი ეგვბტელთა და იცნან ეგვბტელთა უფალი მას დღესა შინა..., ეს. 19,21; ...რამ არს შენი აჲა, რამეთუ გამოჰყუეთე აჲა თავისა შენისა საფლავი და ჰქმენ აჲა თავისა შენისა სამარე მალალთა ზედა და გამოსწერე თავისა თუსისა კლდეს კარავი? ეს. 22,16; ...არა ეგების კაცისა ჰურიასა მისებად წარმართთა..., საქმე 10,28; ყოველთა შორის თესლთა, რომელსა ეშინის მისა და იქმს სიმართლესა, სათნო მისა არს, საქმე 10,35; ეკლესიაჲ იჰსენ და ჰყავ შენდა სძალ და აზნაურ და დეუფალ, და შენ იქმენ მისა სიძე და თავ, S — 1141, 271ra; ...უკუეთუ სძაგელ არს დედაკაცისა კუეცაჲ გინა დაყუენვაჲ, დაიბურენ მან! I კორ. 11,6 CD; და ნუ ჰფრთხებით ნურარაჲთ მკდომთა მათგან, რომელ-იგი არს მათა სახე წარწყმედისაჲ, ხოლო თქუნდა — ცხორება, ფილიპ. 1,28 AB (შდრ.: და არა ჰფრთხებით არარაჲთ მკდომთა მათგან, რომელი-იგი არს მათდა სახე წარწყმედისაჲ, ხოლო თქუნდა — ცხორება ფილიპ. 1,28 CD); (შდრ.: ვითარ კეთილ არს ისრაელისა ღმერთი გულითა წრფელთათუს, ფს. 72 ,17); რამე-სარგებელ არს კაცისა, შე-თუ-იძინოს სოფელი ყოველი და თავი თუსი წარწყმიდა, გინა იზღვია? ლ. 9,25 C; მაშინ ჰრქუას მარცხენი კერძოთაცა მათ: წარგულეთ ჩემგან, წყუელნო, ცეცხლსა მას საუკუნესა, რომელი განმზადებულ არს ეშმაკისა და მსახურთა მისთა, მთ. 25,41 C (შდრ.: რომელი განმზადებულ არს ეშმაკისათუს და მსახურთა მისთა, DE); ძმ სამე კაცისაჲ წარვალს, ვითარცა წერილ არს მისთუს, ხოლო ვაჲ კაცისა მის, რომლისა

¹⁸ ა. მ ა რ ტ ი რ ო ს ო ვ ი, ზოგი თანდებულისანი სახელის ანალიზისათვის ძველ ქართულში, „მაცნე“, 1968, № 5, გვ. 169—178. შდრ., ი. ი მ ნ ა ი შ ვ ი ლ ი, სინური მრავალთავი, გამოკვლევა და ლექსიკონი, თბ., 1975, გვ. 58—65.

მიერ ძმ კაცისა მიეცეს (მიეცემის E). უმჯობეს იყო მისა, არა თუმცა შობილ იყო კაცი იგი, მთ. 26,24 DE (შდრ.: ძმ სამე კაცისა მივიდეს, თარცა წერილ არს. ხოლო ვაი მას კაცსა, რომლისაგან ძე კაცისა მიეცემის. კეთილმცა ყოფილ იყო მისა, არა თუმცა შობილ იყო კაცი იგი C); ხოლო ჭუარს-აცუეს იგი, განიყვეს სამოსელი მისი წილით, რათა აღესრულოს თქუმული წინაწარმეტყუელისა: განიყვეს სამოსელი ჩემი თავისა მათისა და კუართსა ჩემსა ზედა წილ-ივდეს, მთ. 27,35 C; განუტევე ერთი ესე, რათა წარვიდენ გარემო დაბნებსა და სანახებსა და იყიდონ თავისა მათისა, რამ იგი ჭამონ, მრკ. 6,36 DE (შდრ.: განუტევენ ივინი, რათა მივიდენ გარემოსა აგარაკებსა და დაბნებსა და იყიდონ თავისა თვისისათჳს, რამ ჭამონ, C); და არღარა უფლიეს მას არარაჲს ყოფად მამისა ვინა დედისა, მრკ. 7,12 C; რამე სარგებელ არს კაცისა... მრკ. 8,36 C; რამ სარგებელ არს კაცისა..., DE; ...რომელმან აცთუნოს ერთი მცირეთაგანი, რომელთა ვპრწამ მე, უმჯობეს არს უფროს მისა, დამო-თუ-მცა-ება საფქვლე ლოდი ყელსა და შთა-მცა-ვარ-და იგი ზღუასა, მრკ. 9,42 C (შდრ.: რომელმან დააბრკოლოს ერთი მცირეთაგანი მორწმუნეთა ჩემდა მომართ, უმჯობეს არს მისა, გამო-თუ-იბას ქედსა მისსა ვირით საფქველი და შთავარდეს ზღუასა, DE); და მოუწდეს მას ფარისეველნი და ჰკითხვიდეს მას: ჯერ თუ არს ქმრისა ცოლისა დატევებად? მრკ. 10,2 C (ხოლო ფარისეველნი იგი ჰკითხვიდეს მას; უკუეთუ ჯერ-არსა კაცისა ცოლისა თვისისა განტევებად DE). და იგი თავიდა წარმოუძღლეს წინაშე მისა სულითა და ძალითა ელიაჲსითა მოქცევად გულთა მამათა შვილთა მიმართ, ურჩნი გონიერებასა მართალთასა განმზადებად უფლისა ერთი განგებული, ლ. 1,17; ჰრქუა მას ღმერთმან: უგუნურო, ამას დამესა მივიღონ სული შენი შენგან, რომელი (რომელ DE) მოიზადე, ვისა იყო? ლ. 12,20; ამისთჳს გეტყუ თქუნენ: ნუ ჰზრუნავთ სულისა თქუენისა, რამ ჰშჳამოთ, ლ. 12,12 DE (შდრ.: სულისა თქუენისათჳს C); ყავთ თავისა თქუენისა საფასჲ, რომელი არა დაძუელდეს, მოუკლებელი ცათა შინა, სადა-იგი მპარავი არა მიეხების, არცა მლილმან განრყუნის, ლ. 12,33 C; განყიდეთ მონაგები თქუენი და მიეცით ქველის საქმჲ და ყავთ თავისა თქუენისა საფასჲ, DE; და მოიღო სასუმელი, ჰმადლობდა და თქუა: მიიღეთ ესე და განიყავთ თავისა, თქუენისა, ლ. 22,17 DE; ესე ვითარ იხილა პეტრე, ჰრქუა იესუს; უფალო, ამისა რამ? ი. 21, 21C (შდრ.: ესე იგი იხილა პეტრე და ჰრქუა იესუს; უფალო, ამისთჳს რამ ჰსთქუ? DE), რამსა კითხვითი ზმნიზედა ნაწარმოებია რა ნაცვალსახელისაგან -ისა-ს დართვით:

გულისკმა (ხმა E)-ყო იესუ და ჰრქუა მათ: რამსა შრომისა შეამთხუევთ დედაკაცსა მაგას. მთ. 26,10 DE (შდრ.: ხოლო ვითარ ავრძნა იესუ: ჰრქუა მათ: რამსათჳს დააშრობთ დედაკაცსა მაგას, C); რამსა შეშფოთვილ ხართ და სტირთ, მრკ. 5,39 C; რამსა აღშფოთებულ ხართ და ჰტირთ? DE; ღმერთო ჩემო, ღმერთო, რამსა დამიტევებ მე? მრკ. 15,34 C (შდრ.: ღმერთო ჩემო, ღმერთო, რამსათჳს დამიტევებ მე? DE).



ზემოთ მოტანილ ნიმუშებში ზოგი ისეთია, როცა დანიშნულებითი ბრუნვა აქვს, მაგრამ ვინაიდან ეს ფუნქცია დგინდება პარალელურ რედაქციაში -**თს** თანდებულის ხმარებით, ან მთელი კონტექსტის გათვალისწინებით (იყიდეთ **თავისა თქუენისა** ზეთი...). მოტანილი მაგალითების სიმრავლე იმით აიხსნება, რომ ამ ფუნქციით **-ისა/-ისა/-თა** ელემენტების გამოყენებაზე აქამდე ყურადღება არ გაუმახვილებიათ. დანიშნულების ფუნქციით იშვიათად, მაგრამ მაინც, დასტურდება ძველ ქართულში **-ის-ად** დაბოლოება, რომელიც აგრეთვე მორფემათა მიმდევრობას წარმოადგენს (ნათესაობითი+ვითარებითი):

და ვქმნეთ სამი ტალავარი: ერთი **შენდად**, ერთი **მოსცხად**, ერთი **ელიაისად**; მრკ. 9,5 C.

ჩრუჲ-პარხლის რედაქციაში შესაბამის ადგილებში **თს** თანდებული გვაქვს: და ვქმნეთ აქა სამ ტალავარ; ერთი **შენთს**, ერთი **მოსესთს** და ერთი **ელიაისთს**, DE.

ეგვე მუხლი მათეს სახარებაში ასეა:

და, თუ გნებავს, ვქმნეთ აქა სამ ტალავარ: **შენდად** ერთი და **მოსცხა** და **ელიაისა** ერთი, 17,4 C; და, თუ გნებავს, ვქმნეთ აქა სამ ტალავარ: ერთი **შენდა**, ერთი **მოსესა** და ერთი **ელიაისა**, DE;

რამეთუ არავინ ჩუენგანი თავით თუსით ცოცხალ არს და არავინ თავით თუსით მოკუდების. რამეთუ გინათუ ცხოველ ვართ, **უფლისად** ცხოველ ვართ და, გინათუ მოგსწყდებით, უფლისა მიერვე მოგსწყდებით, Ath—78 136v, 11—15.

-ის-ად დაბოლოება დანიშნულებითის ფუნქციით, როგორც ცნობილია, ქართული ენის მთის კილოებში კარგადაა შემონახული¹⁹. საილუსტრაციოდ მოვიყვანთ რამდენსამე მაგალითს:

ხ ე ვ ს უ რ უ ლ ი

მაგის **გულისად** ჯვარს ვერ შავსცოდლებით, წელიწდ. 139, 17—18; საკლავი უნდა, ერთი ბატკანი მკვდრის **სულისად**, წელიწდ 140, 25; ჩამაუხსნებავ **კევსურეთისად** და უნახიან სანეს კევსურნი, წელიწდ. 159, 13—14; ჩაუგავ ვმალ მამუკა ქალუნდაურს, შაუძახნებავ **ხთისად**, წელიწდ. 159, 30—31; **ზურაბისად** ბევრს ვერა უქცევავ, ძალიან მეომარ ყოფილას, წელიწდ. 158, 14—15.

ფ შ ა უ რ ი

მატყლი — ზაფხულის ბეწვი — მშრალია, იმასაც **ფლას-ფარდაგებისად** იყენებენ, ქართ. დიალექტ. 1, 128; ზაფხულში **იმისად** ვინ მაიცლის, თიბა-მკაში სხვაც ბევრია საქმე. ქართ. დიალექტ. 1, 129; ჩემ ნაუბარი, შვილო, **აღარც-რისად** არ არი გამოსადეგი, ქართ. დიალექტ. 1, 132; **ცოლისად** უთქომ: აბა წადი და ნახეო, ქართ. დიალექტ. 1, 133.

¹⁹ არნ. ჩ ი ქ ბ ა ვ ა, ჰანურის გრამატიკულ ანალიზი, ტფილისი, 1936, გვ. 52; ვ. თ. ოფუჩია, ზოგიერთი ბრუნვის გენეზისისათვის მეგრულ-ქანურში, ენიკის მოამბე, I, ტფილისი, 1937, გვ. 180; ალ. ჭ ი ნ ჭ ა რ ა უ ლ ი, ხევსურულის თავისებურებანი, თბ., 1960, გვ. 53—54; თ. უ თ უ რ გ ა ი ძ ე, თუშური კილო, თბ., 1961, გვ. 67.

იმაშივე გასც ბრძანებდა თავის **ჯარისად**, ქართ. დიალექტ. 1, 107; ლთისი-
ის **სახლისად** ცეცხლ წყეკიდ, ქართ. დიალექტ. 1, III.

✓ ქართული მისალის ანალიზის საფუძველზე, შემდეგი დასკვნა კეთდება:
-ისა /-ისა/-თა შეიძლება მიმართულებითის ფუნქციითაც იყოს გამოყენებული
და დანიშნულებითისაც. რაც შეეხება -ისად დაბოლოებას, იგი მხოლოდ და-
ნიშნულებითის მნიშვნელობას გადმოსცემს²⁰.

✓ ჰანურსა და მეგრულში, როგორც ცნობილია, არის ერთი წყება ნათე-
საობითის ფორმაზე დამყარებული ბრუნვებისა, ჰანურში: მიმართულებითი და
გამოსვლითი, მეგრულში კი ამათ ემატება დანიშნულებითი. მიმართულებითი
ჰანურში ნაწარმოებია -შა სუფიქსით, რომელიც ნ. მარს მიაჩნია ძველ მიცემი-
თად²¹. ასევეა კვალიფიცირებული მეგრული -შა ი. ყიფშიძის მიერ²². ეს აზრი
მართებულად აქვს უარყოფილი არნ. ჩიქობავას, რომელიც გამოყოფს ჰანურ
-შა-ში ნათესაობითის -შ-სა და მიმართულებითის -ა-ს, ხოლო მეგრულში ნა-
თესაობითი ბრუნვის ნიშნად -იშ-ს, რომელსაც ერთვის მიმართულებითის -ა²³.
გამოსვლითი იწარმოება ნათესაობითის ფორმაზე -ე/ნ/ სუფიქსის დართვით,
ხოლო დანიშნულებითი -ო/თ/ დაბოლოების დართვით²⁴.

მოვიტანთ რამდენსამე მაგალითს -შა-თი ნაწარმოები მიმართულებითის
საილუსტრაციოდ ჰანურიდან:

დიდი ჭუმალეფე მუში ელიკათუ დო უშქურიშა მენდოფონუ — „თავისი
უფროსი ძმები ააყენა და ვაშლისაკენ წაიყვანა“ ჰან. ტ.²⁵ 6,23; ჰაწი ოხორიშა
-ნა ბულურთ' სთერი — „ახლა სახლში წავალთ“, ჰან. ტ.7,17—18, არ ორჰა-
რიქ პარასქეში დღას ნოღაშა დადი ქომეილუ—„ერთმა ორჰაელმა პარასევე
დღეს ქალაქს კარაქი წაიღო“, ჰან. ტ. 7,7; მან სარფიშა ვარ ვულუ — „მე
სარფს არ მივიღივარ“ ლაზ. ტ.²⁶ 208, 16; სუმითი არ დღას დაღიში იგზალე-
სა—სამივეც ერთ დღეს ტყეში წავიდნენო; ლაზ. ტ. 30,15—16.

დანიშნულებითი ჰანურში არ არის, ხოლო გამოსვლითი ამჭერად ჩვენ
განხილვის საგანს არ შეადგენს.

-იშა/-შა-თი ნაწარმოები მიმართულებითი მეგრულში:

ართ დღას ორე თე კოჩი ონადირუს დო ეფერი დიხაშა მიდართგ, დღას
ვაულ-აურეშე — „ერთ დღეს ის კაცი ნადირობაზე და ისეთ ადგილას მივიდა,

²⁰ მხედველობაში არა გვაქვს ისეთი შემთხვევები, როცა ისად დაბოლოებანი სახელი მსაზღვ-
რელს წარმოადგენს: ძედ კაცისად ტიპის ფორმები, რომლებიც იშვიათად, მაგრამ მაინც დასტურდ-
ბა ძველ ქართულში, აქ არ განიხილება.

²¹ Н. М а р р, Грамматика чанского (лазского) языка, С. Петербург, 1910, с. 11.

²² И. К и п ш и д з е, Грамматика мингрельскаго (иверскаго) языка с хрестоматиею
и словарем. С. Петербург, 1914, с. 021.

²³ არნ. ჩ ი ქ ო ბ ა ვ ა, ჰანურის გრამატიკული ანალიზი, გვ. 53—54.

²⁴ არნ. ჩ ი ქ ო ბ ა ვ ა, დასახ. ნაშრ. გვ. 54; შდრ.: Н. М а р р, დასახ. ნაშრ., გვ. 12;
И. К и п ш и д з е, დასახ. ნაშრ., გვ. 021.

²⁵ ჰან. ტ.-ს. ე დ ე ნ ტ ი, ჰანური ტექსტები, თბ., 1938.

²⁶ ლაზ. ტ.-გ. კ ა რ ტ ო ზ ი ა, ლაზური ტექსტები, თბ., 1972.



დღეს (ვერ მოვა) იქიდან“, მეგრ. ტ.²⁷ 64,6; იდეს დო ქემერთეს ხენწეფისა დოხორეზა — „იარეს და მივიდნენ ხელმწიფის სსასხლეში“. მეგრ. ტ. 57, 12; ათეშ უკული ალექ მიდართვ, ქემერთვ, მუნეფიშ ქეეშიზა — „ამის შემდეგ ალექ/მ/ წავიდა, მივიდა მათ მწყემსთან, მეგრ. ტ. 159,17; ბრელი ნადირი დოჟვილეს დო ჟულეშა ქიმიდეს — „ბევრი ნადირი დახოცეს და სახლში წაიღეს“, მეგრ. ტ. 100,9; ართი ქალაქიშა ქიმერთუნ—ქოძორვ ართი დიდი დოხორე — „ერთ ქალაქში რომ მივიდა, დაინახა ერთი დიდი სასახლე“, მეგრ. ტ. 102,19; ათე ჰკოლა ჩხოულეფიშა ქემორთუ — „ამ ჭლე ძროხებთან მოვიდა“, მეგრ. ტ. III, 38; რაგადი გნთეს დო გიორგიქ მოლართვ თუდონი სართულიშა—„ლაპარაკი გაათავეს და გიორგი ჩამოვიდა ქვემო სართულში“, მეგრ., ტ. 147,36

ქანტურისგან განსხვავებით, მეგრულმა შემოგვინახა დამოუკიდებელი ფორმა დანიშნულებითი ბრუნვისათვის:

ჟირი თხა მოკონია სადილო, დო ჟირი — ოხერიშოთ — „ორი თხა მინდაო სადილად, და ორი—ვახშმად“, მეგრ. ტ. 203 24; ჯიბეს ფარა მუშოთ მოკო, დუსუ ტვინი ვამშაქუნდა — „ჯიბეში ფული რად მინდა, თავში ტვინი თუ არ უქევეს“, მეგრ. პ.²⁸ 197; საყვარელიშოთი ოკო ოშ კვერციხი დო კილო ყვლი — „საყვარელისათვის უნდა ასი კვერციხი და კილო ყველი, მეგრ. პ. 201; ჩქიმდე სახელქ ვაგალასი, სუთ თქვანზემა ორდასუნი, იქ ჩქიმ ხეშო ვაბალასი — „ჩემგან სახელი ვერ წაიღოთ, სუთი თქვენოდენი რომ იყოს, მან ძემი ხელისთვის არ იკმაროს“, მეგრ. პ. 264; ექ იყუ ირკოჩიშო სახი-ოლოქ, დუდო ხენწეფეშო მუ საკურელიე დო უკული შხვაშო—„ეს მოხდა ყველასათვის სასიხარულოდ, ჯერ ხელმწიფისათვის, რა თქმა უნდა, მერე კი—სხვისთვის“, მეგრ. ტ. 66, 14—16; ენა ჩქი მუშო მოკონა? — „ეს ჩვენ რისთვის გვინდა?“ მეგრ. ტ. 70, 11.

✓ საინტერესოა, რომ -იშა/-შა-თი ნაწარმოებ ბრუნვას მეგრულში შეიძლება ჰქონდეს დანიშნულებითის მნიშვნელობაც. ამ მხრივ სრული ანალოგიაა ქართულ -ისა-სთან. მოვიტანთ რამდენსამე მაგალითს: ✓

სუთოშ მანათიშა დემენირხვ ეთი კოჩქ — „სუთას მანეთზე (მანეთისთვის) დამენაძლევა ეს კაცი“, მეგრ. ტ. 258,32; ჩქიმი დუდიშა პირობა მაფვ მეჩამილია—„ჩემი თავისთვის პირობა მაქვს მიცემულიო“, მეგრ. ტ. 147, 18; სქანი ფასი ქემეჩმამ უმარულ დო ფერიშა—შენი ფასი მიმიცია ფერუმარულისათვის, მეგრ. პ. 103.

✓ ნანათესაობითარი ვითარებითი დანიშნულებითის ფუნქციით დადასტურებულია სვანურშიც²⁹. იგი იწარმოება ნათესაობითის -იშ სუფიქსზე ვითარებითის -დ-ს დართვით, ე. ი. მთლიანად -იშ-დ სახეს ატარებს: ✓

ეკ ლეთიშდ ხვამ დინარს ხვანყედ—„იმ დამისთვის ბევრ პურს ვაკეთებთ“,

²⁷ მეგრ. ტ. = მაკარ ხუბულა, მეგრული ტექსტები, ტფილისი, 1937.

²⁸ მეგრ. პ.—ქართული ხალხური სიტყვიერება. მეგრული ტექსტები, I, პოეზია, ტექსტი გამოსაცემად მოამზადა, წინასიტყვიანობა და გამოკლევა დაურთო ტოგო ვულდავამ, თბ., 1975.

²⁹ ვ. თოფურია, ზოგიერთი ბრუნვის გენეზისისათვის მეგრულ-ქანურში, ენიშის მოამბე, I, ტფილისი, 1937, გვ. 180—181; Г. А. Климов, Склонение в картвельских языках... с. 96.



სევან. პროზ. ტ. 1, 10,5—6; მიჩა ნაჩო მდრაც **ეგრეაშ**დ ლოხოდა— „მისხნული მიცემული მათრახი ვინმესთვის მიუცია?“ სევან. პროზ. ტ. I, 386.28; **ალქინტილდაშ**დ დეშ მამსახა— „ამ ბიჭისთვის ვერაფერი მომიხერხებია“, სევან. პ. 301,46; ლესგეშა ისგვეე ქებარე ორბანს ესლვახ ეშდააარვ თანაღს, ესლვენის ჰილიბ ქალქიშდ— „თქვენი გვერდების ნეკნები ორბებს მიაქეთ თორმეტ მთას (იქით), წაიღებენ ჰილიბ ქალაქისთვის“, სევან. პ. 132,18.

საანალიზოდ მოტანილი მასალიდან ჩანს, რომ ქართველურ ენებში მიმართულებითის, დანიშნულებითისა და გარდაქცევითის (აგრეთვე ზოგი სხვა ნიუანსის) სემანტიკა დაკავშირებულია მორფთა გარკვეულ ჯგუფთან³⁰, წარმოდგენილთან -ად, -დ, -ა აფიქსებით, რომლებიც ხან უშუალოდ ძირს ერთვან, ხან კი — ნათესაობითის მორფემას.

გარდაქცევითის მნიშვნელობა ქართულსა და მეგრულ-ჭანურში მხოლოდ უშუალოდ ძირზე -ად/-დ (მეგრ. -ო/თ/) სუფიქსის დართვით იწარმოება. ეგვემ მნიშვნელობა სევანურში შეიძლება ნათესაობითის ფორმაზე -დ-ს დართვითაც გადმოიცეს (**მარემიშ**დ „კაცად“||„კაცისათვის“).

მიმართულებითის მნიშვნელობა ძველ ქართულში სახელთა ორ სხვადას-სხვა ჯგუფთან სხვადასხვაგვარად გადმოიცემა: სულიერთა აღმნიშვნელ სახელებში ფუძედ გამოყენებულია ნათესაობითის ფორმა, რომელსაც ერთვის მიმართულებითის -ა აფიქსი (**დავით-ის-ა**, **ჯინჭვლ-ის-ა**, **ფუტკარ-ის-ა**, **მამ-ის-ა**, **მეფ-ის-ა**, **მა-თ-ა**), უსულო საგანთა სახელებში გამოყენებულია ნათესაობითის მორფემით გაურთულებული ფუძე, რომელიც დაირთავს -ად, -დ ალომორფებს (**სახლ-ად**, **ბეთელ-ად**, **ბეთლემ-დ**, **იერუსალმ-დ**). -ა-ს გამოყენება გეოგრაფიულ სახელთა -ეთ სუფიქსის შემდეგ უნდა მიეწერებოდეს ამ სუფიქსის გაიგივებას ნათესაობითი ბრუნვის ნიშანთან თ-ანიან მრავლობითში. ამგვარადვე აიხსნება, ჩვენი აზრით, -ა-ს გამოყენება „ეესტათი მცხეთელის ცხოვრებაში“ სახელთან **ტფილისი**: და წარვიდეს სპარსნი მცხეთით, შემასმენლნი ნეტარისა ეესტათისნი, **ტფილისა**... (აგ. ძეგლ. 1, 34, 22). აქ ფორმას **ტფილისა** თითქოს მეორენაირი კვალიფიკაცია შეიძლება მიეცეს: **ტფილისა**—***ტფილისად**, ე. ი. არავითარ გააზრებას -ის სუფიქსისას ნათესაობითად აღგილი არ ჰქონია, მიმართულებითის -ა (მომდინარე -ად-ისაგან) დაერთვის სახელის ფუძეს **ტფილის**, მაგრამ ამ სახელში გამოვლენილი ტოპონიმთა საწარმოებელი -ის წარმოშობით ნათესაობითი ბრუნვის მორფემაა და, რაც მთავარია, მისი კავშირი ნათესაობითთან თანამედროვე ქართულშიაც კი საგრძნობია. ამიტომ პირველ კვალიფიკაციას გარკვეული უპირატესობა აქვს, რაც იმაშიაც ვლინდება, რომ მიმართულებითის -ა ალომორფის გამოვლენა დისტრიბუციულად შეზღუდული იქნება ნათესაობითის მორფემის მომდევნო პოზიციით, ე. ი. -ა გვექნება წარმოდგენილი მხოლოდ -ის -მს, -თ, -ეთ სემანტთა მომდევნოდ, რომლებიც ნათესაობითი ბრუნვის ალომორფებს წარმოადგენენ, ყველა სხვა შემთხვევაში მიმართულებითისათვის იქნება -ად და -დ (შესაბამისად თანხმოვან და ხმოვანფუძიან სახელებთან).

³⁰ მიმართულებითისა და გარდაქცევითის მნიშვნელობანი არანაირად დაკავშირებული არაა -ა, -ად, -დ აფიქსებთან, განურჩევლად ამოსავალი ფუძისა, ზოლო დანიშნულებითი მას არ გამოუყვია. იხ. არან. ჩ ი ქ თ ბ ა ვ ა, მიმართულებითი ბრუნვის მნიშვნელობისა, წარმოებისა და ისტორიისათვის, ენიმკის მოამბე, I, ტფილისი, 1937, გვ. 13—18.



დანიშნულებითი გადმოიცემა როგორც **-ის-ად**, ისე **-ის-ა**, **-თ-ა**, და **ის-და** დაბოლოებებით. **მ-ის-და** ტიპის ფორმებში **-და** მიჩნეულია თანდებულად. მგვარი გააზრების საფუძველს მხოლოდ ის იძლევა, რომ გვაქვს **და-პრევერბიც**, ხოლო პრევერბები და თანდებულები ენაში არცთუ იშვიათად გარკვეულ სიმეტრიას ქმნიან (შდრ. პრევერბები **გან-**, **მი-**, **მო-** შესაბამისად თანდებულებს **-გან-**, **-მი/-მიმართ/**, **-მო /-მომართ**)³². მაგრამ ამ კვალიფიკაციას ორი სერიოზული დაბრკოლება ხვდება: 1) ამგვარ შემთხვევაში პრევერბები და თანდებულები იდენტური ან მსგავსი შინაარსისანი უნდა იყვნენ (შდრ.: **გან-გან**, **მი-მი**, **მო-მო**), და-პრევერბის მნიშვნელობა კი (მიმართულების აღნიშვნა ზევიდან ქვევით) მნიშვნელოვნად სცილდება **-და** სუფიქსის მნიშვნელობას, რომელიც უდრის **-თვის** თანდებულისას; 2) ძველ ქართულში დადასტურებულია **შენ-და-მდე** ტიპის ფორმები, რომელთა შემადგენლობაში შემავალი **-და-ს** კვალიფიკაცია თანდებულად გამორიცხულია იმ უბრალო მიზეზის გამო, რომ ქართულ ენაში (არც ძველში და არც ახალში) ორი თანდებული ერთმანეთის მომდევნოდ არ დასტურდება³³. მაშ რა უნდა იყოს **-და?** ცხადია — ვითარებითი ბრუნვის ერთ-ერთი ალომორფი, რადგან **-მდე** თანდებული მხოლოდ ვითარებით ბრუნვას დაერთვის.

მეგრულში დანიშნულებითი გადმოიცემა როგორც **-იშ-ო/თ/**, ისე **-იშ-ა** დაბოლოებით, მაგრამ **-იშო/თ/** მხოლოდ დანიშნულგბითისა შეიძლება იყოს.

სვანურში **-იშ-დ** დაბოლოებით წარმოდგენილი ნანათესაობითარი ვითარებითი ჩვეულებრივ ვადმოსცემს დანიშნულებითის მნიშვნელობას (მუ-ეშ-დ „მამისთვის“, ლადლ-იშ-დ „ღლისთვის“, ქალაქ-იშ-დ „ქალაქისთვის“, გუმ-იშ-დ „გულისთვის“)³⁴.

როგორც ზემოთ აღვნიშნეთ, სვანური მიმართულებითის **-შა ნ** მარის³⁵, ხოლო იმავე მნიშვნელობის მეგრული **-შა ი** ყიფშიძის მიერ³⁶ კვალიფიცირებული იყო, როგორც „წმინდა“ მიცემითი, რაც უარყოფილი იქნა არნ. ჩიქობავას მიერ, რომელმაც ნათესაობითი ბრუნვის ნიშნად მიიჩნია **-იშ** (თანხმოვანფუძიან სახელებთან), ხოლო **-ა**—მიმართულებითისად, მაგრამ ამ **ა-ს** მიმართება ქართული მიმართულებითის **-ა-სთან** გარკვეული არაა³⁷. რაც შეეხება მეგრულ **-იშ-ო/თ/** დაბოლოებას, მისი კავშირი ქართულ **-ის-ად** მორფემულ წგუ-

³² Н. М а р р, Основные таблицы грамматики древнегрузинского языка, С-Петербург, 1908, табл. VIII; მისივე: Грамматика древнелитературного грузинского языка, М.-Л., 1925; ა. შ ა ნ ი ძ ე, გიორგი მთაწმიდლის ენა იოვანესა და ედთვრემს ცხოვრების მხედვით, თბ., 1946, გვ. 79; მისივე, ქართული გრამატიკის საფუძვლები, თბ., 1953, გვ. 71; ი. ი მ ნ ა ი შ ვ ი ლ ი, დასახ. ნაშრ., გვ. 492—495.

³³ ა. შ ა ნ ი ძ ე, გრამატიკის საფუძვლები..., გვ. 267—269.

³⁴ მთის დიალექტთა **ცხენ-წე-ით**, **სახლ-ში-ით** ტიპის ფორმები ორთანდებულთანად მხოლოდ პირობითად შეიძლება იქნეს მიჩნეული, თორემ, ცხადია, რომ **-ით** აქაც, ისე როგორც საერთოდ, ბრუნვის ნიშანია და არა თანდებულა.

³⁵ ვ. თ ო ფ ლ რ ი ა, დასახ. ნაშრ., გვ. 180—181; Г. А. К л и м о в, Склонение в картвельских языках..., с. 96; მისივე: Этимологический словарь картвельских языков, М., 1964, с. 103.

³⁶ Н. М а р р, Грамматика чанского (лазского) языка, с. 11.

³⁷ И. К и п ш и д з е, Грамматика мингрельского (иверского) языка, с. 021.

³⁷ არნ. ჩ ი ქ ო ბ ა ვ ა, სვანურის გრამატიკული ანალიზი, გვ. 54.

ფთან იმთავითვე ცხადი იყო როგორც ნ. მარისა და ი. ყიფშიძისათვის, ისე ჩიქობავასა და ვ. თოფურიასთვის³⁸, აგრეთვე სხვა მკვლევართათვის.

რა იყო იმის მიზეზი, რომ სხენებულმა მკვლევარებმა მეგრულ-ჭანურ მიმართულებითის -იშა/შა დაბოლოებაში ვერ დაინახეს ქართული -ის-ა-ს კანონზომიერი ფონეტიკური შესატყვისი? ეს აიხსნება იმით, რომ უკანასკნელ დრომდე ჭერ კიდევ არ იყო ცნობილი ფარდობა ქართ. ა: მეგრ. -ჭან. ა, რომელსაც ადგილი აქვს მხოლოდ აუსლატში. ეს კანონზომიერება დადგენილია გ. კლიმოვისა და გ. მაკავარიანის მიერ. ამ კანონზომიერების საფუძველზე³⁹ სავსებით ცხადი ხდება, რომ მეგრულ-ჭანური -იშ-ა მორფემული ჯგუფი წარმოადგენს ქართული ის-ა-ს (ნათესაობითი ბრუნვის -ის, მიმართულებითი ბრუნვის ა) ზუსტ ფონემურ და სემანტიკურ ეკვივალენტს. ეს გარემოება შესაძლებელს ხდის ქართულ-ზანური ერთიანობის ხანისათვის* -ის-ა მორფემული ჯგუფის რეკონსტრუქციას მიმართულებითის მნიშვნელობით⁴⁰. ამავე პერიოდში დანიშნულებითის გადმოსაცემად ძირითადად გამოიყენებოდა *-ის /-ად ჯგუფი, რომლის კანონზომიერ რეფლექსებს წარმოადგენენ ქართული -ის-ად და მეგრული -იშ-ო/თ/. მაგრამ შეიმჩნევა ტენდენცია დანიშნულებითის ფუნქციით *-ის -ა დაბოლოების გამოყენებისა, რამაც სათანადო ასახვა პოვა როგორც ძველ ქართულსა და ქართულ დიალექტებში, ისე მეგრულშიც.

სვანური -იშ-დ დაბოლოება ფიქსირებულია მხოლოდ დანიშნულებითის ფუნქციით. მისი შედარება ქართულ -ის-ად და მეგრულ -იშ-ო/თ/ დაბოლოებებთან საფუძველს აძლევს გ. კლიმოვს მოახდინოს დანიშნულებითი ბრუნვის მორფემის რეკონსტრუქცია საერთო-ქართველურ დონეზე⁴¹.

გრამატიკულ მნიშვნელობათა ის მრავალფეროვნება და მჭიდრო გადახლართვა, რომელიც -ად/-ა/-დ/-და აფიქსებთანაა დაკავშირებული ქართველურ ენებში, აგრეთვე შეუძლებლობა იმგვარი განაწილებისა, რომ თითოეულ მათგანს მხოლოდ ერთი ფუნქცია მიეწეროს, გვაპარაულებინებს, რომ მიმართულებითობის, დანიშნულებითობის და გარდაქცევითობის მნიშვნელობანი ერთი ბრუნვის ნიუანსებად მივიჩნიოთ. ნიუანსების გამოვლენა დამოკიდებული იყო ვითარებითი ბრუნვის ამა თუ იმ ალომორფის წარმოდგენაზე სხვადასხვა მორფემულ კონსტრუქციაში. სვანურმა აირჩია ნათესაობითის ფორმაზე ვითარებითის -დ ალომორფის დართვა, რითაც შეინარჩუნა მხოლოდ ერთი ფუნქცია— დანიშნულებითისა. ქართულმა და ზანურმა სხვა ალომორფებიც გამოიყენეს და ქართულ-ზანურ ქრონოლოგიურ დონეზე ივარაუდება მიმართულებითისა და დანიშნულებითის დამოუკიდებელი, ერთმანეთისაგან განსხვავებული ფორმების ჩამოყალიბება, მაგრამ ქართულ-ზანურ ერთიანობის დაშლის პერიოდისათვის შეიმჩნევა ტენდენცია ნანათესაობითარი მიმართულებითის ორგვარი ფუნქციით გამოყენებისა.

³⁸ Н. М а р р, Грамматика чанского (Лазского) языка, с. 11; И. Қ и п ш и д з е დასახ. ნაშრ., გვ. 021; არხ. ჩ ი ქ ო ბ ა ვ ა, ჭანურის გრამატიკული ანალოზი, გვ. 54; ვ. თ ო ფ უ რ ი ა, ზოგიერთი ბრუნვის გენეზისისათვის, გვ. 181.

³⁹ Г. А. Қ л и м о в и Г. И. М а ч а в а р и а н и, Рефлексы общекартвельского а в занском (мергельско-чанском) языке, Studia Caucasica, 2. Hague, 1966.

⁴⁰ Г. А. Қ л и м о в, Этимологический словарь картвельских языков, с. 103.

⁴¹ იქვე.

- აგ. ძეგლ.:** ძველი ქართული ლიტერატურის ძეგლები, I, თბილისი, 1964.
- გამ.:** გამოსლვათა: წიგნნი ძუელისა აღთქუმისანი, გამოსცა ა. შ ა ნ ი ძ ე მ, ტ. I, ნაკვ. 1, თბილისი, 1947.
- ეს:** ესაიას წინაწარმეტყველება: წიგნნი ძუელისა აღთქუმისანი, გამოსცა ა. შ ა ნ ი ძ ე მ, ტ. I, ნაკვ. 2, თბილისი, 1948.
- ი. ნახე ქართ. ოთხთ.**
- იოზ.:** იოზისი: წიგნნი ძუელისა აღთქუმისანი, გამოსცა ა. შ ა ნ ი ძ ე მ, ტ. I, ნაკვ. 2, თბილისი, 1948.
- I კორ.:** I კორინთელთა: პავლენი, გამოსაცემად მოამზადეს ქ. ძ ო წ ე ნ ი ძ ე მ და კ. დ ა ნ ე ლ ი ა მ, თბილისი, 1974.
- ლ. ნახე ქართ. ოთხთ.**
- ლევ.:** ლევიტელთა: წიგნნი ძუელისა აღთქუმისანი, გამოსცა ა. შ ა ნ ი ძ ე მ, ტ. I, ნაკვ. 1.
- მთ.:** ნახე ქართ. ოთხთ.
- მრკ.:** ნახე ქართ. ოთხთ.
- საქმე:** საქმე მოციქულთა, გამოსცა ილ. ა ბ უ ლ ა ძ ე მ, თბილისი, 1950.
- სვან. პ.:** სვანური პოეზია, I, გამოსცეს ა. შ ა ნ ი ძ ე მ, ვ. თ ო ფ უ რ ი ა მ მ. გ უ ჯ ე ჯ ი ა ნ მ ა, თბილისი, 1936.
- სვან. პროზ. ტ.:** სვანური პროზაული ტექსტები, I, გამოსცეს ა. შ ა ნ ი ძ ე მ და ვ. თ ო ფ უ რ ი ა მ, თბილისი, 1939.
- სინ. მრ.:** სინური მრავალთავი, გამოსცა ა. შ ა ნ ი ძ ე მ, თბილისი, 1959.
- ფილიპ.:** ფილიპელთა მიმართ: პავლენი, გამოსაცემად მოამზადეს ქ. ძ ო წ ე ნ ი ძ ე მ და კ. დ ა ნ ე ლ ი ა მ, თბილისი, 1974.
- ფს.:** ფსალმუნნი გამოსცა მზ. შ ა ნ ი ძ ე მ, თბილისი, 1960.
- ქართლ., დიალექტ.:** ი. გ ი გ ი ნ ე ი შ ვ ი ლ ი, ვ. თ ო ფ უ რ ი ა მ, ი. ქ ა ვ თ ა რ ა ძ ე, ქართული დიალექტოლოგია, I, 1961.
- ქართ. ოთხთ.:** ქართული ოთხთავის ორი ძველი რედაქცია სამი შატბერდული ხელნაწერის მიხედვით, გამოსცა ა. შ ა ნ ი ძ ე მ, თბილისი, 1945;
- მთ.:** მათე, **მრკ.:** მარკოზ, **ლ.:** ლუკა, **ი.:** იოანე.
- შეს.:** შე ს ა ქ მ ე (ოშკის ბიბლიის 978 წ. ხელნაწერის მიხედვით).
- წელიწდ.:** წელიწდული I—II, ტფილისი, 1924.
- ხანმ. ლექც.:** ზანმეტი ლექციონარი, გამოსცა ა. შ ა ნ ი ძ ე მ, თბილისი 1944.
- პრომ.:** პრომელთა მიმართ: პავლენი, გამოსაცემად მოამზადეს ქ. ძ ო წ ე ნ ი ძ ე მ და კ. დ ა ნ ე ლ ი ა მ, თბილისი, 1974.
- S—1141—შატბერდის კრებული (973—976 წწ.).

ОТГЕНЕТИВНЫЙ НАПРАВИТЕЛЬНЫЙ И ОТГЕНЕТИВНЫЙ
ЦЕЛЕВОЙ ПАДЕЖИ В ДРЕВНЕГРУЗИНСКОМ И ДРУГИХ
КАРТВЕЛЬСКИХ ЯЗЫКАХ

(Резюме)

В статье рассматриваются разные функции отгенетивных падежей и способы их грамматического выражения в картвельских языках. Установлено, что направительная, целевая и другие функции являются вариантами общей семантики обстоятельственного падежа и обусловлены контекстуально.

ლილი ათანელიძე
ერთი კრიპტოგრაფული იამბიკოს შესახებ

ქართული ჰაგიოგრაფიული კრებული H—2077 (ხელნაწერთა ინსტიტუტის ნუსხა) გადაწერილია 1736 წელს ალექსი მესხიშვილის მიერ. ხელნაწერის 225 რ-ზე მოხატულ ჩარჩოში ჩაწერილია ხუთსტრიქონიანი კრიპტოგრაფია, რომელსაც უძღვის იმავე ხელით, კრიპტოგრაფულად დაწერილი სამი სიტყვა: „ღოთო, შენ წარმიმართე“, კრიპტოგრაფია ამოხსნა ა. შანიძემ¹.

ტექსტი კრიპტოგრაფიის ასეთია:

მით ღვხ ილოჟოლო

მოხვილო ოლვაა ვპვვათიხვლ ჰვლ.

მიბრეი ააოთელ ნლოთი ნლოლო 436.

აანლაოლ 4360 მოხვილო 9436.

ჟლოლ ჟლლოჰილ ნაოთელ იხლ

მოთხვლ

ლონი იოთი ღვიჰილ ჰოოაჰილ.

ამოხსნა: ღოთო, შენ წარმიმართე.

გონებათ რჩეულ მეველოვნესა ძესა

გიტყვი უუთქესა სათქვოდ საწყურად ზესა.

უუცნაურსა ზესთ გონებათა მზესა,

მაგრამ მაცურევად სურვისა წინა გთქვესა.

იოსებ ვითხოვ შეწევნასა ჰრთულელსა.

¹ ა. შანიძე, კრიპტოგრაფიული მასალები, მიმოხილველი, I, 1926, გვ. 241—242. ა. შანიძის ხელით დაწერილი ამოხსნილი კრიპტოგრაფის ტექსტი ჩაკრულია H—2077 ხელნაწერში (224 v).

როგორც ხელის შესწავლამ დაგვანახვა, კრიპტოგრაფია სხვა პირს უნდა დაეწერა. ასოთა მოხაზულობა და მელანი ამ კრიპტოგრაფიული ჩანაწერის განსხვავდება H—2077 ხელნაწერის ხელისაგან, ე. ი. ალექსი მესხიშვილის ხელისაგან.

H—2077 ხელნაწერი მხატვრულად გაფორმებულია. 224—231 ფურცლებზე მოთავსებულია:

1) თხზული ასოებით შესრულებული მინაწერი ალექსი მესხიშვილისა (224 რ). იგი ამოკითხული და გამოქვეყნებულია ამ ხელნაწერის აღწერილობაში:² „უუსასოესო წმიდაო ღვთის-მშობელო, ნუ უგულებელს ჰყოფ წინასა ნაწილსა შრომასა ჩემსა. უღირსი დეკანოზი ალექსი“.

2) 226—231 ფურცლებზე მოთავსებულია წმინდანთა სურათები, რომელთა მომხატავი ალექსი მესხიშვილი ჩანს³.

3) ალექსი მესხიშვილის მოხატული უნდა იყოს აგრეთვე ის ჩარჩო (225 რ), რომელიც ზემოთ აღნიშნულ კრიპტოგრაფიაზე ირგვლივ არის შემოვლებული. ამას ადასტურებს კრიპტოგრაფიის ჩარჩოს და მოხატულ წმინდანთა სურათების საღებავის ერთნაირობა.

ამგვარად, ცალკე ფურცელზე სხვა პირს ლამაზად, კალიგრაფიული ხელით დაუწერია კრიპტოგრაფია, ხოლო შემდგომ ალექსი მესხიშვილს მოუხატავს ეს ფურცელი (იგულისხმება კრიპტოგრაფიის ჩარჩო) და თავის ხელნაწერში ჩაუკინძავს კიდევ (225 რ). საგულისხმოა ის გარემოება, რომ ეს ფურცელი არის მთლიანი ხელნაწერის შემადგენელი ნაწილი. მას იგივე ჰვირნიშანი აქვს (სამი ნახევარმთვარე). რაც H—2077 ხელნაწერის სხვა ფურცლებს. ამასთანავე, გადასაწერად ისევეა მომზადებული, როგორც ამავე ხელნაწერის სხვა ფურცლები: ფურცელი დახაზულია ორ სვეტად. თითოეული სვეტი შედგება 40 სტრიქონისაგან, ისევე როგორც ამ ხელნაწერის ალექსის მიერ დაწერილი სხვა ფურცლები. მაშასადამე, აშკარაა, რომ ალექსი მესხიშვილს ამ ხელნაწერისთვის მომზადებული ერთ-ერთი დაუწერელი ფურცელი გადაუცია სხვა პირისთვის, რომელსაც ჩვენი კრიპტოგრაფია დაუწერია, შემდგომ ალექსის იგი მოუხატავს და ბოლოს ჩაუკინძავს ხელნაწერში.

ისმის კითხვა: თავისი დროის შესანიშნავმა კალიგრაფმა ალექსი მესხიშვილმა მის მიერვე გადაწერილსა და მოხატულ ხელნაწერში რატომ მოათავსა სხვა ხელით დაწერილი ეს კრიპტოგრაფიანი ფურცელი? ალექსიმ იგი მხოლოდ ხელნაწერის სამკაულად გამოიყენა, თუ ამ ფურცელზე მოთავსებულ კრიპტოგრაფიას სხვა დანიშნულება ჰქონდა? ამ კითხვაზე პასუხს, ვფიქრობთ. თვით კრიპტოგრაფიის შინაარსი გავცემს.

კრიპტოგრაფია წარმოადგენს იამბიკოს. იგი ასე იწყება:

„გონებათ რჩეულ მეჭელოვნესა ძესა

გიტყვი უუთქესა სათქვოდ საწყურად ზესა“...

ჩვენი ყურადღებაც სწორედ ამ დასაწყისმა სტრიქონებმა მიიქციეს. იამ-

² ქართულ ხელნაწერთა აღწერილობა, H კოლექცია, V, 1949, გვ. 47.

³ ი. გ. ა. ჩ. ი. ლ. ა. ძ. ე, XVIII—XIX საუკუნეების ქართველ კალიგრაფთა მოღვაწეობა: მესხიშვილთა კალიგრაფიული სკოლა და მათი სიოჯახო წიგნსაცავი (მანქანზე გადაბეჭდილი საიდენტაციო ნაშრომი), 1975, გვ. 54.



ბიკოს დამწერი მიმართავს ვინმე „მეკელოვნესა ძესა“ და სურს მის შესახებ სადიდებელი სიტყვის თქმა: „გიტყვი უშუქესა სათქვოდ საწყურად ზესა“. ვინ უნდა იყოს „მეკელოვნეს ძე“?

სიტყვები „მეკელოვნესა ძესა“, ვფიქრობთ, ალექსი მესხიშვილს უნდა გულისხმობდეს. ალექსი H—2077 ხელნაწერის ანდერძში (334 v) თავის თავს ასე მოიხსენიებს: „კელოან მხატვრის მღვდლის ძე“, იგულისხმება გრიგოლ მხატვრის ძე. ასე უწოდებს თავის თავს იგი სხვა ხელნაწერთა ანდერძებშიც („კელოან მხატვრის ძე“) S—2715, S—3630 და სხვ.

ტერმინი „კელოანი, კელოვანი“ ძველ ქართულში ხელოსანს, ოსტატს აღნიშნავს (ილ. აბულაძე, ძველი ქართული ენის ლექსიკონი, 1973, გვ. 568). ჩვენს შემთხვევაშიც „კელოანი მხატვარი“ ამასვე ნიშნავს—ოსტატი მხატვარი.

„კელოანი“ და „მეკელოვნე“ ერთი და იგივე ძირიდან წარმომდგარი სიტყვებია, ოღონდ ნაწარმოებია სხვადასხვაგვარად: პირველი სუფიქსით ოვან (→ოან) და მეორე მე-ე აფიქსებით. ამასთანავე მათ ერთი და იგივე მნიშვნელობა აქვთ: ოსტატი. მაშასადამე, „მეკელოვნეს ძე“ ხელოვანის, ამ შემთხვევაში ოსტატის ძეს გულისხმობს.

თუ ჩვენი დაკვირვება სწორია, მაშინ ეს კრიბტოგრამულად ნაწერი იამბიკო ერთგვარი მიძღვნა უნდა იყოს „მეკელოვნისა ძისა“ ალექსი მესხიშვილისადმი.

კრიბტოგრამაში იამბიკოს ავტორიც ჩანს. ბოლო სტრიქონი ასე იკითხება: „იოსებ ვითხოვ შეწევნასა ჰრთულედსა“.

მაშასადამე, ირკვევა, რომ კრიბტოგრამული იამბიკო დაუწერია ვინმე იოსებს. საინტერესოა იოსების ვინაობის დადგენა. ამთავითვე ცხადია, რომ ამ პიროვნებას ახლო ურთიერთობა ჰქონია ალექსი მესხიშვილთან. ამას ცხადყოფს კრიბტოგრამული იამბიკოს ჩართვა ალექსი მესხიშვილის ავტოგრაფში. ცხადია, ალექსი მესხიშვილს, კალიგრაფიული სკოლის ფუძემდებელს, მწიგნობარს, საკმაოდ განათლებულსა და ხელნაწერი წიგნის დიდ თაყვანისმცემელს, აგრე რიგად ვერავინ გაუბედავდა მისსავე გადაწერილ ხელნაწერში ჩართო რაიმე ზედმეტი ფურცელი მისი სურვილის წინააღმდეგ. როგორც დავინახეთ, აღნიშნული კრიბტოგრამიანი ფურცელი ხელნაწერის თავდაპირველი შემადგენელი ნაწილია, იგი არაა შემდგომში ჩართული. რაც მთავარია, თვით ეს პიროვნებაც, იოსებიც, საკმაოდ გაწაფული კალიგრაფია, რასაც ადასტურებს ჩვენი კრიბტოგრამის ხელი: იგი ნაწერია ლამაზი, კალიგრაფიული ხელით. ამასთანავე იოსები ამ კრიბტოგრამული იამბიკოს ავტორია.

ამრიგად, მხოლოდ იმ დროის კარგ კალიგრაფსა და მწიგნობარს შეეძლო ალექსი მესხიშვილის ავტოგრაფული ნუსხა შეეცხო თავისი ნაწერი იამბიკოთი. ამრიგად, გაირკვა, რომ იოსები ალექსი მესხიშვილის თანამედროვეა, რომელიც ალექსისთან თანამშრომლობს.

იოსების, კრიბტოგრამული იამბიკოს ავტორის, ვინაობის დადგენისას გამოვლინდა ჩვენთვის მეტად საინტერესო ფაქტი. ეგვევ იამბიკო, ოღონდ არა-კრიბტოგრამულად, მხედრულით შესრულებული დაიძებნა ხელნაწერთა ინსტიტუტის ერთ XVIII ს-ის ნუსხაში (Q—225)⁴. ეს ხელნაწერი პატარა ზომი-

⁴ იამბიკო გამოქვეყნებულია ქართულ ხელნაწერთა აღწერილობაში, Q კოლექცია, I, 1957, გვ. 237.



საა, შეიცავს ვახტანგ VI-ის კვინკლოსს. ხელნაწერში შიგადაშიგ თავისუფლად ფურცლებია, რომლებზეც მოთავსებულია ცნობები გაბაშვილების ოჯახის წევრების შესახებ. ხელნაწერის შესწავლისას ისეთი შთაბეჭდილება იქმნება, რომ Q—225 ყოფილა გაბაშვილთა საოჯახო ხელნაწერი. ამ ხასიათის ყველა მინაწერი ერთი ხელითაა დაწერილი. იამბიკოსა და ამ მინაწერთა ხელის შესწავლამ გამოავლინა, რომ იგი ერთ პირს დაუწერია ლამაზი, კალიგრაფიული ხელით, ზოგან სინგურით, ზოგან — შავი მელნით. როგორც იამბიკოდან გამომჩნდა, მისი ავტორი ვინმე იოსებია, ე. ი. გაბაშვილთა ოჯახის შესახებ ცნობებიც ამ იოსებს დაუწერია.

საყურადღებოა კიდევ ერთი დეტალი: Q—225 ნუსხაში 90 რ-ზე იმავე იოსებს დაუწერია კრიპტოგრაფული ანბანი მუქი, მოყავისფრო მელნით. ზემოდან ღია შავი ფერის მელნით ყოველ ასოს თავისი მნიშვნელობა აქვს წარწერილი. ამავე ხელნაწერში, 4რ-ზე კი კრიპტოგრაფია, იმავე ხელით, სინგურით შესრულებულია.

ამრიგად, Q—225 ხელნაწერში ვინმე იოსებს ჩაუწერია კრიპტოგრაფია (4რ) და კრიპტოგრაფული ანბანი (90რ). ეს ანბანი არის გასაღები ამ ხელნაწერში მოთავსებული კრიპტოგრაფიისა (4რ).

Q—225 ხელნაწერის ანბანისა და კრიპტოგრაფიის შედარებამ აღექვა მესხიშვილისეული ხელნაწერის H—2077 კრიპტოგრაფიასთან, გაარკვია, რომ მათი დამწერი ერთი და იგივე პირია, ზემოთ აღნიშნული იოსები. ამას ადასტურებს, პირველ რიგში, ხელის მსგავსება, — ლამაზი, კალიგრაფიული ხელითაა ისინი ნაწერი; იგივეობა მელნისა—მუქი, მოყავისფრო-მოშავო ფერისა; და, რაც მთავარია, კრიპტოგრაფული ანბანის მსგავსება. პირობითი ნიშნების სისტემის ამ სახეობის ანბანი XVIII ს-ში საკმაოდ გავრცელებულია საქართველოში, ამისი ნიმუშები დღემდე ბევრი შემორჩა (ოცდაათზე მეტი). ამ სახეობის კრიპტოგრაფებში გასაღები ყველგან ერთნაირია და მისი მეშვეობით შევქელით ყველა კრიპტოგრაფიის ამოხსნა. ჩვენი ყურადღება მიიქცია შემდეგმა გარემოებამ: ამ ტიპის კრიპტოგრაფებისაგან ცალკე გამოიყო H—2077 და Q—225 ხელნაწერთა კრიპტოგრაფები, რომელთა გასაღები აბსოლუტურად ერთნაირია, ქმნის ერთ ქვეტიპს და ეს გასაღები განსხვავდება ზემოაღნიშნული სახეობის დანარჩენი კრიპტოგრაფების გასაღებისაგან, რომელიც, თავის მხრივ, ცალკე ქვეტიპად გამოყავით. ეს ფაქტიც იმაზე მიუთითებს, რომ ამ ორი ხელნაწერის (Q—225 და H—2077) კრიპტოგრაფები ერთი პირის დაწერილია.

როგორც ზემოთ აღვნიშნეთ, Q—225 ხელნაწერში ცარიელი ფურცლები ყოფილა, რომლებიც შემდგომ ნაწილობრივ შეუვსია მის მფლობელს იოსებს. აქვე ისიც უნდა აღვნიშნოთ, რომ ეს მინაწერები სხვადასხვა დროს არის მიწერილი, რასაც ადასტურებს განსხვავებული მელნის ფერი: ზოგან მუქი ყავისფერი, ზოგან შავი მელანია. მაგ.: იოსების მიერ იამბიკო სხვა დროსაა მიწერილი, ხოლო გაბაშვილთა შესახებ მინაწერები — სხვა დროს (მუქი ყავისფერი მელანი).

⁵ კრიპტოგრაფიის ამოხსნა გამოქვეყნებულია: ქართულ ხელნაწერთა აღწერილობა, Q კოლექცია, I, 1957, გვ. 237.

⁶ H—2077 და Q—225 ხელნაწერთა კრიპტოგრაფების ქვეტიპს მივაკუთვნეთ ორი სხვა ხელნაწერის კრიპტოგრაფები, რომლებიც ამ ხელნაწერთა კრიპტოგრაფებზე გვიან, XVIII ს-ის II ნახევარში დაუწერიათ, ცხადია, ამ ქვეტიპის გავლენით.

ამრიგად, იოსები ამ ხელნაწერის მფლობელია. ვინაიდან იოსები გადმოგვცემს ზაქარია გაბაშვილისა და მისი ოჯახის წევრების შესახებ რამდენიმე მეტად მნიშვნელოვანი ეპიზოდის აღწერას, ცხადია, ისიც ამ ოჯახთან ახლო ურთიერთობაშია, და, საფიქრებელია, რომ გვარად გაბაშვილი იყოს⁷. ამას კი შემდეგი გარემოება უჭერს მხარს: იოსებს კრიბტოგრაფიით, მიფარვით გადმოუცია Q—225-ში ზაქარია გაბაშვილის ცხოვრებიდან ერთი მეტად მნიშვნელოვანი ამბავი: კერძოდ, აქ საუბარია ზაქარია გაბაშვილის დასჯაზე. როგორც ჩანს, კრიბტოგრაფის ავტორი ზაქარია გაბაშვილს თანაუგრძნობს, მის პოზიციებზე დგას: იგი ზაქარია გაბაშვილის მტრების უწყალოებაზე ლაპარაკობს, ხოლო ზაქარიას უწოდებს კეთილ კაცს, რომელიც დაუზოგავად დასაჯეს მისმა მტრებმა.

მამასადამე, ირკვევა, რომ H—2077 ხელნაწერის კრიბტოგრაფული იამბიკოსა (225 r) და Q—225 ხელნაწერის იამბიკოს ავტორი და დამწერია იოსები. როგორც ზემოთ აღვნიშნეთ, საყურადღებოა ის გარემოებაც, რომ ალექსი მესხიშვილისადმი მიძღვნილი კრიბტოგრაფულად ნაწერი იამბიკო იოსებს შემდგომ ჩაუწერია თავის საოჯახო ხელნაწერშიც (Q—225), ოღონდ მხედრულით.

ვინ არის იოსები და რა კავშირი აქვს მას მწიგნობარ გაბაშვილთა ოჯახთან?

ხელნაწერთა ინსტიტუტის ფონდებში დაცულია ზაქარია გაბაშვილის ოჯახის ნაქონი რამდენიმე ხელნაწერი:

1) H—2955. კრებული XVIII საუკუნისა. ხელნაწერს აქვს ალბომის ფორმა. ეს, ე. წ. საოჯახო ალბომი როგორც ზაქარიას, ასევე მის შვილებსა თუ შთამომავალთ შეუდგენიათ სხვადასხვა ნაწარმოებებით და შეუესიათ სალექსიკონო მასალით, ციტატებით სხვადასხვა თხზულებებიდან. გვხვდება, აგრეთვე, წამლების შემზადების წესები. ხელნაწერი ამ თვალსაზრისით მეტად საინტერესოა. იგი მწიგნობარ გაბაშვილთა ფართო განათლების მანიშნებელია.

ეგვევ ხელნაწერი ყურადღებას იქცევს, აგრეთვე, ქრონიკალური ცნობების სიჭარბით.

2) Q—225. XVIII ს. ვახტანგ VI, კვიცილოსი. ხელნაწერში დაცულია ჩვენი იამბიკო მხედრულით ნაწერი, კრიბტოგრაფია (4r) და კრიბტოგრაფული ანბანი (90r) და მინაწერები, შესრულებული იოსების მიერ, რომლებიც გაბაშვილთა ცხოვრების ზოგ მომენტს ასახავს.

3) S—2574. XIII—XIV სს. იოანე დამასკელი, თხზულებები. მინაწერებიდან ირკვევა, რომ იგი ზაქარია გაბაშვილის საოჯახო წიგნი ყოფილა, რომელიც შემდგომ ზაქარიას შთამომავლებს მემკვიდრეობით მიუღიათ.

4) S—2562. XIII—XIV სს. კრებული. ზაქარია გაბაშვილის ნაქონია. ხელნაწერის თავისუფალ ფურცლებზე გაბაშვილთა მინაწერებია.

5) S—2563. პერიარმენია. 1764 წ. გადამწერი ანჩისხატის დეკანოზი მღვდელი გიორგი ალექსის ძე (მესხიშვილი). ეს ხელნაწერიც შემდგომში გაბაშვილთა საკუთრება გამხდარა.

⁷ იოსებს გაბაშვილად მიიჩნევს: აგრეთვე ე. მეტრეველი, შტრ.: ქართულ ხელნაწერთა აღწერილობა, Q კოლექცია, I, 1957, გვ. 237.



ამ ხელნაწერებს შემოუნახავთ ქრონიკალური ცნობები გაბაშვილის ოჯახის შესახებ. მიუხედავად იმისა, რომ სამეცნიერო ლიტერატურაში უკვე ცნობილია ამ ნუსხებში დადასტურებული ზოგი ფაქტი ამა თუ იმ პიროვნებაზე, აღნიშნულ ხელნაწერებში დაცული მინაწერები ზოგჯერ ამ ფაქტის შესახებ ახალ მასალას გვაწვდიან, ან აზუსტებენ ცნობებს ამა თუ იმ პირის შესახებ. ქრონიკებში ვხვდებით, აგრეთვე, ახალ ცნობებს გაბაშვილთა ოჯახის იმ წარმომადგენელთა შესახებ, რომლებიც დღემდე უცნობი იყვნენ. იგულისხმება ზაქარიას შვილიშვილები და ძმისშვილთა შვილები, რომელთა შესახებ სამეცნიერო ლიტერატურაში შემდეგია აღნიშნული: „ზაქარიას ძმებსა და შვილებს ბავშვები ჰყოლიათ, მაგრამ, როგორც ჩანს, ზაქარიას შთამომავლობა უმემკვიდროდ გადასულა. ყოველ შემთხვევაში დღემდე ცნობილ არც ერთ საბუთში არ გვხვდება ცნობა ზაქარიას შვილიშვილების შესახებ“⁸. ამიტომ ამ ხელნაწერთა მინაწერებს ერთად მოვუყარეთ თავი და მოგვაქვს აქვე⁹.

Q — 225

3r: ქ^კს უნა (451) ხ^ხ ქ^ქესითსა ჩღაგ (1763) და თთვესა ივლისსა ე (5)-სა ზაქარია მოძღვარი გაბაშვილი ქისიყს გაისტუმრეს საპატიმროდ და ფებერვალსა ივ მოიყვანეს და შვირიიგეს.

ქ^კს უნბ (452) თთვესა აგვისტოსა პ^ლსა კიდევ დაიჭირეს მოძღვარი ქრცხინვალს და ჩამოიყვანეს ქალაქს და ოკდობერს იმ (18) გაკრიჭეს და შეაყენეს საპყრობილედ შვილითურთ.

3v: ქ^კს უნგ (453) თვესა ნოემბერსა ლ (30) და დღესა სამშაბათსა იოსებ გამოიყვანეს საპყრობილით.

4r: ქ^კს უნბ (452) ხ^ხ თთვესა ოკდობერსა იბ (12) პატარა ნინო იშვა, რომელსა ზედწოდებით მთიებად სახელ სდებდენ, და დღე იყო სამშაბათი.

4v: ნინოს შემდგომი ევრაქსია იშვა თვესა ნოემბერსა კე (25), ხ^ხ ქ^ქს უნდ (454) და ღამესა, რომელი განთენდებოდა კვირიაკედ აღბრწყინვებასა მზისასა მშვილდოსნისა მ^რთ.

87r: ქ^კს უმმ (448) ხ^ხ თვესა ოკდობერსა ივ (16) პატარა მინა იშვა ღამესა ორშაბათისასა, რ^ი განთენდებოდა სამშაბათად. ქ^კს უმთ (449) და თვესა მარტსა ით (19) ოსე იშვა მინას შემდგომი.

⁸ ნ. მ. ი. ს. უ. რ. ა. ძ. ვ. მჭიგნობარ გაბაშვილთა ოჯახი, აღ. წულუკიძის სახ. ქუთაისის სახელმწიფო პედ. ინსტიტუტის შრომები, XIV, 1955, გვ. 95.

⁹ მინაწერები გამოქვეყნებულია ხელნაწერთა შემდეგ აღწერილობებში:

ა. Q—225—ქართულ ხელნაწერთა აღწერილობა, Q კოლექცია, I, 1957, გვ. 237. რამდენიმე მინაწერი ამ ხელნაწერიდან გამოაქვეყნა აკად. აღ. ბარამიძემ: ბესარიონ გაბაშვილი, თხზულებათა სრული კრებული, აღ. ბ. ა. მ. ი. ს. ა. და ვ. თ. ო. ფ. უ. რ. ი. ა. ს. რედაქციით, 1932, გვ. 041, შნწ. იქვე, აკად. აღ. ბარამიძემ ამ მინაწერების შესახებ აღნიშნავს: „შესაძლებელია, ეს შთანაწერები თვით ზაქარიას (იგულისხმება ზაქარია გაბაშვილი, ლ. ა.) ეკუთვნოდეს. თითონ ხელნაწერი XVIII ს. პირველ ნახევარშია შესრულებული ვახტანგ ორბელიანის ხელით“.

ეს მინაწერები, როგორც ვაირკვა, ზაქარიას არ ეკუთვნის. ისინი იოსების დაწერილია, იმ იოსებისა, რომელმაც H—2077 ნუსხაში ჩაწერა კრიპტოგრაფია.

ბ. H—2955 — ქართულ ხელნაწერთა აღწერილობა, H კოლექცია, VI, 1953, გვ. 298—299.

გ. S—2562, S კოლექცია, IV, 1965, გვ. 48—49.

დ. S—2563, იქვე, გვ. 49.

ე. S—2574, იქვე, გვ. 97—98.

ქ. ქკს უმზ (447) და თვესა ფებერვალსა იე (15) სუფრაჯის კიკლა იშვა.

ქ. ქკს უნზ (452) ხ¹თვესა მაისსა იგ (13) ყრმა სვიმონ სუფრაჯისა დაი-
ბადა.

H—2955

1v: დასრულდა სიხარული ჩემი და დაშრტა ნათელი თვალთა ჩემთა და მიმელო და მიიცვალა ჩემი საყვარელი პელაგია, ვაიმე. აპრილის დ (4) ქე¹ს აქათ ჩყზ (1807).

ქ. ანა იშუა მაისში ქ¹ეს აქათ ჩყვ (1806).

მინა იშუა ძე ნიკოლაოსისა დეკენბერს ი (10) ქ¹ეს აქათ ჩყვ (1806).

მე, ნიკოლაოს გაბაონელ-იოზიანმა ქორწილი ვქმენ ფებერვალს ექვს დღე-სა ხუთშაბათსა. ქ¹ეს აქათ ჩღპე (1785) და მთავარდიაკონად ვეკუთრთხე აპრილს ათორმეტს დღესა შაბათსა ლაზარობისასა ქ¹ეს აქათ ჩღპე (1785) და [მ] ლუდლად კელდასხმულ ვიქმენ ქუთათისს თვესა აპრილსა სამსა: ქ¹ეს აქათ ჩღპზ (1787) დღესა შაბათსა ბრწყინვალისა კვირიაციისა.

2r: იოსებ იშუა ძე ნიკოლაოსისა ფებერვალსა მეორესა, რომელი განთენდებოდა შაბათად ქ¹ეს აქათ ჩღყ (1790).

ყრმა დავით იშვა ნიკოლასი ფებერვალს ი, დღესა სამშაბათსა ქ¹ეს აქათ ჩღყბ (1792).

ქ. ანასტასია იშვა ფებერვალს კდ (24) ჩღყბ (1792).

დიაკონად კელდასხმულ ვიქმენ მე ოსე გაბაონელის ზაქარიას ძე მარტს იგ (13). დღესა კვირიაცესა პ¹ლსა მარხუათასა. ქ¹ეს აქათ ჩღყგ (1793).

ქ. აპრილს კვ (26) პატარა დათიკა იშუა ქ¹ეს აქათ ჩღპიდ (1794).

იტიტო იშუა მაისს კშ (28) ქ¹ეს აქათ ჩღყზ (1797). შაბათს მიმწუხრი.

ქ. შემდგომი იტიტოსი კონსტანტინე იშუა დეკენბრის ლ (30) დღესა ოთხშაბათსა ქ¹ეს აქათ ჩღყშ (1798).

ელისაბედ იშუა მაისის ათხუთმეტს დღესა კვირიაცესა მიმწუხრი, ქ¹ეს აქათ ჩყ (1800).

ქ. იოანე არხიერი გაბაონი მიიცვალა გელათს ნოენბრის ათჩვიმეტს დღესა ოთხშაბათსა ქ¹ეს აქათ ჩღყშ (1798) და დაემარხეთ წ¹ის გ¹ის ეკლესიის გარე საკურთხეველის წინა.

იოსებ იშუა ნიკოლასი ნოენბრის კბ (22) ღამესა შაბათისასა მეექვსესა უამსა, რომელი გან(თე)ნდებოდა კვირიაკე ჩყზ (1802) უფლ...

2v. ქ¹ეს აქათ ჩღდგ (1763) ქ¹ესა უნა (451) მოძღვარი ზაქარია განაპატიმრეს ქისიყსა სოფელსა შ¹ა ვაქირისად წოდებულსა: რვა თთვე და მასვე წელსა მოიყვანეს ტფილისს ფებერვალს ივ. (16).

ქ¹ესა უნზ (452) მეორედ შეიპყრეს ზაქარია მოძღვარი სოფელსა ქრცხილენს და პატიმარ ყვეს ციხესა ბელოთს. და მერმე ქალაქს ჩამოიყვანეს და ოკდომბერს იშ (18) გაკრიჭეს ძითურთ და შეაყენეს საპყრობილესა ძით¹რთ: და ქ¹ეს უნგ (453) ნ¹ნბერსა ლ(30) იოსებ გამოიყვანეს საპყრობილით:

ქ¹ეს აქათ ჩღნზ (1757) ქ¹ეს უმე (445).

ქ¹ეს უნდ (454) ნ¹ნბერსა კე (25) ევპრაქსია იშვა ასული იოსებისი, ღამესა რ¹ი განთენდებოდა კ¹კედ.



ქკსა უმმ (448) ოკლომბერსა ივ (16) ყრმა მინა იშვა ლამესა ზ შაბათსა¹⁰
 სა, რი განთენდებოდა სამშაბათად.

ქკსა უმთ (449) მარტს ით (19) ყრმა ოსე იშვა, ესე იგი ოსე შემდგომი
 მინასი. ქკეს აქათ ჩღმ (1740) იმ (18).

ქკსა უმზ (447) ფებერვალსა იე (15) დათას ნიკოლა იშვა.

ქკსა უნა (451) მაისს იგი (13) ყრმა სიმონ სურაჯის ძე იშვა.

იოსებ გაბაშვილი მიცვლა ფებერვალს ოცსა ქკესითგან ჩღმ (1778);
 პლი მარხვის მეორე დღესა გ შაბათსა¹⁰.

ქ. უოე (1787) ქკეს აქეთ ჩღპზ (1787) სეკდენბერს ექვს იშუა ასული ნი-
 კოლასი ანა ზ შაბათს.

ქკეს აქათი რომ არის ჩყით (1819) ქართული ქორთნიკონი არის ფვ (506).

38r¹¹: სანატრელი მამა დეკანოზი ნიკოლოზ წლისა სამეოცდაათერთმე-
 ტისა მექონი გარდაიცვალა ჩყკზ-სა (1827) წელსა იანვრის კვ (23)-ს დღესა
 კვირიაკესა და ჟამსა მესამესა დღისასა დაშრტა ნათელი თვალისა ჩემისა. და-
 ვით.

ჩყლთ-ს (1839) წელსა დეკემბრის ე (5)-სა ოთხშაბათსა დღესა გარდაი-
 ცვალა ანანურის სობოროს დეკანოზი დავით გაბაევი მუნვე ანანურსა შა
 წლისა ორმოცდაექუსისა. დასრულდა სიხარული ჩემი და დაშტა ნათელი თუა-
 ლთა ჩემთა და მიმეღო საყვარელი მეუღლე ჩემი დეკანოზი დავით. ვაიმე,
 დავიჩი უწყალოთ ასული იესელიანისა ანასტასია ვაგება განმრავლებული და
 სიციოხლისა ჩემისა მარად მგლოვარე.

104v: ნუსხური: გაბაონი კოსტანტინე. იმავე მეღნით: იესო, ტბილო,
 შენ შეიწყალე ამა წერილის პირველად გამომქმევი ღირსი ზახარია და
 შად გარდმომწერილი ამისა დეკანოზი ნიკოლოზ და მისი უღირსი შვილი გა-
 ბაშვილი კოსტანტინე.

107v: გაბაონი იოსებ ვიმრთელებ.

S — 2562

Ir: კათილორია ესე ზახარია მოძღურისა. ზახარია დიაკონი (თხზული ასო-
 გებით).

1v: ნიკოლოზს დაბავე მოყევი კითხვად ჩყკ (1820) წელსა.

2r: ღმერთო, შეიწყალე ცოდვილი ნიკოლოზ ძმისძე ზახარია ყოვლად
 ღირსისა მოძღურისა გაბაონელ-იობიანისა მშვიდობით უფლისა მიმართ.

3r: ქ. მე, ზახარია გაბაონი¹² მოვეყევი კითხვად ივლის კ (20) ქკს
 უპა (481).

ქ. მე, ზახარიას გაბაონის ძის ძემ ზაქარიამ მოვეყევი კითხვად ივლის კ (20),
 ქკს უპა (481).

ქ. მე, ნიკოლოზის ძემ მოვეყევი მინამ კითხვად მარტის ზ (2) ჩყკზ (1822)
 წელსა, ჰე ძალითა ღვთისათა.

¹⁰ ოსე გაბაშვილის ხელით.

¹¹ ამ ხელნაწერში მინაწერები 1 v, 2rv, 104 v, 107v-ზე გაბაშვილთა ოჯახის სხვადასხვა პირის
 მიერაა დაწერილი, 38 r-ზე კი მინაწერები არა გაბაშვილთა ხელითაა შესრულებული.

¹² იგივე ზაქარია გაბაონის ძის ძე. ორივე მინაწერის ხელი მსგავსია.

ქ. მე, ნიკოლაოსის ძემ მოგყევი იოსებმან კითხვად ივლისის კდ (24) 1816 წელთა. ჰე, ძალითა ლ^ა-თისათა.

6R: დაბავეი ოსე, ზახარიას ძე.
კნიაჴი დაბავეი მინა ნიკოლოსის ძე.

S—2563

116v: მადლითა ყოვლად უსაზღროსა ლ^ა-თისათა ვისწავე წერა და ბლარჯვა ამისთანა, ივნისის 20, წელთა 1816. იობიანთ ნათესავი, ზე დეკანოლისა ოსებ გაბავეი.

118v: ეს დიალოკტიკა მამაჩემა მომბარა მე, იოსებს.

S—2574

გვ. 1: (...) ემბერსა ათრვამეტსა პყრობილ პატიმარ ვიქმენ გაბაონელიძე ზახარიამ /კე/ლისა შინა იწრო, არფართოსა, რომელი ახს ხატსა ანჩისასა და მაშინ ვიკითხვიდი ამა მანსურის წიგნსა, აღმავზებულსა ჩემსა.

გაბაშვილი ზახარიასია.

ნოემბერსა პატიმარ ვიქმენ¹³.

ისაკმან ჭირსა შინა დამიტევა¹⁴.

ისაკ, ვინძლი ამისთანა გელი აღსწეროო, არღა ვეჴვ¹⁵.

ზახარიას ძმისწულის... ორი წიგნი... სამეცნიერო...

კლემაქსი დიონიოსი და ლოცვანი და სხვა... კიკოხი არ ვიცი, რაერთი წაი/ლო/. აქ დარჩა წიგნები თექვსმეტი.

XVIII ს. ნუსხურით: შემოწყალე, ტკბილო იესუ, ცოდვილი იოსებ.

გვ. 8: თთვესა ივნისსა ათხუთსა, ქრისტეს აქეთ ჩლოთ (1779) შეწევნითა ღვთისათა ვიწყე მე, ყოვლად უღირსმან ნიკოლაოს სქესით ვიდრემე გაბაონის-ძემან კითხვად ამისა, და იქმნა ფრიად განმაცისკრებელ განკედარებულისა გონებისა ჩემისა და ღმერთმან მომცეს გონება და ენა შეთხზვად და სინტაქსებად ლექსთა ამათ სიბრძნეშემოსილთა კაცთა მიერ წარმონათქუთა.

გვ. 71: იოსებ, შენ თუ თავი გელი კაი წარსწერო¹⁶. ზაქარია.

გვ. 71; 301: ზახარიას ძმისწულის ძე კოტია.

გვ. 140: კოტია

გვ. 300: ფებერვალსა ა, შეწევნითა ლ^ა-თისათა ვიწყე მე, ყოვლად უღირს-მან დიკონ გაბაონ იოსებმან, წელსა ჩყია (1811) და იყოს შემწე უფალი.

გვ. 302: ყოვლად უღირსი ზახარიამ ტფილისს პატიმარ ვიქმენ ოკლომ-ბერსა იმ (18).

ჩვენ მიზნად არ დავგისახავს გაბაშვილთა კალიგრაფიული სკოლის წარ-მომადგენელთა ცხოვრებისა და მოღვაწეობის შესწავლა, ამდენად არც ვცნობთ საჭიროდ აქ მოხსენიებული ყველა პირის შესახებ კომენტარების მო-წოდებას. როგორც აღვნიშნეთ, ჩვენ გვინტერესებს გაბაშვილთა მხოლოდ ერ-თი წარმომადგენლის — იოსების ვინაობის დადგენა, რომელიც ზემოხსე-ნებული კრიბტოგრაფის ავტორია. რაც შეეხება ქრონიკებში მოხსენიებულ და-

^{13, 14, 15, 16} ზაქარია გაბაშვილის ხელით.

ნარჩენ გაბაშვილებს, შევადგინეთ პირთა საძიებელი, რომელსაც ვურთავთ ნაშრომს.

ქრონიკებში გვხვდება რამდენიმე იოსები: იოსებ ზაქარიას ძე (Q—225, 3r; H—2955, 2v), იოსებ ნიკოლაოსის ძე (H—2955, 2r S—2562, 3r; S—2563; 116v და S—2574, გვ. 300). იოსებ ნიკოლასი (H—2955, 2r), იოსებ (S—2563, 118v; S—2574, გვ. 1 და 71), იოსებ გაბაონი (H—2955, 107v).

აქ მოხსენიებული ყველა იოსები გაბაშვილია. ხომ არ არის რომელიმე ამთავანი ჩვენი კრიპტოგრაფის ავტორი? განვიხილოთ თითოეული ცალ-ცალკე. იოსებ ზაქარიას ძე არის თეიმურაზ I-ის კარის მოძღვრის, თავისი დროისათვის დიდად განათლებულისა და მწიგნობრის ზაქარია გაბაშვილის შვილი. დადგენილია, რომ იოსები ზაქარიას უფროსი შვილია და რომ იოსები და ოსე ერთი და იგივე პირი არ არის¹⁷. იოსების დაბადების თარიღი არ არის ცნობილი. გარდაცვლილა იგი მამაზე, ზაქარია გაბაშვილზე, უფრო ადრე (ზაქარია გარდაიცვალა 1783 წელს¹⁸).

აღსანიშნავია, რომ გაბაშვილთა ერთ-ერთ საოჯახო ხელნაწერში (H—2955, 2v), რომელიც ჰარბად შეიცავს ცნობებს ზაქარიასა და მის შთამომავალთა შესახებ, იოსების ძმას ოსეს ჩაუწერია: „იოსებ გაბაშვილი მი(ი)ცვალა ფებერვალს ოცსა ქვისითგან ჩლომ (1778 წ.) პირველი მარხვის მეორე დღესა გ შაბათსა“¹⁹. რა თქმა უნდა, სარწმუნო უნდა იყოს ოსე გაბაშვილის ცნობა, რომლის მიხედვითაც მისი უფროსი ძმა იოსები გარდაცვლილა 1778 წ. 20 თებერვალს.

იოსებ ნიკოლაოსის ძე გაბაშვილი არის ზაქარია გაბაშვილის შვილის შვილი, ნიკოლოზის²⁰ შვილი. გაბაშვილთა იმავე საოჯახო ხელნაწერის მიხედვით (H—2955, 2r), იგი დაბადებულია 1790 წ. 2 თებერვალს. S—2562, S—2563 და S—2574 ხელნაწერებს შემოუნახავთ მისი მინაწერები, რომლებიც გვაუწყებენ, რომ იოსებ ნიკოლაოსის ძეს ეს წიგნები წაუკითხავს 1811-სა და 1816 წლებში.

იოსებ ნიკოლას ძე იმავე საოჯახო ხელნაწერის (H—2955, 2r) ცნობით დაბადებულია 1802 წ. 22 ნოემბერს. იოსებ ნიკოლაოსის ძე და იოსებ ნიკოლას ძე სხვადასხვა პირია. როგორც აღვნიშნეთ, იოსებ ნიკოლაოსის ძე არის ზაქარია გაბაშვილის შვილის შვილი, დაბადებული 1790 წელს. ვინ არის ნიკოლა, იოსების მამა?

H—2955 ხელნაწერში ვკითხულობთ: „ნიკოლა დათასი იშვა 1759 წ. 15 თებერვალს“ (2v). სამეცნიერო ლიტერატურაში ცნობილია, რომ ზაქარია გაბაშვილს ჰყავდა ძმა დავითი, რომელსაც ჰყოლია ვაჟი ნიკოლოზ²¹. აი, ეს

¹⁷ ნ. მ. ა. ი. უ. რ. ა. ძე, ზაქარია გაბაშვილი, მონოგრაფია (მანქანაზე გადაბეჭდილი), 1948, გვ. 93. მ. ს. ი. ი., მწიგნობარ გაბაშვილთა ოჯახი..., გვ. 90.

¹⁸ ნ. მ. ა. ი. უ. რ. ა. ძე, ზაქარია გაბაშვილი..., გვ. 93—94; მისივე, მწიგნობარ გაბაშვილთა ოჯახი..., გვ. 91.

¹⁹ H—2955 ხელნაწერის ეს ცნობა ამოუყენებია ლ. მერაბიძეს: ძველი ქართული მწერლობის ძეგლები, I, ნაკვ. 2, 1962, გვ. 544, შუშ. 4.

²⁰ ნიკოლოზი H—2955 ხელნაწერის ცნობით 1785 წლის 6 თებერვალს დაქორწინებულია, ამავე წელს უკორთხებით მთავარდიაოქონად, ხოლო 1787 წ. 3 აპრილს მღვდლად „ქელდასხმულ იქნა“. იგი ცოცხალია 1820 წელსაც (S—2562, I v).

²¹ ნ. მ. ა. ი. უ. რ. ა. ძე, ზაქარია გაბაშვილი, 1948, გვ. 91, სტემა № 2. მისივე, მწიგნობარ გაბაშვილთა ოჯახი..., გვ. 100.



დავითი უნდა იყოს დათა, ხოლო მისი შვილი ნიკოლოზი—ნიკოლა დაბადებულია 1759 წ. ჩვენთვის საინტერესო იოსებ ნიკოლას ძე კი ამ ნიკოლას შვილია.

რაც შეეხება ქრონიკებში მოხსენებულ იოსებსა (S—2563, 118v; S — 2574, გვ. 1, 71) და იოსებ გაბაონს (H—2955, 107v), ამ ხელნაწერთა მინაწერებიდან მათი წარმომავლობის დაზუსტება ვერ მოხერხდა.

ამრიგად, ქრონიკებში შეგვხვდა რამდენიმე იოსებ გაბაშვილი. შესაძლებელია თუ არა შემოჩამოთვლილი რომელიმე იოსების მიჩნევა ჩვენი კრიპტოგრაფის ავტორად? რა თქმა უნდა, არა.

ჩვენი კრიპტოგრაფა ჩაწერილია 1736 წელს გადაწერილ ხელნაწერში და, როგორც გაირკვა, კრიპტოგრაფაც თანადროულია ხელნაწერისა, ე. ი. თარიღდება 1736 წლით.

შემოთ მითითებულ პირთაგან იოსებ ნიკოლაოსის ძე დაბადებულია 1790 წელს, ხოლო იოსებ ნიკოლას ძე — 1802 წელს. ცხადია, გამოირიცხულია ჩვენი კრიპტოგრაფისთვის ამ პირთა ავტორად დაშვება. რაც შეეხება ზაქარია გაბაშვილის უფროს შვილს — იოსებს, იბადება კითხვა: ხომ არ არის ეს იოსები დასახელებული კრიპტოგრაფის ავტორი? იოსების დაბადების თარიღი უცნობია. სამაგიეროდ ცნობილია იოსების მამის, ზაქარიას დაბადების წელი — 1707 წ.²² 1736 წელს 29 წლის ზაქარიას, რა თქმა უნდა, უფროსი შვილი იოსები არ ეყოლებოდა იმ ასაკისა, რომ მას შესძლებოდა შეეთხზა იამბიკო და მიეძღვნა იგი ალექსი მესხიშვილისადმი და, რაც მთავარია, მას, ასე მცირეწლოვანს, საეჭვოა, რომ სცოდნოდა ქართული კრიპტოგრაფიული დამწერლობა.

მაშასადამე, იოსებ ზაქარიას ძესაც ვერ მივიჩნევთ ჩვენი კრიპტოგრაფის ავტორად.

ამრიგად, ჩვენს ქრონიკებში მოხსენიებულია რამდენიმე იოსები, მაგრამ 1736 წელს, როდესაც ჩვენი კრიპტოგრაფა დაიწერა, მათი ავტორობა მოსალოდნელი არ არის.

მაშასადამე, არსებობდა კიდევ სხვა იოსები, რომელიც ახლო ნათესაურ კავშირში უნდა ყოფილიყო ზაქარია გაბაშვილთან. იოსები რომ ახლობელია ზაქარიას ოჯახისა, ამას ადასტურებს Q—225 ხელნაწერის მინაწერები. ეს ხელნაწერი იოსების საკუთრება ყოფილა, რომელშიც მას თავისი გამოთქმული იამბიკო, მიძღვნილი ალექსი მესხიშვილისადმი, ამჯერად არაკრიპტოგრაფულად, მხედრულით ჩაუწერია. ამავე ხელნაწერშია ჩაწერილი რამდენიმე მეტად მნიშვნელოვანი ფაქტი ზაქარიას ცხოვრებიდან და ქრონიკალური ცნობები გაბაშვილთა ოჯახის წევრებზე.

საგულისხმოა ის გარემოებაც, რომ იოსები საიდუმლოდ, მიფარვით, კრიპტოგრაფიით ვაღმოგვეცემს თავის სიმბატიებს ზაქარია გაბაშვილისადმი. იგულისხმება კრიპტოგრაფა (4r): „უწყალოებასა მათსა, რამეთუ უმსჯავროდ და-

²² კ. კ. ე. ლ. ი. ძე, ქართული ლიტერატურის ისტორია, II, 1958, გვ. 661; ნ. მ. ა. ის. უ. რ. ა. ძე, ზაქარია გაბაშვილი..., 1948, გვ. 8; მისივე, მწიგნობარ გაბაშვილთა ოჯახი..., გვ. 91.

საჯეს კეთილი კაცი“. როგორც ჩანს, მისთვის ზაქარიას გაძევება საკმაოდ მტკიანელობითი ყოფილა.

საფიქრებელია, რომ ჩვენი იამბიკოს ავტორი იოსები გაბაშვილია და იგი ზაქარიას ერთ-ერთი ძმაც არის. მით უმეტეს, რომ სამეცნიერო ლიტერატურაში მითითებულია: „ზაქარიას რომ რამდენიმე ძმა ჰყოლია, ამას თვითვე აღასტურებს იგი ასტრახანის ეპისკოპოსისადმი გაგზავნილ მოხსენებაში: „მევედი ჯალაბთან. რომელიც ოცი სულისგან შესდგებოდა, მათ შორის ჩემი შვილების და ძმების (ხაზი ჩვენია, ლ. ა.) ცხრა ბავშვი იყო“²³.

არსებობდა თუ არა მართლაც XVIII ს-ის I ნახევარში რეალურად ვინმე იოსები, რომელიც გვარად გაბაშვილი იყო და რამდენად შეიძლება მისი მიჩნევა ჩვენი იამბიკოს ავტორად? გვაქვს თუ არა ამის შესახებ რაიმე ცნობა?

ხელნაწერთა ინტიტუტის S კოლექციაში ინახება XVIII ს-ის ერთი ხელნაწერი (S—1377, ხრონოლოგია), რომელიც გადაწერილი იოსებ წინამძღვარს გადაუწესხავს (155v). ამავე იოსებ წინამძღვარს მოიხსენიებს მისი ძმისწული გლახა მრწემი ერთ ანდერძში: „აღიწერა შემოკლებული დრამატია ესე... კელითა გლახა მრწემისა, წინამძღვრის იოსების ძმისწულისათა. მხილველნო, შენდობას გემოქენები ყოველთა ჩემთვის და ბიძისა ჩემისათვის, რათა თქვენცა განიხსნეთ ყოველთა ბრალთა კრულებსაგან მადლითა ყრმაებულისა ძისა ლთისათა და მეოხებითა დედისა მისისა...“ (Q—367,24v. ანტონ I, გრამატიკა — სიმეტნე. XVIII ს.).

საინტერესოა ერთი დოკუმენტი: 1748 წლის საეკლესიო კრების დადგენილება (ხელნაწერთა ინტიტუტის ნუსხა Q—412)²⁴. ამ დადგენილებას ხელს აწერენ: ერეკლე II, ანტონ I, ნიკოლოზ ამბა ალავერდელი, არსენ სამთავროსა და გორის მთავარეპისკოპოსი, ათანასი ტფილელი... იოსებ წინამძღვარი ქართველთა მეფისა, ზაქარია ხუცესი, მეფეთა და პატრიარქის მოძღვარი, გაბრიელ დეკანოზი და სხვ.

აქ, გარდა იმისა, რომ იოსებ წინამძღვარია დასახელებული, ჩვენ საინტერესოდ გვეჩვენება მისი ზაქარია ხუცესთან, ე. ი. ზაქარია გაბაშვილთან ერთად მოხსენიება.

ეგვევ იოსებ წინამძღვარი უნდა იყოს დასახელებული ერთ ისტორიულ დოკუმენტში, ოღონდ აქ იოსები მოიხსენიება როგორც მოძღვარი. მობარების წიგნი: „1737 წ. აპრილის 13. ქ. მამებარა მე, სარიდანს ყაფლანოშვილი ბატონის ვახტანგისაგან, მოსკოვიდამ რომ ამანათი გამოგზავნა ხაზოასა, ერთი შალი თუთხმეტი ადლი, ქათანი ერთი, ტანი ჩითი. ეს მამებარა მოძღვარი იოსების მოწმობითა“...²⁵

როგორც გაირკვა, ეს იოსებ წინამძღვარი გვარად გაბაშვილი ყოფილა, რასაც XVIII საუკუნის შემდეგი ისტორიული დოკუმენტები მოწმობენ:

- 1) 1712 წ. საკომლოს სითარხნის წიგნი, მიცემული ვახტანგ VI-ის მიერ

²³ ნ. მაისურაძე, მწიგნობარ გაბაშვილთა ოჯახი..., გვ. 95. ციტატი ზაქარიას მოხსენებლან ი. ი. ს. ლორთქიფანიძე, მასალები საქართველოს ისტორიისათვის (მე-18 საუკ.), მასალები საქართველოსა და კავკასიის ისტორიისათვის, 1940, ნაკვ. II, გვ. 23.

²⁴ ქართულ ხელნაწერთა აღწერილობა, Q კოლექცია, I, 1957, გვ. 416.

²⁵ საქართველოს სიძველენი, ე. თაყაიშვილის რედაქციით, II, 1909, გვ. 390.

წინამძღვარ იოსებ გაბაშვილისადმი: „ნებითა და შეწევნითა მღ/უ/თისაჲთაჲნი“²⁶
ჩვენ, საქართველოს მქონებელმან იესიან-დავითიან-სოლომონიანმან (ბატონ-
ტიონმა) ბატონიშვილმან პატრონმან ვახტანგ, თანამეცხედრემან ჩვენმან ჩერ-
ქეზის ბატონის ასულმან დედოფალთ—დედოფალმა პატრონმან რუსულდან,
პირშომომან და სასურველმან ძემან ჩვენმან ბატონიშვილმან. ბატონმან ბაქარ შე-
გიწყალეთ და გიბოძეთ შენ გაბაშვილს წინამძღვარს იოსებს.
მაჟამისა ოდეს ენაგეთს აბულაშვილის საკომლოს სითარხნეს დაგვეჯავნეთ,
ჩვენცა ვისმინეთ აჯა და მოკსენება თქვენი და ასე გავითარხნეთ, რომე არა-
ფერი საჩვენო სათხოვარი და გამოსაღები არა ვეთხოვებოდეს რა... დაიწერა
ბრძანება და ნიშანი ქორონიკონს ქართულსა ე, ქრისტეს აქეთ ჩლიბ, ჳელითა
თუმანიშვილის დავითისითა“²⁶.

2) ვენახის შეწირულების წიგნი მიცემული დავით აბაშიშვილის მიერ
მაცხოვრის ხატისადმი: 1705 წ. „ნებითა და შეწევნითა მღვთისათა, მეოხები-
თა ყოვლად წმინდისა ღმთისმშობელისათა და მარადის ქალწულის მარიამისათა.
შემოგწირეთ ჩვენ აბაშიშვილმა სუფრაჯმა დავით და ძმამან ჩვენმა სუფრაჯმა
აბაშ... თქვენ ყოვლად ბატონასან ხატსა მაცხოვრისასა ქვემო ვარსიმაშვილის
ვენაჯი, ესიტავილს რომ უჭირავს, იმას გარდა ნონიაშვილების ვენაჯი სა-
კულუხით... არის ამისი მოწამე სვეტიცხოველის წინამძღვარი
გაბაშვილი ბატონი იოსებ; ჩვენი აზნაურშვილი ბლორძელი, სალთ-
ხუცესი ზურაბი... მე, მცხეთის კანდელაკიშვილს ათანასეს დამიწერია და მო-
წამეცა ვარ ამისი ქკსა ტუგ“²⁷.

ამრიგად, მოტიანილი მასალიდან გამოჩნდა, რომ წინამძღვარი იოსებ გა-
ბაშვილი ერთხანს სვეტიცხოვლის წინამძღვარია. 1705 წ. დოკუმენტის მიხედ-
ვით, მას თვით ვახტანგ VI აძლევს საკომლოს სითარხნის წიგნს, იგი მონაწი-
ლეობს 1748 წლის საეკლესიო კრებაში და მის დადგენილებასაც აწერს ხელს.
ამავე დროს წინამძღვარი იოსებ გაბაშვილი მწიგნობარიცაა. როგორც ვნახეთ,
ნუსხურად გადაწერილი მისი ერთი ხელნაწერი დაცულია ხელნაწერთა ინ-
სტიტუტის S კოლექციაში (S—1377). ამ ხელნაწერში არსად არ არის მხედ-
რული მინაწერი ტექსტის ხელით. იმის გამო, რომ ეს ხელნაწერი ნუსხურია,
ხოლო ჩვენი იამბიკო Q—225-ში მხედრულითაა ნაწერი, მათი შედარება უშე-
დეგოა. ჩვეულებრივ, ერთი და იმავე კალიგრაფის ნაწერი მხედრული და ნუს-
ხური საკმაოდ განსხვავდება ერთმანეთისაგან (შდრ. ნ. ჩაჩიკაშვილის მხედ-
რული და ნუსხური ხელი), თუმცაღა Q—225 ხელნაწერის იამბიკოს ხუთივე
სტრიქონის საზედაო ასოების შედარებამ ამ ხელნაწერის ხელთან, დაგვანახვა,
რომ წერის მანერა ერთნაირია: ასოები წყვეტილად არის ნაწერი; ასოს ბუნს
წყვეტილად უერთდება მისი შემადგენელი ელემენტები.

ამრიგად, H—2077 ხელნაწერის კრიპტოგრაფული იამბიკოს ავტორი ჩანს
იოსებ გაბაშვილი. ჩვენი ვარაუდით, იგი ზაქარია გაბაშვილის ძმა უნდა იყოს.

²⁶ ხელნაწერთა ინსტიტუტის დოკუმენტი Hd—2000. დაბეჭდილია: დოკუმენტები საქართვე-
ლოს სოციალური ისტორიიდან, I, ნ. ბერძენიშვილის რედაქციით, 1940, გვ. 153. სა-
ქართველოს სიძველენი, I, 1920, ე. თაყაიშვილის რედაქციით, გვ. 128.

²⁷ ხელნაწერთა ინსტიტუტის დოკუმენტი Hd—2506. დაბეჭდილია: საქართველოს სიძველე-
ნი, I, 1920, ე. თაყაიშვილის რედაქციით, გვ. 126. დოკუმენტები საქართველოს სო-
ციალური ისტორიიდან, I, ნ. ბერძენიშვილის რედაქციით, 1940, გვ. 379.

იოსებ გაბაშვილი მწიგნობარ გაბაშვილთა ოჯახის ერთ-ერთი აღრინდელი წარმომადგენელია. იგი ალექსი მესხიშვილის თანამედროვე და მასთან დაახლოებული პირი ჩანს. იოსებ გაბაშვილის, როგორც კალიგრაფის, მემკვიდრეობა ძალიან მცირეა შემორჩენილი, ერთი კი ცხადია: იგი ავტორია აღნიშნული იამბიკოსი, აქვს ლამაზი, კალიგრაფიული ხელი, დაუფლებულია ძველ ქართულ საიდუმლო დამწერლობას.

როგორც გამოირკვა, ჩვენი კრიბტოგრამა ჩაწერილია ალექსი მესხიშვილისეულ ხელნაწერში და წარმოადგენს მიძღვნას, რაც, უდავოდ მიანიშნებს კალიგრაფ მესხიშვილთა და გაბაშვილთა ურთიერთობაზე.

საინტერესოა შემდეგი ფაქტი: თვით ალექსი მესხიშვილისეული ხელნაწერი H—2077, რომელშიც აღნიშნული კრიბტოგრამაა მოთავსებული, შემდეგში ზაქარია გაბაშვილის საკუთრება გამხდარა, რასაც მოწმობს გვ. 1-ზე თხზული ასოებით შესრულებული მონოგრამა: „ზახარიასია“, რაც შესრულების მანერით ზაქარია გაბაშვილის ხელწერას წარმოადგენს (მღრ. ზაქარიას მიერ S—2574 (გვ. 71) ხელნაწერში ჩაწერილი მონოგრამა თხზული ასოებით, სადაც ზ ასოში ადამიანის სახის გამოსახულება). იქვე, თხზული ასოების ქვეშ, გაბაშვილთა ხელით მინაწერი: „ქკს უნგ (1765 წ.) თა სეკდენბერსა კდ დღესა შაბათსა სარტყელი ძაძისა მოენიჭა მას“. არ ჩანს, თუ ვის ეხება ეს მინაწერი. როგორც ჩვენი ქრონიკებიდან ვიცით, 1765 წ. 30 ნოემბერს გათავისუფლეს იოსებ, რომელიც 1764 წ. დააპატიმრეს მამასთან ერთად. საფიქრებელია, რომ აქ ზაქარიას და იოსების მიძვე მდგომარეობა იყოს გადმოცემული.

ხელნაწერი H—2077 შემდეგში ბაგრატ ბატონიშვილის საკუთრებაც გამხდარა („მეფის ძის ბაგრატისა ვარ“ 3r).

როგორც შემდეგი დროის მასალებმა დაგვანახვეს, გაბაშვილთა და მესხიშვილთა ურთიერთობა ტრადიციული ვახდა²⁸. ორივე გვარის მწიგნობრებს ერთმანეთთან საქმიანი ურთიერთობა ჰქონიათ. შემთხვევითი არ უნდა იყოს ეს ფაქტი, რომ იოსებ წინამძღვრის [გაბაშვილის] ვადაწერილი ხელნაწერი (S—1377) მესხიშვილებთან მოხვედრილა, რასაც შემდეგი მინაწერები ადასტურებენ: „ეს წიგნი ეკუთვნის იოელ ალექსიეცს“ (5r), „ქ. ხრონოლოგი ესე დავით რექტორისა არის“ (255v)²⁹. ხოლო გიორგი მესხიშვილს 1764 წ. ვადაწერილი ხელნაწერი (S—2563) გაბაშვილთა ოჯახის საკუთრება გამხდარა: „მადლითა ყოვლად უსაზღრომსა ლთისათა ვისწავე წერა და ბლარჯვა ამისთანა, ივნისის 20, წელთა 1816, იობიანთ ნათესავი, ზე დეკანოლისა იოსებ გაბაევი (116v). „ეს დიალოკტიკა მამაჩემა მომპაბარა მე, იოსებს“ (118v). აქ მოხსენიებული იოსებ გაბაევი (გაბაშვილი) ნიკოლაოსის ძეა, რასაც ადასტურებს ამ მინაწერის ხელის მსგავსება S—2562-ში იოსებ ნიკოლაოსის ძის მინაწერის ხელთან (3r), ე. ი. იგი ზაქარია გაბაშვილის შვილიშვილია.

²⁸ გაბაშვილთა და მესხიშვილთა ურთიერთობის ამსახველია ბესიკისა და დავით მესხიშვილს (რექტორის) მეგობრობა. ისინი სიყრმის მეგობრები ყოფილან (ალ. ბ ა რ ა მ ი ძ ე, ნარკვევები ქართული ლიტერატურის ისტორიიდან, II, 1940, გვ. 377, 383; გ. ლ ე ო ნ ი ძ ე, გამოკვლევები და წერილები, 1958, გვ. 308).

²⁹ ეს მინაწერი თვით დავით რექტორს არ მიუწერია, სხვა ხელია.

მესხიშვილებთან რომ გაბაშვილებს ახლო ურთიერთობა ჰქონიათ, ეს შემდეგ დეკანაძე ჩანს: ხელნაწერი S—1593, სვიმონ ჯულფელის „დიალექტიკა“, გადაწერილია 1778 წელს. გადაწერი უცნობია. გვ. 1-ზე აქვს მინაწერი სვიმონ გაბაშვილისა: „ანჩისხატის დეკანოზმა, რომელიც ამას ქვეით სწერია, ეს წიგნები მომცა:

- ქ. ამონიოს
 - ქ. პერიარმენია
 - ქ. საზღურის წიგნი
 - ქ. ნემესიოს
 - ქ. რიტორება
 - ქ. სიმეტნე
 - ქ. ქმნულების ცნობა
 - ქ. დაწყება დიალიქტიკისა
 - ქ. მკერმეთქვეობა
 - ქ. რუსული და მოლდავანური კითხვა-მიგება.
- გაბაონი სვიმონ“.

ჩამოთვლილ თხზულებებში ჩვენი ყურადღება მიიქცია ორმა მათგანმა: „პერიარმენია“ და „დაწყება დიალიქტიკისა“. ჩვენი ვარაუდით, ეს ანჩისხატის დეკანოზი უნდა იყოს გიორგი ალექსის ძე მესხიშვილი. ამას შემდეგი ადასტურებს: გიორგი მესხიშვილის 1764 წ. გადაწერილი ხელნაწერი (S—2563)—დავით უძლეველის არისტოტელეს „პერიარმენიას“ განმარტება — გაბაშვილთა ოჯახში მოხვედრილია (იხ. იოსებ გაბაშვილის მინაწერები). საფიქრებელია, რომ სვიმონ გაბაშვილის მითითებული ხელნაწერი „პერიარმენია“ სწორედ S—2563 ნუსხა იყოს, რომელიც, მართლაც, ანჩისხატის დეკანოზის გიორგის გადაწერილია. როგორც ჩანს, საკუთარი ნუსხა მას სვიმონისთვის გადაუცია.

სვიმონ გაბაშვილის მიერ დასახელებული მეორე ხელნაწერი „დაწყება დიალიქტიკისა“ უნდა იყოს ხელნაწერი S—1593, რომელსაც აქვს სვიმონის ზემომითითებული მინაწერი ანჩისხატის დეკანოზის შესახებ და რომელიც შეიცავს სვიმონ ჯულფელის „დიალექტიკას“. ტექსტი ასე იწყება: „დაწყებასა შორის დიალექტიკისასა საჯმარ არს...“ ალბათ, ამიტომ უწოდებს სვიმონ გაბაშვილი ასე: „დაწყება დიალიქტიკისა“. ეს ხელნაწერი 1778 წელსაა გადაწერილი. გადაწერს თავისი სახელი ხელნაწერზე არ მიუწერია, თუმცა ხელით ჰგავს გიორგი მესხიშვილის ხელს.

მომსადამე, ჩანს, სვიმონ გაბაშვილისთვის ანჩისხატის დეკანოზს გიორგის მიუცია მის მიერ გადაწერილი ორი ხელნაწერი, რაც მათი ოჯახების ტრადიციული მეგობრობის ერთგვარი გამოძახილი უნდა იყოს.

* * *

სამეცნიერო ლიტერატურაში გარკვეულია, რომ სვიმონ გაბაშვილი, რომელიც ბესიკთან ერთად რუსეთს ყოფილა გაგზავნილი დიპლომატიური მისიით, არის ბესიკის ბიძის, დავითის შვილი³⁰, რომლისთვისაც შემდგომ იმპერა-

³⁰ ალ. ბარამიძე, ნარკვევები, II, 1940, გვ. 425—427; ნ. მაისურაძე, მწიგნობარ გაბაშვილთა ოჯახი..., გვ. 98—101.

ტორ ალექსანდრე პირველს 1803 წ. კოლექციის ასესობობაც უბოძებია³¹ მონ გაბაშვილი, სხვა გაბაშვილთა მსგავსად, მწიგნობრობითაც ყოფილა გატაცებული, რასაც მოწმობს S—1593 ხელნაწერის ზემოთ მითითებული მინაწერი ანჩისხატის დეკანოზის შესახებ, რომელსაც მისთვის რამდენიმე ხელნაწერი გადაუცია. მინაწერი სვიმონ გაბაშვილს დაუწერია. ამ მინაწერს ხელით ემსგავსება ერთი ხელნაწერი კრებული (S—5157). ტექსტი წრებეშია ჩამსული. გარდა „ავგაროზისა“, მასში დაცულია, აგრეთვე, ზაქარია გაბაშვილის „აღწოდება“³². ლ. ქუთათელაძის აზრით, ეს თხზულება „დაწერილი თუ დაწერილი ჩანს ზაქარიას ძმისწულისაგან: „...მე, უღირსსა ძმის ძესა მისსა წარწერილისა წაკითხვას მიბრძანებდაო“ ამბობს იგი, დამსწრე და მხილველი ბიძის მიცვალებისა“³³.

ამ თხზულების ავტორად ზაქარიას ძმისწვილს მიიჩნევს, აგრეთვე, ნ. მაისურაძეც. იგი წერს „ზაქარიას ერთ ძმისწულს, დიაკონ გაბაშვილს, დამოუცილებლადაც უცდია კალამი ჰაგიოგრაფიულ მწერლობაში.

მას აუწერია მისი ბიძის ზაქარიას გარდაცვალება (ქუთაისის მუზ. ხელნ. № 517). „გარდაცვალების“ ერთ ადგილს, სადაც ზაქარიას მიერ სასწაულთა ხილვაზეა საუბარი, ვკითხულობთ: „გვეტყოდა, არა ხედავთა, რამეთუ გაბრწყინდა ცაი და ზედა წარწერილ არს ოქროს მელნითა, რომელ ასე ვითარად არაოდეს მიხილავს, და მე უღირსსა ძმის ძესა მისსა წარწერილისა წაკითხვას მიბრძანებდა“.

ზაქარიას რომელი ძმის შვილია ჰაგიოგრაფი, არ ვიცით. ხელნაწერი დედანი არაა. გადამწერის ვინაობაც არ ჩანს. ტექსტის ბოლოში არის მინაწერი „ჩემ უღირსის მიერ ნამდვილისაგან თანასწორად გადმოწერილ არს ჩყამ თებერვლის წ (1868 წ. 7 თებ.). „გარდაცვალების“ ავტორი დავითის შვილი უნდა იყოს“³⁴.

ამრიგად, ზაქარია გაბაშვილის გარდაცვალების შესახებ დაწერილი მცირე ზომის ჰაგიოგრაფიული თხზულების ქუთაისური ხელნაწერი, როგორც გადამწერი ამბობს, „ნამდვილისაგან თანასწორად გადმოწერილ არს“ 1868 წელს. გადამწერი უცნობია. არც თხზულების მეორე ხელნაწერის (S—5157, ხელნაწ. ინსტ. ნუსხა) გადამწერია ცნობილი. S—5157 ხელნაწერის ხელი მსგავსია S—1593 ხელნაწერის გვ. 1-ზე არსებული სვიმონ გაბაშვილის მინაწერისა. როგორც ხელის შესწავლამ დაგვანახვა, S—5157 სვიმონ გაბაშვილის დაწერილია. სვიმონ გაბაშვილი კი, როგორც აღვნიშნეთ, ზაქარიას ძმის დავითის შვილია.

ამრიგად, დადასტურდა ზემოხსენებულ მკვლევართა ვარაუდი, რომელიც ემყარება თვით თხზულების მითითებას (ძ მ ი ს ძ ე ს ა მ... მიბრძანებდა); რომ „გარდაცვალების“, ანუ „აღწოდების“ ავტორი ზაქარია გაბაშვილის ძმის-შვილია, უფრო ზუსტად, დავითის შვილია, როგორც აღნიშნავს ნ. მაისურაძე. მართლაც გაირკვა, რომ ზაქარიას ძმის დავითის შვილს, კერძოდ, სვიმონ გაბაშვილს დაუწერია ეს თხზულება.

³¹ ალ. ბარამიძე, ნარკვევები, II, 1940, გვ. 425—427, ნ. მაისურაძე, მწიგნობარ გაბაშვილთა ოჯახი. გვ. 98.

³² ქართულ ხელნაწერთა აღწერილობა, S კოლექცია, VII, 1973, გვ. 137, 138.

³³ დასახ. აღწერილობა, გვ. 138.

³⁴ ნ. მაისურაძე, მწიგნობარ გაბაშვილთა ოჯახი..., გვ. 95.

ჩვენს ქრონიკებში შემდეგი ცნობა სვიმონის შესახებ:

სიმონ სურაჯის ძე, სუფრაჯისა — იშვა 1763 წ. 13 მაისს. H—2955, 2v.
დაიბადა 1764 წ. 13 მაისს. Q—225, 87r.

სამეცნიერო ლიტერატურაში მითითებულია, რომ ზაქარიას „ძმას დავით გაბაშვილს სასახლის სუფრაჯის სახელო ეჭირა“³⁵. ცხადია, ქრონიკებში მოხსენიებული სიმონ იგივე სვიმონ გაბაშვილია, რომელიც იყო შვილი ზაქარიას ძმის დავითისა. იგი სასახლის სუფრაჯი ყოფილა. ხელნაწერთა ცნობით, სვიმონ გაბაშვილი დაბადებულა 1763 ან 1764 წლის 13 მაისს. მაშასადამე, 1783 წელს, როდესაც ზაქარია გაბაშვილი გარდაიცვალა, სვიმონი 19—20 წლის ახალგაზრდა ყოფილა, რომელსაც აუწერია მისი ბიძის, ზაქარია გაბაშვილის გარდაცვალების ამბავი.

ქრონიკებში მოხსენიებულ პირთა სამიზმლი

- ანა, ასული ნიკოლასი დაიბადა 1787 წ. 6 სექტემბერს. H—2955, 2v.
ანა დაიბადა 1806 წ. მაისს. H—2955, 1v.
ანასტასია დაიბადა 1792 წ. 24 თებერვალს. H—2955, 2r.
დავით, ნიკოლასი დაიბადა 1792 წ. 10 თებერვალს. H—2955, 2r.
დავით გაბაევი ანანურის სობოროს დეკანოზი. გარდაიცვალა 1839 წ. 5 დეკემბერს, 46 წლისა. მაშასადამე, დავით გაბაევი დაბადებულა 1793 წ. H—2955, 38r.
დათიკა დაიბადა 1794 წ. 26 აპრილს. H—2955, 2r.
ევბრაქსია, ასული იოსებისი დაიბადა 1766 წ. 25 ნოემბერს. H—2955, 2v. Q—225, 4r.
ელისაბედ დაიბადა 1800 წ. 15 მაისს. H—2955, 2r.
ზაქარია, ზახარია მოძღვარი (გაბაშვილი). Q—225, 3r.
H—2955, 2v. S—2574, გვ. 1, 71, 292, 302. S—2562, 1r.
ზაქარია, ზახარია გაბაონისძის ძე. S—2562, 3r.
იოანე, არხიერი გაბაონი გარდაიცვალა გელათს 1798 წ. 17 ნოემბერს, H—2955, 2r.
იოსებ, ზაქარიას ძე გარდაიცვალა 1778 წ. 20 თებერვალს. H—2955, 2v. Q—225, 3v.
იოსებ, ძე ნიკოლოსისა დაიბადა 1790 წ. 2 თებერვალს. H—2955, 2r. S—2562, 3r. S—2563, 116v. S—2574, გვ. 300³⁶.
იოსებ, ნიკოლასი დაიბადა 1802 წ. 22 ნოემბერს. H—2955, 2r.
იოსებ S—2563, 118v. S—2574, გვ. 1, 71.
იოსებ გაბაონი. H—2955, 107v.
ისაკ S—2574, გვ. 1.

³⁵ გ. ლეონიძე, გამოკვლევები და წერილები, 1958, გვ. 307.

³⁶ S—2574-ის ამ მინაწერის ხელი მსგავსია S—2562, 3r და S—2563, 116 v-ს მინაწერების ხელთან. მაშასადამე, S—2574 ხელნაწერის გვ. 300-ზე მინაწერში მოხსენიებული იოსებ გაბაონი ყოფილა ნიკოლოსის ძე.

- იტიტო დაიბადა 1797 წ. 28 მაისს. H—2955, 2r.
 კიკო S—2574, გვ. 1.
 კიკოლა, სუფრაჯისა დაიბადა 1759 წ. 15 თებერვალს. Q—225, 87r.
 კონსტანტინე გაბაონი, ნიკოლოზის შვილი დაიბადა 1798 წ.
 30 დეკემბერს H—2955, 2r, 104v.
 კოტია, ზაქარიას ძმისწულის ძე S—2574, გვ. 71, 140, 301.
 მინა დაიბადა 1760 წ. 16 ოქტომბერს. Q—225, 87r. H—2955, 2v.
 მინა, ძე ნიკოლაოსისა დაიბადა 1806 წ. 10 დეკემბერს. H—2955,
 1v. S—2562, 3r, 6r.
 ნიკოლა, დათასი დაიბადა 1759 წ. 15 თებერვალს. H—2955, 2v.
 ნიკოლაოს გაბაონისძე, გაბაონელ იობიანი, დაბაეც.
 S—2562, 1v. S—2574, გვ. 8. H—2955, 1v.
 ნიკოლოზ, ძმისძე ზაქარია გაბაშვილისა. S—2562, 1r.
 ნიკოლოზ, მამაკონსტანტინე გაბაშვილისა. H—2955, 104v.
 ნიკოლოზ დეკანოზი გარდაიცვალა 1827 წ. 23 იანვარს, სამოცდათერ-
 თმეტი წლისა. H—2955, 38r.
 ნინო დაიბადა 1764 წ. 12 ოქტომბერს. Q—225, 4r.
 ოსე დაიბადა 1761 წ. 19 მარტს. Q—225.87r. H—2955, 2rv. S—2562, 6r.
 პეღაგია გარდაიცვალა 1807 წ. 4 აპრილს. H—2955, 1v.
 სიმონ სუფრაჯის ძე, სუფრაჯისა დაიბადა 1763 წ. 13 მაისს. H—
 2955,2v. დაიბადა 1764 წ. 13 მაისს. Q—225, 87r.

Л. А. АТАНЕЛИШВИЛИ

ОБ ОДНОМ КРИПТОГРАФИЧЕСКОМ ЯМБЕ

(Резюме)

В рукописи H—2077, переписанной в 1736 году известным каллиграфом Алексеем Месхишвили, имеется криптограмма, которую написал некий Иосиф. Об этом указывается в самой криптограмме. Выяснилось, что автор криптограммы Иосиф из рода известных каллиграфов Габашвили, который посвятил этот криптографический ямба своему современнику Алексею Месхишвили. Эта криптограмма дает дополнительное сведение о взаимоотношениях двух каллиграфических школ Габашвили и Месхишвили.

ია გაჩეჩილაძე

მწიგნობარ-კალიგრაფი ალექსი მესხიშვილი

ალექსი მესხიშვილი მწიგნობარ-კალიგრაფ მესხიშვილთა ოჯახის უფროსი თაობის წარმომადგენელია. იგი თავისი დროისათვის ცნობილი, განათლებული პიროვნება — მწიგნობარი, მგალობელი, შესანიშნავი კალიგრაფი და ხელნაწერთა მომხატავი იყო. ამავ დროს მას თავისი წვლილი შეუტანია ჩვენი ძველი მწერლობის მნიშვნელოვან დარგში — ლიტურგიკაში: „ალექსი, დეკანოზი ანჩისხატისა, ესე იყო მეცნიერი კაცი, მოძღუარი სულიერი ანტონი კათალიკოზისა, მწერალი ჭუცურისა და მხედრულისა, რომელიცა ღირს ქებისა არს ნაწერნი მისნი. ამან მრავალნი საღმრთო წერილნი და ისტორიანი გარდაჰსწერნა“². ალექსი მესხიშვილის შესახებ მეტად მცირე ბიოგრაფიული ცნობები მოგვეპოვება.

ალექსი მესხიშვილის მამა — გრიგოლ მესხიშვილი სამეფო კარის მხატვარი იყო. ამან განაპირობა მესხიშვილთა ოჯახის ახლო ურთიერთობა ერეკლე მეფესთან და მისი ოჯახის წევრებთან. გრიგოლ მხატვრის ვაჟი — ალექსი და იესე მეფის ვაჟი — თეიმურაზი (შემდგომში ანტონ I კათალიკოსი) ერთად იზრდებოდნენ. ეს სიახლოვე და ურთიერთსიყვარული ანტონ I-სა და ალექსი მესხიშვილს მთელი სიცოცხლის განმავლობაში გაჰყვათ, რაც მათ შემოქმედლებთ თანამშრომლობაშიც გამოიხატა.

ზოგიერთ ცნობას ალექსის შესახებ მის მიერ გადაწერილ ხელნაწერთა ანდერძ-მინაწერებში ვპოულობთ: „მეუფეო იესუ ქრისტე, შეიწყალე მამა ჩემი გრიგოლ მხატვარი და დედა ჩემი თამარ და მე მათი ძე დიაკონი ალექსი. დავწერე მე წლისა იე (15)“ (S—2715, გვ. 401).

ანდერძის მიხედვით ცნობილი გახდა ალექსის დედის — თამარის სახელი, ამავ დროს ისიც, რომ ალექსის ხელნაწერთა გადაწერა ძლიერ ახალგაზრდას დაუწყია, რადგან 15 წლის ასაკში მას უკვე კარგად გაწაფული კალიგრაფის ხელწერა აქვს. საგულისხმოა ისიც, რომ 15 წლისა იგი უკვე დიაკონია! (სამწუხაროდ, ხელნაწერის მინაწერებიდან არ ჩანს გადაწერის თარიღი, რის საფუძველზედაც მისი დაბადების წელსაც შევიტყობდით).

XVIII საუკუნის 30—40-იან წლებში ალექსი სვეტიცხოვლის დეკანოზია, ხოლო 50-იანი წლებისათვის კი ანჩისხატში მოღვაწეობს³.

¹ ამის შესახებ იხ. კ. კეკელიძე, ქართული ლიტერატურის ისტორია, ტ. I, 1960, გვ. 361—364.

² იოანე ბატონიშვილი, კალმასობა, ტ. II, 1948, გვ. 200.

³ იხ. ხელნაწ. ინსტ. H—2077, S—5004, H—1671 ხელნაწერთა ანდერძები.



აღეჭიმი ცხოვრების რთული და მძიმე გზა განვლო. მას ბრალი ვსაძებნებოდა სამეფო განძის მითვისებაში: „...რამეთუ ამას მრავალი განძი მეფეთა აქვს და სხვათა მრავალი სიტყუა დაარწმუნეს უსჯულოთა და განუციოთხავად სიკუდილსა მიმიცეს“ (S—4748, 199r, 1730 წ.). დარდის გასაქარვებლად მას ს. ს. ორბელიანის ლექსიკონის გადაწერა დაუწყია: „ფიქრითა და ნაღვლითა სრულ იქმნა ლექსიკონი ესე. რომელი დედანში ეწერა, მეც ის დაეწერე, რომელიცა იხილოთ ამა წიგნსა გინა კეთილ, გინა ბოროტ, მე არცეთში შუა ვარ. ორიც, დასაწუნი, გინა მოსაწონი, დედნისა არის, მე გადმოწერის მეტში არას შუა ვარ. ამისთვი[ს] დავშვერ, რამეთუ ნაღვლისაგან მწარე უღებება შემექმნის და უღებების განმაქარვებლად ესე მოვიგონე“... (199 r).

1756 წელს, როდესაც ანტონ კათალიკოსი საქართველოდან გააძევეს, აღეჭი მესხიშვილისათვისაც შეურაცხყოფა მიუყენებიათ⁴. მათი სიახლოვე ანტონის გაძევების შემდეგაც არ შეწყვეტილა⁵. ქალაქ ვლადიმირიდან 1757 წელს ანტონის მიერ გამოგზავნილ წერილში (H—2737, S—5358, S—1512, A—1448, H—217) იგარძნობა აღეჭისისადმი დიდი პატივისცემა და სიახლოვე: „...ჩვენ ქურუმად მათ მიერ შერაცხილი განვიდევნებოდით და შენცა ჩვენთანა ზიარ ვნებისა ჩვენისა იქმნებოდით... მაუწყენ განცილისა და ვნებულისა ცხოვრებისა შენისა ჰამბავნი... ჩემს სულიერს დას შენს მეუღლეს და შენს შვილს გიორგის ლოცუა-კურთხევით მოვიკითხავ“ (S — 5358, 8v). როგორც ანტონის მეორე წერილიდან ჩანს, აღეჭი მესხიშვილს მისთვის საპასუხო ეპისტოლე გაუგზავნია: „შენისა ღირსებისა ეპისტოლე მომეცა მე, რწლისათს ვმადლიერ ვარ, ვდ არა დაეიწყებულად მრაცხე მკუდრად, დავიწყებულად მკუდრად მწყდარი ესე ნათესავთაგან, ძმათაგან, მეგობართა და მოყუასთაგან“... (S—5358, 1758 წ. ქ. ვლადიმირი).

აღეჭი მესხიშვილი და ანტონ კათალიკოსი, გარდა დიდი მეგობრობისა, როგორც უკვე აღვნიშნეთ, შემოქმედებითაც იყვნენ დაკავშირებულნი ერთმანეთთან — ორივემ დიდი ღვაწლი დასდო ქართული საღვთისმეტყველო საგანობების შედგენის საქმეს.

როგორც ცნობილია, „თთუენის“ რედაქციების სხვადასხვაობას განსაკუთრებული ყურადღება მიაქციეს საქართველოში მე-18 საუკუნეში. ჩვენში ცდილობდნენ, რომ ქართული „თთუენი“ რუსულის მიხედვით შესწორებულიყო. საღვთისმეტყველო საგანობების შედგენისა და სლავურ-რუსულთან მიმართებით გამართვის ეს საპასუხისმგებლო საქმე აღეჭი მესხიშვილმა და ანტონ კათალიკოსმა იღეს თავს⁶.

ხელნაწერთა ინსტიტუტში დაცულია აღეჭის ხელით დაწერილი თვენი (A — 1093), საღვთისმეტყველო საგანობები (S—535 დ), საღვთისმეტყველო ტიპიკონი (S—535₃ (1)).

ამ სამუშაოს ჩატარებისას აღეჭი დიდ სიძნელეებს შეხვედრია: „...ფრიადი შრომა დამიც, ვინათგან რომ დღესამდე რუსული ტიპიკონი ქართლში არა გვეპოებოდა. ამისთ... მწერალთა... თავის ნებაზედ განერყვნათ დასდებულნი

⁴ ქ. კეკელიძე, ქართული ლიტერატურის ისტ., ტ. I, 1960, გვ. 361.
⁵ ლ. მენაბდე, ძვ. ქართ. მწერლობის კერები, ნაკ. I, ტ. I, 1962, გვ. 170, სქ. 3.
⁶ ქ. კეკელიძე, ქართული ლიტერატურის ისტორია, 1960, ტ. I, გვ. 361—362; მ. ქავთარია, დავით გარეჯის ლიტერატურული სკოლა, 1965, გვ. 100—101.



და საგალობელი და ეკლესიის წესნი... როდესაც რუსული ტიბიკონი ენახეთ ვულსმოდინებით მრავალჯამ ვძებნე და გამოვიძიე მრავალთა ძველთა წიგნთა შინა ხილვითა და მრავალთა მიფარულთა ადგილთა დიძველბულთა, დაშლილთა და დაყრილთა ფურცელთა შინაცა ვპპოე დიდის შრომით და ძიებით და საეკლესიოთა საგალობელთა, სადაც რამდენიმე იპოებოდა და მივსწუდი, უნახავი არა დამიშთა და სხვათაცაგან გამოწვლილვით გამოვიძიე და ესრეთ ტიბიკონთა შემოწმებით ვწერდი და რომელიცა არაა შეემოწმნის მუკლნი, დეაცადი, სანამ სადმე არა ვპოი, არღარა აღწერდი, როდემდის არა შეემოწმის ტიბიკონსა“ (A—1093, 726 v.). ალექსი მესხიშვილი იქვე აღნიშნავს, რომ „...ჩემს წინარე რუსულს ტიბიკონზე სხვადასხვა არავის აღწერნეს“-ო.

განსაკუთრებით საინტერესოა ალექსი მესხიშვილის, როგორც კალიგრაფის, მოღვაწეობა. დღესდღეობით, სანამ მესხიშვილთა მასზე უფროსი თაობის წარმომადგენლის ნაშრომი ხელთ არ გვაქვს, ალექსი ამ მწიგნობარ-კალიგრაფთა დიდი ოჯახის მამამთავრად ითვლება. თვით ის ფაქტი, რომ ერთკლე მეფემ მის შვილებსა და მრავალრიცხოვან შთამომავალთ დართო ნება წოდებულიყვნენ ალექსი-მესხიშვილებად⁷, მოწმობს, თუ რაოდენ დიდი პატივისცემით სარგებლობდა ალექსი საზოგადოების მაღალ სფეროში და რა დიდი დამსახურება მიუძღვის მას ეროვნული კულტურის წინაშე.

ალექსი მესხიშვილი საქართველოში ერთ-ერთი მძლავრი კალიგრაფიული სკოლის ფუძემდებელია. მისი ხელწერა გამოირჩევა სილამაზითა და სინატიფით, ასოთა მოხაზულობას მხატვარ-კალიგრაფის უბადლო ნიჭი და მაღალკვალიფიციურობა ეტყობა. ალექსის კალიგრაფიული ოსტატობის შესახებ თეიმურაზ ბატონიშვილი წერს: „მცირე საუბე წიგნი, რომელს ეწოდების შეკრებული, მრავალთა სხვათა და სხვათა ცნობათათვის ქმნილი ტფილისის ანჩისხატის სობოროს პროთოიერეის, კელოვანის ალექსის მიერ, გრიგოლ მხატვრისა ძისა. ხუცუტრაღ, წმიდაღ, მშვენიერს კელოვან დაწერილი იმა წიგნისა ყოვლისა ფურცელზედა სხვა და სხვა სახეები და ნაკეთები არის დახატულები მშვენიერი სკელოვანებითა და მხატვრობითა. ესე წიგნი აღწერია პროთოიერეის ალექსის, ჩინებულთა ბანოვანთაგანისა თავადის და სრულიად ქართლის სარდრისა, რევანამილახვრის დედის, არაგვის ერისთავის ასულის, მარიაამისათვის, ვინაიდგან მარიამ ამილახვრის მეუღლე (რევანამილახვრის დედა) ფრიად სიბრძნის მოყვარე ყოფილა“⁸.

ცხადია, რომ გრიგოლ მხატვარს დიდად უზრუნია ალექსის მრავალმხრივ მომზადებაზე, უსწავლებია თავისი ხელოვნება და ოსტატობა, ქართული დამწერლობის ორივე სახეობაში — ნუსხურსა და მხედრულში — ერთნაირად გაუწაფავს.

ალექსის ნაწერები გამოირჩევიან მკვეთრად ჩამოყალიბებული ინდივიდუალობით, წერის თავისებური მანერით, ე. წ. „მესხიშვილისებურობით“⁹,

⁷ АКТЫ, ტ. I, გვ. 373; ა. ფაღავა, ლაღო მესხიშვილი, 1918, გვ. 15; ტრ. რუხაძე, ძვ. ქართული ლირიკის ისტორიიდან, 1954, გვ. 14.

⁸ ალექსი მესხიშვილის შთამომავალი ზოგჯერ ალექსიშვილებად ან ალექსიძეებადაც იწოდებიან.

⁹ თეიმურაზ ბატონიშვილის წიგნსაცავის კატალოგი, ს. იორდანიშვილის გამოცემა, 1948, გვ. 26, № 90.



რომელიც მან თავის მრავალრიცხოვან შთამომავლობას გადასცა და ამით და-
საბამი მისცა მესხიშვილთა კალიგრაფიული სკოლის ჩამოყალიბებას.

ალექსის, როგორც უკვე აღვნიშნეთ, ჯერ კიდევ ადრეულ ასაკში (15 წლი-
სას) გადაუწერია ოთხთავი (S—2715)¹⁰. ხელნაწერი მკვეთრად ჩამოყალიბე-
ბული, ლამაზი ნუსხურითაა ნაწერი. მხატვრულად გაფორმებულია სინგურით
შესრულებული ასომთავრული ასოებით, ხელრთვით, ზოდიაკოებითა და მი-
ნიატურებით. მინიატურებში ჭარბობს ოქროსფერი და ალისფერი ტონი. სუფ-
თად შესრულებული, თანაბარი ზომის, ოდნავ დახრილი, ლამაზად მოყვანილი
ასოები გვაფიქრებინებს, რომ ალექსის საფუძვლიანი წვრთნა კალიგრაფიაში
ადრეულ ასაკშივე გაუვლია — ჩვენს წინაშეა სავსებით ჩამოყალიბებული და
დახვეწილი კალიგრაფი. ხელნაწერი იმდენად კვალიფიციური და გაწოხული
ხელითაა შესრულებული, რომ იგი ალექსის პირველი ნამუშევარი არ უნდა
იყოს, მას ადრეც ექნებოდა გადაწერილი სხვა ხელნაწერები. ასევე სრულიად
ახალგაზრდას გადაუწერია მას „უამნი“ (S—1096) მხედრულად: „...მე, ალექ-
სიმ, დიაკონმან ჩვიდმეტის წლისამან დავჩხაბე უამნი ესე“ (216 r). ხელნაწერი
შემკვლეია ზოდიაკოებითა და მინიატურებით. ალექსი ტექსტის უბრალო გადა-
წერით არ კმაყოფილდება, იგი შეცდომებს ასწორებს: „...ამასვე დღესა [18
სექტემბერს] წმიდისა მოწამისა ბიძინა დაჭრილისა, ამათი ვსენება და წამება
ამას დღესა არს, ძმანო, და არა თუ ივლის[ს]ა. ვისაცა დაუწერია, ტყუილად
დაუწერია, ივლის[ს] არა არს, არამედ იმ სექტემბერს ეწამნეს...“ (S—1096,
161v).

ხელნაწერის (S—1096) დაზიანებული ადგილები აღდგენილია მოლურჯო
ქალაღზე, ჩვენის აზრით, ალექსის ვაჟის დავით მესხიშვილის მიერ. სავარაუ-
დებელია, რომ ხელნაწერის აღდგენა-შეკეთების შესახებ დავითი ჩვეულებისა-
მებრ ბოლოში დართულ ანდერძში აღნიშნავდა კიდევ, მაგრამ რადგანაც ხელ-
ნაწერი ბოლონაკლულია, ჩვენი ვარაუდი მხოლოდ ძეგლის პალეოგრაფიულ
განხილვას ეყრდნობა.

როგორც განათლებული და განსწავლული მწიგნობარ-კალიგრაფი, ალექსი
კრიტიკულად უდგება გადასაწერ ტექსტს — ასწორებს, მართავს, ხოლო თუ
რაიმე მიზეზის გამო ხელნაწერის სათანადოდ გადაწერა-გამართვას მაღალ-
ხარისხოვნად ვერ ასრულებს, ამას აღნიშნავს კიდევ: „...ამის დედანი სხვა არა
იპოებოდა პლ ქართლში და მაღალ გამომართვიან ამისი დე-
დანი და დიდის ხვეწნით და სამსახურის შეძლებით კიდევ სადაცა შევხვდი,
აღწერი და დიდის შრომით აღწერე და ესეცა უწყებულ იყავნ თქვენდა,
თუმცა რამ ამითში ცთომილი ან სიტყვა მეტნაკლები ან წინაუკანა ნახოთ რა-
მე, სარწმუნო იყავით, რომ შეცთომით არა დამიწერიეს რა და დედანი
დიდად ავის მწერლისაგან ნაწერი იყო და მრავალი
ტყუილი ეწერა და მე, რადგან საჩქაროდ ვწერდი, ჩქარა წერაში
გამართვა ჩემგან არა ეგებოდა ვინათგან დედანს მთხოვ-
დენ“ (H—1671, 321 v).

როგორც საეკლესიო პირი, ალექსი მესხიშვილი თავისთვის შეუფერებელ
საქმიანობად თვლიდა საერო ნაწარმოების გადაწერას და თუ გადაწერდა, მხო-
ლოდ რომელიმე საპატრიარქო პირის დავალებით, რომელსაც უარს ვერ

¹⁰ ხელნაწერის ანდერძი, იხ. აქვე, გვ. 155.



ჰკადრებდა. ასე გადაუწერია მას 1736 წელს „ვისრამინი“ (H—716): „...^{დაწერილია} დებულთა გვიბრძანეს და ურჩება არ ეგებოდა ჩვენგან“ (69 r). ხელნაწერს ჩვეულებრივი ალექსისებური ოსტატობის კვალი აკლია, რასაც თვითონვე აღნიშნავს: „ამგვარის ცუდის შრომისათვის ნუ გამოცეხავთ...“ (69r).

ასევე თავისი სურვილის წინააღმდეგ გადაუწერია ალექსის „ქილილა და დამანა“ (S—5004, 1747 წ.): „...ვინაითგან გვაიძულეს და უმეტეს ენებათ წიგნისა ამის თვისად ქონება და ჩუენზედაც კეთილ-გონების ქონებით იუუ-ნენ. ამის გამო ჩუენცა არლარად ურჩ ვექმნენით მის აღწერად ჩვენც მეც-ნიერ ვიყავით, მუნასიბი არ იყო ჩუენგან საერთოს წიგნ-ზე მოცალეზად და აღწერად, ამისთვის მხოლველნი და ცოდნის მო-ყუარენი ნუ განქირდულ გეყოფთ“ (1r).

როგორც ქვემოთ ვნახავთ, ალექსი ხშირად თავისსავე გადაწერილ ხელ-ნაწერებს მხატვრულადაც თვითონ აფორმებდა (მაგ. S—1096, H—2077, H—1666 და სხვ.). ჩანს, მას ამ შემთხვევაშიაც განზრახული ჰქონია ხელნაწერის (S—5004) მოხატვა, რასაც გვაფიქრებინებს ზოგიერთ ფურცელზე დატოვე-ბული თავისუფალი ადგილები წარწერით: „დასახატავია“, მაგრამ განზრახვა სისრულეში ვერ მოუყვანია.

აქვე უნდა აღინიშნოს, რომ ალექსი მესხიშვილი, მრავალ საქმეთაგან და-ტეირთული (ცნობილია, რომ ანჩისხატის მღვდელ-დეკანოზთ ახალგაზრდა მღვდლების გაწვრთნა, სხვადასხვა საჭირბოროტო საკითხთა მოგვარებაც ევა-ლებოდათ), ზოგჯერ გადაწერისათვის მხოლოდ ღამით იცლიდა: „...მოუცლე-ლობისგან უფროვე ღამით ვწერდით...“ (S—5004, 1r), „...უფროვე ღამით ვნუსხავდი, რამეთუ ფრიად მასწრაფებდენ...“ (H—1671, 321v).

მიუხედავად ამისა, მისი, როგორც კალიგრაფის მუშაობა მაღალი შრომის-ნაყოფიერებით ხასიათდება. ამის საილუსტრაციოდ შეიძლება მოვიყვანოთ შემდეგი მაგალითი: ალექსი მესხიშვილს გადაუწერია თეიმურაზ II-ის „გან-ზრახვანი და ვედრებანი“ (S—3633). ხელნაწერის გადაწერის თარიღია 1753 წლის დეკემბერი. ამ ნაწარმოების თეიმურაზისეული ავტოგრაფული ნუსხა ინა-ხება ხელნაწერთა ინსტიტუტში (S—135), იგი გადაწერილია 1753 წლის 3 დე-კემბერს. ალექსი მესხიშვილს, თეიმურაზ II-სთან ახლო ურთიერთობაში მყოფს, ხელთ ჰქონია სწორედ ეს ავტოგრაფული ნუსხა და გადაუწერია იგი 3-დან 30 დეკემბრამდე—27 დღის განმავლობაში 232 გვერდი (ხელნაწერის 232—234 გვერდები თეიმურაზ II-ის ხელით არის შევსებული).

ალექსი ხელნაწერს ყოველთვის ვრცელ ანდერძს არ ურთავს. ზოგჯერ მოკლე და ლაკონური ანდერძით კმაყოფილდება. ასე მაგალითად, ხელნაწე-რებს — „სახარება ლუკას თთხთაი“ (Q—264), „ლოცვანი და დაუჯდომელი“ (S—3630), „საეკლესიო კრებული“ (A—344), „ტიპიკონი“ (A—459), „საეკ-ლესიო კრებული“ (A—478) და სხვ. მოკლე ანდერძები ახლავს.

ზოგჯერ მის მიერ გადაწერილ ხელნაწერს საერთოდ არ ერთვის ან-დერძი. ასეთ შემთხვევაში ხელნაწერის პალეოგრაფიულ თავისებურებათა შეს-წავლა შესაძლებლობას გვაძლევს დავადგინოთ მისი გადაწერი. ამ გზით შევძელით დავედგინა ზოგიერთ ხელნაწერთა ალექსი მესხიშვილისეულობა. ასე მაგალითად, ხელნაწერების — „კრება ფლორენცისა“ (A—1443) და „და-უჯდომელი და პარაკლისი“ (S—182) პალეოგრაფიულ თავისებურებათა შეს-წავლითა და ალექსისეულ ხელნაწერებთან შეჯერებით დავადგინეთ, რომ მათი

გადამწერი ალექსი მესხიშვილია. ამ მოსაზრებას მხარს უჭერს A—1443 ხელნაწერის მინაწერი: „არხიმანდრიტის ტარასისა, პაპიჩემის ნაწერი მე მეცხრე წელსის“ (თავფ. 1). ტარასი ალექსი მესხიშვილის ვაჟის — სოლომონის შვილია, ე. ი. ალექსის შვილის შვილი¹¹.

ასევე ხელნაწერის პალეოგრაფიული მონაცემებით დადასტურდა, რომ ალექსის მიერ 1726 წელს არის გადაწერილი „სავალობელნი მთელი წლისა“. ხელნაწერი ამჟამად ინახება საქართველოს ცენტრალური არქივის ქართულ ხელნაწერთა ფონდში (№ 1446) № 221, მისი გადამწერი მხოლოდ სახელით — ალექსით — იხსენიება.

ამავე გზით დადგინდა, რომ „სძლისპირები“ (S—3631), რომლის გადამწერი არ იხსენიება, გადაწერილია ალექსის მიერ. ხელნაწერი შესრულებულია ნუსხურად, სათაურები და აბზაცის დასაწყისი ასოები — მთავრულით, მხატვრულად გაფორმებულია თავსამკაულებით. ქვედა ყდის საცავი ფურცლის რ-ზე არის თეიმურაზ ბატონიშვილის ხელით მიწერილი: „ამისი მადლით გერმანიაში თანა მქონდა 1836-სა“. უნდა ვიფიქროთ, რომ ხელნაწერი ერთ ხანს თეიმურაზ ბატონიშვილის კუთვნილი ყოფილა. მართლაც, მისი წიგნსაცავის კატალოგში, № 27-ის ქვეშ ვკითხულობთ: „სძლის პირი ანუ სძილის პირი, რომელ არიან ბერძულად ირმოსნი, ძველად წმიდათა ქართველთა მთავარმნელთა მამათაგან თარგმნილნი ხუტურად დაწერილი მონისკრიპტი“¹².

ალექსი მესხიშვილს გადაუწერია საეკლესიო კრებული, რომელიც ამჟამად პარიზის ნაციონალური ბიბლიოთეკის ქართულ ხელნაწერთა ფონდში ინახება (№ 1)¹³. როგორც აღწერილობიდან ვგებულობთ, ხელნაწერის 90v-ზე არის გადამწერის ანდერძი: „ღმერთო, შეიწყალე ამა კელთის და იბაკოს დამხატავიცა და დამწერიცა მონა ღვთისა, ცოდვილი ალექსი, ქკს უიგ (1725)¹⁴.

ექ. თაყაიშვილი აღნიშნავს, რომ ერთ-ერთ მინაწერში გადამწერი ალექსი ასხენებს დედას — თამარს, ამის მიხედვით შეიძლება დავასკვნათ, რომ ხელნაწერის გადამწერი ალექსი გრიგოლ მხატვრის ვაჟი, გვარად მესხიშვილია, ამას გვაფიქრებინებს შემდეგი გარემოება:

1. ხელნაწერი გადაწერილია 1725 წელს; გადაწერის წელი ემთხვევა ალექსის მოღვაწეობის პერიოდს.

2. ხელნაწერის გადამწერი ამავე დროს მისი მომხატავიცაა, ჩვენ ამის შემთხვევებიც გვაქვს ალექსი მესხიშვილის შემოქმედებაში (S—4748, S—1096, H—2077, H—1666 და სხვ.).

3. გადამწერი ალექსი მოიხსენიებს დედას — თამარს. ჩვენთვის ცნობილია, რომ ალექსი მესხიშვილის დედას თამარი ერქვა (იხ. ხელნაწერთა ინსტ. ხელნაწერი S—2715, გვ. 401).

¹¹ ხელნაწერთა აღმწერელს (ქრ. შარაშიძე) ორივე ხელნაწერის გადამწერად ალექსი, ან გიორგი მესხიშვილი მიაჩნია. იხ. საქართველოს სახელმწიფო მუზეუმ. A კოლექციის ხელნაწერთა აღწერილობა, ტ. IV, 1954, გვ. 530; ხელნაწერთა ინსტიტუტის S კოლექციის ხელნაწერთა აღწ., ტ. I, 1959, გვ. 197.

¹² თეიმურაზ ბატონიშვილის წიგნსაცავის კატალოგი, სოლ. იორდანიშვილის გამოც., 1948, გვ. 9, № 27.

¹³ ე. თაყაიშვილი, პარიზის ნაციონალური ბიბლიოთეკის ქართული ხელნაწერები და ორი ქართული საიდუმლო დამწერლობის ნიმუში, პარიზი, 1933, გვ. 15.

¹⁴ იქვე, გვ. 15.

როგორც აღმწერელი აღნიშნავს, ხელნაწერი მშვენივრად არის მხატვრულად გაფორმებული, საზედაო ასოები სინგურით არის შესრულებული, ხელნაწერის ამიებზე სხვადასხვა ნახატებია, ნახატებისთვისვე დაუთმია გადაწერს ხელნაწერის ზოგიერთი გვერდიც.

ალექსი მესხიშვილის აღუდგენია XVI საუკუნის ხელნაწერი „პარაკლიტონი“ (A—49), რომლის 139r—143v, 150r—152r გვერდები, აღმწერლის (ლ. ქუთათელაძე) აზრით, შევსებულია მისივე ხელით¹⁵.

ირკვევა, რომ ალექსი მესხიშვილი წერდა სიგელებსა და საბუთებსაც. მის მიერ არის დაწერილი 1751 წლის 30 დეკემბრის სიგელი¹⁶. ეს არის დაახლოებით მეტრნახევარი სიგრძის გრავილი, სასახლის ნასყიდობის წიგნი. საბუთი ქართული მხედრული კალიგრაფიის ბრწყინვალე ნიმუშია. განსაკუთრებით საინტერესოა დასაწყისი ასო „ქ“, რომლის მხატვრული გაფორმება (ფრინველის თავი) მეტად დამახასიათებელია როგორც ალექსის, ასევე მესხიშვილთა კალიგრაფიული სკოლის სხვა წარმომადგენელთათვის. შემდგომში მათ მიერ დამკვიდრებული ეს წესი — ასოთა მოხატვა ქვეწარმავალთა და ფრინველთა გამოსახულებებით, საფუძვლად დაედო პირველი ქართველი გრაფიკის — გრიგოლ ტატიშვილის შემოქმედებას¹⁷.

* * *

მესხიშვილთა უბადლო ოსტატობა და ნიჭი მკვეთრად აისახა ალექსი მესხიშვილის მიერ გადაწერილ ხელნაწერებში. ამ მხრივ იგი შესანიშნავი ტრადიციების ბრწყინვალე გამგრძელებლად გვევლინება. მისი ნაწერები ნუსხურად თუ მხედრულად ერთნაირი ოსტატობითა და დახვეწილობითაა შესრულებული. ჩანს, გრიგოლ მესხიშვილს იგი როგორც ქართული დამწერლობის ორივე სახეობაში, ასევე მხატვრობაშიც კარგად გაუწაფავს. ალექსი ხელნაწერებს მხატვრულად აფორმებს სინგურით შესრულებული მთავრული საზედაო და ჩართული ასოებით, ხშირად ოლუსტრაციებსაც ურთავს. ასე მაგალითად: „უამნი“ (S—1096) შემკულია ზოდიაკოებითა და მინიატურებით, „წმიდათა ცხოვრება“ (H—2077) დართული აქვს ქართველ წმინდანთა 24 გამოსახულება, „ოთხთავს“ (H—1666) ახლავს მახარობელთა სურათები. განსაკუთრებით საყურადღებოა ალექსის მიერ გადაწერილი და მოხატული სულხან-საბა ორბელიანის ლექსიკონი (S—4748), რომელსაც წამძღვარებული აქვს მინიატურა ბერის გამოსახულებით. როგორც უკვე დადგენილია, აღნიშნულ მინიატურაზე გამოსახულია ლექსიკონის ავტორი სულხან-საბა ორბელიანი¹⁸.

ალექსიმ მნიშვნელოვანი წვლილი შეიტანა ქართულ ასოთა მოხაზულობის დახვეწასა და განვითარებაში, რითაც წინ წასწია ქართული კალიგრაფიული ხელოვნება. მის ხელწერაში გვხვბლავს ლამაზად, თანაბარი სიზუსტით გამოყვანილი ასოები. თავისი დროის სტანდარტულ ხელს იგი აცოცხლებს სპეციფიკური თავისებურებებით, რომლებიც ალექსი მესხიშვილს, როგორც

¹⁵ ქართულ ხელნაწერთა აღწერილობა, A, ტ. I, ნაკვ. I, 1973, გვ. 132.
¹⁶ ხელნაწერთა ინსტიტუტის ისტორიული დოკუმენტების ფონდი Sd—786.
¹⁷ მ. უ რ უ შ ა ძ ე, პირველი ქართველი გრაფიკი გრიგოლ ტატიშვილი, 1958, გვ. 167.
¹⁸ ლ. ქ უ თ ა თ ე ლ ა ძ ე, სულხან-საბა ორბელიანის მინიატურული პორტრეტი და მისი შემსრულებელი ალექსი მესხიშვილი, საბჭოთა ხელოვნება, 1959, № 10, გვ. 17—20.

კალიგრაფს, მის თანამედროვე კალიგრაფთაგან განასხვავებს. წერის მანერისა, თუ ასოთა მოხაზულობის ეს სპეციფიურობა შეინიშნება ალექსის მრავალრიცხოვან შთამომავალთა ნაწერებშიაც და სწორედ ამის გამო, ამ შესანიშნავი ხელწერის გამო, ქართული ლიტერატურის ისტორიაში მესხიშვილთა კალიგრაფიული სკოლა ერთ-ერთ საუკეთესოდ არის აღიარებული¹⁹.

აღმასი მსხვილფილის მიერ გადაწერილი ხელნაწიბები:

1. საეკლესიო კრებული. პარიზის ნაც. ბიბლ. ქართ. ხელნ. № 1, 1725 წ.
2. საგალობელნი მთელი წლისა, საქართ. ცენტრ. არქ., ქართულ ხელნაწერთა ფონდი (№ 1446) № 221, 1726 წ.
3. ს.-ს. ორბელიანის ლექსიკონი, ხელნაწერთა ინსტიტუტის S—4748, 1730 წ.
4. წმინდანთა ცხოვრება, ხელნაწერთა ინსტიტუტის H—2077 ხელნაწ. 1736 წ.
5. ვისრამიანი, ხელნაწერთა ინსტ. H—716 ხელნაწ. 1736 წ.
6. საეკლესიო კრებული, ხელნაწერთა ინსტ. H—2349 ხელნაწ. 1742 წ.
7. ოთხთავი, ხელნაწერთა ინსტ. H—1666 ხელნაწ. 1743 წ.
8. პარაკლისი, ხელნაწერთა ინსტ. S—3628 ხელნაწ. 1745 წ.
9. ქილილა და დამანა, ხელნაწერთა ინსტ. S—5004 ხელნაწ. 1747 წ.
10. ხრონოლოგია, ხელნაწერთა ინსტ. H—1671 ხელნაწ. 1752 წ.
11. კრებული, ხელნაწერთა ინსტ. S—3633 ხელნაწ. 1753 წ.
12. თვენი, ხელნაწერთა ინსტ. A—1093 ხელნაწ. 1758 წ.
13. საეკლესიო კრებული, ხელნაწერთა ინსტ. A—478 ხელნაწ. 1761 წ.
14. ლოცვანი, ხელნაწერთა ინსტ. Q—295 ხელნაწ. 1763 წ.
15. საეკლესიო კრებული, ხელნაწერთა ინსტ. A—459 ხელნაწ. 1769 წ.
16. ლოცვანი და დაუჯდომელი, ხელნაწერთა ინსტ. ხელნაწ. S—3630.
17. ოთხთავი, ხელნაწერთა ინსტ. ხელნაწერი S—2715.
18. საღვთისწავლო ტიპიკონი, ხელნაწერთა ინსტ. ხელნაწ. S—535₃(1).
19. მეტაფრასული კრებულის საძიებელი, ხელნაწერთა ინსტ. ხელნაწ. S—535₂.
20. საძიებლები (ფრაგმენტები), ხელნაწერთა ინსტ. ხელნაწ. S—535₃(2).
21. საღვთისწავლო საგალობლები, ხელნაწერთა ინსტ. ხელნაწ. S—535_დ.
22. ჟამნი, ხელნაწერთა ინსტ. ხელნაწ. S—1096.
23. პარაკლისი, ხელნაწერთა ინსტ. ხელნაწ. S—182.
24. კრება ფლორენცისა, ხელნაწერთა ინსტ. ხელნაწ. A—1443.
25. სახარება ლუკას თავი, ხელნაწერთა ინსტ. ხელნაწ. Q—264.
26. საეკლესიო კრებული, ხელნაწერთა ინსტ. A—344 ხელნაწ.

აღმასის მიერ დაწერილი სიგელები და საბუთები:

1. 1756 წლის 12 დეკემბრის ნათლისმცემლის მონასტრის სიგელი № 23²⁰.
2. 1747 წლის წყალობის წიგნი²¹.
3. 1751 წლის 30 დეკემბრის საბუთი, სასახლის ნასყიდობის წიგნი, ხელნაწერთა ინსტ. ისტორიული დოკუმენტების ფონდი Sd—786.

¹⁹ ქ. ქ ე ე ლ ი ძ ე, ქართული ლიტერატურის ისტორია, ტ. I, 1960, გვ. 261.

²⁰ ს. ქ ა კ ბ ა ძ ე, ისტორიული საბუთები, წ. V, ტფილისი, 1913, გვ. 75.

²¹ ე. თ ა ყ ა ი შ ვ ი ლ ი, საქართველოს სიძველენი, ტ. II, 1909, გვ. 287.

ДЕЯТЕЛЬНОСТЬ КНИЖНИКА-КАЛЛИГРАФА АЛЕКСЕЯ МЕСХИШВИЛИ

(Резюме)

Алексей Месхишвили считается родоначальником школы каллиграфов Месхишвили.

Почерк Алексея отличается четко выраженной индивидуальностью так называемой «месхишвилевской» манерой письма, которую он передал своим многочисленным потомкам и этим заложил основу созданию школы каллиграфов Месхишвили.

Алексей с одинаковым мастерством пишет на всех трех видах грузинского письма: «асомтаврული», «нусхური» и «мхედრული». Рукопись он оформляет миниатюрами и заглавными буквами «асомтаврული», выполненными киноварью.

Алексей как просвещенный и ученый книжник-каллиграф, переписывая рукопись, правит текст, отмечая неточности в приложенном там же примечании.

На основе изучения палеографических особенностей почерка Алексея мы установили, что рукописи А—1443, S—182 и S—3631 переписаны им.

მწიბრო მდღეა.
 მიუახლო თი.
 მუდგნო უხუცესი.
 მუდგნო
 მუდგნოთ ნაყვლით.
 სოფლით მ. მ. მ. მ.
 პაბარ მდღე.
 მუდგნო უხუცესი.
 სოფლით მუდგნო.
 ხანძარით მუდგნო.
 მუდგნო უხუცესი.
 მუდგნო უხუცესი.
 სოფლით ნაყვლით.
 სოფლით მდღეა-და.
 მუდგნოთ მუდგნო-და.

ქალაქი.

დაიწყო მუდგნოთ მუდგნოთ : მს : სოფლისათ

მს : მს : მს

მს : მს

მს : მს

ნიკოლოზ ჯანაშია

„ეპისტოლეთა წიგნის“ ცნობები უშუაწინაში

იაკობ ცურტაველის „წამებაჲ წმიდისა შუშანიკისი“ უძველესი და უბრწყინვალესი ძეგლია ძველი ქართული ლიტერატურისა. ამავე დროს იგი არის უძველესი და უმნიშვნელოვანესი საისტორიო წყაროც. ბუნებრივია, რომ ყოველი ცნობა ამ თხზულებაზე, მასში აღწერილ ამბებზე, ან მასში მოქმედ პირებზე, შემონახული ძველ მწერლობაში, განსაკუთრებული მნიშვნელობისაა როგორც ძველი ქართული ლიტერატურის ისტორიისა, ისე ქართული წყაროთმცოდნეობისათვის. ასეთი ხასიათის მეტად საინტერესო ცნობებს ვპოულობთ ძველ სომხურ კრებულში „ეპისტოლეთა წიგნი“, რომელშიც წარმოდგენილია სომხეთისა და სხვა ქვეყნების ეკლესიების მესვეურთა მიმოწერა სარწმუნოების საკითხებზე. კრებულში შემონახულია სომეხ-ქართველთა საეკლესიო განხეთქილების პერიოდის (VII ს. დასაწყისის) სომეხი და ქართველი მღვდელმთავრების მიმოწერაც. ამ წერილებში რამდენჯერმე იხსენიება იაკობის თხზულების მთავარი მოქმედი პირი შუშანიკიც. უნდა ითქვას, რომ ეს არის უძველესი ხსენება შუშანიკისა ჩვენამდე მოღწეულ ლიტერატურულ წყაროებში, თუ, რა თქმა უნდა, არ ჩათვლით თვით „შუშანიკის წამებას“. „ეპისტოლეთა წიგნის“ ცნობები მეტად საინტერესოა იმიტაც, რომ ისინი სრულიად ახლებურად გვიხსნაიანებენ შუშანიკს როგორც მოღვაწეს. ამასთან ეს ცნობები ძალზედ საყურადღებო მასალას იძლევა ქვემო ქართლის საპატრიარქოს ისტორიისათვის.

„ეპისტოლეთა წიგნი“ შუშანიკის სახელს პირველად ვხვდებით სომხეთის კათალიკოს აბრაამის პირველ ეპისტოლეში ქართლის კათალიკოს კირონისადმი. სანამ უშუალოდ ამ წერილს გავეცნობოდეთ, გავიხსენოთ, რა უძღოდა მას წინ: ცურტავის ეპისკოპოს მოსეს უთანხმოება მოუვიდა ქართლის კათალიკოს კირონთან და 605/606 წლების ზამთარში¹ გაიქცა სომხეთში. იგი გაჩერდა ჰოვანავანქის მონასტერში, საიდანაც წერილი მისწერა დეინში სომხეთის კათალიკოსის ადგილის მცველს, ან, თანამედროვე სიტყვით, სომხეთის კათალიკოსის მოვალეობის დროებით აღმასრულებელ ვრთანესს (ვრთანესი ამ მოვალეობას ასრულებდა 604 წლიდან, როდესაც გარდაიცვალა კათალიკოსი მოსეს ელივარდელი, 607 წლამდე, როდესაც ახალ კათალიკოსად არჩეულ იქნა აბრაამ აღბათანელი). მოსე ცურტაველი უჩიოდა კათალიკოს კირონს, რომ მან უღალატა მონოფიზიტობას და მიემხრო დიოფიზიტობას ქართლის მთელ სამღვდელეობასა და დიდებულებთან ერთად. მოსე ცურტაველის თხოვნით,

¹ ეპისტოლეთა წიგნი, სომხური ტექსტი ქართული თარგმანით, გამოკვეცივითა და კომენტარებით გამოსცა ზ ა ზ ა ა ლ ე ქ ს ი ძ ე მ, „მეცნიერება“, თბ., 1968, გვ. 133.

ვრთანესმა წერილები მისწერა კირონსა და ქართლის დიდებულებს მოწოდებოთ, არ მიმხრობოდნენ დიოფიზიტობას და არ გასთიშვოდნენ სომეხებს. ვეფხველ ნისის წერილებს შედეგი არ მოჰყოლია. საპასუხო წერილში ქართლის აზნაურებმა აცნობეს მას, რომ არ აპირებდნენ აღებული გეზის შეცვლას. 607 წ. აპრილის პირველ ნახევარში² დვინის საეკლესიო კრებამ სომხეთის კათალიკოსად აირჩია აბრაამ აღბათანელი. მოსე ცურტაველმა ახლა მას მიმართა თავისი საჩივრით, მოსეს თხოვნის შედეგად, აბრაამმა კირონს მისწერა სწორედ ის წერილი, რომელშიც, როგორც ითქვა, პირველად იხსენიება შუშანიკი.

აბრაამი ახსენებს კირონს, რომ იგი, კირონი, ადრეც არასწორად მოქცეულა სარწმუნოების საკითხში, რაზედაც მისთვის მიუთითებია აბრაამის წინამავალ სომხეთის კათალიკოს მოვსეს ელივარდელს. მაშინ „თქვევც წერილით და მცნებით იკისრეთ, რომ არ განშორდებოდით ზიარებას ჩვენი ქვეყნის საერთო სარწმუნოებასთან. ახლა კი უბოროტესმა და უმძიმესმა (აბზავმა) მოაწია და ვისმინეთ ჩვენ. სარწმუნოების ერთობას და ორთავე ჩვენი ქვეყნის მასპინძლობას ცურტავის ეკლესია ურყევი შუამავლობით იცავდა, სადაც სიყვარული, ზორციელი მოყვრობა და სულიერი ზიარება სრულდებოდა შეგებთ აღსავეც სიხარულით. აქედან მცხეთაში ჯვარს მიდიოდნენ და მანდედან წმინდა კათოლიკეს (მოდდიოდნენ). ამჟამად ცურტავის ეპისკოპოსი დევნილია (იმის გამო), თუ რად ბრძანებო მართლმადიდებლური სარწმუნოების აღსარებას, და სომხური მსახურება, წმინდა შუშანიკისგან დადგენილი, მესმის, რომ შეგიცვლიათ. ჩვენ სიკვილიზე უფრო უბოროტესად მივიჩნიეთ ეგ საქმე“³.

მოტანილ ამონაწერში ბევრი რამ არის საინტერესო, მაგრამ ჯერ ორიოდ სიტყვა ერთ საკითხზე. მკითხველს შეიძლება დარჩეს შთაბეჭდილება, თითქოს აბრაამი კირონის ყველაზე დიდ დანაშაულად („სიკვილიზე უბოროტესად“) თვლიდა სომხური მსახურების შეცვლას. ასე მიაჩნდა თავის დროზე ივ. ჯავახიშვილს. იგი წერდა განსახილველი ადგილის შესახებ: «Тут знаменательны особенно последние слова католикоса Авраама; отмена богослужения на армянском языке беспокоила его больше, чем само отстранение цуртавского епископа; что он считает наиболее тяжким проступком грузинского архипастыря. Об этом же пишут Марзпан Смбат и другие знатные армяне»⁴. და შემდეგ «Этот инцидент сразу же охладил отношение обеих сторон. Подобный оборот дела,—перенесение центра тяжести распрей на вопрос о богослужебном языке в часовне св. Шушаники,—осложнил и без того трудно примиримый, догматический спор о двух или одном естестве в И. Христе»⁵.

ვფიქრობთ, აბრაამის სიტყვები ასე არ უნდა იქნეს გაგებული. ცხადია, აბრაამისთვის აღსარების საკითხს მეტი მნიშვნელობა უნდა ჰქონოდა, ვიდრე მღვდელმსახურების ენისას. პირიქით რომც ყოფილიყო, აბრაამი, აღბათ, ვერც გაბედავდა ამის თქმას. აღნიშნული ფრაზა („ჩვენ სიკვილიზე უფრო

² ეპისტოლეთა წიგნი. თბ., 1968, გვ. 151—152.

³ იქვე, გვ. 66—67.

⁴ И. А. Джавахов, История церковного разрыва между Грузией и Арменией в начале VII века, Известия Императорской Академии Наук, Санктпетербург, 1908, с. 528. შტრ., აგრეთვე, ეპისტოლეთა წიგნი, გვ. 236.

⁵ იქვე, გვ. 529.



უბოროტესად მივიჩინეთ ეგ საქმე⁶) უნდა შეეხებოდეს არა მარტო იმ წინადადებას, რომელსაც იგი უშუალოდ მისდევს („სომხური მსახურება, წინადადება“), არამედ საერთოდ მთელ ამბავს — ქართლის განდგომას მონოფიზიტობისგან და დიოფიზიტობაზე გადასვლას, ცურტავის ეპისკოპოსის განდევნას ქართლიდან, სომხური მღვდელმსახურების შეცვლას და ყველაფერ იმას, რაც მოჰყვა, ან უნდა მოჰყოლოდა ქართლის ეკლესიის ახალ კურსს. სხვათა შორის, ერთი პატარა დეტალი: სომხურ ტექსტში სიტყვებს „სიკვდილზე უფრო უბოროტესად მივიჩნით ეგ საქმე“ მისდევს *«ჩი ქუყესო ს კანა ზალათოჲ არქაჲსჲ არქაჲს სის სანჲქოჲ ჟნოჲქსან...»*, რაც ქართულ გამოცემაში თარგმნილია ამგვარად: „თუმცა-ღა მეფეთა-მეფის კავატის წლებში კვლევა-ძიება იქმნა“...⁶ სომეხ და ქარცველ მღვდელმთავრების ნიწერ-მოწერა შემონახულია, აგრეთვე X ს. სომეხ ისტორიკოსის უხტანესის ნაშრომში „ისტორია გამოყოფისა ქართველთა სომეხთაგან“. განსახილველ ფრაზას უხტანესი იმეორებს სიტყვისტყვიით. უხტანესის ქართულ გამოცემაში ამ ადგილის თარგმანი დაზუსტებულია: „რადგან, თუმცა მეფეთა-მეფის კავატის დროს იქმნა კვლევა ძიება...“⁷ დაზუსტება საესეებით სწორია და იგი სხვა ნიუანსს ანიჭებს აბრაამის სიტყვებს: „ჩვენ სიკვდილზე უფრო უბოროტესად მივიჩინეთ ეგ საქმე, რადგან თუმცა (რადგან თუ მცა“ „ეპისტოლეთა წიგნის“ ტექსტის თარგმანში ჩართულია ჩვენ მიერ უხტანესის ტექსტის თარგმანის მიხედვით, ნ. ჯ.) მეფეთა-მეფის კავატის დროს იქმნა კვლევა-ძიება ჩვენ ქვეყანასა და რომაელთა შორის, რომელთაც ქალკედონის კრება და ლეონის ტომარი შეიწყნარეს, ჩვენი და თქვენი ქვეყნის მოძღვარნი და მთავარნი განეშორნენ მათთან ზიარებას, (რაც) ერთობით წიგნითაც არის დატყული ჩვენს შორის ვიდრე აქამომდე. ეხლა არა ჯერ არს, რომ თქვენმა სიწმინდემ უცხოობა ჩამოაგდოს ორ ქვეყანას შორის და განაშოროს სიყვარული, ხორციელი მოყურობა და სულიერი ზიარება, რომ არავე მოვიდეს მანდ სალოცავად მაგ წმინდა ჯვარს და მანდედან წმინდა კათოლიკეს. მხედართავანი ვინმე რომ ყოფილიყო ასეთი განხეთქილებისა და ბოროტი შფოთის მიზეზი, თქვენი სიწმინდე მოვალე იყო ეზრუნა და მშვიდობის მიზეზი გამხდარიყო. ზოლო, უკეთუ თქვენ იქნებით მიზეზი ერთმანეთის უცხოდ მიჩნევისა, რომელმა სიტყვამ დაიტოოს ასეთი უბედურება?“⁸ ამრიგად, აბრაამის აზრი ასეთია: ეგ ამბავი (ე. ი. ქართლის განდგომა მონოფიზიტობისგან და დიოფიზიტობის მიღება, სომეხეთთან სარწმუნოებრივი ერთობის გაწყვეტა, ცურტავის ეპისკოპოსის განდევნა, სომხური მსახურების შეცვლა) ჩვენ სიკვდილზე უბოროტესად მივიჩინეთ, რადგან ჯერ კიდევ კავადის დროს (ირანის შაჰი 488—531 წლებში, ნ. ჯ.) ჩვენ ქვეყნებსა და რომაელთა შორის მოხდა სარწმუნოებრივი საკითხების ძიება და ჩვენი ქვეყნების სასულიერო და საერო მეთაურები გადაუდგნენ მათ (რომაელებს, ე. ი. ბერძნებს, ნ. ჯ.), რაზედაც ერთობის წიგნები დაწერესო. ახლა, თქვენ არ შეგფერით, რომ ეს ერთობა დაარღვი-

⁶ ეპისტოლეთა წიგნი, გვ. 67.

⁷ უ ხ ტ ა ნ ე ს ი, ისტორია გამოყოფისა ქართველთა სომეხთაგან, სომხური ტექსტი ქართული თარგმანითა და გამოკვლევით გამოსცა ზ ა ზ ა ა ლ ე ქ ს ი ძ ე მ, „მეცნიერება“, თბ., 1975, გვ. 123.

⁸ ეპისტოლეთა წიგნი, გვ. 67—68.

ოთო. წერილის ბოლოს აბრაამი ისევ ლაპარაკობს იმაზე, რაც, მისი აზრით განსაკუთრებით მძიმეა კირონის მოქმედებაში: „...არის რაღაც, რომელიც დაუჭერებლად გვეჩვენა: უცხო სამეფოსთან რომ შექმნა მეფეთა მეფის მონათაგანმა სიყვარულის ერთობა და ბუნებით თანამოზიარეს გაშორდე, მართლაც, რომ ძლიერ მძიმეა“⁹. აბრაამის სიტყვით, დაუჭერებელი ამბავი ისაა, რომ ირანის შაჰის ქვეშევრდომი შორდება თავის სარწმუნოებრივ თანამოაზრეს (სომხეთს), რომელიც, აგრეთვე, შაჰის ქვეშევრდომია, და სიყვარულის ერთობას აბამს უცხო სამეფოსთან. ცხადია, თუმცა აბრაამს სომხური მღვდელმსახურების შეცვლა მეტად მნიშვნელოვან ამბად მიაჩნია, მაგრამ მას კარგად ესმის, რომ იგი მაინც დაქვემდებარებული საკითხია, რომ მთავარია ქართლის სარწმუნოებრივი მრწამსის საკითხი საერთოდ.

აბრაამთან ერთად ანალოგიური შინაარსის წერილი კირონსა და ქართლის მთავრებს მისწერა სომხეთის საერო ხელმძღვანელთა სახელით სომხეთის მმართველმა, ვრკანის მარზპანმა სმბატმა. სმბატის წერილში ზოგადად იგივეა ნათქვამი, რაც აბრაამისაში, მაგრამ მასში არაა ლაპარაკი იმაზე, რომ სომხური მსახურების შეცვლა ყველაზე მძიმე დანაშაული ყოფილიყო კირონისა, თუმცა აშკარაა, რომ სმბატიც მეტად დიდ მნიშვნელობას ანიჭებს ამ ამბავს და აღნიშნავს მის მოსალოდნელ შედეგებს. სმბატი წერს: „...სომხური მსახურება და წესი იყო თქვენში, ხოლო შეცვლით მტრობას აგდებთ [ჩვენ] შორის, მეტად კი ნაკლოვანებას, რომ აქედან შევაფერხოთ ჩვენც, რომელთაც სურთ მოვიდნენ და თაყვანი სცენ მაგ წმინდა ჯვარს და არ შემოვუშვათ, რომელნიც მოდიან მანდედან წმინდა კათოლიკე ეკლესიაში, და სხვა სამარტვილოში ილოცონ“¹⁰. სომხური მსახურების შეცვლა, სმბატის სიტყვით, სომხეთში უკმაყოფილებას გამოიწვევს, რასაც მოჰყვება ის, რომ ჩვენ შევზღუდავთ, შევაფერხებთ ქართლსა და სომხეთს შორის წმინდა ადგილებში სალოცავად მისვლა-მოსვლასო.

რომ სომხური მღვდელმსახურების საკითხი არ იყო სომხურ-ქართულ ეკლესიათა მესვეურებს შორის კამათის მთავარი პუნქტი, ჩანს შემდეგიდანაც: ეს საკითხი პირველად დაისვა კონფლიქტის დაწყებიდან საკმაოდ გვიან, ორ წელზე მეტი ხნის შემდეგ. პირველად მასზე ლაპარაკია აბრაამის პირველ ეპისტოლეში კირონის მიმართ და მის თანადროულ სმბატ ვრკანის მარზპანის წერილში. ეს წერილები დაიწერა 608 წ. აპრილსა თუ მაისში (ამაზე უფრო დაწერილებით ქვემოთ ვილაპარაკებთ). საპასუხო წერილებში აბრაამისა და სმბატისადმი კირონი უარყოფს მათ ბრალდებას, სომხური მსახურება არ შეგვიცვლიაო. კირონის წერილები უნახავს მოსე ცურტაველს, რომელიც აღმოფოთებული სწერს სმბატს, კირონი გატყუებთ, სომხური მსახურება შეცვალაო: „მსახურებაც რომ შეცვალეს, ცხადია, არაებისყოპოსი ნესტორიანი რომ დასვეს, ქართული მწიგნობრობაც არ იცის რიგიანად, არამცთუ სომხური, ისაც ცხადია. მაგრამ თქვენმა დიდებულებამ იცოდეს, რომ ამნაირი უკეთურების მანქანება საკმარისად იცის; თქვენი დარწმუნება უნდა და მაგ საქმის დაშლა, მაგრამ ღმრთისა და თქვენი სულისათვის ეცადეთ რამენაირად“¹¹.

⁹ ეპისტოლეთა წიგნი, გვ. 68.

¹⁰ იქვე, გვ. 75.

¹¹ იქვე, გვ. 82.



მიუხედავად მოსე ცურტაველის დაყინებული მტკიცებისა, აბრაამი, ჩანს დააფიქრა კირონის პასუხმა და იგი აღარაფერს ამბობს სომხურ მღვდელმსახურებაზე თავის მომდევნო (მეორე და მესამე) წერილებში კრონის მიმართ, თუმცა კი ეს წერილებიც იმავე საკითხთა წრეს მოიცავენ, რასაც მისი პირველი წერილი. სომხურ მღვდელმსახურების საკითხს აბრაამი უბრუნდება მხოლოდ თავის ენციკლიკურ წერილში, რომლითაც მან საბოლოოდ გაწყვიტა კავშირი სომხურსა და ქართულ ეკლესიებს შორის, როდესაც მისთვის უკვე, ალბათ, აღარ ჰქონდა მნიშვნელობა რამდენად სწორი იყო ეს ცნობა.

როგორც ვხედავთ, სომხური მსახურების საკითხი, ასე ვთქვათ, ეპიზოდურად ჩნდება სომეხ და ქართველ მესვეურთა მიწერ-მოწერაში. რაც შეეხება საერთოდ სარწმუნოებრივი მრწამსის საკითხს, მასზე ლაპარაკია კამათის დაწყებიდან მის ბოლომდე, ყოველ წერილში, რაც სავსებით ბუნებრივია, რადგან სწორედ ისაა კამათის მთავარი საკითხი, რომელმაც წარმოშვა უთანხმოება და საბოლოოდ გათიშა კიდევაც სომხური და ქართული ეკლესიები.

სომხური მსახურების საკითხის ქრონოლოგიას სომხურ-ქართულ ეკლესიათა მეთაურებს შორის გამართულ მიწერ-მოწერაში, როგორც ითქვა, უფრო დაწვრილებით ქვემოთ შევხებით, ახლა კი მივუბრუნდეთ კირონისადმი წაყენებულ ბრალდებას, შუშანიკისგან დადგენილი სომხური მსახურება შეგიცვლიათო. იმისთვის რომ ზუსტად გავიგოთ ამ ბრალდების შინაარსი, საჭიროა გავარკვიოთ ზოგი რამ, პირველ ყოვლისა, რას ნიშნავს „სომხური მსახურება“?

ივ. ჯავახიშვილს მიაჩნდა, რომ აქ იგულისხმება მსახურება სომხურ ენაზე: Этот, третий по счету, пункт обвинения армянского духовенства, предъявленного к католикусу Кириону, касается вопроса о богослужбном языке в церкви св. Шушаники, кафедрале Цуртавской епархии¹². უფრო ქვემოთაც ივ. ჯავახიშვილი ლაპარაკობს მხოლოდ სომხურად მღვდელმსახურებაზე¹³.

ზ. ალექსიძეც, ჩანს, იმ აზრისაა, რომ „სომხური მსახურება“ სომხურ ენაზე მსახურებას უნდა ნიშნავდეს. სომეხ მესვეურთა ბრალდებას კირონის მიერ სომხური მსახურების შეცვლაზე იგი შემდგენაირად ხსნის: „ქართულად მოლაპარაკე თემში მღვდელმსახურება, ჩანს, წინათაც და ახლაც ქართულად აღსრულდებოდა. კირონის ინიციატივა კი იყო თვით სომხურ თემშიც ორი ენის შემოღება ოფიციალურ საეკლესიო ენად“¹⁴. მაგრამ, ამასთანავე, მკვლევარი უშეებს, რომ ამ გამოთქმას, შესაძლოა, სხვა აზრიც ჰქონდა. კერძოდ, მან მოაქცია ყურადღება იმ გარემოებას, რომ კირონისადმი მიწერილ აბრაამის პირველ ეპისტოლეში ნახმარ „სომხურ მსახურებას“ სხვაგან „სომხური მწიგნობრობა“ შეესატყვისება: „თუ სხვაგან ლაპარაკია იმის შესახებ, რომ კირონმა „სომხური მწიგნობრობა“ (აჰაქრენ ჯაყოშიჩან) შეცვალა, აქ „სომხურ [მღვდელთ] მსახურებას“ (აჰაჯოთან ჯაქრენ) აქვს ხაზი გასმული. ცხადია, ამ გამონათქვამებში ჯაყოშიჩან და აჰაჯოთან ერთმანეთს ცვლიან. ეს გარემოება, შესაძლოა, იმის მაჩვენებელი იყოს, რომ საკითხი ეხება არა მხოლოდ სამღვდელმსახურო ენას, არამედ თვით წესის და ლიტურგიკის ხასიათსაც. სწორედ ასე აქვს გაგებული ეს ადგილი უხტანესსაც (თუ მის გადამწერს?), რომელიც

¹² И. А. Джавахов, История церковного разрыва, с. 528.

¹³ იქვე, გვ. 528—530.

¹⁴ ეპისტოლეთა წიგნი, გვ. 136.

ნაკრესი-ის მაგიერ ყველაგან **ნაკრესი**-ს (მამული, მამათა) წერს¹⁵ შემდგომში მკვლევარმა, ვფიქრობთ, საესებთ სწორად დააზუსტა, რომ **ნაკრესი**-ს (მშობლიური) ხმარება **ნაკრესი**-ის (სომხურის) მაგიერად „გამოწვეული უნდა იყოს უხტანესის ან მისი თხზულების გადამწერთა მიერ გრაფიკულ ნიადაგზე დაშვებული შეცდომით“¹⁶. მკვლევარს მოჰყავს ციტატები კირონის პასუხებიდან აბრაამსა და სმბატ მარზბანისადმი — „ჩვენ მსახურება არ შეგვიცვლია. ვინც ეპისკოპოსი გახდა, ქართული მოძღვრება იცის და სომხურიც. მსახურება ორივე მწიგნობრობით აღსრულდება... ეპისკოპოსმა, რომელიც დავადგინეთ, ქართული და სომხური მწიგნობრობა თანაბრად იცის და სამსახურს ორივე მწიგნობრობით აღასრულდეს“. შემდეგ მკვლევარი მსჯელობს: „რა იგულისხმება ამ სიტყვებში? მხოლოდ ქართულ-სომხური ენა და მწიგნობრობა, თუ დოგმატიკური მომენტიც? ყოველ შემთხვევაში, სომხები ლიტურგიკის შეცვლას უკეთებენ, ეპისკოპოსად ნესტორიანის დასმას. ასე რომ, დოგმატიკური მომენტი მათ მხედველობიდან არ რჩებათ. მოძღვრება (*doctrina*), შესაძლებელია, მრწამს, დოგმატს გულისხმობდეს. გამოთქმა—„სომხური სარწმუნოება“ არავის გააკვირვებს, რადგან იგი ყველა მონოფიზიტური სექტისაგან განსხვავებული ჩანს, სებეოსთან და **წიქ ნასათი**-შიც ცნობილია“¹⁷.

ვფიქრობთ, რომ იქ, სადაც ლაპარაკია შუშანიკის მიერ შემოღებული „სომხური მსახურების“ შეცვლაზე, არ უნდა იგულისხმებოდეს დოგმატიკის საკითხი. ამას გვაფიქრებინებს შემდეგი:

1. დოგმატიკის, ანუ სარწმუნოებრივი მრწამსის საკითხზე სომეხ და ქართველ მესვეურთა წერილებში ლაპარაკი ცალკეა. როგორც უკვე იყო აღნიშნული, მასზე მსჯელობა მიმდინარეობს მთელი მიწერ-მოწერის მანძილზე, ყოველ წერილში. „სომხური მსახურება“ კი მხოლოდ დროდადრო ჩნდება. ზემოთ ნათქვამი გვაქვს, რომ იგი წამოიჭრა კამათის დაწყებიდან მხოლოდ ორი წლის შემდეგ, შემდეგ მასზე ლაპარაკი შეწყდა და იგი ისევ გამოჩნდა კამათის დასასრულს, აბრაამის ენციკლიკურ ეპისტოლეში.

2. „სომხური მსახურების“ შემომღებად სომეხი მესვეურები (აბრაამი, სმბატი) ასახელებენ შუშანიკს. თუ ისინი „სომხურ მსახურებაში“ დოგმატიკურ მხარესაც გულისხმობდნენ, გამოდის, რომ მათ შუშანიკი დოგმატიკურ სახელების შემომტანადაც უნდა მიეჩნიათ, რაც გამორიცხულად მიგვაჩნია. მართლაც, ამ შემთხვევაში ორი ვარაუდია დასაშვები: ა) შუშანიკმა თვითონ შემოღებულ ახალი შეხედულებანი ქრისტიანულ დოგმატიკაში, რომლებიც დააყენონა ცურტავის ეკლესიაში; ბ) შუშანიკმა ცურტავის ეკლესიაში შემოიღო ის განსხვავებული დოგმატიკური პრინციპები, რომლებიც მანამდე მიღებული იყო სომხეთის ეკლესიაში¹⁸. ორივე ამ ვარაუდს უარყოფს შემდეგი მოსაზრებები: 1. ქრისტიანული დოგმატიკა იმდენად რთული სფერო იყო, რომ შუშანიკი

¹⁵ ეპისტოლეთა წიგნი, გვ. 152.

¹⁶ უხტანესი, გვ. 270.

¹⁷ ეპისტოლეთა წიგნი, გვ. 237.

¹⁸ რომ „სომხური მსახურების“ შეცვლაზე ლაპარაკიას არ იგულისხმება მთელი ქართლი, კარგად აქვს ნაჩვენებიზ. ალექსიძის (უხტანესი, გვ. 245) და ამიტომ ამაზე აღარ შეეჩერდებით.



ვერც შესძლებდა და ვერც გაბედავდა მასში შეჭრას და რაიმე განსხვავებულ აზრის წამოყენებას. 2. ერთ-ერთი ამ ვარაუდის დაშვების შემთხვევაში გამოვიდოდა, რომ სომხური ეკლესიის ტრადიციის თანახმად განსხვავება დოგმატიკურ საკითხებში ქართულსა და სომხურ ეკლესიებს შორის ყოფილა ძალიან აღრეული ხანიდან, თუ უფრო აღრე არა, ყოველ შემთხვევაში, უკვე შუაშანიკის დროიდან, ე. ი. V ს. 60-იან წლებიდან. მაგრამ „ეპისტოლეთა წიგნიდან“ კარგად ჩანს, რომ სომხურ და ქართულ ეკლესიებს შორის კამათის დროს სომეხ მესვეურთა მთავარი არგუმენტი სწორედ ისაა, რომ სომხეთი და ქართლი მუდამ ერთად იყვნენ სარწმუნოებრივი თვალსაზრისით, რომ ამ მხრივ მათ შორის სრული ერთიანობა იყო წინათ და ამიტომ ახლაც არ უნდა დავშორდეთ ერთმანეთსო.

გარდა ამისა, გამოვიდოდა, რომ სომეხ მესვეურთა თანახმად, ცურტავის ეკლესია, თუ მისი სომხურენოვანი თემი, დოგმატიკური თვალსაზრისით განსხვავდებოდა დანარჩენი ქართლისაგან. ცხადია, ასეთ შემთხვევაში იგი იქნებოდა მონოფიზიტური, ხოლო მთელი დანარჩენი ქართლი არამონოფიზიტური. მაგრამ ასეთი ვაგებაც საესებით ეწინააღმდეგება სომეხ მესვეურთა კონცეფციას, რომლის თანახმადაც მთელი ქართლი იმთავითვე იყო ერთიანი და მთლიანად მონოფიზიტური. მათი სიტყვით, სწორედ ამიტომაც არ უნდა გადაეხვიოთ კირონს ძველი, მამა-პაპათა არჩეული გზიდან და არ უნდა გათიშოდა მონოფიზიტურ სომხეთს.

3. თუ „სომხურ მსახურებაში“ დოგმატიკურ მხარესაც ვიგულისხმებთ, გამოვა, რომ სომეხი მესვეურები კირონთან ჩიოდნენ დოგმატიკის შეცვლას ცურტავის ეკლესიაში. მაგრამ ისინი საკითხს უფრო ფართოდ სვამდნენ. ცხადია, იმ დროს, როდესაც ბრალს სდებდნენ კირონს იმაში, რომ იგი მთელი ქართლის მრწამს ცვლიდა, ისინი არ დაიწყებდნენ ლაპარაკს დოგმატიკის შეცვლაზე ცურტავში. ეს ხომ საკითხის სრულიად გაუმართლებელი დავიწროება იქნებოდა და, უეჭველია, კირონი მას სომეხების მხრივ გარკვეულ დათმობად აღიქვამდა. სომეხი მესვეურების ბრალდება კირონის მიმართ ასეთია: მრწამსს ცვლი მთელს ქართლში, ხოლო ცურტავის საეპისკოპოსოში გარდა ამისა სომხურ მსახურებასაცო.

4. ბრალდებაზე „სომხური მსახურების“ შეცვლის თაობაზე კირონი პასუხობს აბრაამს: „ჩვენ მსახურება არ შეგვიცვლია. ვინც ეპისკოპოსი გახდა, ქართული მოძღვრებაც იცის და სომხურიც აგრეთვე, მსახურება ორივე მწიგნობრობით სრულდება“-ო¹⁶. ამ შემთხვევაშიც, ვფიქრობთ, არც „მსახურება (ყაჯოაძან), არც „მოძღვრება“ (მოსამან) და არც „მწიგნობრობა“ (ყაყოაძან) არ უნდა შეიცავდნენ დოგმატიკის მცნებას. წინააღმდეგ შემთხვევაში კირონის სიტყვები ასეთ აზრს მიიღებდნენ: ახალმა ეპისკოპოსმა ქართული დოგმატიკაც (ე. ი. დიოფიზიტობა) იცის და სომხურიც (ე. ი. მონოფიზიტობა) და მსახურებას ორივე დოგმატიკით (ქართველებისთვის დიოფიზიტურით, ხოლო სომეხებისთვის მონოფიზიტურით) ასრულებსო. ცხადია, ასეთ რამეს კირონი ვერ იტყოდა.

ყოველივე ზემოთქმული საფუძველს გვაძლევს ვიფიქროთ, რომ „სომხური მსახურება“ დოგმატიკურ მხარეს არ უნდა გულისხმობდეს.

¹⁶ „ეპისტოლეთა წიგნი, გვ. 70.



რაც შეეხება ლიტურგიკასა და მსახურების წესს, აქ მდგომარეობა რამდენადმე განსხვავებული უნდა იყოს. შეიძლება დავუშვათ, რომ მაშინაც კი, როდესაც სომხური და ქართული ეკლესიები დოგმატიკური თვალსაზრისით ერთიანნი იყვნენ, თითოეულ მათგანს შეიძლებოდა ჰქონოდა საკუთარი ტრადიციები (მაგალითად, რომელიმე წმინდანის მეტი თაყვანისცემისა), რომლებიც მეტ-ნაკლებად აისახებოდნენ მსახურების წესსა და ლიტურგიკაში. ამაზე თითქოს მიგვანიშნებს სმბატ მარზპანის წერილი კირონისადმი და ამ უკანასკნელის პასუხი.

სმბატი სწერს კირონს:

*...ს ყაჯთაანე ხ ყარყე რა-
ქრენ ხ ჰაკ მჩქ ლე, ხ ძიხისიქ
ქჯაამოქქან ხ მხე არქანუქ:*²⁰

...და სომხური მსახურება და წესი იყო თქვენში, ხოლო შეცვლით მტრობას აგდებთ ჩვენ შორის²⁰.

კირონი პასუხობს:

*...ს ყაჯთაან ხსიხეციონ ხ
ყარყენ ჯე ხნე ძიხისაქ:*²¹

...ამ ეკლესიის სამსახური და წესი მცირედაც შეუცვლეოა²¹.

როგორც ვხედავთ, აქ ლაპარაკია არა მარტო „სომხურ მსახურებაზე“, არამედ წესზეც. ის გარემოება, რომ „მსახურება“ და „წესი“ ერთად იხსენიებიან, თითქოს უნდა მიუთითებდეს იმაზე, რომ ისინი ერთმანეთს არ ფარავენ და, მაშასადამე, „მსახურება“ არ უნდა შეიცავდეს „წესის“ მცნებას. მიუხედავად ასეთი პირდაპირი მითითებისა სმბატის მხრიდან (ვფიქრობთ, კირონის მიერ „წესის“ მოხსენიებას ნაკლები მნიშვნელობა უნდა ჰქონდეს, რადგან, ჩანს, ის მხოლოდ იმეორებს სმბატის სიტყვებს, როგორც მას ეს სჩვევია²²), რაიმე არსებითი განსხვავება მსახურების წესსა და ლიტურგიკაში ქართულსა და სომხურ ეკლესიებს შორის, ამ პერიოდში, ე. ი. ვახნეთილუბამდე, არ უნდა ყოფილიყო. ეს დასტურდება თვით „ეპისტოლეთა წიგნიდანაც“.

ცურტავიდან გამოქცეული მოსე სომხეთის კათალიკოსის ადგილის მცველ ვრთანესთან მიწერილ წერილში აღწერს ქართლში შექმნილ ვითარებას, რომელმაც აიძულა იგი მიეტოვებინა თავისი სამწყსო და სომხეთისთვის შეეფარებინა თავი. ქართლის ეკლესიის დახასიათებისას, მოსე ამბობს: „...ესოდენ გარდასულ დროთა შემდგომ მხოლოდ ეხლალა მივხედი, რომ ქართველთ მხოლოდ მწვანით შეფერილი ფოთლები ჰქონიათ, აქვთ რა უნაყოფო რტონი მსგავსად ხშირფოთლოვან ლედვისა, რომელზედაც უფალმა ფურცელს გარდა ვერ იპოვა ნაყოფი. ასევე ესენი კაცთა მოსაწონისად ცდილობდნენ მთელი მსახურება სრულად და სავსედ წარმოედგინათ. ხოლო, როცა შევიტყუეთ ქალ-

²⁰ ეპისტოლეთა წიგნი, გვ. 75.

²¹ უ ხ ტ ა ნ ე ს ი, გვ. 277. მოვაქვს ზ. ალექსიძის მიერ გასწორებული ტექსტი და მისივე თარგმანი. „ეპისტოლეთა წიგნიში“ ეს ადგილი ასეა თარგმნილი (გვ. 78):

*„...ს ყაჯთაან ხსიხეციონ ჯე ხნე
ძიხისაქ ყარყენ:“*

„...ეკლესიის მსახურებაც არა რიად შეგვიცვლია“.

²² ეპისტოლეთა წიგნი, გვ. 038.

კედონის კრების ურიული განსაზღვრების განდიდება და გინება ღმრთის მიმართ, აღარც მწვანე ფოთოლი აღმოაჩნდათ მაშინ²³. მოსე აქ იხსენებს იგავს სახარებიდან: ქრისტემ ნახა ხშირფოთლიანი ლეღვის ხე. როდესაც მან მოინდომა ნაყოფის მოწყვეტა, აღმოჩნდა, რომ ხეს ნაყოფი სრულებით არ ება. ასევე არიან ქართველებიცო. მწვანე ფოთოლი აქვთ, ე. ი. ღვთისმსახურება წესიერი აქვთ, ნაყოფი კი, ე. ი. საკუთრივ მოძღვრება — არაო. მართალია, ქართველებს „აღარც მწვანე ფოთოლი აღმოაჩნდათ“, როდესაც მოსემ გაიგო მათ მიერ „ქალკედონის კრების ურიული განსაზღვრების განდიდება და გინება ღმრთის ძის მიმართ“, მაგრამ, ჭერ ერთი, ეს, ცხადია, გულისხმობს დროს უშუალოდ კონფლიქტის დაწყებისა, ანუ VII ს-ის პირველ წლებს და არა აღრინდელ ხანას, ხოლო, მეორე მხრივ, აქ მოსეს სიტყვებს, ვფიქრობთ, გადატანითი აზრი აქვს და ისინი ასე უნდა გავიგოთ: მას შემდეგ, რაც გავიგე, რომ ქართველები ქალკედონურ მრწამსს აღიარებენ, მათ სწორ მსახურებას აღარავითარი ფასი არა აქვსო. როგორც ირკვევა, საკუთრივ ქართული მსახურების მიმართ მოსეს პრეტენზიის წაყენება არ შეუძლია, თუმცა კი ამისი სურვილი და მონდომება მას, უეჭველია, ექნებოდა. მოსე იძულებულია აღიაროს, რომ ქართველები ცდილობდნენ „მთელი მსახურება სრულად და სავსედ წარმოედგინათ“.

რომ ქართულ და სომხურ ეკლესიებს ერთი წესი ჰქონდათ, ამაზე ლაპარაკობს კირონ კათალიკოსიც. თავის მეორე ეპისტოლეში აბრაამის მიმართ კირონი წერს: „შენზე ადრე მაგ წმინდა ეკლესიაში რომ მოძღვარნი იყვნენ და ჩვენ ადგვიდა რომ მოძღვარნი იყვნენ, მათ შორის მშვიდობა და სიყვარული სუფევდა და ერთი წესი და სარწმუნოება ჰქონდათ, მით უფრო ჩემ დროს“²⁴. როგორც ვხედავთ, კირონის სიტყვით, განსხვავება წესში არ ყოფილა არც წინათ და არც თვით კირონის დროს.

მართალია, სხვაგან (სმბატის საპასუხო წერილში) ვნახეთ, რომ კირონი ლაპარაკობდა სომხურ წესზე; მაგრამ, როგორც ითქვა, ამ შემთხვევაში იგი მხოლოდ იმეორებდა სმბატის სიტყვებს.

ვფიქრობთ, ისიც დამახასიათებელია, რომ „სომხური წესი“ იხსენიება სმბატ ვრკანის მარზპანის, ერისკაცის წერილში. სომხეთის კათალიკოსი აბრაამი კი, რომელსაც სომხური წესის არსებობა უკეთ უნდა სცოდნოდა, ხოლო მის შეცვლას კი იგი უნდა უფრო შეეწუხებინა, არაფერს ამბობს ამაზე. ასევე განსხვავებას წესში, როგორც ვნახეთ, ვერ ხედავს მეორე სასულიერო პირიც, თვით ცურტავის ეპისკოპოსი მოსე. ჩანს, წესში განსხვავება ან სულ არ იყო, ან იმდენად უმნიშვნელო იყო, რომ აბრაამიცა და მოსეცა საჭიროდ არ თვლიდნენ მასზე ლაპარაკს. მხედველობაში მისაღებია ისიც, რომ კირონი ერთნაირ პასუხს აძლევს აბრაამს, რომელიც მხოლოდ სომხურ მსახურების შეცვლაზე ლაპარაკობს და არას ამბობს წესის შეცვლაზე და სმბატს, რომელიც მსახურების შეცვლის გარდა წესის შეცვლაზეც ჩივის. კირონი ორივეს ერთნაირად პასუხობს: ახალმა ეპისკოპოსმა ქართული და სომხური მოძღვრება იცის და მსახურებასაც ორივე ენაზე ასრულებსო. ჩანს, კირონისთვის აბ-

²³ ეპისტოლეთა წიგნი, გვ. 2.

²⁴ იქვე, გვ. 88.

რამის „სომხური მსახურება“ და სმბატის „სომხური მსახურება და წესი“ ტო-ლი მცნებებია.

თუ რა კონკრეტული შინაარსი უნდა ჩავდეთ „სომხურ მსახურებაში“, ამის გარკვევა შეიძლება კირონის წერილებიდან.

როგორც ვითოთ, სომეხი მეთაურები ბრალს სდებდნენ კირონს სომხურ მსახურებას ცვლითო. აბრაამი თავის პირველ ეპისტოლეში სწერდა კირონს: „სომხური მსახურება, წმინდა შუშანიკისგან დადგენილი, მესმის, რომ შეგი-ცვლიათ“-ო²⁵. ამასვე სწერდა კირონს მარზბანი სმბატიც: „...სომხური მსახუ-რება და წესი იყო თქვენში, ხოლო შეცვლით მტრობას აგდებთ [ჩვენ] შო-რის“-ო²⁶.

კირონის პასუხი აბრაამს ასეთია:

*სა ირ გრესა ღერ, მქე ქაანს ნი-
გხორ ნაფიფიქსხანს ხ მარამნა-
ლირ ახიოც სსხესეცხნ ზორთადაც
ნასათათხა ღერ ხ მქე სრყოც
აქსარარაფი, ხ აქამ ზორთადაც
საქსიციიანს ქაანს იოფაქათათ-
ქსანს ნაქაბხაღ ღ, ხ იყაღ-
ათანს ნაქსენს ხ რაფი ქიისაღ
ღ. მხრ იყაღათანს ზღ ქი-
ისაღ: რაღე გხ ირ საქსი-
ციიანს სეღა ქორაფი ი-
ათანს გქათ ხ ნაღ ნიიქნ-
აქსა, ხ სრციფიამე იყრო-
ქსამ რე იყაღათანს ღს-
არა რი: 27*

და რომ ეწერა, ცურტავის ეკ-ლესია დამტკიცებულ იქნა ჩვენ ორ ქვეყანას შორის სულიერი ზიარებისა და ხორციელი სიყვა-რულისათვის და ესლა ცურტავის ეპისკოპოსი მართლმადიდებლო-ბის გამო დევნილია და სომხური მსახურება შეცვლილიო, ჩვენ მსახურება არ შეგვიცვ-ლია. ვინც ეპისკოპოსი გახდა, ქართული მოძღ-ვრება იცის და სომხუ-რიც აგრეთვე, მსახუ-რება ორივე მწიგნობ-რობით სრულდება²⁷.

კირონის აზრი თითქოს ცხადია: მსახურება არ შეგვიცვლია, ვინც ეპის-კოპოსი გახდა ორივე მწიგნობრობა, ქართული და სომხური, იცის და მსახუ-რებაც ორივე მწიგნობრობით სრულდებაო. მაგრამ საქმეს ართულებს კავშირი „რაღე“ — „მაგრამ“. ხაზგასმული ადგილი სიტყვისიტყვით ასე უნდა ითარგმ-ნოს: „ჩვენ მსახურება არ შეგვიცვლია. მაგრამ ვინც ეპისკოპოსი გახდა, ქართული მოძღვრებაც იცის და სომხურიც აგრეთვე, მსახურება ორივე მწიგ-ნობრობით სრულდება“. ამ შემთხვევაში კი ტექსტი შეიძლება მეორეგვარა-დაც იქნეს გაგებული: თუმცა სომხური მსახურება არ შეგვიცვლია, მაგრამ ის სიახლე კი არის, რომ ვინც ეპისკოპოსი გახდა ქართული და სომხური მოძღვ-რება იცის და მსახურებაც ორივე მწიგნობრობით სრულდებაო. გამოდის, რომ ორივე მწიგნობრობის ცოდნა და ორივე მწიგნობრობით მსახურების შესრუ-

²⁵ ეპისტოლეთა წიგნი, გვ. 67.

²⁶ იქვე, გვ. 75.

²⁷ იქვე, გვ. 70.



ლება სიხლე ყოფილა, ხოლო „სომხური მსახურება“ უფრო მეტს უნდა წავედეს, ვიდრე მხოლოდ მსახურების ენას.

ზუსტად ასეთსავე პასუხს აძლევს კირონი სმბატ მარზაპანს:

...*ს აყაჯათაან ხსიღხეციან ს კარგან ჳ ხნჳ ქიქისსაჲ*

*ჩაჲყ ვქ სჲქისიყიან, ვირ არარაჲ, ჳკრავქ ს ჳაჲ ვაყრო-
ქჩან ვიჲჲ ვქათჲ ს ვაყაჯათაან
სათარჲ ს რქიღჲამჲ ვაყროქჩ-
ქსამჲრჲნ.*²⁸

...ამ ეკლესიის სამსახური და წესი მცირედაც შეუცვლელია.

ხოლო ეპისკოპოსმა, რომელიც დავადგინეთ, ქართული და სომხური მწიგნობრობა თანაბრად იცის და სამსახურს ორივე მწიგნობრობით ასრულებს²⁸.

ამ შემთხვევაში, როგორც ვხედავთ, მთარგმნელმა *ჩაჲყ* გადმოსცა „ხოლო“-თი.

იგივე წერილები შემონახულია უხტანესთანაც.

კირონის პასუხი აბრაამს:

...*მქჲრ ვაყაჯათაან ჳ ქიქის-
საჲ. ჩაჲყ ირ სჲქისიყიან სიღ*

*ჳკრავქ ს რასიან ვქათჲ ს სრქ-
იღამჲრჲ ვაყროქჩსამჲრჲჲ აყაჯათაან
სათარჲ.*²⁹

...ჩვენ მსახურება არ შეგვიცვლია მაგრამ ეპისკოპოსმა, რომელიც დავადგინეთ, ქართული მოძღვრებაც იცის და მსახურებას ორივე მწიგნობრობით აღასრულებს³⁰.

კირონის პასუხი სმბატს:

...*ს აყაჯათაან ხსიღხეციან ჳ
ქნჳ ქიქისსაჲ კარგან; ჩაჲყ ვქ
სჲქისიყიან, ვირ არარაჲ ჳკრ-
ავქ ს ჳაჲ ვაყროქჩან ვქათჲ, ს
ვაყაჯათაან სათარჲ ს რქიღჲამჲრჲ.*³¹

ეკლესიის მსახურება [და]წესი არ არის შეცვლილი, მაგრამ ეპისკოპოსი რომ დავაყენეთ, ქართული მწიგნობრობაც იცის და სომხურიც; მსახურებას ორივეთი აღასრულებს³².

ორ უკანასკნელ შემთხვევაში *ჩაჲყ* თარგმნილია „მაგრამ“-ით, რაც, როგორც უკვე ითქვა, სიტყვასიტყვით თარგმანს წარმოადგენს.

როგორც ვხედავთ, კირონის სიტყვების ზუსტი მნიშვნელობის დადგენა მხოლოდ ტექსტზე დაყრდნობით ძნელია. ამაში დავეხმარება შემდეგი მოსაზ-

²⁸ უ ხ ტ ა ნ ე ს ი, გვ. 277; ეპისტოლეთა წიგნი, გვ. 78. პირველი წინადადება ციტირებულია ისე, როგორც იგი აღადგინა ზ. ალექსიძემ თავის წიგნში „უხტანესი“. მეორე წინადადება კი მოტანილია „ეპისტოლეთა წიგნიდან“.

²⁹ უ ხ ტ ა ნ ე ს ი, გვ. 124.

³⁰ იქვე, გვ. 125.

³¹ იქვე, გვ. 152.

³² იქვე, გვ. 153.

რება: კირონი ვერ იტყოდა, სიხლემ მხოლოდ იმაში მდგომარეობს, რომ ახალმა ეპისკოპოსმა ორივე ენა იცის და მსახურებასაც ორივე ენაზე ატარებს, რადგან ორივე ეს ენა იცოდა მოსე ცურტაველმაც. თავის პირველ ეპისტოლეში ვრთანეს ქერდოლისადმი მოსე წერდა: „მომიხდა მე სიყრმის დღეებში მივსულიყავ ცურტავის საეპისკოპოსოს, რომლის მოწაფე ვიყავი იმ ეკლესიის წესისამებრ, სადაც აღვიზარდე და ვისწავლე სომხური და ქართული მწიგნობრობა-“³³. რატომ ისწავლა მოსემ სომხური და ქართული მწიგნობრობა? ალბათ, იმიტომ, რომ ორივე ენაზე შესძლებოდა მსახურება.

მეტეც შეიძლება ითქვას: ორენოვანება საერთოდ ტრადიციული უნდა ყოფილიყო ცურტავის საეპისკოპოსოში, რაც კარგად ჩანს კირონის მეორე ეპისტოლედან აბრაამისადმი: „მაგაზე (მოსე ცურტაველზე, ნ. ჯ.) ადრე ეპისკოპოსები, რომლებიც ცურტავში იყვნენ, წმინდა შუშანიკიდან [მოყოლებული] — აფოცი, გარნიკ, საპაკ, ელიშა, იაკობ, იოჰან, სტეფანოს, ესაი, სამუელ, სტეფანოს, იოჰანეს ეპისკოპოსები, ზოგნი სომეხთაგან და ზოგნი ქართველთაგან იყვნენ, სომხეთში განსწავლულნი, მეცნიერნი და მოძღვარნი“³⁴. მაშასადამე, კირონის თანახმად, ცურტავის ეპისკოპოსებად შუშანიკიდან მოყოლებული ხან სომხები მჯდარან და ხან ქართველები. მათ განათლება სომხეთში (უნდა ვიფიქროთ, ს ო მ ხ ე თ შ ი ც) მიუღიათ. ზ. ალექსიძის სამართლიანი შენიშვნით, კირონს აქ იმისი თქმა სურს, რომ, რადგან ცურტავი ქართლის მხარეში შედის „ქართული ენის ცოდნა არავისთვის არ არის გასაკვირი და თავისთავად იგულისხმება, ხოლო ქართველს და სომეხსაც კი, თუ მას საეპისკოპოსო ხარისხის დაკავება სურს, სომხური მწიგნობრობის დაუფლება სჭირდება“³⁵.

ამრიგად, კირონი ორენოვნებას ცურტავის საეპისკოპოსოში ვერაფრით ვერ მიიჩნევდა ახალ მოვლენად და, მიუხედავად იმისა, თუ როგორ ვთარგმნით „*რადე*“-ს, მისი სიტყვები ისე უნდა გავიგოთ, რომ მას არაფერი არ შეუცვლია მსახურებაში და ახალი ეპისკოპოსიც, ისევე როგორც ძველი, ორივე ენის მცოდნე იყო და მსახურებას ორივე ენაზე ასრულებდა.

როგორც ვხედავთ, კირონი ხაზგასმით აღნიშნავს იმას, რომ მას სომხური მსახურება არ შეუცვლია, რომ „ამ ეკლესიის სამსახური და წესი მცირედაც შეუცვლელია“. ამასთან იგი გვაძენობს, რომ არშეცვლილი მსახურება ნიშნავს იმას, რომ ეპისკოპოსმა იცის ქართულიცა და სომხური მოძღვრებაც და მსახურება ორივე მწიგნობრობით სრულდება. კირონის სიტყვები, ალბათ, ისე უნდა გავიგოთ, რომ ეპისკოპოსმა არა მარტო სალაპარაკო ენები იცის, არამედ — სასულიერო მწიგნობრობაც ორივე ენაზე და მღვდელმსახურებას ორივე ენაზე მწიგნობრულად ასრულებს.

შეიძლებოდა გვეფიქრა, რომ „სომხურ მღვდელმსახურებაში“ სომეხი მე-

³³ ეპისტოლეთა წიგნი, გვ. 1.

³⁴ უ ხ ტ ა ნ ე ს ი, გვ. 284. მოგვაქვს ამ ადგილის ზ. ალექსიძის მიერ წარმოდგენილი კონიექტურა, მიღებული ტექსტის სპეციალური შესწავლის შედეგად. „ეპისტოლეთა წიგნში“ ეს ადგილი რამდენადმე განსხვავებულადაა: „მაგაზე ადრე ეპისკოპოსები, რომლებიც ცურტავს იყვნენ წმინდა შუშანიკიდან მოყოლებული: აფოცი, გარნიკ, საპაკ, ელიშა, იაკობ, იოან, სტეფანოს, ესაი, სამუელ, სტეფანოს, იოანე და სხვა ეპისკოპოსები, სომეხთაგან და ზოგნი ქართველთაგან სომხეთში განსწავლული მეცნიერნი და მოძღვარნი იყვნენ“ (ეპისტოლეთა წიგნი, გვ. 89).

³⁵ ეპისტოლეთა წიგნი, გვ. 236.

სვეურები ერთს გულისხმობდნენ, კირონი კი — მეორეს; რომ კირონი ამ მოთქმაში იმ აზრს დებდა, რომელიც მას აწყობდა. მაგრამ, ჩანს, ეს ასე არ ყოფილა. აბრაამი არც ერთ თავის წერილში არ საყვედურობს კირონს, რომ მან არაზუსტი პასუხი გასცა. იგივე ითქმის სმბატ მარზპანზეც. განსაკუთრებით მნიშვნელოვანია ის, რომ ასევე ამ თვალსაზრისით ვერაფერს უძებნის კირონს მოსე ცურტაველიც, რომელმაც, როგორც უკვე ითქვა, წაიკითხა კირონის პასუხები აბრაამსა და სმბატისადმი. მოსე აღწვთებული სწერს სმბატს (მეორედ მოვიყვანთ ნაწყვეტს მისი წერილიდან): „მსახურებაც რომ შეცვალებს ცხადია. არაუპისკობოსი ნესტორიანი რომ დასვეს, ქართული მწიგნობრობაც არ იცის რივიანად, არამცთუ სომხური, ისიც ცხადია, მაგრამ თქვენმა დიდებულებამ იცოდეს, რომ მან ამნაირი უკეთურების მანქანება საკმარისად იცის; თქვენი დარწმუნება უნდა და მაგ საქმის დაშლა“-ო³⁶. როგორც ვხედავთ, მოსე ბრალს სდებს კირონს, არ დაუჭეროთ, გატყუებთ, მსახურება ნამდვილად შესცვალაო, მაგრამ ამავე დროს არაფერს ამბობს იმაზე, რომ კირონმა არასწორი პასუხი გასცა თავის კორესპონდენტს..

ყოველივე ზემოთქმული საფუძველს გააძლევს დავასკვნათ, რომ როდესაც „ეპისტოლეთა წიგნში“ ლაპარაკია შუშანიკის მიერ შემოღებულ „სომხურ მსახურებაზე“, პირველ რიგში და, ალბათ, მხოლოდ და მხოლოდ, იგულისხმება მსახურება სომხურ ენაზე.

ზემოთ მოტანილი ციტატებიდან ჩანდა, რომ სომხური მსახურების, ე. ი. სომხურ ენაზე მსახურების შემომღებად „ეპისტოლეთა წიგნში“ დასახელებულია შუშანიკი. ამაზე პირდაპირ ლაპარაკობს სომხეთის კათალიკოსი აბრაამი თავის პირველ ეპისტოლეში კირონისადმი: „...სომხური მსახურება, წმინდა შუშანიკისგან დადგენილი, მესმის, რომ შეგიცვლიათ“-ო³⁷. თავის საპასუხო წერილში კირონი უარყოფს სომხური მსახურების შეცვლას, შუშანიკს კი არ ახსენებს. ვფიქრობთ, შუშანიკის მოუხსენებლობა კირონის მიერ არ ნიშნავს იმას, რომ ამ უკანასკნელს შუშანიკი არ მიაჩნდა სომხური მსახურების შემომღებად. „ეპისტოლეთა წიგნიდან“ ჩანს, რომ შუშანიკის სახელი, როგორც წამებულისა და წმინდანის, დიდი პატივისცემით სარგებლობდა. ცხადია, აბრაამისთვის მეტად მომგებიანი იყო შუშანიკის ავტორიტეტის მოშველიება: თქვენ ცვლით იმ სომხურ მსახურებას, რომელიც თვით წმინდა შუშანიკისგან არის შემოღებულიო! მართალია, კირონი უარყოფს მის მიერ რაიმე ცვლილებების შეტანას არსებულ ვითარებაში, მაგრამ, შესაძლებელია, რომ რაღაცა სიძაღვების შემოტანას იგი მაინც აპირებდა (ამაზე ქვემოთ). ამიტომ კირონისთვის ზღვასაყრელი იქნებოდა თუ არსებული ვითარება, არსებული წესები დაკავშირებული არ იქნებოდა შუშანიკის სახელთან და თვითონაც შეეცდებოდა ეჩვენებინა ეს, თუ კი ამისი საფუძველი ან საშუალება ექნებოდა. ზ. ალექსიძეს კარგად აქვს ნაჩვენები, როგორი ნიჭიერი და ჭკვიანი პოლემისტი იყო კირონი³⁸. უეჭველია, მას ისეთი მნიშვნელოვანი ამბავი, როგორიც იყო სომხური მსახურების დაკავშირება შუშანიკთან, მხედველობიდან არ გამოორჩებოდა. მისი ღუმელი ამ საკითხზე გვიჩვენებს, რომ ან ის ეთანხმებოდა ცნობას სომხურ-

³⁶ ეპისტოლეთა წიგნი, გვ. 82.

³⁷ იქვე, გვ. 67.

³⁸ იქვე, გვ. 021—022.



რი მსახურების შუშანიკის მიერ შემოღებაზე, ან მას არ ჰქონდა საშუალება ამ ცნობის უარყოფისა. ჩვენის აზრით, „ეპისტოლეტა წიგნი“ არის იმის, თუმა არაპირდაპირი, მაგრამ მაინც, მოწმობა, რომ კირონიც მიიჩნევდა შუშანიკს სომხური მსახურების შემომღებად. ზემოთ უკვე გვქონდა მოტანილი კირონის სიტყვები მისი მეორე ეპისტოლედან აბრაამისადმი: „მაგაზე (მოსე ცურტაველზე, ნ. ჯ.) ადრე ეპისკოპოსები, რომლებიც ცურტავეში იყვნენ წმინდა შუშანიკიდან [მოყოლებული] — აფოცი, გარნიკ, საპაკ, ელიშა, იაკობ, იოჰან, სტეფანოს, ესაი, სამუელ, სტეფანოს, იოჰანე — ეს ეპისკოპოსები, ზოგნი სომეხთაგან და ზოგნი ქართველთაგან იყვნენ, სომხეთში განსწავლულნი, მეციერნი და მოძღვარნი³⁹“.

რატომ ჩამოთვლის კირონი ეპისკოპოსებს შუშანიკის დროიდან? იმიტომ, რომ საეპისკოპოსო კათედრა ცურტავეში შუშანიკის დროიდან იქნა დამტკიცებული? ვფიქრობთ, არა. ცურტავე იყო ცენტრი საპიტიახშოსი, რომელიც თითქმის მთელ ქვემო ქართლს მოიცავდა. საფიქრებელია, რომ ცურტავეში ეპისკოპოსი შუშანიკზე ადრეც მჯდარიყო, თუნდაც იმავე არშუშა პიტიახშის კარზე. მაგრამ იმ შემთხვევაშიც, თუ საეპისკოპოსო კათედრა ცურტავეში მხოლოდ შუშანიკის დროს იქნა დაარსებული, კირონის მიერ ეპისკოპოსების ჩამოთვლას შუშანიკიდან სხვა მიზეზი უნდა ჰქონდეს: კირონი ჩამოთვლის ეპისკოპოსებს, რომლებსაც განათლება მიღებული ჰქონდათ სომხეთში. ეს კი გამოწვეული უნდა ყოფილიყო იმით, რომ ცურტავეს ეპისკოპოსს თანაბრად უნდა სცოდნოდა ქართულიცა და სომხურიც, რათა მღვდელმსახურება ორივე ენაზე შესრულებინა. ბუნებრივია, რომ ქართლში მიღებული განათლების სრულყოფისათვის ცურტაველი მღვდელმსახურები სომხეთში მიდიოდნენ, მით უმეტეს, რომ მათ შორის ქართველებიც იყვნენ. გასაგებია, ასეთი წესის შემოღება ცურტავეში მოსალოდნელია მას შემდეგ, რაც იქ დამკვიდრდა მსახურება ორ ენაზე. ჩვენ კი ვნახეთ, რომ სომხური, და, მაშასადამე ორენოვანი, მსახურების შემომღებად ითვლებოდა შუშანიკი. სავსებით სწორად აღნიშნავს ზ. ალექსიძე, კირონი ეპისკოპოსებს ჩამოთვლის „შუშანიკიდან იმიტომ, რომ საკამათოდ შუშანიკის მიერ დაწესებული სომხური მღვდელთმსახურებაა გამხდარი“-ო⁴⁰.

შუშანიკს, როგორც სომხური მსახურების დამდგენელს, ახსენებს აბრაამი თავის ენციკლიკურ წერილშიც⁴¹.

ამრიგად, ვხედავთ, რომ VII ს. დასაწყისში სომხეთსა და ქართლში შუშანიკი მიჩნეული იყო სომხურ ენაზე საეკლესიო მსახურების შემომღებად ცურტავეს საეპისკოპოსოში. რამდენად რეალურია ეს ცნობა? ვფიქრობთ, რომ არაფერი შეუძლებელი ამაში არაა. როგორც საპიტიახშოს უმაღლესი საერო გამგებლის მეუღლე, რომელიც დედოფლადაც კი იწოდება იაკობის თხზულებაში, შუშანიკი შეიძლება ინიციატორად, შუამდგომლად გამოსულიყო საერო და სასულიერო ხელისუფლების წინაშე სომხურ ენაზე მღვდელმსახურების შემოღების თაობაზე. ამდენად ეს მსახურება მის სახელთან იქნებოდა დაკავშირებული. ცხადია, ასეთი რამის გაკეთება მას შეეძლებოდა მანამ, სანამ დაიწყებოდა

³⁹ უ ხ ტ ა ნ ე ს ი, გვ. 284.
⁴⁰ ეპისტოლეტა წიგნი, გვ. 158.
⁴¹ იქვე, გვ. 121.



მისი კონფლიქტი ვარსკენთან. შემდეგ ვარსკენი, ალბათ, აღარ დათანხმდებოდა ასეთი მნიშვნელოვანი ცვლილების ჩატარებაზე. ნიშანდობლივია, რომ ეპისკოპოსები, რომელიც აღწერს შუშანიკის ცხოვრების უკანასკნელ ექვს წელს, ე. ი. მისი ცხოვრების იმ ხანას, როდესაც კონფლიქტი მასსა და ვარსკენს შორის განსაკუთრებით გამწვავდა, არაფერს ამბობს ამ საკითხზე. ამგვარად, სომხური მსახურების შემოღება უნდა მომხდარიყო 466 წლამდე, როდესაც იწყება „შუშანიკის წამებაში“ აღწერილი ამბები და მას შემდეგ, რაც შუშანიკი გათხოვდა ვარსკენზე, ე. ი. V ს. 50-იანი წლების ბოლოს, ან 60-იანი წლების დასაწყისში.

ამასთან დაკავშირებით გავიხსენოთ, რომ სომხურ-ქართული მწიგნობრობის მცოდნე ეპისკოპოსების ჩამოთვლას კირონი იწყებს აფოციდან. უნდა ვიფიქროთ, რომ აფოცი იყო პირველი ეპისკოპოსი, რომელიც ამ თანამდებობაზე დაინიშნა ცურტავში მას შემდეგ, რაც იქ შემოღებულ იქნა მსახურება სომხურ ენაზე. ამას მხარს უჭერს ის გარემოებაც, რომ, როდესაც იწყება შუშანიკის წამება, აფოცი, მართლაც, უკვე ეპისკოპოსია.

ახლა შევეცადოთ გავარკვიოთ, თუ რას გულისხმობდა უფრო კონკრეტულად შუშანიკის მიერ სომხური მსახურების შემოღება. ჩვენ მიერ უკვე ციტირებულია ივ. ჭავჭავაძის სიტყვები: «Этот, третий по счету, пункт, обвинения армянского духовенства, предъявленного к католикосу Кириону, касается вопроса о богослужебном языке в церкви св. Шушаники, кафедрале цуртавской епархии»⁴². «Подобный оборот дела, — перенесение центра тяжести распрей на вопрос о богослужебном языке в часовне св. Шушаники, — осложнил и без того трудно примири-мый, догматический спор о двух или одном естестве в И. Христе»⁴³.

აბრაამისაღმი კირონის პირველი საპასუხო ეპისტოლეს სათანადო ადგილის მოყვანისას, ივ. ჭავჭავაძი ასკვნია: «Следовательно, в данном случае, речь могла быть не об уничтожении: грузинский католикос только ввел службу на двух языках. Из того, что армяне протестуют против этого, видно, что прежде в церкви св. Шушаники служба отправлялась исключительно на армянском языке, хотя паства была двуязычная: там жили и грузины и армяне, и епископами бывали то армяне, то грузины. Достоинно внимания, что когда Кирион рассказывает о том, как цуртавскими епископами бывали иной раз армяне, иной раз грузины, то про грузин он прибавляет, «из знающих армянскую грамоту», между тем как о знании армянами-епископами грузинской грамоты он ничего не говорит. Очевидно, грузинам епископам знание армянской грамоты было необходимо потому, что в цуртавской церкви богослужение велось на армянском языке. И вот, католикос Кирион уравнил оба языка, введя службу и на грузинском языке»⁴⁴.

ამრიგად, ივ. ჭავჭავაძის შეხედულებები ჩვენთვის საინტერესო საკით-

⁴² И. А. Джавахов, История церковного разрыва, с. 528.

⁴³ იქვე, გვ. 529.

⁴⁴ იქვე, გვ. 529—530.



ხებზე ასეთია: ცურტავში ცხოვრობდნენ ქართველებიცა და სომხებიც, მიუხედავად ამისა, ცურტავის კათედრალურ ტაძარში (ივ. ჯავახიშვილი მას უწოდებს წმ. შუშანიკის ეკლესიასაც და წმ. შუშანიკის სამლოცველოსაც — часовня-ს, რასაც, როგორც ქვემოთ დავრწმუნდებით, თავისი გამართლება აქვს) მსახურება სრულდებოდა მხოლოდ სომხურად. კირონმა შემოიღო მსახურება ქართულადაც. მანამდე ქართველ ეპისკოპოსისთვის სომხური მწიგნობრობის ცოდნა აუცილებელი იყო, რადგან მსახურება მხოლოდ სომხურად მიმდინარეობდა.

აქვე დავუმატებთ იმასაც, რომ სომხური მსახურება ივ. ჯავახიშვილს, როგორც ჩანს, შუშანიკის შემოღებულად კი არ მიაჩნდა, არამედ მის საპატივცემულოდ დაწესებულად. აბრაამის სიტყვებს «*գլխառանն հախրէն սրբი Շուշանկան զկարգաւորիսին*» («სონხური მსახურება, წმინდა შუშანიკისგან დადგენილი»), ივ. ჯავახიშვილი ასე თარგმნიდა «армянское богослужение, установлено (в честь) святой Шушанники»⁴⁵.

ამავე საკითხებს ეხება ზ. ალექსიძეც. «ეპისტოლეთა წიგნში» მას გამოთქმული აქვს შემდეგი დებულებები: ცურტავის საეპისკოპოსო ორ თემად იყოფოდა — ქართულ (ანუ ქართულენოვანად) და სომხურ (ანუ სომხურენოვანად). ქართულ თემში მსახურება აღსრულდებოდა ქართულად, სომხურში კი — სომხურად. ამიტომ ეპისკოპოსები, რომელთაგან ზოგი სომეხი იყო, ხოლო ზოგი ქართველი, ვალდებული იყვნენ თანაბრად ცოდნოდათ სომხური და ქართული ენები და მწერლობა. ამისთვის ისინი სპეციალურ სკოლას გადიოდნენ, რომელიც სწორედ ამ ორი ენისა და მწერლობის ცოდნას გულისხმობდა. ცურტავის სამწყსოში უპირატესობა მაინც ქართულს ეძლეოდა. «სომხეთის ეკლესიის მესვეურთა ბრალდება კირონის მიერ სომხური მღვდელმსახურების მოშლის შესახებ ეხება არა მთლიანად ცურტავის სამწყსოს, არამედ სწორედ ამ სომხურად მოლაპარაკე თემს. ქართულად მოლაპარაკე თემში მღვდელმსახურება, ჩანს, წინათაც და ახლაც ქართულად აღსრულდებოდა. კირონის ინიციატივა კი იყო თვით სომხურ თემშიც ორი ენის შემოღება ოფიციალურ საეკლესიო ენად»⁴⁶.

შემდგომში ზ. ალექსიძემ კიდევ უფრო დააზუსტა თავისი შეხედულებანი: «მამასაღამე, „სომხური მსახურება და წესი“ გულისხმობს არა მთლიანად ქართულ ეკლესიას, ან თუნდაც ცურტავის საეპისკოპოსოს, არამედ მხოლოდ შუშანიკის ნეშტზე აგებულ სამარტვილეს, სადაც ღვთისმსახურება სომხურ ენაზე სრულდებოდა კირონ კათალიკოსამდე, ხოლო მან სომხურის გვერდით ქართულიც დანერგა. აი, ამ სამარტვილეს გარშემო დაჯგუფებული სომხური მოსახლეობა იყო ორგანიზაცია, რომელსაც „ეპისტოლეთა წიგნში“ „სომხუროვანი თემი (სამწყსო)“ ეწოდება»⁴⁷.

პირველ ყოვლისა, შევნიშნავთ, რომ, როგორც ვნახეთ, «ეპისტოლეთა წიგნის» მიხედვით, სომხური მსახურება შუშანიკის მიერ იყო შემოღებული და არა მის საპატივცემულოდ. შემდეგ გავიხსენოთ, რომ სომეხი მესვეურების

⁴⁵ И. А. Джавахов, История церковного разрыва, с. 528.

⁴⁶ ეპისტოლეთა წიგნი, გვ. 050—051, და 136.

⁴⁷ უხტანესი, გვ. 245—246.



ბრალდების საპასუხოდ სომხური მსახურების შეცვლაზე კირონი ამტკიცებდა, რომ მას არაფერი შეუცვლია („იმ ეკლესიის სამსახური და წესი მცირადაა შეუცვლელია“-ო), რომ ყველაფერი ისევე ისეა, როგორც იყო და მსახურება ორივე ენაზე, ქართულსა და სომხურზე, სრულდებოდა. აქედან ჩანს, რომ მოსე ცურტაველის გაქცევამდეც ცურტავის საეპისკოპოსოში მსახურება ორ ენაზე სრულდებოდა და არა ერთზე. რადგან სომხური მსახურების შემომღებად შუშანიკი იყო მიჩნეული, გამოდის, რომ მანამდე მღვდელმსახურება ცურტავის ეკლესიაში (ისევე, ალბათ, როგორც დანარჩენ ქართლში) ერთ ენაზე, მხოლოდ ქართულზე, წარმოებდა⁴⁸. მაშ, როგორ უნდა გავიგოთ შუშანიკის მიერ სომხური მსახურების შემოღება ცურტავში? მანამდე იქ სომხური მოსახლეობა არ იყო, მხოლოდ შუშანიკის დროს გაჩნდა და ამიტომაც გახდა საჭირო სომხური მსახურების შემოღება?

როგორც ცნობილია, ძვ. წ. II ს. პირველ მეოთხედში არტამესისა და ზარეჰის ახლადშექმნილი სომხურმა სამეფოებმა იბერიას ჩამოაჭრეს რამდენიმე სამხრეთის ოლქი, რომელთა შორის იყო გუგარეთიც, ბერძნულად გოგარენე⁴⁹. ეს უკანასკნელი დიდ სომხეთში ჰქმნიდა გუგარქის საპიტიახშოს, ერთს ოთხ სომხურ საპიტიახშოთაგანს. საუკუნეთა განმავლობაში იბერია-ქართლი იბრძოდა დაკარგული მიწების დაბრუნებისათვის, რასაც ნაწილობრივ მიაღწია კიდევაც. ამ მხრივ განსაკუთრებით დიდი მნიშვნელობა ჰქონდა IV ს. მეორე ნახევარში მომხდარ ამბებს: 387 წ. ირანსა და ბიზანტიას შორის დადებული საზავო ხელშეკრულების თანახმად, დიდი სომხეთის ზოგიერთი სანაპირო ოლქი დამოუკიდებლად გამოცხადდა, ხოლო შუა ქვეყანა ირანმა და ბიზანტიამ გაიყო. დიდმა სომხეთმა არსებობა შეწყვიტა. თუ ცოტა ადრე არა, ყოველ შემთხვევაში ამ დროიდან მაინც გუგარქის საპიტიახშოს ჩრდილო ნაწილი ქართლს შეუერთდა. მისი სამხრეთი ნაწილი ქართლში შევიდა მოგვიანებით, V ს-ის შემდეგ. როგორც ჩანს, ქართლში შესული გუგარქის ნაწილი ქართლის პიტიახშების სამფლობელოებს შეუერთდა. ამრიგად, V ს-ის ქართლის პიტიახშების, და მათ შორის ვარსკენის, სამფლობელოების ნაწილს წარმოადგენდნენ ის მიწებიც, რომლებიც კარგა ხნის განმავლობაში სომხეთში შედიოდნენ. ბუნებრივია ვიფიქროთ, რომ ამ ხნის განმავლობაში ამ მიწებზე მცხოვრები მოსახლეობა რაღაცა ზომით არმენიზაციას განიცდიდა, მეორე მხრივ, საფიქრებელია, რომ ამ მიწებზე წმინდა სომხური მოსახლეობაც გაჩნდებოდა. ცხადია, ქართლში შესვლის შემდეგ ამ მიწა-წყალზე საწინააღმდეგო პროცესები დაიწყებოდა. დაბოლოს, არაა გამორიცხული სომხური იმიგრაცია ამ მიწებზე ქართლში მათი შესვლის შემდეგაც.

დღესდღეობით ჯერ კიდევ არაა საბოლოოდ დადგენილი V ს-ში ქართლის

⁴⁸ ქართლის გაქრისტიანების დროს, სამღვდელმსახურო წიგნებისა და სახარების ქართულად არ არსებობისა და ქართველ მღვდელმსახურთა არ ყოფნის პირობებში მღვდელმსახურება, ალბათ, ბერძნული იქნებოდა, მაგრამ V ს-ში ქართული მწერლობა უეჭველად არსებობს და სამღვდელმსახურო წიგნების ქართული თარგმანებიც უკვე საგულეებელია. ცხადია, ადგილობრივი მღვდელმსახურებიც უთუოდ არიან. ამიტომ, საფიქრებელია, რომ ამ დროს მღვდელმსახურებაც უკვე ქართულად წარმოებენ. ამის გამო სწორად არ მივაჩნია ასეთი შესაძლებლობის დაშვება: სომხური მსახურების შემოღებამდე ცურტავში მსახურება იყო ბერძნული, შუშანიკმა შემოიღო სომხურიც, შემდეგ ბერძნული შეიცვალა ქართულით და ამგვარად VII ს. დასაწყისში იყო სომხურ-ქართული.

⁴⁹ სტრაბონი, XI, 14, 5.

საპიტიანშოს ცენტრის, ცურტავის, ადგილმდებარეობა. მაგრამ ერთი რამ მაინც შეიძლება ითქვას, რომ მას უფრო საპიტიანშოს ცენტრალურ თუ სამხრეთ რაიონებში ვარაუდობენ. სავარაუდოა, აგრეთვე, ისიც, რომ ცურტავის ეპარქიაში შეიცავდა იმ მიწებსაც, თუ მათ ნაწილს, რომლებიც, როგორც ითქვა, უფრო ადრე სომხეთში შედიოდნენ. ამრიგად, სომხურ მოსახლეობას ცურტავის ეპარქიაში ჩვენ ვგულისხმობთ შუშანიკამდეც, ხოლო VII ს-ის დასაწყისში სომხური მოსახლეობის არსებობა აქ ხომ ცხადად ჩანს „ეპისტოლეთა წიგნიდან“, სადაც წერილებიც კია შემონახული როგორც სომხების („სომხურენოვანთა“) მიმართ, ისე მათგანაც. ეს მოსახლეობა შეიძლებადა ყოფილიყო ორგვარი: გაბნეული ადგილობრივ მოსახლეობაში და კომპაქტური, სოფლებად თუ უბნებად მაცხოვრებელი. ამ მხრივ საინტერესოა ვრთანეს ქერდოლის საყოველთაო ეპისტოლე. ვრთანესი ასე მიმართავს ცურტავის სომხურენოვან თემს: „სიწმინდისმოყვარე მართლმადიდებელთა და ქეშმარიტთა, სავანეების ხუცესთა, სოფლის მღვდელთა, აზნაურთა და გლეხთა, მოხუცთა და ყრმათა, ყველა [და] უოველ ერისკაცს მაგ სომხუროვან ქვეყანათა, რომელნიც ხართ ცურტავის ეკლესიის განმგებლობის ქვეშ, ვრთანესისგან და წმინდა ეკლესიის სხვა მსახურთაგან უფლისმიერი მოკითხვა“⁵⁰. როგორც ვხედავთ, სომხურენოვანთა შორის ყოფილან აზნაურებიცა და გლეხებიც. ხოლო მათი მოძღვარნი არიან სოფლისა და სავანეების მღვდლები. უნდა ვიფიქროთ, მამასადამე, რომ ცურტავის ეპარქიაში სომხებს უცხოვრებიათ სოფლებად. გარდა ამისა, საფიქრებელია, რომ ისინი იცხოვრებდნენ გაბნეულადაც, პირველ რიგში, თვით ცურტავში. ასეთი ვითარება ყოფილა VII ს. დასაწყისში, მაგრამ, საფიქრებელია, რომ დაახლოებით ასევე იქნებოდა შუშანიკის დროსაც. რაიმე დიდი ცვლილება რომ მომხდარიყო VI ს. მანძილზე, მოსალოდნელი არაა.

V ს-ში ქართველებისა და სომხების მრწამსს შორის არავითარი განსხვავება არ იყო. ურთიერთობაც სავსებით მეგობრული იყო. საფიქრებელია, რომ იქ, სადაც სომხები კომპაქტურად ცხოვრობდნენ, სომხურ სოფლებში, მღვდელმსახურება სომხურ ენაზე იქნებოდა. მაგრამ ჩვენ ვნახეთ, რომ „ეპისტოლეთა წიგნი“ მიხედვით, სომხური მსახურების შემომღებად ცურტავში დასახელებულია შუშანიკი. როგორღა უნდა გავიგოთ ეს ცნობა?

„ეპისტოლეთა წიგნი“ შუშანიკის მიერ შემოღებული სომხური მსახურების შეცვლა-არშეცვლის საკითხი წყდება იმის მიხედვით, თუ რა ენაზე აწარმოებს მსახურებას ცურტავის ეპისკოპოსი: აბრაამ კათალიკოსისა და სმბატ მარჩზანის საყვედურს შუშანიკისგან დადგენილი სომხური მსახურება შეგიცვლიაო, კირონი პასუხობს, ახალმა ეპისკოპოსმა ქართულიცა და სომხურიც იცის და მსახურება ორივე მწიგნობრობით სრულდებაო. მოსე ცურტაველიც, ამტკიცებს რა კირონი ტყუის, მსახურება შეცვალაო, ამას იმით ასაბუთებს, რომ ახალმა ეპისკოპოსმა ქართულიც არ იცის. რიგიანად, არათუ სომხურიო. არც ერთი სიტყვა არაა ნათქვამი იმაზე, რომ სომხური მსახურება იდენებოდა სადმე სხვაგან, გარდა იმ ადგილისა, სადაც სწორავდა ეპისკოპოსი, ან იმაზე, რომ სომხურ მსახურების წარმოებაში იზღუდებოდნენ ზემოხსენებული სავანეების ხუცესნი და სოფლის მღვდლები. ამრიგად, შუშანიკის მიერ შემოღებულ სომხურ მსახურებაზე ლაპარაკისას, ჩვეულებრივ, მხედველობაში აქვთ ცურტავის

⁵⁰ ეპისტოლეთა წიგნი, გვ. 31—32. შტრ. იგივე ადგილი უხტანესთან, გვ. 63.

ეპისკოპოსის მსახურების ენა, რაც საფუძველს გვაძლევს ვიფიქროთ, რომ შუა-შანიკი ითვლებოდა სომხური მსახურების შემოღებად ცურტავის საეპისკოპოსოს კათედრალში და არა საერთოდ მთელს ეპარქიაში.

რადგან ცურტავის ეპარქიაში სომხურ ენაზე მსახურების არსებობა ადრეც არის საგულისხმებელი, საფიქრებელია, რომ ამ მსახურების შემოღება საეპისკოპოსო კათედრალში უფრო უფლებრივ მიზნებს ისახავდა. ის, რომ ეპისკოპოსი ვალდებული იყო თანაბრად ცოდნოდა ქართული და სომხური და მსახურებაც კათედრალში ორივე ენაზე ეწარმოებინა, ალბათ, სომხური მოსახლეობის თანასწორუფლებიანობის დადასტურებასა და დამტკიცებას ნიშნავდა.

აქვე უნდა აღინიშნოს შემდეგიც: ცხადია, ორ ენაზე მსახურება მოითხოვდა ეპისკოპოსისგან სათანადო ენების ცოდნას და, მასადაამე, განსაკუთრებულ, სპეციალურ განათლებას. საფიქრებელია, რომ ცურტავის საეპისკოპოსოში სპეციალური სკოლაც შეიქმნებოდა, ან არსებულ სკოლას სპეციალური პროგრამა დაუწესდებოდა, რომელიც საჭირო განათლებას აძლევდა მომავალ მღვდელმსახურებს (ალბათ, სომხურ-ქართული მსახურება არა მარტო ეპისკოპოსს უხდებოდა). მოსე ცურტაველი წერს: „მომიხდა მე სიყრმის დღეებში მივსულიყავ ცურტავის საეპისკოპოსოს, რომლის მოწაფეც ვიყავი იმ ეკლესიის წესისამებრ, სადაც აღვიზარდე და ვისწავლე სომხური და ქართული მწიგნობრობა“-ო⁵¹. მოსეს სიტყვებიდან ისე გამოდის, თითქოს, ცურტავის საეპისკოპოსოში საეკლესიო სკოლას თავისი განსაკუთრებული წესი ჰქონდა, რაც სავსებით ბუნებრივად გამოიყურება ზემოთქმულის შუქზე⁵². უნდა ვიფიქროთ, რომ ამ სკოლის ორგანიზაციასა თუ რეორგანიზაციაშიც აქტიურ მონაწილეობას მიიღებდა შუაშანიკი, სომხური მსახურების შემოღების ინიციატორი.

ჩვენს ყურადღებას იქცევს სმბატ მარზპანის კირონისადმი წერილის ერთი ადგილიც: „ეგ წმინდა სამარტვილე, რომელიც ცურტავშია, პატიოსან ეკლესიად დაემტკიცა და სომხური მსახურება და წესი იყო თქვენში, ხოლო შეცვლით მტრობას აგდებთ (ჩვენ) შორის, მეტად კი ნაკლოვანებას, რომ აქედან შევაფარხოთ ჩვენც, რომელთაც სურთ მოვიდნენ და თაყვანი სცენ მაგ წმინდა ჯვარს და არ შემოვუშვათ, რომელიც მოდიან მანდედან წმინდა კათოლიკე ეკლესიაში, და სხვა სამარტვილოში ილოცონ“⁵³. რომელია ცურტავში არსებული „წმინდა სამარტვილე“? კათალიკოს აბრაამის პირველ ეპისტოლეში კირონის მიმართ, რომელიც, როგორც ვიცით, სმბატის წერილის ანალოგიურია, შესაბამის ადგილას ლაპარაკია წმინდა შუაშანიკის მიერ დადგენილი სომხური მსახურების შეცვლაზე. სმბატთანაც „წმინდა სამარტვილე“ ცურტავში სომხურ მსახურებასთან კავშირში იხსენიება. უეჭველია, რომ აქ იგულისხმება სამარტვილე შუაშანიკისა. ასე ესმოდა ეს ადგილი თავის დროზე უხტანესსაც. სმბატის წერილის შინაარსის მოყოლისას ამ ადგილს უხტანესი შემდეგნაირად

⁵¹ ეპისტოლეთა წიგნი, გვ. 1.

⁵² უხტანესის „ისტორიის“ გამოცემაში ეს ადგილი რამდენადმე განსხვავებულადაა თარგმნილი: „მომიხდა მე, ყრმობისას მივსულიყავ ცურტავის საეპისკოპოსოში, რომლის ეკლესიის მოწაფეც ვიყავ წესის მიხედვით, სადაც აღვიზარდე და ვისწავლე სობრძნე სომხური და ქართული მწიგნობრობისა...“ (უხტანესი, გვ. 53). მოტანილი ადგილის აზრი ჩვენ მაინც ისე გვესმის, როგორც „ეპისტოლეთა წიგნი“ თარგმანშია.

⁵³ ეპისტოლეთა წიგნი, გვ. 75.



გადმოგვეცემს: სმბატი „შემდეგ [წერს] წმინდა შუშანიკის სამარტვილის შესახებ, რომ მშვიდობის მეოხი იყო და ორივე მხარის სალოცავი ადგილით“⁵⁴.

თავის მეორე პასუხში აბრაამისადმი კირონი წერს: „ზნაურები, რომლებიც სომეხთაგან ქართლს დამოყვრებულან, წმინდა შუშანიკის მსახურებზე და მცხეთის წმინდა ჯვარს მიდოიდნენ, რომ მოელოცათ და სჯულს ზიარებოდნენ“⁵⁵. აშკარაა, რომ აქაც იმავე შუშანიკის სამარტვილზეა ლაპარაკი.

იაკობი გადმოგვეცემს, რომ სიკვდილის წინ შუშანიკმა „მოუწოდა ეპისკოპოსსა მისისა სახლისასა აფოცს. და შეჰვედრებდა ნეშტთა მათ ქულთა მისთასა და უბრძანებდა დასხმად ადგილსა მას, ვინაჲცა-იგი პირველად გამოითრის...“⁵⁶, როგორც ვხედავთ, შუშანიკს ანდერძად დაუტოვებია დაესაფლავებინათ იქ, საიდანაც იგი პირველად გამოათრის. პირველად შუშანიკი იგვემაპურის ქამის დროს პიტიაზის სასახლის ერთ-ერთ დარბაზში. ცხადია, შუშანიკი ამ ადგილას დასაფლავებას არ მოითხოვდა. მეორედ შუშანიკი იგვემა ეკლესიის ეზოში: ეკლესიაში დაყუდებულ შუშანიკს მიაკითხა ვარსქენმა და თრევეთ წამოიყვანა სასახლეში: „და ეგრეთ წმიდამა შუშანიკ თრევეთ მოითრია თიჯათა შიგან და ეკალთა ზედა ეკლესიით ვიდრე ტაძარამდე, ვითარცა მკუღარი მიეთრია. და ადგილდა-ადგილდ ქუე ქუე დადევინა და თუ თ ფერჯნი დაიდგინს ძეძუსა მას ზედა, და კუბასტნი შუშანიკისნი და კორცნი წულალ-წულილად დაეძარნეს ძეძუსა მას“⁵⁷. საფიქრებელია, რომ შუშანიკმა თავის საფლავად აირჩია ეკლესიის ეზო, საიდანაც იგი „პირველად გამოითრის“. აქვე დაუვმატებთ, რომ ეს ეკლესია უნდა ყოფილიყო ცურტავის საეპისკოპოსო კათედრალი, რაზეც, სხვათა შორის, ლაპარაკობს ისიც, რომ იქ მისულ ვარსქენს დახვდება ეპისკოპოსი აფოცი.

„ეპისტოლეთა წიგნიდან“ ირკვევა, რომ შუშანიკის საფლავზე შემდეგ აუშენებიათ სამარტვილე, რომელიც მოგვიანებით ეკლესიად დამტკიცებულა. როგორც ზემოთ ნაჩვენები იყო, სომხური მსახურება შუშანიკის ინიციატივით შემოდებული უნდა იყოს ცურტავის საეპისკოპოსო ტაძარში. ბუნებრივია, რომ ეს მსახურება იქნებოდა ამ ტაძრის გვერდით მდგომ შუშანიკის სამარტვილესა, თუ ეკლესიაშიც. ამდენად სავსებით სწორი ყოფილა ივ. ჯავახიშვილი, რომელიც სომხურ ენაზე მსახურების ადგილზე ლაპარაკისას ხან ცურტავის კათედრალურ ტაძარზე ლაპარაკობს, ხან შუშანიკის ეკლესიაზე და ხანაც შუშანიკის სამლოცველოზე.

„ეპისტოლეთა წიგნის“ ცნობებში შუშანიკზე ჩვენს ყურადღებას იქცევს შემდეგი გარემოება: ზემოთ ვნახეთ, რომ კირონი შუშანიკის დროიდან მოსე ცურტაველამდე, ე. ი. 599/600 წლამდე, როდესაც მოსემ ეპისკოპოსად ხელდასხმა მიიღო⁵⁸, თერთმეტ ეპისკოპოსს ასახელებს აფოციით დაწყებული⁵⁹. ეს გვიჩვენებს, რომ კირონს მეტ-ნაკლები სიზუსტით სცოდნია შუშანიკის ცხოვრების ხანა. სხვა ქართულ წყაროებში („მოქცევაჲ ქართლისაჲ“, ჯუანშერი, ვა-

⁵⁴ უ ხ ტ ა ნ ე ს ი, გვ. 149.

⁵⁵ ეპისტოლეთა წიგნი, გვ. 89.

⁵⁶ ძველი ქართული ავოგრაფიული ლიტერატურის ძეგლები, I, თბ., 1963, გვ. 23.

⁵⁷ იქვე, გვ. 19-20.

⁵⁸ ეპისტოლეთა წიგნი, გვ. 133.

⁵⁹ იქვე, გვ. 89.

ხუშტი, ანტონ I, იოანე ბატონიშვილი...) შუშანიკის წამების ამბავი VI ს-ის მეორე ნახევარშია გადატანილი⁶⁰.

ჩვენ ვნახეთ, რომ სომეხი და ქართველი მღვდელმთავრები შუშანიკს „წმინდას“ ებითებით ახსენებენ (აბრაამი⁶¹, კირონი⁶²), ხოლო სმბატ მარზბანი ლაპარაკობს „წმინდა სამარტვილეზე“, რომელიც შუშანიკის საფლავზე უნდა ყოფილიყო⁶³.

როგორც ვხედავთ, ქართლშიაც და სომხეთშიც VII ს. დასაწყისში ცნობილი იყო, რომ შუშანიკი მოწამებობრივად აღესრულა, ხოლო მისი კულტი ძალზედ პოპულარული ყოფილა ამ ქვეყნებში. შუშანიკის საფლავზე მლოცველებს უვლიათ სომხეთიდანაც, თუმცა ისიც უნდა ითქვას, რომ სომეხ მლოცველთა მოგზაურობის ადგილებად „ეპისტოლეთა წიგნის“ სომეხი ავტორები შუშანიკის საფლავს არ ასახელებენ: აბრაამი ახსენებს მხოლოდ ჯვარს⁶⁴ (უთუოდ იგულისხმება მცხეთის ჯვარი), ასევე სმბატ ვრკანის მარზბანიც⁶⁵, დაბოლოს, მცხეთისა და მანგლისის ჯვარზე ლაპარაკობს აბრაამი თავის ენციკლოპედურ წერილში⁶⁶.

რამდენიმე სიტყვა საკითხზე, რომელსაც უშუალო კავშირი არა აქვს შუშანიკთან, მაგრამ შეიძლება აქვე თქმულიყო.

ჩვენ ვნახეთ, როგორი მნიშვნელოვანი ადგილი უჭირავს სომხური მსახურების ენის საკითხს სომეხ მესვეურთა წერილებში კირონისადმი. რა ზღებოდა სინამდვილეში, რა უნდოდა კირონს?

პირველ ყოვლისა, ისევ გავიმეორებთ, რომ მსახურების ენის საკითხი თავიდან არ დამდგარა. თავის პირველ წერილში ვრთანესისადმი (დაიწერა 605/606 წწ. ზამთარში), რომელშიც მოსე ცურტაველი აცნობს მას ქართლში შექმნილ ვითარებასა და ცურტავიდან თავის გამოქცევის მიზეზს, მოსე არაფერს არ ამბობს სომხური მსახურების შეცვლაზე. ცხადია, ცურტავში ჯერ არაფერი ზღება ისეთი, რაც მოსეს საშუალებას მისცემდა ასეთი ბრალდების წამოყენებისა. არაფერია ნათქვამი სომხური მსახურების შეცვლაზე მომდევნო წერილებშიც: მოსეს მეორე და მესამე წერილში ვრთანესის მიმართ და მათს პასუხებში, მოსესა და ვრთანესის მიერ ქართლში მიწერილ წერილებსა და მათს პასუხებში. 607 წ. აპრილში⁶⁷ სომხეთის კათალიკოსად არჩეულ იქნა აბრაამ ალბათანელი. ცხადია, მოსე ცურტაველს უნდა მიემართა მისთვის თავის საქმეზე, როგორც სომხეთის ეკლესიის ახალი მეთაურისთვის. „ეპისტოლეთა წიგნში“ დაცულია მოსეს წერილი აბრაამისადმი. მოსე გამოთქვამს თავის კმაყოფილებას აბრაამის არჩევის გამო და ამცნობს მას ქართლში შექმნილ ვითარებას.

უნტანესის სიტყვით, ეს წერილი მოსეს მიუწერია აბრაამისთვის არჩევი-

⁶⁰ იხ. ჩვენი, „შუშანიკის წამების ამბავი ძველ ქართულ საისტორიო მწერლობაში“, თსუ შრომები, 165, თბ., 1975.

⁶¹ იქვე, გვ. 67, 121.

⁶² იქვე, გვ. 89.

⁶³ იქვე, გვ. 75.

⁶⁴ ეპისტოლეთა წიგნი, გვ. 67.

⁶⁵ იქვე, გვ. 75.

⁶⁶ იქვე, გვ. 122.

⁶⁷ იქვე, გვ. 151.

დან რვა თვის შემდეგ⁶⁸, ე. ი. 607 წ. დეკემბერში. უხტანესის ცნობის სისწორეს ადასტურებს სხვა წერილების ქრონოლოგია, რაზედაც სხვაგან გვექნება ლაპარაკი. მოსეს წერილიდან ჩანს, რომ მოსე არ დასწრებია აბრაამის არჩევას და არც უნახავს იგი. ეს პირველი შემთხვევაა, რომ მოსე მიმართავს აბრაამს. ცხადია, ეს მეტად უცნაურია, რამ გააძღვებინა მოსეს რვა თვე, ან რას აკეთებდა იგი ამდენ ხანს, სად იყო, საიდან მისწერა აბრაამს? ეს კითხვები უხტანესსაც აღძვრია. იგი ასე პასუხობს მათზე: „ეს პირველი წერილი, რომელიც მისწერა მოსე ცურტავის ეპისკოპოსმა აბრაამ სომეხთა კათალიკოსს, რვა თვის გასვლის შემდეგ დაიწერა, რადგან სნება შეეყარა მას და ამბობენ სიკვდილის პირამდე [მიიყვანაო]. ამიტომ ვერ შეძლო კრებაზე მისვლა, ვერც მოახერხა, რომ წერილით ეცნობებინა თავისი სატკივარი და კირონისგან დევნა“⁶⁹. ვფიქრობთ, ავადმყოფობის გარდა აქ სხვა, და შეიძლება უფრო სერიოზული, მიზეზიც უნდა იყოს. ასეა თუ ისე, არც ამ წერილშია რაიმე ნათქვამი სომეხრი მსახურების გაუქმებაზე.

საპასუხო წერილით აბრაამმა მიიპატიჟა მოსე: „მნებავეს კუროხვეა თქვენი სიწმინდისაგან. ნუ დააყოვნებ მოსელას ამ წმინდა ზატიკს, რადგან მრავალთათვის ეს შეებაა და სულიერი საქმენი წინ გვიდევს. სანამ უფალი სმბატ აქაა, ვისწრაფით, რომ რაიმე სახით ჯერ ეგ მოვათავოთ ჩვენი ქრისტე ღმრთის შეწვევით“⁷⁰. ეს წერილი დაწერილი უნდა იყოს 608 წლის თებერვალ-მარტ-ში⁷¹. ამ წელს აღდგომა 22 აპრილს იყო, მაშასადამე, აბრაამი მოსეს ამ დღისათვის იბარებდა. როგორც ირკვევა, მოსე ჩასულა ღვინში და ულაპარაკია აბრაამთან და სმბატ მარზპანთან. ამ ლაპარაკის შედეგად, აბრაამმაც და სმბატმაც წერილები მისწერეს კირონს. მოსე ღვინში ჩავიდოდა იმ დროისთვის, როდესაც იგი მიპატიჟებული იყო აბრაამის მიერ. მაშასადამე, აბრაამისა და სმბატის წერილები დაიწერა აპრილის ბოლოს თუ მაისში. სწორედ ამ წერილებშია პირველად ლაპარაკი მსახურების ენის შეცვლაზე. საპასუხო წერილებში კირონი უარყოფს მსახურების შეცვლას და ამბობს, რომ ახალმა ეპისკოპოსმა ქართული და სომეხური მწიგნობრობა თანაბრად იცისო. კირონის საპასუხო წერილების გაცნობის შემდეგ, მოსე სწერს სმბატს: „მსახურებაც რომ შეცვალებს, ცხადია. არაეპისკოპოსი ნესტორიანი რომ დასვეს, ქართული მწიგნობრობაც არ იცის რიგიანად, არამცთუ სომეხური, ისიც ცხადია“⁷². როგორც ვხედავთ, მოსეს შემცვლელს, მოსეს სიტყვით, არც ქართული ცოდნია კარგად და არც სომეხური. შეიძლება ვიფიქროთ, რომ იგი არც ქართველი იყო და არც სომეხი. ჩანს, კირონმა ახალ ეპისკოპოსად სხვა ეროვნების კაცი დანიშნა, რათა გარეგნულად ობიექტურობა დაეცვა. საფიქრებელია, რომ ენის შეცვლის საკითხი ახალი ეპისკოპოსის დასმასთან ერთად გაჩნდა. მით უმეტეს, რომ ეს უკანასკნელი, როგორც ვხედავთ, შესაძლებელია, არც სომეხი იყო და არც ქართველი. მაგრამ ზემოთ ვნახეთ, რომ მსახურების შეცვლაზე ლა-

⁶⁸ უ ხ ტ ა ნ ე ს ი, გვ. 119.
⁶⁹ იქვე.
⁷⁰ ეპისტოლეთა წიგნი, გვ. 65—66.
⁷¹ იქვე, გვ. 151—152.
⁷² იქვე, გვ. 82.



პარაკი არაა 607 წ. დეკემბერში დაწერილ მოსეს წერილში. მაშასადამე, შემცველი ეპისკოპოსი კირონს დაუსვამს 607 წ. დეკემბერსა და 608 წლის აპრილს შორის, ანუ ქართლიდან მოსეს გაქცევიდან ორი წლის შემდეგ. როგორც ჩანს, კირონი უცდიდა მოსეს უკან დაბრუნებას და თანახმა იყო მისი მიღებისა. ამ მხრივ დამახასიათებელია რომ ქართლის აზნაურებს ვრთანესისთვის მიუწერიათ 606 წ. ზაფხულსა თუ შემოდგომაზე, ე. ი. მოსეს ქართლიდან გაქცევის ნახევარი წლის შემდეგ: „მოსეს, თუ სურს, მოვიდეს, ჩვენ კათალიკოსს დაემორჩილოს, რადგან ჩვენ ასე მოგვწონს და თავისი ადგილი დაიკავოს“⁷³. ცხადია, მსახურების ენის საკითხიც ამ დროს, ე. ი. 607 წ. დეკემბერსა და 608 წ. მაისს შორის, უნდა წამოჭრილიყო.

ჩვენ ვნახეთ, რომ სპეციალურ ლიტერატურაში არსებული შეხედულებით, კირონს უნდოდა მსახურების ენად სომხურის გვერდით ქართულიც დაეკანონებინა. მაგრამ ვნახეთ ისიც, რომ კირონი დაყენებით ამტკიცებდა, არაფერი არ შემიცვლია, მსახურება ორივე ენაზე, ქართულზე და სომხურზე, წარმოებდეს. მაშასადამე, ქართული ენა ისედაც ყოფილა მღვდელმსახურების ენად და მისი შემოღების საჭიროება არ არსებობდა. დაგვრჩენია ვიფიქროთ, რომ თუ კი კირონი მართლაც აპირებდა რაიმე ცვლილებების შეტანას მღვდელმსახურების ენაში, ეს უნდა ყოფილიყო სომხურ ენაზე მსახურების გაუქმება ცურტავის საეპისკოპოსო ტაძარში (როგორც ზემოთ აღნიშნული იყო, მსახურების ენაზე ლაპარაკისას იგულისხმებოდა მხოლოდ საეპისკოპოსო კათედრალი).

კირონის ამგვარ განზრახვაში დაეჭვებისთვის საფუძველს გვაძლევს ის, რომ რაიმე კონკრეტული მინიშნება ამაზე „ეპისტოლეთა წიგნში“ არაა. აქ გვაგონდება შემდეგი. ცურტავიდან სომხეთში ახლად გაქცეულ მოსეს ცურტავის სომხურენოვანი მრევლი სწერს, თუ ღმერთმა შენს საყდარზე არ დაგაბრუნა „ჩვენთვის სხვა ღონე არ არის: ან უნდა დავრჩეთ ამ ქვეყანაში და ამის (კირონის, ნ. ჯ.) სურვილისამებრ მოვიქცეთ, ან დავტოვოთ და გავეცალოთ“-ო⁷⁴. ამასვე სწერს იგი ვრთანესს ქერდოლსაც: „ჩვენთვის მანდედან (ე. ი. სომხეთიდან, ნ. ჯ.) დახმარებისა და ზურგის გარეშე შეუძლებელია ყოფნა — ისეთ მძლავრ ამაყს, რომელიც მამამთავრად იწოდება, შევეყრივართ. თუ არა, [უნდა] დავტოვოთ ეს ქვეყანა და წავიდეთ“-ო⁷⁵. თუ კი ეს წერილები თვით მოსეს მიერ ინსპირირებული არაა, ჩანს, ცურტავის სომხურ მოსახლეობას ეშინია კირონის მხრივ რაღაც მტრული აქციებისა. მაგრამ შემდეგ ეს მოტივი „ეპისტოლეთა წიგნში“ აღარ გვხვდება. არც სომხურენოვანი სამწყსოს რაიმე წერილია, არც მისი რაიმე საჩივარი ჩანს სომეხ მესვეურთა წერილებში. თვით აბრაამ კათალიკოსის ენციკლიკურ წერილშიც, რომლითაც მან კავშირი გაწყვიტა ქართლისა და სომხეთის ეკლესიებს შორის, არ არის რაიმე ხსენება კირონის მიერ სომხურენოვანი სამწყსოს შევიწროვებაზე.

ამრიგად, შუშანიკზე „ეპისტოლეთა წიგნის“ ცნობების განხილვა გვიჩვენებს, რომ VII ს. დასაწყისში ქართლსა და სომხეთში ცნობილი ყოფილა შუშანიკის წამების ამბავი და ამ ქვეყნების ეკლესიებს იგი წმინდანად ჰყოლიათ

⁷³ ეპისტოლეთა წიგნი, გვ. 45.
⁷⁴ იქვე, გვ. 31.
⁷⁵ იქვე, გვ. 34—35.

შერაცხილი. შუშანიკის კულტის პოპულარობაზე ლაპარაკობს ის, რომ მის საფლავზე მლოცველები დადიოდნენ არა მარტო ქართლიდან, ღრამედ სომხეთიდანაც. ცნობილი ყოფილა შუშანიკის ცხოვრების ხანაც. ცურტავეს ეპარქიაში ქართულთან ერთად არსებულა სომხური მოსახლეობაც, რომლისთვისაც საეკლესიო მსახურება სომხურად წარმოებდა. საეპისკოპოსო ტაძარში მსახურება წარმოებდა ქართულად და სომხურად. საეპისკოპოსო ტაძარში სომხური მსახურების შემომღებად ითვლებოდა შუშანიკი. „ეპისტოლეთა წიგნის“ ცნობების თანახმად, შუშანიკი ყოფილა მეტად აქტიური, მოქმედი პიროვნება და მოღვაწე.

Н. С. ДЖАНАШИА

СВЕДЕНИЯ «КНИГИ ПОСЛАНИЙ» О ШУШАНИК

(Резюме)

Древнеармянский сборник «Книга посланий» является одним из самых ранних источников, упоминающих Шушаник, главного персонажа известной книги Якова «Мученичество св. Шушаник» (V в.), древнейшего дошедшего до нас памятника древнегрузинской литературы.

Сведения «Книги посланий» дают чрезвычайно интересный материал для уяснения личности и деятельности Шушаник. Согласно этим сведениям Шушаник была весьма деятельным человеком и активно вмешивалась в общественную и церковную жизнь. В частности, «Книга посланий» введение армянского богослужения в кафедральном соборе цуртавской епархии приписывает Шушаник. Вместе с тем из сведений «Книги посланий» явствует, что в начале VII в. в Грузии и Армении мученичество Шушаник было хорошо известным фактом, церкви этих стран признавали ее святой, а культ ее был настолько популярен, что могила Шушаник привлекала паломников не только из Грузии, но и из Армении. Сведения «Книги посланий» также показывают, что в начале VII в. в Грузии было известно точное время жизни Шушаник.

ედიშერ ხოზბარია

საქართველოს პოლიტიკური ერთიანობის იდეის ასახვა
ძვეყნის დაწლილოზის ხანის ქართულ დოკუმენტურ წყაროებში

ქართველი ხალხის ეროვნულ-კულტურული და პოლიტიკური ერთიანობის იდეას ღრმად აქვს გადგმული ფესვები საუკუნეთა სიღრმეში. ამ იდეის წარმოქმნას, მის განხორციელებას და შემდგომ ბედ-ილბაღს ადრევე მიექცა ყურადღება ჩვენს ისტორიოგრაფიაში (ივ. ჯავახიშვილი¹, ს. ჯანაშია², ნ. ბერძენიშვილი³ და სხვები). ეს საკითხები დღესაც იქცევა მკვლევართა ყურადღებას⁴. მაგრამ პრობლემა მთლიანობაში, მთელი სიგრძე-სიგანით, საგანგებოდ ჯერ დამუშავებული არ არის.

წინამდებარე წერილში ჩვენს მიზანს შეადგენს თვალი გავადევნოთ საქართველოს პოლიტიკური ერთიანობის იდეის არსებობას ქვეყნის სამეფო-სამთავროებად დაშლის შემდგომ პერიოდში.

უმთავრესი წყარო, რომელსაც ვემყარებით, არის ისტორიულ დოკუმენტებში, კერძოდ, მეფეთა სიგელებში დაცული მეფეთა ტიტულატურა. ამასთან, ვიყენებთ სხვა სახის ოფიციალურ მასალასაც (მეფე-მთავართა ხელშეკრულებანი, 1783 წ. „ტრაქტატი“ და სხვა).

სპეციალურ ლიტერატურაში (ი. ჯავახიშვილი, ს. ჯანაშია, ნ. ბერძენიშვილი) აღნიშნულია, რომ ქართველი ხალხის ეროვნული თვითშეგნებისა და ქვეყნის პოლიტიკური ერთიანობის იდეა ადრევე გამოხატულებას პოეზებს ცნების „ყოველი ქართველი“-ს (864 წ.) გაჩენასა თუ ტერმინის „ქართლის“ მნიშვნელობის გაფართოებაში („ქართლად ფრიადი ქვეყანა აღირაცხების, რომელსა შინა ქართულითა ენითა ჟამი შეიწირვის და ლოცვაი ყოველი აღესრულების“ — გ. მერჩული), ხოლო შემდეგ კი ცნების „საქართველო“ (ჯუანშერი) და „ყოველი საქართველო“ („ცხოვრება იოანესი და ეფთვიმესი“, დავითის ისტორიკოსი, რუის-ურბნისის ძეგლის წერა, ჟამთააღმწერელი) დამკვიდრებაში.

ნ. ბერძენიშვილი მიუთითებდა, რომ გარკვეული დროიდან ძველმა ტერ-

¹ ივ. ჯავახიშვილი, ქართველი ერის ისტორია, II, თბ., 1965, გვ. 28—30; ტ. IV, თბ., 1948.

² ნ. ბერძენიშვილი, ივ. ჯავახიშვილი, ს. ჯანაშია, საქართველოს ისტორია, I, უძველესი დროიდან XIX საუკუნის დამდეგამდე, სახელმძღვანელო საშ. სკოლის უფროსი კლასებისათვის, თბ., 1946, გვ. 10—11.

³ ნ. ბერძენიშვილი, საქართველოს ისტორიის საკითხები, ტ. VIII, თბ., 1975.

⁴ საქართველოს ისტორიის ნარკვევები, IV, თბ., 1973, გვ. 85 და შემდ.

მინმა „ქართლმა“ ვერ მოიცვა ახალი ფეოდალური ორგანიზაცია, რომელიც გადაცდა ძველი ეთნიკური წარმოშობის ტერმინით მოცულ საზღვრებს.

„საქართველოში“ მხოლოდ ის (ე. ი. ქართლის, ე. ხ.) ტერიტორია და მოდგმა კი არ იგულისხმება, — წერდა ნ. ბერძენიშვილი—არამედ ის გაერთიანება, სადაც „ქართველი“ გადასწვდება“. თანდათან ეს ცნება კიდევ უფრო ფართო შინაარსს იღებდა. „ერთი სიტყვით — აღნიშნავდა ნ. ბერძენიშვილი—უამთაღმწერლის, ამ XIV საუკუნის მწერლის, პოლიტიკურ ლექსიკონში მხოლოდ „საქართველო“, რომელშიც იგულისხმება კავკასიის საქრისტიანო (ისე როგორც ეს გაიგეს მონგოლებმა), სომხეთით, საქრისტიანო შირვანი: შაჰანშა და შარვანშა ეს იყო საქართველოს ქვეყანა, საკუთრივ საქართველოს ქვეყანა, საქრისტიანო ქვეყანა...“⁵.

მიუხედავად ზემოაღნიშნული ცნებების არსებობისა, საქართველოს პოლიტიკური ერთიანობის ხანაში მეფეთა წოდებულებაში ცნებები „საქართველო“, „ყოველი საქართველო“ ადრე არ გვხვდება. ამ დროის ტიპური ფორმულია, თუ ვიმსჯელებთ ლაშა გიორგის ტიტულატურის მიხედვით, იყო: „ქ. სახელითა ღმრთისაითა გიორგისგან [ნებითა] ღმრთისაითა აფხაზთა, ქართველთა, რანთა, კახთა, და სომეხთა მეფისა, შარვანშა და შაჰანშა და ყოვლისა აღმოსავლეთისა და [დასავლეთისა] ფლობით მპყრობელისა“...⁶.

მონღოლთა ბატონობის დროს საქართველოში ორი მეფის და ორი სამეფო ტახტის დაწესებამ მნიშვნელოვანი კორექტივი შეიტანა მეფეთა ტიტულატურაში.

დავით ნარინის 1261 წ. სიგელში მეფის წოდებულებაში უკვე ვხვდებით ცნებას „ყოვლისა საქართველოსა“:

„სახელითა ღმრთი[საითა დავითის]გან ბაგრატიუნაინისა, რუსუდანის ძისა, ნებითა ღმრთისაითა აფხაზთა, ქართველთა, რანთა, კახთა და სომეხთა მეფისა, შარვანშა და შაჰანშა და ყოვლისა საქართველოსა და ჩრდილოეთისა ფლობით მპყრობელისა“...⁷.

როგორც ვხედავთ, ამ შემთხვევაში ზოგად ცნებას „ყოვლისა აღმოსავლეთისა და დასავლეთისა“ ცვლის უფრო კონკრეტული გამოთქმა — „ყოვლისა საქართველოსა“. ამასთან, მეფეთა წოდებულებაში ჩნდება მითითება „ჩრდილოეთის“ მფლობელობაზედაც.

ამის შემდგომ, მეფეთა წოდებულების მანამდე დადგენილი ფორმულის დარღვევის, თუ გადამწერთა დაუღვერობის გამო, ცნება „აღმოსავლეთისა და დასავლეთისა“ ხშირად გვხვდება შეცვლილი სახით: ზოგჯერ გვაქვს მარტო „აღმოსავლეთის“, ან „აღმოსავლეთისა და ჩრდილოეთის“... ხსენება.

დავით ნარინის წოდებულება 1285 წლის სიგელში ასეა ჩამოყალიბებული: „ყოვლისა აღმოსავლეთისა, საქართველოსა და ჩრდილოეთისა კელმწიფედ მპყრობელთა“...⁸.

⁵ ნ. ბერძენიშვილი, საქართველოს ისტორიის საკითხები, ტ. VIII, თბ., 1975, გვ. 198—200.

⁶ ქართული სამართლის ძეგლები, II, ი. დოლიძის გამოცემა, თბ., 1965, გვ. 35.

⁷ იქვე, გვ. 72.

⁸ ს. კაკაბაძე, საისტ. მოამბე, 1925, I, გვ. 238 (Hd, 1331).



აღსანიშნავია, რომ ცნება „ყოვლისა საქართველოსა“ ჩნდება არა დაერთი დაერთი წიგნით, არამედ დადასტურებულია ულუ დაერთი შთამომავლების წოდებულებაშიც. დაერთი VIII-ის 1297 წლის სიგელში ვკითხულობთ: „ქ. სახელითა ღმრთისათა, დაერთისაგან ბაგრატიონისა, ნებითა ომრთისათა აფხაზთა, ქართველთა, რანთა, კახთა და სომეხთა მეფისა, შანვან-შე და შაჰანშა და ყოვლისა საქართველოსა კელმწიფედ მპყრობელისა“⁹.

აღნიშნული გარემოება უფლებას გვაძლევს დავასკვნათ, რომ საქართველოს ერთიანი სამეფოს დაშლის საწყის ეტაპზე, ქვეყნის ორად გაყოფის დაკანონების რეალური საფრთხის არსებობის პირობებში, მეფის ტიტულატურაში ჩნდება ცნება „ყოველი საქართველო“, როგორც ქვეყნის გაერთიანებისაკენ მისწრაფების გამოხატულება და ხაზგასმა საქართველოს მთლიანობისა. მაგრამ ეს წესი ჯერ კიდევ საბოლოოდ დაკანონებული და საყოველთაოდ მიღებული არ არის, რადგან ძალაშია ძველი ფორმულაც.

საქართველოს ისტორიის მთელი მომდევნო ხანა, როგორც ცნობილია, აღსავსეა ქვეყნის გაერთიანებისა, თუ დაშლისაკენ მიმართულ ძალთა ჭიდილით, რასაც პერიოდულად მოჰყვებოდა საქართველოს მთლიანობის აღდგენა, მაგრამ მალე კვლავ დამშლელი ფაქტორები ქმნიდნენ ამინდს, რის შედეგადაც საბოლოოდ ქვეყანა ცალკეულ სამეფო-სამთავროებად დანაწილდა.

ამ ხანის ჩვენამდე მოღწეულ სამეფო სიგელებში, კერძოდ, იმ მეფთა წოდებულებაში, რომელნიც იბრძოდნენ და დროებით აღწევდნენ კიდევ საქართველოს ორივე ტახტის გაერთიანებას, მეორდება ერთიანობის დროინდელი ტიტულატურა ახალი დროის შესაბამისი დამატებით. ეს გამოიხატა მეფეთა წოდებულებაში დედოფლის და უფლისწულთა შემოტანასა და, რაც ჩვენთვის განსაკუთრებით საინტერესოა, მთლიანი საქართველოს — ლიხთამერის და ლიხთიმერის მფლობელობის ხაზგასმაში.

ჩვენ არ ვიცით ატარებდა თუ არა ასეთ ტიტულს გიორგი V ბრწყინვალე, რომელმაც მართლაც შეძლო ქვეყნის ერთიანობის აღდგენა, მაგრამ მის შთამომავალთაგან გიორგი VII თავის თავს ორივე სამეფოს გამაერთიანებლად მიიჩნევდა. სვეტიცხოველისადმი გიორგი VII-ის მიერ მიცემულ 1393 წლის სიგელში ვკითხულობთ: „...მინდობილმან ცვა-ფარვათა თქუენისამან, განმავრთებელმან ლიხთ-იმერისა და ლიხთ-ამერისამან, ორისავე სამეფოსა მტკიცედ და შეურყევლად მპყრობელმან აფხაზთა და ქართველთა მეფემან გიორგი“¹⁰.

ორივე ტახტის ლიხთ-იმერეთის და ლიხთ-ამერეთის მფლობელობის აღნიშვნა მტკიცედ შემოდის ამ ხანის მეფეთა წოდებულებაში.

მაგალითად, კონსტანტინე მეფის 1408 წლის სიგელში მთლიანად გამოვრებულია წოდებულების ძველი ფორმულა ახალი დამატებით: „სახელითა ღმრთისათა [კონსტანტი]ნესგან ბაგრატიონისა, ძისა ბაგრატისა, და ძეთა ჩუენთა [სასურ]ველთა აღექსანდრე, ბაგრატ და [გორ]გისაგან, ნებითა ღმრთისათა აფხაზთა, ქართველთა, რანთა, კახთა და სომეხთა მეფე[თა], შარვანშა და შანშე [და] ყოვლისა აღმოსავლეთისა, საქართველოსა და ჩრდილოეთისა,

⁹ ს. კ ა კ ა ბ ა ძ ე, საისტორიო მოამბე, 1924, I, გვ. 141 (Hd, 1330).
¹⁰ ს. კ ა კ ა ბ ა ძ ე, გუეალოვია დიდის აღექსანდრე მეფისა, 1913, გვ. 11, შუად. ქრონიკები, II, გვ. 200.

ლიხთ-იმერისა და ლიხთ-ამერისა კელმწიფედ თუით მფლობელ-მპყრობელთა-სა“...¹¹

ალექსანდრე დიდიც 1412—13 წლებში გაცემულ სიგელში ხაზს უსვამს იმ გარემოებას, რომ არის „ორისავე სამეფოსა მტკიცედ, შეუპყრეთელად და შეურყვევლად მპყრობელი“¹².

მისივე 1425 წლის სიგელში ვკითხულობთ: „ქ. ჩუენ, მეფეთა მეფისა ალექსანდრესაგან, დავითიან ბაგრატიონიანისა, და თანამეცხედრისა ჩუენისა... და ძეთა ჩუენთა... ნებითა ღმრთისათა აფხაზთა, ქართველთა, რანთა, კახთა და სომეხთა მეფისა, შაჰან-შაჰისა და ყოვლისა საქართველოსა და ჩრდილოეთისა და ლიხთ-იმერისა და ლიხთ-ამერისა. აღმოსავლეთ-დასავლეთამდის თუით-ფლობით მტკიცედ მპყრობელისა“¹³.

„ყოვლისა საქართველოსა“ — „ორივე ტახტის და სამეფოს“, ე. ი. „ლიხთ-ამერისა და ლიხთ-იმერისა“ აღნიშვნა დამახასიათებელი ნიშანია არა მარტო ალექსანდრე I-ის, არამედ გიორგი VIII-ის წოდებულებებისათვისაც, უკანასკნელის 1453 წლის სიგელში აღნიშნულია:

„ჩუენ, წყლობითა ღმრთისათა ორისავე ტახტისა და სამეფოსა, ლიხთ-იმერისა და ლიხთ-ამერისა, შანშე და შარვანშე და ყოვლისა დასავლეთისა და [ა]ღმოსავლეთისა და ჩრდილოეთისა თვითფლობით მტკიცედ მქონებელ-მპყრობელმან, პატრონმან მეფეთ-მეფემან გიორგი“¹⁴...

აღსანიშნავია, რომ ამ დროიდანვე, კერძოდ, გიორგი VII-ისა და, განსაკუთრებით კი, ალექსანდრე დიდის ხანიდან მეფეთა წოდებულებაში გვარს „ბაგრატიონიანი“ ემატება: „დავითიანი“, ხოლო შემდეგ უფრო ვრცელი საგვარეულო „აღმკულობა“ — „იესიანი, დავითიანი, სოლომონიანი, ბაგრატიონიანი“.

ალექსანდრე დიდის მიერ სვეტიცხოვლისადმი 1433 წ. მიცემულ სიგელში ვკითხულობთ: „ჩვენ ცვა-ფარვათა თქვენთა მინდობილმან მეფემან იესიანი, დავითიანი, სოლომონიანობით აღმკულმან, ჩუენ პატრონმან მეფეთ მეფემან ალექსანდრე“¹⁵...

ყოველივე ზემოთ ნათქვამი არ ნიშნავს იმას, რომ მეფეთა წოდებულებაში არ გვექონდა რაიმე გადახრა, ნიარსხვაობა, ან მეფეთა წოდებულობის მარტოვად გადმოცემა (მხოლოდ „მეფეთ-მეფე“).

საქმე ისაა, რომ საქართველოს საშინაო ვითარება სულ უფრო და უფრო რთულდებოდა. ბრძოლა საქართველოს დანაწილების თუ მთლიანობის განმტკიცებისათვის მეფესა და მთავართა შორის თანდათან მწვეავდება. განსაკუთრებით აქტიურად იბრძოდნენ ერთიანი საქართველოს ფარგლებიდან გასასვლელად სამცხის მთავრები. განკერძოებისაკენ მიდრეკილებას იჩენდნენ სამეგრელოსა და გურიის მთავრებიც. ივ. ჯავახიშვილი ეხება შინაურ ბრძოლას გიორგი VIII-სა და მთავართა შორის და დასძენს: „ეს ბრძოლა საქართველოს განკერძოება-დანაწილებისა და მის მთლიანობა-განუყოფლობის გამო იყო ატეხილი და მესხეთის ათაბაგი, სამეგრელოს მთავარი და გურიელი თავიანთ თავს

¹¹ საქ. სიძველენი, ტ. III, თბ., 1910, გვ. 434.

¹² ს. კ ა კ ა ბ ა ძ ე, ისტ. საბ. III, 8 (სცსია, ფ. 1449 № 1512).

¹³ ქართ. სამართ. ძეგლები, II, გვ. 118.

¹⁴ იქვე, გვ. 131.

¹⁵ სცსია, ფ. 1149, № 1567.

უკვე საკმაოდ დამოუკიდებლად გრძნობდნენ, რომ ცალ-ცალკე გამოეყვანათ¹⁶ ჯარი, ხოლო ყუარყუარე ათაბაგს საქართველოს მეფის გიორგის დგ^{მწაფე}ერთად თავისი საკუთარი განსაკუთრებული ელჩი გაუგზავნია დასავლეთ ევროპის ქრისტიან სახელმწიფოებში¹⁶.

ამისი შედეგი იყო, „რომ თუშეცა გიორგი მეფე თავის თავს ლიხთ-ამერისა და ლიხთ-იმერის საქართველოს გამაერთიანებლად და ორისავე ტახტის მპყრობელად სთვლიდა, მაგრამ ნამდვილად არც სამეგრელო-აფხაზეთი, არც გურია და არც სამცხე-საათაბაგო უკვე პირდაპირ მას აღარ ემორჩილებოდნენ“¹⁷— დასძენდა ივ. ჯავახიშვილი.

1466 წლიდან გიორგი VIII საქართველოს სამეფო ტახტზე შეცვალა ბაგრატ VI-მ. ეს უკანასკნელი, როგორც ივ. ჯავახიშვილი ვარაუდობს, „პირდაპირ, თუ დედის მხრით, ეგების, რუსულდანის შთამომავლობის ბაგრატიონანთა საგვარეულოს იმ შტოს ეკუთვნოდა, რომელიც საქართველოს ორისავე ტახტისა და ლიხთ-იმერისა და ლიხთ-ამერის გაერთიანების შემდგომ მეფობას მოაქვდა და ჩამომცრობილ იქნა“¹⁸.

ბაგრატის გამოსვლა გიორგი VIII-ის მეტოქედ, ცხადია, ქვეყნის დასუსტების და სამეფო ტახტის სიძლიერის შერყვევის მაჩვენებელი იყო.

მართალია, ბაგრატ VI გვევლინება არა მთლიანად საქართველოს, არამედ მხოლოდ ქართლ-იმერეთის ხელმწიფედ (რადგან 1466 წლიდან კახეთში გიორგი VIII დამკვიდრდა), მაგრამ იგი მაინც იჩენებს გაერთიანებული საქართველოს მეფეთა ტიტულატურას, რითაც ამქლავნებს ერთიანი საქართველოს მეფობის პრეტენზიას.

ბაგრატ VI-ის 1468 წლის სიგელში ვკითხულობთ: „ჩვენ, ორისავე ტახტისა და სახელმწიფოსა, ლიხთ-იმერისა და ლიხთ-ამერისა ღვთივ-გვირგვინოსანმან. მეფეთ-მეფემან ბაგრატ და ძმამან ჩვენმა პატრონმან კონსტანტინე, ნებითა ღმრთისათა აფხაზთა, ქართველთა, რანთა, კახთა და სომეხთა მეფის, შანშა და შარვანშა და ყოვლისა აღმოსავლეთის დასავლეთამდის თვით-ფლობით კელმწიფეთ მპყრობელისა“¹⁹.

დაშლის გზაზე მდგომი საქართველოს უკანასკნელი მეფე, რომელიც უცვლელად იყენებს ტრადიციულ წოდებულებას, არის კონსტანტინე II, დემეტრეს-ძე (ძმისწული გიორგი VIII-ისა).

კონსტანტინეს გამეფების გარემოებათა შესახებ ივ. ჯავახიშვილი წერს: „საფიქრებელია, რომ ბაგრატის სიკვდილის უმალ ბატონიშვილს კონსტანტინეს მარჯვე შემთხვევით უსარგებლია და აღმოსავლეთ საქართველოში სამეფო ტახტი დაუპყრია და აქედან დასავლეთ საქართველოზეც მოუხერხებია თავისი ხელისუფლების გავრცელება. ამრიგად, ის ორისავე ტახტის მპყრობელობისა და საქართველოს მთლიანობის პოლიტიკის მიმდევარი უნდა ყოფილიყო“²⁰.

კონსტანტინეს ასეთი მისწრაფება აშკარად ჩანს მის მიერ 1488 წ. სვეტიცხოვლისადმი ბოძებულ სიგელში: „...განმაერთებელმან ლიხთიმერისა და

¹⁶ ივ. ჯ ა ვ ა ხ ი შ ვ ი ლ ი, ქართველი ერის ისტორია, IV, თბ., 1948, გვ. 53.

¹⁷ იქვე, გვ. 62.

¹⁸ იქვე, გვ. 83.

¹⁹ ქართული სამართლის ძეგლები, II, გვ. 137.

²⁰ ივ. ჯ ა ვ ა ხ ი შ ვ ი ლ ი, ქართველი ერის ისტორია, IV, 1948, გვ. 132.



ლიხთამერისამან, ორისავე სამეფოსამან მტკიცედ და შეურყევლად მპყრობელმან, აფხაზთა და ქართველთა მეფეთა-მეფემან კონსტანტინე და პირმოზმან ძემან²¹...

მაგრამ, 1491 და 1492 წლებში გაცემულ სიგელებში კონსტანტინე აღარ იხსენიება როგორც ორივე ტახტის გამაერთებელი, არამედ იგი კმაყოფილდება ზოგადი ფორმულით: „...ნებითა და შეწევნითა ღმრთისათა, აფხაზთა და ქართველთა, კახთა, რანთა და სომეხთა მეფისა, შანშა და შირვანშა და ყოვლისა ჩრდილოეთისა და საქართველოსა მტკიცედ კელმწიფედ მპყრობელ-მქონებელთასა...“²² ან „...ყოვლისა საქართველოსა და ჩრდილოეთისა აღმოსავლეთით ვიდრე დასავალადმდე თვით-კელმწიფედ მფლობელ-მპყრობელ-მქონებელმან...“²³.

განიხილავს რა კონსტანტინეს წოდებულებას, ივ. ჯავახიშვილი წერს: „მომავალში იმეძია გამოირკვევა, თუ რა მიზეზი უნდა იყოს, რომ კონსტანტინე მეფე 1491 წ. და 1492 წ. სიგელებში წინანდებურად, როგორც მაგ., 1488 წ., უკვე თავის თავს ლიხთამერისა და ლიხთამერის გამაერთიანებლად და ორისავე ტახტის მპყრობელად აღარ იხსენიებს, არამედ მხოლოდ „ყოვლისა ჩრდილოეთისა და საქართველოსა მტკიცედ კელმწიფედ მპყრობელ-მქონებელად“ ან „ყოვლისა საქართველოსა და ჩრდილოეთისა აღმოსავლეთით ვიდრე დასავალადმდე თუით-კელმწიფედ მფლობელ-მპყრობელ-მქონებელ“-ად — ის რომ ასეთი მაღალხმინანი სამკაული უკვე ოდნავადაც ცხოვრების სინამდვილეს აღარ შეეფერებოდა, თუ აქ შემთხვევით, მხოლოდ დიპლომატიკის სფეროს გარემოებასთან გვაქვს საქმე? ძველებური მეფის წოდებულება თითქოს ამ უკანასკნელ აზრს უფრო ამართლებს“²⁴.

ვფიქრობთ, კონსტანტინეს წოდებულებიდან 90-იან წლებიდან „ორივე ტახტის გამაერთებლის“ ცნების ამოღება ჯერ კიდევ არ ნიშნავს იმას, რომ მას საამისო პრეტენზია საბოლოოდ გაუქრა, იგი ხომ კვლავ ქართველთა მეფედ და „ყოვლისა საქართველოსა და ჩრდილოეთისა, აღმოსავლეთისა ვიდრე დასავლეთამდე მპყრობელად“ იხსენიება. მართალია, აქ, ისევე როგორც მომდევნო მეფეთა ტიტულატურაში, დიპლომატიკის ტრადიციების დაცვასთანაც გვაქვს საქმე, მაგრამ არც ერთიანი საქართველოს ხელში ჩაგდების იმედი და პრეტენზიაა გამორიცხული. ამას არ გამორიცხავდა არც სამეფო „დარბაზი“, რომელმაც ურჩია კიდევ კონსტანტინეს დაზავებოდა მეზობელ მეფე-მთავრებს, იმ იმედით, რომ დადგებოდა უკეთესი დრო მისი მიზნის განსახორციელებლად: „არამედ ვაცადოთ ესამი, უკეთუ კვალად აგოს მეფობასავე შენსა“²⁵.

არამცთუ კონსტანტინეს და მის უშუალო შთამომავალთ, არამედ ბაგრატიონთა კახეთის და იმერეთის შტოს წარმომადგენლებსაც, ყოველ შემთხვევაში პირველ ხანებში მაინც, ჰქონდათ პრეტენზია ერთიანი საქართველოს ტახტზე. დამახასიათებელია ამ მხრივ ალექსანდრე კახთა მეფის 1479 წლის სიგელი სვეტიცხოვლისადმი, სადაც ნათქვამია: „...ორისავე ტახტისა ჩუენისამან ნე-

²¹ ს. კ ა კ ბ ა ძ ე, სიგელი ქართლის მეფე კონსტანტინესი, 1488 წ., თბ., 1913, გვ. 8.
²² საქ. სიძვ. III, გვ. 475.
²³ ს. კ ა კ ბ ა ძ ე, ისტ. საბ., III, გვ. 41.
²⁴ ივ. ჯ ა ვ ა ხ ი შ ვ ი ლ ი, ქართველი ერის ისტორია, ტ. IV, გვ. 131—132.
²⁵ იქვე, გვ. 150.



ბითა და შეწვენითა თქუენითა მტკიცედ ფლობით მპყრობელისა მეფეთა-მეფისა გიორგის ძემან მეფემან ალექსანდრემ...²⁶ თავის მხრივ, ალექსანდრემ იმერთა მეფე 1495 წ. გელათისადმი მიცემულ სიგელში იჩემებს უფლებას ორსავე ტახტზე: „ჩუენ, ორსავე ტახტისა და სამეფოსა ძლითა ფლობით მპყრობელმან, მეფეთა-მეფემან ალექსანდრემ...“²⁷ ცხადია, XV ს. მიწურულისათვის აღნიშნული პრეტენზია უკვე მოკლებული იყო რეალურ საფუძველს, მაგრამ იგი ამ დროსაც და მომდევნო ხანაშიც ცოცხლობს და იჩენს თავს მეფეთა პოლიტიკაშიც და წოდებულებასშიც.

საქართველოს ტახტზე სამი პრეტენდენტის გაჩენა შემდეგ ვითარებაში ხდება: როგორც აღინიშნა, ბაგრატ VI-ის სიკვდილის შემდეგ ქართლი კონსტანტინემ ჩაიგდო ხელში და ლიხთ-იმერეთშიც გადავიდა. მაგრამ აქ მას მეტოქეობას უწევს ალექსანდრე ბაგრატიის-ძე და წარმატებასაც აღწევს. ხოლო კახეთში ამ დროს ჯერ კიდევ ბაგრატ VI-ის მიერ დევნილი გიორგი VIII, შემდეგ კი მისი შვილი ალექსანდრე უყრიან საფუძველს ბაგრატიონთა კახეთის შტოს.

„გიორგი მეფითგან მოყოლებული—წერს ივ. ჯავახიშვილი—საქართველოს მეფე-მთავრები მთელ თავის სიცოცხლეს ვერ შერიგებოდნენ ქვეყნის დანაწილებას და სრულიადი საქართველოს აღდგენაზე ოცნებობდნენ. მაგრამ მწარე გამოცდილებას ისინი უნდა დაერწმუნებინა, რომ მათ ცდას არავითარი ნაყოფი არ გამოუღია. XVI საუკ. თუმცა საქართველოს დანაწილება საბოლოოდ ჩამოყალიბებული ჩანს, მაგრამ როგორც იმდროინდელი საბუთები ცხადყოფენ, არავინ ამას არ ურიგდებოდა და ყველა მეფეები ცალ-ცალკე გაერთიანებისათვის იბრძოდნენ და დანარჩენთა მიმართ დამპყრობელობითს პოლიტიკას აწარმოებდნენ.

ამით აიხსნება ის უცნაურ გარემოება, რომ საქართველოში მაშინ ერთსა და იმავე დროს სამი „მეფეთა-მეფე“ ბრძანდებოდა, რომელთაგან თითოეული ცალ-ცალკე სრულიად საქართველოს ხელმწიფების მეფურს წოდებულობას ხმარობდა“²⁸.

ბუნებრივია, საქართველოს პოლიტიკური დაშლის პირველ ხანებში ზემოთ აღნიშნული მისწრაფება უფრო ცხოველი იყო და უფრო ხშირადაც თავს იჩენდა მისი პრაქტიკული განხორციელების ცდები. დამახასიათებელია ამ მხრივ, მაგალითად, იმერეთში გამეფებული ალექსანდრე ბაგრატიის-ძის ცდა ქართლი ხელში ჩაეგდო, რისთვისაც ილაშქრა კიდევ 1509 წელს და გორიც კი აიღო, მაგრამ, ოსმალთა დასავლეთ საქართველოში შეჭრის გამო იძულებული გახდა უკან დაბრუნებულიყო²⁹. ანალოგიური მისწრაფების გამოხატულება იყო კახეთის მეფის გიორგი II-ის (ავ-გიორგის) ბრძოლა „ქართლსა ზედა“, რაც, აგრეთვე, წარუმატებლად დამთავრდა³⁰. დამახასიათებელია, რომ ასეთი ბრძოლა უკვე ურთიერთის სამფლობელოს რბევის ხასიათს უფრო იღებდა და სრულიადაც არ შეესაბამებოდა ქვეყნის გაერთიანების პროგრესი-

²⁶ კ. კეკელიძის სახ. ხელნაწერთა ინსტიტუტი, Ad, 1838,
²⁷ Sd., 2892.
²⁸ ივ. ჯავახიშვილი, ქართველი ერის ისტორია, IV, გვ. 210—211.
²⁹ იქვე, გვ. 213—214.
³⁰ იქვე, გვ. 218—225.

ული პოლიტიკის განხორციელებისაკენ მისწრაფებას. ზემოთ აღნიშნულ ტენდენციების შესაბამისი იყო იმერეთის და კახეთის მეფეთა მხრით ამ პერიოდში ერთიანი საქართველოს მეფის წოდებულების ხმარებაც.

ორივე ტახტის მპყრობელებად წარმოვიდგენენ თავს როგორც იმერთა მეფეები ალექსანდრე და მისი შვილი ბაგრატი³¹, ასევე კახეთის მეფე გიორგი II³².

XVI ს. მეორე ნახევრისათვის საქართველოში შექმნილმა ფაქტურმა ვითარებამ იძენდა არარეალური გახადა საქართველოს ერთიანობის აღდგენა, რომ თანდათან სუსტდება საამისო პრეტენზიები, რაც თავს იჩენს მეფეთა წოდებულებაშიც. მართალია, ცნება „მეფეთ-მეფე“ კვლავ იხმარება სამივე სამეფოს მეფეთა ტიტულუმში, მაგრამ, როგორც წესი, ქრება ძველი ფორმულის დამახასიათებელი ნაწილი: „აფხაზთა, ქართველთა, რანთა, კახთა, შარვანშა და შაჰანშა...“ და, მით უმეტეს „ორივე ტახტის“ მფლობელობაზე მითითება, თუმცა ეს მთლიანად არ ითქმის ქართლის მეფეებზე, რომელნიც დანარჩენებზე უფრო მეტად ამქლავნებენ ქვეყნის გაერთიანებისაკენ მისწრაფებას (ლუარსაბ I, სიმონ I). ამიტომაც მათ ტიტულატურაში აქა-იქ კვლავ ვხვდებით „ყოვლისა საქართველოს“ ან „ორისავე ტახტის“ მფლობელობის აღნიშვნას. ასე მაგალითად, ლუარსაბ I 1552 წ. სეტიციხოვლისადმი მიცემულ სიგელში წერს: „...ყოვლისა საქართველოსა ტახტისა და გვირგვინისა ფლობით მპყრობელმან, თქუენ მიერ გვირგვინოსანმან მეფეთ-მეფემან ლუარსაბ“³³.

სიმონ I 1586 წელს დმანისის ეკლესიისადმი მიცემულ სიგელში წერს: „ჩუენ თქუენ მიერ გვირგვინოსანმან... აფხაზთა, კახთა, რანთა, შანშთა და შარვანშთა, ლიხთ-იმერისა და ლიხთ-ამერისა და ყოვლისა საქართველოსა, აღმოსავლეთისა და დასავლეთისა, ორისავე თვით ჯელმწიფედ მფლობელ-მპყრობელმან მეფემან-მეფეთამან, მეფემან სუიმონ...“³⁴

როგორც ვხედავთ, აქ საქართველოს მეფეთა ძველი წოდებულება უცვლელადაა წარმოდგენილი, უმეტეს შემთხვევაში კი სუიმონ I-იც მარტივად „მეფეთ-მეფედ“ იწოდება. ამ დროიდან უფრო მიღებულად ჩანს ბაგრატიონთა გვარის ჩამომავლობის ვრცელი აღნიშვნა: „იესიან, დავითიან, სოლომონიან, ბაგრატოვანი“...

როგორც ცნობილია, XVI ს. მეორე ნახევრიდან და განსაკუთრებით XVII საუკუნიდან მოკიდებული XVIII ს. ჩათვლით არის ქართველი ხალხის თავგანწირული ბრძოლის ხანა ირან-ოსმალეთის აგრესიის წინააღმდეგ, დროის გარკვეულ მონაკვეთში საქართველოს ცალკეულ მხარეების ირანისაგან თუ თურქთაგან პოლიტიკური დამოკიდებულების ხანა. ცხადია, ასეთ პირობებში სამეფო ხელისუფლების ძლიერებაზე და საქართველოს გაერთიანებაზე ლაპარაკი კი ზედმეტია. ამდენად ქვეყნის ერთიანობის იდეაც რამდენადმე სუსტდება, თუმცა ყოველ მოხერხებულ დროს, განსაკუთრებით ქართლის მეფეები (ლუარსაბ I, სიმონ I), არ აკლებდნენ ცდას ამ ერთიანობის აღსადგენად, ან, ყოველ შემთხვევაში, არ ივიწყებდნენ საქართველოს ადრინდელ მთლიანობას.

³¹ ქრონიკები, II, გვ. 318—319, 344 .

³² ისტ. საბუთები, III, 44—45.

³³ იქვე, 63.

³⁴ ვ. ფ. უ. თ. რ. ი. ე. ქართულ-სპარსული ისტორიული საბუთები, გვ. 25.



დამანსიათებელია ამ მხრივ ალექსანდრე კახთა მეფის პოზიცია. იგი რუსეთთან დიპლომატურ ურთიერთობისას საქართველოს ერთ მთლიან ორგანიზმად წარმოადგენს, რომელიც სამ ნაწილად არის გაყოფილი.

ივ. ჯავახიშვილი აღნიშნავდა, რომ რუს დესპანებთან საუბარში ალექსანდრე „თითქოს განზრახ დანაწილებულ საქართველოს სამეფოებად ხსენებას გაურბის და ამბობდა: „ჩვენმა პაპისპაპამ ეს სამეფო სამ ნაწილად გაყო“ და არა „სამ სამეფოდ“. განსაკუთრებით საგულისხმოა, როდესაც ის რუსებს მოუთხრობდა: „ამ ჩვენს დროში საქართველოს სამეფოს ერთი მესამედი ჩემს სიძეს სვიმონს ეკუთვნისო“. იმის მაგიერ, რომ ეთქვა, ქართლის სამეფო სვიმონს უჭირავსო, მას ხაზგასმით აქვს ნახმარი იმ სრულიად „საქართველოს სამეფოს მესამედი“, — მისთვის თითქოს საქართველო მხოლოდ ერთია და ქართლის სამეფო არ არსებობს“³⁵.

ცხადია, რუსთა წინაშე საქართველოს მთლიანი სახით წარმოდგენა ქვეყნის პრესტიჟს აამაღლებდა.

საქართველოს გაერთიანების ერთგვარი პირობა შეიქმნა შაჰნავაზის დროს, როდესაც მისი შვილებიდან არჩილი იმერეთში გამეფდა, ხოლო გიორგი კახეთს განაგებდა, მაგრამ საერთაშორისო სიტუაცია საამისოდ ამ დროსაც არახელსაყრელი იყო. თურქეთის მოთხოვნით არჩილი იმერეთიდან გამოყვანილი იქნა და მას შემდეგ მხოლოდ კახეთი მიეცა.

როგორც ცნობილია, საქართველოში საბოლოოდ ისე გაუქმდა მეფობა, რომ მას აღარ ღირსებია გაერთიანება, მაგრამ ერთიანობის იდეა, როგორც ითქვა, არ გამქარაღა, იგი მეტ-ნაკლები სიძლიერით ყოველთვის არსებობდა და თეიმურაზ-ერეკლეს დროს კვლავ გამოცოცხლდა, რაც თავს იჩენს მეფეთა ტიტულატურაშიც. ქართლ-კახეთის მეფეების წოდებულება წააგავს ძველ სამეფო ტიტულის ფორმულას. მაგრამ მასში უკვე ახალი, დავიწროვებული შინაარსი იღო.

აღმოსავლეთ საქართველოში თეიმურაზ-ერეკლეს გამეფების შემდეგ, მეფეთა ტიტულატურაში აღდგა ტრადიციული ცნებები: ქართლი, კახეთი, საქართველო, ყოველი საქართველო; ჩნდება ცნება სრულიად საქართველოც. მარტივად თეიმურაზი და ერეკლე შემდეგნაირად იწოდებიან: „ჩვენ, კახთა მეფემან პატრონმა ირაკლი“³⁶, „ჩვენ, მეფემან კახეთისამან ირაკლიმ, ძემან ღვთიეცხებულის საქართველოს მეფის თეიმურაზისამან“³⁷, „ჩვენ, ღვთიეცხებულმან მეფემან ქართველთამან თეიმურაზ და ძემან ჩვენმან მეფემან კახთამან ირაკლიმ“...³⁸

უფრო სრულად თეიმურაზი 1749 წ. თავის თავს უწოდებს: „წყალობითა ღმრთისათა, ჩვენ, ღმრთიე-აღმატებელმან და ღმრთიე-დამყარებელმა, ღმრთიეცხებით-გვირგვინოსანმან, იასიან-დავითიან-სოლომონიან-ბაგრატიონმან, ქართლისა და ყაზახ-ბორჩალოს ფლობით მპყრობელ-მქონებელმან, მეფეთ-მეფემან, კელმწიფემან, პატრონმან თეიმურაზ“³⁹. ხოლო ერეკლე მეორე 1783 წ.

³⁵ ივ. ჯავახიშვილი, ქართველი ერის ისტორია, IV, გვ. 306.
³⁶ ქართული სამართლის ძეგლები, II, გვ. 410.
³⁷ იქვე.
³⁸ იქვე, გვ. 408.
³⁹ იქვე, გვ. 397.

წერს: „ქ. წყალობითა ღმრთისათა ჩვენ, იესიან, დავითიან, სოლომონიან, პატრიარქიან მკურნალთა და მკურნალთა და მკურნალთა კახთამან, განჯისა, ერევნისა, ყაზახისა, ბორჩალოსა და შამშადილისა ფლობით მპყრობელ-მქონებელმან მეორემან ირაკლიმ...“⁴⁰.

ისეთ ოფიციალურ დოკუმენტში, როგორც იყო 1783 წ. ტრაქტატი, ერეკლე II იხსენიება შემდეგნაირად:

„ირაკლი მეორე, წყალობითა ღმრთისათა... მეფე ქართლისა, მეფე კახეთისა, მემკვდრე-მფლობელი სამცხე-საათაბაგოსი, მთავარი ყაზახისა, მთავარი ბორჩალოსა, მთავარი შამშადილისა, მთავარი კაქისა, მთავარი შამშადისა, და მთავარი შირვანისა, მფლობელი და მბრძანებელი განჯისა და ერევნისა...“⁴¹. გვაქვს შემთხვევები, როდესაც ერეკლე თავს „სრულიად საქართველოს“ მეფესაც უწოდებდა⁴². აქ, ცხადია, აღმოსავლეთ საქართველო იგულისხმება, ისევე, როგორც ცნება „ქართველები“ აღმოსავლეთ საქართველოს მოსახლეობას შეესაბამება (დაპირისპირებით იმერლებისადმი), მაგრამ მეფეთა წოდებულებაში „სრულიად საქართველოს“ ცნების კვლავ შემოტანა მაინც შემთხვევითი არ უნდა იყოს და, შესაძლოა, ქართლ-კახეთის მეფეთა შორეულ მიზნებსაც უპასუხებდა.

როგორც ვხედავთ, XVIII ს. მეორე ნახევრიდან შეიქმნა აღმოსავლეთ საქართველოს მეფის ტიტულატურის სრულიად ახალი ფორმულა. რაც შეეხება იმერეთის მეფის წოდებულებას, იგი უფრო მარტივად წარმოგვიდგება: „სრულიად იმერეთის მეფე სოლომან“ ვკითხულობთ 1773 წ. ერეკლე—სოლომონ შორის დადებულ „მეგობრობის დადგენილებაში“⁴³.

1804 წ. სოლომონ II თავის „სათხოვარ პუნქტებში“ რუსეთის ხელმწიფისადმი იწოდება: „მეფე ყოვლისა იმერეთისა, სჯულიერი იმერეთის სამეფოსა მფლობელი“⁴⁴.

უნდა აღინიშნოს, რომ თუ კი აღმოსავლეთ საქართველოს მეფეთა ტიტულატურაში „საქართველოს“ ან „სრულიად საქართველოს“ ცნებები დავიწროვდა და მხოლოდ ქართლის, ან ზოგ შემთხვევაში, მთლიანად აღმოსავლეთ საქართველოს აღმნიშვნელი გახდა, „სრულიად საქართველოს“ ან „ყოველი საქართველოს“ ფართო გაგებით ხმარებას ვხვდებით კათალიკოს-პატრიარქთა ტიტულატურაში.

როგორც ცნობილია, ქართული ეკლესია აღრიდანვე სარგებლობდა დამოუკიდებლობით (ავტოკეფალით). ეკლესიის სათავეში აქ მცხეთის კათალიკოს-პატრიარქი იდგა. მაგრამ XV ს-ში, კერძოდ, ბაგრატ VI-ს დროს, ან უკანასკნელის ჯერ კიდევ მხოლოდ დასავლეთ საქართველოში მეფობისას (როგორც ამას ი. ჯავახიშვილი ფიქრობს⁴⁵), სეპარატისტული მიდრეკილებების წყალობით, შოხდა დასავლეთ საქართველოს საეკლესიო გამოყოფა აღმოსავლეთისაგან, რაც განხორციელდა ანტიოქიის პატრიარქის მიხეილის მეშვეობით⁴⁶.

⁴⁰ ქართული სამართლის ძეგლები, II, გვ. 456.

⁴¹ იქვე, გვ. 457.

⁴² იქვე, გვ. 415.

⁴³ იქვე, გვ. 433, 435.

⁴⁴ იქვე, გვ. 561.

⁴⁵ ივ. ჯავახიშვილი, ქართველი ერის ისტორია, IV, გვ. 119.

⁴⁶ იქვე, გვ. 115—119.



ცხადია, მცხეთის საპატრიარქო ამას ძნელად ურიგდებოდა და დასაშვებია დაც საშუალება ჰქონდა, იბრძოდა ძველი მდგომარეობის აღსადგენად. მაგრამ საქართველოში არსებულ მძიმე ვითარებაში ეკლესიაც, ცხადია, დასუსტებული იყო და ძლივს ითქვამდა სულს.

მიუხედავად ამისა, მცხეთის კათალიკოსები დროდადრო მაინც ხაზს უსვამდნენ იმას, რომ ისინი მთელი საქართველოს საეკლესიო მამამთავრები იყვნენ, თუმცა უფრო ხშირად უბრალოდ „ქართლის კათალიკოსებად“ იხსენიებიან.

ასე მაგ., 1588 წ. დოკუმენტში ვკითხულობთ, „ჩუენ, ქრისტეს ღმრთისა მიერ კურთხეულმან ყოვლისა საქართველოს მამათ-მთავართ მთავარმან, ქართლისა კათალიკოზ-პატრიარქმან ხელმწიფის ლეონის ძემან პატრონმან ნიკოლოზ“⁴⁷.

1610 წ.: „ყოვლისა საქართველოსა მამამთავართ-მთავარმან კათალიკოზმან პატრონმან ზებედე“⁴⁸.

1629 წ.: „ქ. ჩუენ, ქრისტეს მიერ კურთხეულმან ყოვლისა საქართველოსა მაკურთხეველმან დიდმან მამათ-მთავარმან ქართლისა კათალიკოზმან პატრონმან ზაქარია“⁴⁹.

1634 წ.: „ყოვლისა საქართველოს დიდმან მამათ-მთავარმა ქართლისა კათალიკოზმან პატრონმან ვედემონ“⁵⁰.

1648 წ.: „ყოვლისა საქართველოსა დიდმან მამათ-მთავარმან, ქართლისა კათალიკოზმან, პატრიარქმან პატრონმან ქრისტეფორე“⁵¹.

1660 წ.: „ყოვლისა საქართველოს დიდმა მამამთავარმა კათალიკოზმა დომენტი“⁵².

იგივე ტენდენციას ვხვდებით დაახლოებით ერთი საუკუნით უფრო გვიანაც. კერძოდ, კათალიკოსი ანტონ I ჩვეულებრივ იხსენიება როგორც „ყოველთა ქართველთა“ ან „ყოვლისა საქართველოს“ პატრიარქი. 1748 წ. საბუთში იგი აზუსტებს თავის სამწყსოს: „კათალიკოზმან დიდის სამეუფოსა ქალაქის მცხეთის, ქართლის, კახეთის, სამცხე-საათაბაგოს და ყოვლის ქვემო საქართველოსა და აღმოსავლეთისა საპატრიარქოსამან“...⁵³.

როგორც შემდეგ იქნება ნაჩვენები, „ქვემო საქართველო“ დასავლეთ საქართველოს, კერძოდ, იმერეთის მნიშვნელობით იხმარებოდა. ამდენად, ანტონ I ამ საბუთში არა მარტო დასავლეთ საქართველოს ზოგადად, არამედ სახელდობრ იმერეთზედაც ავრცელებს თავის უფლებას, თუმცა ზოგიერთ შემთხვე-

⁴⁷ ქართული სამართლის ძეგლები, III, გვ. 346.

⁴⁸ იქვე, გვ. 388, შეადარე, 390.

⁴⁹ იქვე, გვ. 489.

⁵⁰ იქვე, გვ. 493.

⁵¹ იქვე, გვ. 513—514.

⁵² იქვე, გვ. 527.

⁵³ იქვე, გვ. 803.

ვაში იგი მხოლოდ ქართლის ან „ზემოთს საქართველოს“ კათალიკოსად იწოდება.

იგივე ითქმის ანტონ II-ის წოდებულებაზედაც.

ამრიგად, კათალიკოსთა ტიტულატურაში გვიანაც იხმარება ცნება „სრულიად საქართველო“ და „ყოველი საქართველო“, მაგრამ არა ქართლის და აღმოსავლეთ საქართველოს მნიშვნელობით, არამედ მთელი საქართველოს გაგებით. ამ მხრივ კათალიკოსთა წოდებულება განსხვავდება მეფეთა წოდებულებასაგან.

ჩანს, მეფეთა წოდებულებაში მეტი ანგარიში ეწეოდა ფაქტიურ პოლიტიკურ სიტუაციას და საქართველოს ცალკეულ სამეფოთა სუვერენიტეტს, რაშიც გარკვეულ როლს ქვეყნის ირანის და თურქეთის გავლენის სფეროებად დანაწილებაც თამაშობდა.

* * *

XVIII ს. მეორე ნახევარში, ქვეყნის აღმოსავლეთ და დასავლეთ ნაწილებად სახელმწიფოებრივი გათიშვის პირობებში, როდესაც ასეთი დაყოფა ტრადიციით და ფაქტიური პოლიტიკური სიტუაციით არის განმტკიცებული, ხოლო ამავე დროს საქართველოს სახელმწიფო მესვეურთა შორის კვლავ ცოცხლობს ქვეყნის ერთიანობის იდეა, გამოიძებნა ერთგვარი გზა, აღმოსავლეთ და დასავლეთ საქართველოს მეფეთა სუვერენიტეტის დაცვით, ქვეყნის მთლიანობის გამოხატვისა. ეს გზა მდგომარეობდა ცნებების „ზემო“ და „ქვემო“ საქართველოს შემოღებაში.

ცნებები „ზემო“ და „ქვემო“ ქართულ საისტორიო წყაროებში ადრიდანვე გვხვდება, მხოლოდ ერთიანი საქართველოს გარკვეული ნაწილების აღსანიშნავად: „ერისთავნი ქართლისანი, ზემონი და ქუემონი“ (ჯუანშერი, ქ. ც. I, 217.) „ყოველნი დიდებულნი, ზემონი და ქუემონი“ (მატიანე ქართლისაი, ქ. ც. 281), „მასვე უამსა მეფე იქნა ბაგრატ ყოველსა მამულსა და სამეფოსა მისსა ზედა, ზემოსა და ქუემოსა...“ (მატიანე ქართლისაი, ქ. ც. I, 291).

აკად. ნ. ბერძენიშვილს ამ ცნებებზე დაკვირვების შედეგად გამოთქმული აქვს მოსაზრება, რომ „ზემო“ და „ქუემო“ გეოგრაფიული ვითარების კვალად გამოითქმოდა და ის საგეოგრაფიო სახელს დამოუკიდებლად არ წარმოადგენდა⁵⁴.

მისივე დაკვირვებით, „ზემო“ მიემართებოდა ქართლს, ხოლო „ქუემო“ — დას. საქართველოს. თუმცა რიგ შემთხვევაში „ზემო ქვეყანა“ უღრიდა მესხეთ-ჯავახეთ-თრიალეთს⁵⁵.

ნ. ბერძენიშვილს ისიც აქვს გარკვეული, თუ რის მიხედვით განისაზღვრებოდა ეს ცნებები. მას მოაქვს „მატიანე ქართლისაი“—დან შემდეგი ადგილი: „ლიბარიტ მოირქუნა ზემოსა კერძსა დაუკლებლად... ხოლო ბაგრატს აქუნდა ლიხსა ქუემოთ კერძი დაწყობით“ (ქ. ც. I, 304).

„ავტორისათვის — წერს ნ. ბერძენიშვილი, — როგორც ცხადად ჩანს, ზემოსა და ქვემოს განსაზღვრისათვის ამოსავალი არის ლიხი“⁵⁶.

⁵⁴ ნ. ბერძენიშვილი, საქართველოს ისტორიის საკითხები, ტ. VIII, გვ. 633.

⁵⁵ იქვე.

⁵⁶ იქვე, გვ. 634.



ლიხის მთის მიხედვით არის ნაწარმოები ცნებები „ლიხთ-იმერეთი, სპარსეთი, სპარსეთის იმერეთი, სპარსეთის იმერეთი“⁵⁷, როგორც ქვეყნის სხვადასხვა კუთხეები. მაგრამ ეს ცნებები ჩვენ ამ თვალსაზრისით არ გვაინტერესებს.

ამრიგად, „ზემო“ და „ქუთუმი“ ქვეყანა ადრე იხმარებოდა არა როგორც დამოუკიდებელ პოლიტიკურ ერთეულთა სახელები, არამედ როგორც ქვეყნის სხვადასხვა ნაწილების აღმნიშვნელი ცნებები, ამჯერად ქვეყნის აღმოსავლეთ და დასავლეთ ნაწილების აღმნიშვნელი ტერმინები.

მაგრამ გვიან, ქვეყნის აღმოსავლეთ და დასავლეთ ნაწილთა სახელმწიფოებრივი განცალკევების შემდეგ, ამ ცნებებში უკვე სხვა შინაარსი იქნა ჩადებული.

ასეთი ახალი შინაარსით ეს ტერმინი გვხვდება, მაგალითად, ერეკლე II-ის გუჯარში „დარბაზის წესის შესახებ“, რომელიც 1749 წლითაა დათარიღებული.

„...ჩვენ, ირაკლი მეორემან, მეფემან ყოველსა ზემოხსა საქართველოსამან... და ძმამან ჩვენმან ყოველსა ზემოხსა საქართველოსამან [მამათ-მთავარმან ანტონ... განუხილენით განწესებანი წინაპართა ყოველისა საქართველოსამან] მეფეთა. ...განწესება ესე სასაყდრო აღსავალითა განწესებული არს ძველთა მეფეთა და მამათ-მთავართაგან ყოველისა საქართველოსამათა“⁵⁸.

უფრადღებას იქცევს ის ფაქტი, რომ აქ ცნება „ზემო-საქართველო“ დაბირისპირებულია „ყოველ საქართველოსთან“, რომელიც ამ კონტექსტში ერთიანი საქართველოს გამომხატველი უნდა იყოს, თუმცა აღმოსავლეთ საქართველოს მეფეების, კერძოდ, ერეკლე II-ის წოდებულებაში, როგორც ითქვა, „ყოველი საქართველო“ მხოლოდ აღმოსავლეთ საქართველოს ან ქართლის მნიშვნელობითაც იყო ნახმარი.

ცნებას „ზემო საქართველო“ ვხვდებით 1767 წ. ერეკლე II-ის მიერ ერთ-ერთ განაჩენის დამტკიცებაში. „ქ. ირაკლი მეფე ყოველისა ზემოხსა საქართველოსისა და კახეთისა ვამტკიცებ განაჩენსა ამას სამართლისა...“⁵⁹.

1779 წ. ერეკლე II-სა და ანტონ I-ის განწესებაში დოდოს მონასტრისადმი წერია: „ქ. ჩვენ, ყოველისა ზემოხსა საქართველოსამან, უფლისა მიერ ცხებულის მეფის თეიმურაზის ძემან, ირაკლი მეორემან და ძმამან ჩვენმან, ყოველსა ზემოხსა საქართველოსამან მამათ-მთავარმან მეფის ძემან ანტონის ვბრძანეთ...“⁶⁰

ანტონ I-ის ტიტულატურაში ხშირად ვხვდებით ცნებას „ყოველისა ზემოხსა საქართველოს“ კათალიკოს-პატრიარქი⁶¹.

ყველა ზემოაღნიშნულ შემთხვევაში ცნება „ზემო საქართველო“ უბირისპირდება „ქვემო საქართველოს“ — დასავლეთ საქართველოს.

ცნებების „ზემო“ და „ქვემო“ საქართველოს შემოღება მოწმობაა იმისა, რომ ქართლის სამეფო კარი ცდილობს შეინარჩუნოს ერთიანი საქართველოს არსებობის დამადასტურებელი ტერმინი — „საქართველო“ და იგი ერთიან

⁵⁷ ნ. ბერძენიშვილი, საქართველოს ისტორიის საკითხები, ტ. VIII, გვ. 635—640.
⁵⁸ ქართული სამართლის ძეგლები, II, გვ. 399—400.
⁵⁹ კ. კეკელიძის სახ. ხელნაწერთა ინსტიტუტი, Sd 2977.
⁶⁰ ქართული სამართლის ძეგლები, II, გვ. 448.
⁶¹ იქვე, III, გვ. 895, 901, 965.

ქვეყნად წარმოადგინოს, ხოლო მისი სამეფოებად დანაწილება მხოლოდ პოლიტიკურ (დროებით) აქტად გაიაზროს. ნ. ბერძენიშვილის დაკვირვებით, ამავე გაგებით იხმარება წიგნიური ცნება „ივერია“⁶².

აღსანიშნავია, რომ ასეთი ცნებების არსებობა ერთგვარად აწყობდათ იმერეთის მეფეებსაც, ანუ ეს ცნებები იმერეთის სამეფო კარისთვისაც მისაღები იყო. ეს კარგად ჩანს 1790 წლის „ივერიელ მეფეთა და მთავართა ტრაქტატში“ ნახმარ ტერმინებიდან: „ზემო ივერია“ და „ქვემო ივერია“ — აღმოსავლეთ საქართველოს და დასავლეთ საქართველოს გაგებით.

აღნიშნულ „ტრაქტატში“ ყურადღებას იქცევს არა მარტო ის, რომ აქ ერთიანი საქართველოს ცნების გამოსახატავად შემოღებულია ტერმინი „ივერია“, ხოლო მის ცალკე ნაწილებისა — „ზემო ივერია“ და „ქვემო ივერია“, არამედ ისიც, თუ რით საბუთდება საქართველოს ერთიანობა.

„ტრაქტატში“ ვკითხულობთ: „ვინაიდან ყოველთავე ივერიელთა, მსახლობელთა სამეფოსა შინა ქართლისა, კახეთისა, იმერთა, ოდიშისა და გურიისათა, აქვსთ ერთმორწმუნება, არიან ძენი ერთისა კათოლიკე ეკლესიისაგან შობილნი და ერთისა ენისა მქონებელნი, აქვსთ მავასხებლობითიცა სიყვარული, ვითარცა სისხლით ნათესავთა და მოყვრობით შეკრულთა ურთიერთთა შორის, ამისთვის ჩვენ, ზემოხსენებულთ ქუეყანათა ივერიისათა მეფენი და მთავარნი, დამამტკიცებელნი ამის პირობისა...“

ხელს აწერენ: „მეფე ქართლისა, კახეთისა და სხვათა ერეკლე“ და „მეფე ყოვლისა საიმერეთისა სოლომონ“⁶³.

ამავე ტრაქტატში მოხსენიებული არიან: „თავადნი, აზნაურნი და ერნი“ — „ქვემოისა ივერიისანი“ და „ზემოისა ივერიისანი“.

„ტრაქტატის“ გარდა, „ივერიის“ ხმარებას საქართველოს მნიშვნელობით ვხვდებით ანტონ II-ის 1789 წ. საბუთში, სადაც ვკითხულობთ: „კათალიკოზ-პატრიარხმან მცხეთისა, ქართლისა, კახეთისა და ყოვლისა ივერიისამან“⁶⁴.

ამრიგად, მართლაც მწიგნობრული გზით წარმოქმნილი ცნება „ივერია“ („ივერიელი“), შემოღებული გვიან — ერთიანი საქართველოს აღსანიშნავად და სწორედ მისი ერთიანობის ხაზის გასასმელად (ცნების „საქართველო“ პარალელურად, რომელიც მხოლოდ აღმოს. საქართველოს ან ქართლსაც აღნიშნავდა) კიდევ ერთი დამადასტურებელი საბუთია იმისა, რომ ქვეყნის ერთიანობის და მისი ოდინდელი პოლიტიკური მთლიანობის იდეა ბოლომდე შენარჩუნებული იყო, თუმცა ამ იდეის ხორცის შესხმას, ე. ი. საქართველოს პოლიტიკურ გაერთიანებას, ქვეყანაში არსებული საშინაო და საგარეო პირობებში აღარ ეწერა განხორციელება.

⁶² ნ. ბერძენიშვილი, საქართველოს ისტორიის საკითხები, VIII, გვ. 144.

⁶³ ქართული სამართლის ძეგლები, II, გვ. 501—504.

⁶⁴ ქართული სამართლის ძეგლები, III, გვ. 981 (შდრ. გვ. 977).

ОТРАЖЕНИЕ ИДЕИ ПОЛИТИЧЕСКОГО ЕДИНСТВА ГРУЗИИ В ГРУЗИНСКИХ ДОКУМЕНТАЛЬНЫХ ИСТОЧНИКАХ ПЕРИОДА РАЗДРОБЛЕННОСТИ СТРАНЫ

(Резюме)

На основании данных исторических документов (царских грамот, договоров между грузинскими царями и князьями, Трактата 1783 г.) в статье исследован вопрос о сохранении идеи единства Грузии в период ее политической раздробленности. С этой целью проанализированы употребляемые в титулатуре царей термины: «Сакартвело», «Ковели Сакартвело», «Срулиад Сакартвело», «Земо Сакартвело», «Квемо Сакартвело», «Иверия», «Земо Иверия», «Квемо Иверия».

Установлено, что в этих терминах в период политического распада Грузии первоначально нашло отражение стремление царей Картли, Имерети и Кахети к объединению страны под своей властью, а затем желание сохранить традицию единства страны, не нарушая при этом суверенитета отдельных царств.

ლევან რაბიანი

აღმოსავლეთ საქართველოს შინა პოლიტიკური ვითარება
XVIII ს-ის 40—50-იან წლებში*

ა) თეიმურაზ-ერეკლესთანამეფობა

XVIII ს. 30 — 40-იანი წლების მიჯნა მეტად საინტერესო პერიოდი იყო ქართლ-კახეთის ისტორიაში. ახლო აღმოსავლეთში შექმნილი ვითარების სწორად გათვალისწინებას განსაკუთრებული მნიშვნელობა ჰქონდა ქვეყნის მომავალი განვითარებისათვის. ამ თვალსაზრისით, უდავოდ, საგანგებო ადგილი უკავია თეიმურაზ მეორეს, რომლის მოქნილმა პოლიტიკამ თვალსაჩინო წვლილი შეიტანა ქართლ-კახეთის გაერთიანებისა და ირანის ბატონობისაგან ქვეყნის განთავისუფლების დიდ საქმეში. თეიმურაზის დიპლომატია კონკრეტული სიტუაციის დრამა ანალოზს ემყარებოდა¹.

„ყოილბაშობის“ დამყარების შემდეგ (1735 წ.) ქართლ-კახეთი უფრო მძიმე მდგომარეობაში ჩავარდა, ვიდრე ოსმალბობის დროს იყო. 1741 წელს ნადირ-შაჰის ბრძანებით ქართლი აღწერეს. პაპუნა ორბელიანის ცნობით: „ესრედ იყო აღწერა, რაც ძველად ნასოფლარი სადმე იყო, ყველგან ზომეს მიწები საბელოთა, ხრევი დასდევს. აგრეთვე ამ სახით შენობა სადმე იყო დიდი, ხრევი დასდევს... ვაზს ერთი ბისტი დასდევს... რაც ხე ნახეს თითო შაური დასდევს, კაცს ორი მინალთუნი, ყმაწვილზე ასაკოვანსა ხუთი აბაზი და შემდგომ ამისათ ათს წლამდის ხარჯში დაწერეს. ყმაწვილზე, პირუტყვზე... ბოსტანსა, წისქვილსა, ყოველსფერს შენობას ანუ ოხერს ადგილს, ასეთი ხარჯი დასდევს, რომ ყოვლის კაცისაგან დიდად შეუძლებელი იყო... ამა ამბავთა შიგან ამ ხარჯის გამოისათ მრავალი სული აიყარა, ბევრი ადგილი უმეტესად აოხრდა, მრავალი კაცი ვენახსა და ბაღებსა თავისის ხელით კაფდის და აოხრებდის“²...

შანშე ქსნის ერისთავის დამარცხებისა და ქსნის ხეობის დამორჩილების შემდეგ ირანელ-ქართველთა ჯარი ნადირ-შაჰის ბრძანებით ქარსა და დაღესტანში სალაშქროდ გაემზადა. ეს ჯარი ჯერ კიდევ ივრის პირზედ იდგა ბანაკად, როცა ცნობილი გახდა, რომ გივი ამილახორი აჯანყებულიყო. აჯანყების უშუალო საბაბი ის იყო, რომ ნადირ-შაჰმა ქართლიდან 2.000.000 ლიტრა პური მოითხოვა. ნადირ-შაჰმა ამილახორს მოციქულები გაუგზავნა და აჯანყების

* წინამდებარე სტატიებზე მუშაობისას საყურადღებო შენიშვნებისათვის დოც. ნ. შოშიაშვილს უღრმეს მადლობას მოვასხენებთ.

¹ საქართველოს ისტორიის ნარკვევები, ტ. IV, თბ., 1973, გვ. 600.

² პ. ორბელიანი, ამბავნი ქართლისანი, ხელნაწერთა ინსტიტუტი, ფ. S 3671, 37v; იხ. წიგნი, საქართველოს ცხოვრება, ზ. ქიქინაძის გამოცემა, თბ., 1913, გვ. 56 (ქვემოთ: პ. ორბელიანი, ამბავნი ქართლისანი).

მიზეზი ჰკითხა. „ეს პასუხი მოეცა ამილახორს: ქვეყანა ოხერი შეიქნა და ათა გამოდიოდის რაო, ვედარ შევეძელ სამსახური და წაველო“³.

აჯანყებულთა მედგარმა ბრძოლამ გაჭრა. ნადირ-შაჰი იძულებული იყო ქართლის მიმართ პოლიტიკა შეეცვალა.

თეიმურაზმა და მისმა მეუღლემ თამარმა თავიანთი ასული ქეთევანი ნადირის ძმისშვილს — ალი-ყული-ხანს მიათხოვეს, ხოლო ტახტის მემკვიდრე ერეკლე, ნადირისავე თხოვნით, შაჰთან დარჩა და ინდოეთის ლაშქრობაში ახლდა მას.

ერეკლეს მიერ მალრანის ნაცვლის შვილ გივისათვის 1744 წ. 22 ოქტომბერს მიცემულ ყმა-მამულის წყალობის წიგნში ნათქვამია: „ოდეს შაჰშაჰი ნადირ ინდოვეთის საპყრობლათ წარვიდა, ჩვენც თან გვიახლო“⁴.

ერეკლეს მიერვე ემიკალასბაშ სულხან ჭავჭავაძისათვის 1750 წ. 1 სექტემბერს მიცემულ სოფ. წინანდლის წყალობის წიგნში მოთხრობილია ნადირ-შაჰის და თეიმურაზ-ერეკლეს ურთიერთობის ამბები: „ოდეს ამალღებულმან ერანის კელმწიფემან მამაჩვენი... მეფეთ-მეფე თეიმურაზ წინაშე მიუწოდა და თანა წარიტანა და უცხოთა თემთა და ქვეყანათა ყანდარისათა... და ოდეს მდღოთა ქვეყანათა დაბრყობამ მოინება და ჩვენცა მიგვიწოდა ერანის კელმწიფემან... და ოდეს მამაჩვენი მეფე ქართლად წარმოგზავნა და ჩვენ ინდოთა ქვეყანათა ბრძოლისა სიმტკიცისათვის თან წარგვიტანა, შენ (სულხან ჭავჭავაძე — ლ. რ.) მეფემან წარმოვიყვანა და ვითაც შეგვანდა წყალობა, კარისა თვისისა ემიკალასბაშობა გიბოძა და ოდეს ინდოთა ქვეყანათა დამპყრობელმან მანვე კელმწიფემან გამარჯვებული სამეფოსა ჩვენსა წარმოგვავლინა“⁵...

თეიმურაზ II-ის მიერ პაატა და პაატუა ალადაშვილებისათვის 1743 წ. 16 ივლისს მიცემულ მამულის წყალობის წიგნში ვგებულობთ, რომ თეიმურაზიც მონაწილეობდა ნადირ-შაჰის მიერ დაღესტანთან წარმოებულ ომებში: „ჩვენ რომა ხემწიფეს (ნადირ-შაჰს—ლ. რ.) ყაზიხემუხში ვახლდით, თქვენც გაუყრელად, ერთგულად გვახლდით და დარუბანდსაც ერთგულათ გვემსახურენით“⁶...

ამ ამბების შემდეგ, ნადირ-შაჰმა, თავის მხრივ, კახეთის მეფე თეიმურაზი „ქრისტიანობით“ შეიწყყნარა და დიდი პატივით გამოისტუმრა სამშობლოში. თეიმურაზმა კახეთი „იხსნა“ მძიმე ხარკისაგან, ხოლო ნადირმა ბოზოქარი ქართლი, რომელსაც ყიზილბაშმა ვეჭილებმა (მმართველებმა) თავი ვერ გაართვეს, თეიმურაზის მეშვეობით „დაამშვიდა“⁷.

თეიმურაზის მოქნილი პოლიტიკის წყალობით, კახეთი წელში გაიმართა. ქართლიდან აყრილი მოსახლეობა კახეთს აფარებდა თავს: „რამეთუ მრავალნი წარჩინებულნი, აზნაურნი და გლეხნი დაეშენებოდნენ ქართველნი კახეთს, ვინათგან მუნ უმცირესი ჰირი იყო თათართაგან“⁸.

პ. ორბელიანის თქმით: „მას უამში კახეთი ლეკისაგანც მოსვენებული იყო

³ პ. ო რ ბ ე ლ ი ა ნ ი, ამბავნი ქართლისანი, გვ. 64.

⁴ საქართველოს ცენტრალური ისტორიული არქივი, ფონდი 1448, საბუთი 1507.

⁵ სცია, ფ. 1450, დავთ. II, ს. 10.

⁶ ხელნაწერთა ინსტ., ფ. Ad 603, 2226.

⁷ ნარკვევები, IV, გვ. 602.

⁸ ვ ა ხ უ შ ტ ი, აღწერა სამეფოსა საქართველოსა, ქართლის ცხოვრება, ტ. IV, ტექსტი დადგენილი ყველა ძირითადი ხელნაწერის მიხედვით ს. ყ ა უ ხ ჩ ი შ ვ ი ლ ი ს მიერ, თბ., 1973, გვ. 520.

და არც ხელმწიფის სათხოვარი ეთხოვბოდის, ვინც გზას იშოვნის ქართლის კაცნი, თავადნი, აზნაურნი, ანუ გლეხნი იქ სხდებოდინ, კარგადაც აპატივედენ მისულს კაცს, რომ არასფერს აწუხებდენ⁹.

მიუხედავად შანშე ქსნის ერისთავის და გივი ამილახორის დამარცხებისა, აჯანყებულთა ბრძოლას უკვალოდ არ ჩაუვლია. პირიქით, აჯანყებულთა მხნე ბრძოლამ აიძულა ნადირ-შაჰი საცხებით უარყო თავისი პირვანდელი გეგმა საქართველოს შიშართ და „ყიზილბაშობა“ აქ თანდათან „ქართველობით“ შეეცვალა¹⁰.

1744 წელს ნადირ-შაჰმა თეიმურაზი ქართლის მეფედ, ხოლო მისი შვილი ერეკლე კახეთის მეფედ დანიშნა. ეს მეტად მნიშვნელოვანი ფაქტი ბევრ საისტორიო წყაროშია აღნიშნული.

გივი ამილახორის „დასახმარებლად“ ქართლში შემოსული ოსმალების დამარცხების შემდეგ, „ესე განიხარა ფრიად შაჰნადირ და მოსცა თეიმურაზს ქართლი, ხოლო ერეკლეს, ძესა მისსა — კახეთი, მერმე მოვიდა თეიმურაზ ტფილისს ქორონიკონსა ჩლმდ (1744), ქართ. ულბ“¹¹.

კათალიკოს ანტონ I-ს გაკვრით აქვს ნახსენები ეს ფაქტი: „...დაიბყრა რა ქართლი შაჰნადირ, ხანნი სპარსთანი მეფობდეს ქართლსა ზედა. ხოლო შემდეგ რაოდენთამე წელთა მისცა მეფობა ქართლისა შაჰნადირ მეფესა კახთსა თეიმურაზ მეორესა და მეფობა კახეთის ძესა თეიმურაზისასა ირაკლი მეორესა“¹².

„ქორონიკონს ულბ (1744), თვესა ივლისსა, მოუვიდა ქართლის ბატონობის ამბავი მეფეს თეიმურაზს, კახეთის ბატონობა ძესა მეფისასა ერეკლეს. იყო სიხარული ქართლსა და კახეთს“¹³...

ომან მდივანბეგ ხერხეულიძის ცნობით, „მოუბოძა ქართლის მეფობა თეიმურაზს და კახეთის მეფობა ირაკლის, ძესა მისსა, წელსა 1744“¹⁴.

ჩვენი ყურადღება მიიბყრო თეიმურაზის მიერ სოლომონ გურგენიძისათვის 1740 წ. მიცემულმა დიდუბის მოურაობის, ქიზიყის ქალანთრობისა და თელავის ტარულობის წყალობის წიგნმა. თეიმურაზი წერს: „მერმე ნადირ-შა და დის ტანი დამ მობრუნდა და კარგათ ვემსახურებით და მივეგებენით და ქართველთ ბატონობა გვიბოძა“¹⁵. „ქართველთ ბატონობა“ რომ ქართლის მნიშვნელობით არის ნახმარი, ეს ამავე საბუთიდან ჩანს: „როდეს ნადირ-შაჰმა ერანი დაიჭირა, მაშინ აქ მობძანდა. ჩვენს ძმისწულს ალექსანდრეს ქართველთ (ქართლელთ — ლ. რ.) ბატონობა უბოძა“¹⁶. თეიმურაზი ამ დროს კახეთში მეფობდა.

⁹ პ. ორბელიანი, ამბავნი ქართლისანი, გვ. 87.

¹⁰ ნ. ბერძენიშვილი, საქართველოს ისტორიის საკითხები, შიგნი II, 1965, გვ. 182; შიგნი VI, 1973, გვ. 337.

¹¹ ქართლის ცხოვრება, IV, გვ. 521.

¹² ანტონ I, საქართველოს ისტორია, ხელნაწერთა ინსტ., S 5050, 22v.

¹³ პ. ორბელიანი, ამბავნი ქართლისანი, გვ. 90.

¹⁴ ომან მდივანბეგ ხერხეულიძე, მეფობა ირაკლი მეორისა მეფის თეიმურაზის ძისა, იხ. შიგნი, საქართველოს ცხოვრება, ზ. კიკინაძის გამოცემა, თბ., 1913, გვ. 249.

¹⁵ სცია, ფ. 1448, ს. 9662; ფ. 1461, რვ. 13, ს. 185 (პირი). საქართველოს სიძველენი, III, 1910, № 493.

¹⁶ იქვე.



„ჩვენც, ბევრი ძალიანი სამსახური დავსდევით. ლეკი და ურუმე გაერთდნენ, ახალციხის უსუფ-ფაშა ქართლში ბატონობდა. ყარაღაჯის ციხე ეჭირა. დიდხანს ჯარით და თოფხანით გამოვიდა კახეთზედ, ჩვენის, მამკად ყულიხანის სიკვდილიც და დარბაისელთ და ეპისკოპოსთ ამოწყვეტაც თავს ეღვათ მუხთლობით. ლეთის მოწყალეებით დედოფლის წყალზე დავესხენით, ქალაქამდე ვდივეთ. ბევრი ამგვარი სამსახურები გავსწივეთ, მაგრამ არ დაგვიწოდო (ნადირ-შაჰმა — ლ. რ.). გორს დაგვიჭირეს ჩვენ და ქართველნი (ქართლელნი — ლ. რ.) ბარძიმ ერისთავი, ამირახვარი გვიც და თარხანი“¹⁷... როდესაც ნადირ-შაჰმა თეიმურაზი ყანდაარის ასალეზად თან წაიყვანა, მაშინ „მივედიო, ყანდაარს შემოგზნენ. დიდსხანს ომი იყო. ვინც ქართველნი გვახლდენ, ან კახნი კარგა იყვნენ“¹⁸...

საბუთი დედანს წარმოადგენს. მასში მოცემულია თარიღი: „ქრისტეს განხორციელებითგან ჩღმ (1740), ქორონიკონს. უკმ (1740)“.

საბუთში მოცემული ორი თარიღი ეჭვს არ იწვევს. მასში დაცული ცნობები სრულ ანალოგიას პოულობს ნარატიულ წყაროებთან (სეხნია ჩხეიძე). ამიტომ თეიმურაზის ქართლში გამეფება უნდა ვივარაუდოთ 1740 წლიდან. ნადირ-შაჰი სწორედ ამ წლიდან აწარმოებდა ბრძოლებს დაღესტანთან.

თეიმურაზი გარკვევით წერს, რომ ნადირ-შაჰმა „ქართველთ ბატონობა მიბოძა“-ო.

თეიმურაზის მიერ რევას ამილახვრიშვილისათვის 1744 წ. 12 იანვარს მიცემულ პირობის წიგნში წერია: „ესე წყალობის და მტკიცე წიგნი გიბოძეთ ჩვენ, მეფეთ-მეფემ კახეთის, არაგვის და ქსნის პატრონმან თეიმურაზ და ძემან ჩვენმან ერეკლემ ესე ფიცი და პირი მოგეცით თქვენ, ამილახვრიშვილ რევასს... თუ... ხემწიფემ ქართლი მიბოძა, ამილახვრობაც შენ მოგცეთ. თუ რომ ქართლი არ მომეცა, რაც კახეთში შენი ყმა არის, ის მოგცეთ“¹⁹.

როგორც ჩანს, თეიმურაზს დაუკარგავს „ქართველთ ბატონობა“, რადგან ზემოთ მოტანილ საბუთში მას ქართლი უკვე აღარ ეკუთვნის.

ერეკლეს მიერ ლომი ბეჩაშვილისათვის 1744 წ. 30 იანვარს მიცემულ მამულის წყალობის წიგნში ერეკლე ამბობს: „ოდეს მადალმა ხემწიფემ ყაენმა ველინამად (ნადირ-შაჰი — ლ. რ.) ბატონს მამაჩვენს ყაზახ-ბორჩალო და საქართველო (ამ შემთხვევაში ქართლის მნიშვნელობით — ლ. რ.) უბოძა და ჩვენ კახეთი და ქსან-არაგვი, იმხანად შენ ერთგულად გვემსახურე“²⁰...

ნადირ-შაჰს, როგორც ჩანს, ორჯერ უბოძებია ქართლის ბატონობა თეიმურაზისათვის, პირველად 1740 წელს, ხოლო მეორედ — 1744 წელს.

როგორც ზემოთ მოტანილი ორი საბუთიდან ირკვევა, ნადირ-შაჰს თეიმურაზისათვის ყაზახ-ბორჩალო და ქართლი, ხოლო ერეკლესათვის კახეთი და ქსან-არაგვი უბოძებია 1744 წ. 12

¹⁷ სცია, ფ. 1448, ს. 9662; ფ. 1461, რე. 13, ს. 185 (პირი). საქართველოს სიძველენი, III, 1910, № 493.

¹⁸ იქვე.

¹⁹ ხელნაწერთა ინსტ., Hd 2137; საქართველოს სიძველენი, III, № 497.

²⁰ სცია, ფ. 1448, ს. 583.



და 30 იანვარს შორის, ხოლო მისი დამტკიცება—1744 წ. ივლისში (პ. ორბელიანი, იხ ზემოთ, და იესე ოსეს ძის „ქორანიონის მინაწერი“²¹.) ცხოვრება-ანდერძში იესე ოსეს ძე კი 1744 წლის მაისს ასახელებს.

ერეკლე II წყალობის წიგნებში თავს ერანის „ხემწიფისაგან გახემწიფებულს“ უწოდებს. კორინთელებისათვის 1744 წ. 10 ნოემბერს მიცემულ ყმა-მამულის წყალობის წიგნში ვკითხულობთ: „ჩვენ ...მეფეთ-მეფემან და თვით ხემწიფემან, დიდისა და ცამდის ამაღლებულის ერანის ხემწიფისაგან გახემწიფებულმან, მეფემ ერეკლემ, კახეთისა და არაგვის და ქსნის მქონემ, მეფემ ერეკლემ, ესე წყალობის წიგნი და სიგელი გიბოძეთ“²²...

მსგავსი ცნობაა დაცული ერეკლეს მიერ მალრანის ნაცვლის შვილ გვიოსათვის 1747 წ. 22 ოქტომბერს მიცემულ ყმა-მამულის წყალობის წიგნში: „...ერანის კემწიფისაგან შვილურად აღზრდილმან და მათგანვე დიდათ გაკემწიფებულმან, კახეთის, არაგვის მპყრობელ-მქონებულმან, მეფეთ-მეფემან და თვით კემწიფემან პატრონმან ქართველ მეფის თეიმურაზის ძემან მეფემ ერეკლემ ...პირმოძან და სასურველმან ქართლ-კახეთის უფლისწულმან ძემან ჩვენმან ბატონისშვილმან პატრონმან ვახტანგ“²³... საინტერესოა ის ფაქტი, რომ ვახტანგ ბატონისშვილი ქართლ-კახეთის უფლისწულად პირველად აქ არის მოხსენიებული.

მომდევნო წელს (1745) შაჰმა ნება დართო თეიმურაზს, რომ ქრისტიანული წესით ასულიყო ტახტზე. „ვითაც თქვენი მეფობის რიგი იყოს, ეგრე კურთხევა მიიღო“²⁴. ამავე დროს, მან დაუბრუნა ქართლს XVII საუკუნეში შაჰ-აბასის მიერ მიტაცებული მხარეები: ლორე, ბორჩალო და ბაილარი, რასაც უდიდესი მნიშვნელობა ჰქონდა.

1745 წლის პირველ ოქტომბერს თეიმურაზი ძველი ქართული წესით ქართლის მეფედ ეკურთხა. „ხოლო წელსა ქრისტეს 1745, ქართულსა 433, იცხო მეფედ ცხებულობით თეიმურაზმან ოქტომბერს 1 მცხეთას“²⁵.

ამრიგად, ნადირ-შაჰმა, დიდად შეცვალა საქართველოს მიმართ შაჰ-აბასის პოლიტიკური ხაზი. ქართლი ძველს საზღვრებში აღდგა. ქართველთა გამაჰმადიანების პოლიტიკაც უარყოფილ იქნა.

მაგრამ ეს ნადირ-შაჰის წყალობა როდი იყო, არამედ ქართველთა ასორ-მოცდაათწლოვანი მდგარი ბრძოლით მონაპოვარი უფლება²⁶.

ერეკლეს მიერ გიორგი მირზაშვილისათვის 1750 წ. 19 იანვარს მიცემულ ყმა-მამულის წყალობის წიგნში მეტად საინტერესო ცნობებია ამ პერიოდის შესახებ: „უამთა ვითარებისა და დრო ცვალებათაგან რაც არაგვის საერისთოს ვაკის მამული ოსს გარდა აოჭრებულყოფი უსჯულოთა აგარიანთა და ისმაილის ნათესავთა ოსმალთა, ყიზილბაშთა და ლეკთაგან. მას ჟამსა ოდეს ინება აღმერთმან ამა უსჯულოთა ვსძლიეთ, ჩვენ იმკვიდრი ქვეყანა

²¹ ხელნაწერთა ინსტ., A 637, 44v; ქ. შ ა რ ა შ ი ძ ე, იესე ოსეს ძის „ქორანიონი“, ენციკის მოამბე, XIII, 1943, გვ. 136.

²² სცო, ფ. 1450, დ. 26, ს. 277.

²³ სცო, ფ. 1448, ს. 1507.

²⁴ პ. ო რ ბ ე ლ ი ა ნ ი, აზბაენი ქართლისანი, გვ. 108.

²⁵ ქართლის ცხოვრება, IV, გვ. 522.

²⁶ ნ. ბ ე რ ძ ე ნ ი შ ვ ი ლ ი, დასახ. ნაშრ., II, გვ. 183; VI, გვ. 337.



ჩვენ, წყალობა გიყავით, გიბძანეთ და ქართლსა თუ კახეთს, ჩვენს საბრძანებელში გიბოძეთ ტირძნისის, შინდისისა და ვანათის კაცნი. მიიყვანე შინდისს, გალავანი გაუკეთე და იმ ქვეყნის ხარაბა სოფლები აშენდა ჩვენის ბძანებითა“²⁷...

თეიმურაზის ქართლში და ერეკლეს კახეთში გამეფებით ფაქტიურად ქართლ-კახეთი გაერთიანდა. ზემოთ მოყვანილ საბუთში ერეკლე როგორც ქართლს, ისე კახეთს თავის „საბრძანებლად“ მიიჩნევს.

ქართლსა და კახეთში გამეფების შემდეგ, მათ (თეიმურაზმა და ერეკლემ — ლ. რ.) შეთანხმებულად დაიწყეს ერთიანი ეროვნული პოლიტიკის გატარება, რის შედეგადაც ფაქტიურად აღმოსავლეთ საქართველოს ორივე სამეფოს გაერთიანება მოხდა²⁸.

თეიმურაზის მიერ სიონის დეკანოზის შვილ ოსესათვის 1757 წ. 14 ოქტომბერს მიცემულ სათბილელოს სახლთუხუცესობის წყალობის წიგნში აღნიშნულია: „ოდეს საქართველოს (ქართლის—ლ. რ.) მეფედ ცხებულ ვიქმნენით და წყალობისა ჩვენისა დამტკიცებას დაგვეაჭენით“²⁹...

ერეკლეს დარეჯანზე დაქორწინებასთან დაკავშირებით, პ. ორბელიანი საინტერესო ცნობას გვაწვდის: „მაშინ გაერთნეს ქართლი და კახეთი. იურვიდენ საქმეთა ორისაც ქვეყანასას ერთად. ვითაც მამა-შვილი იყვეს მეფენი ჩვენნი, სახელმწიფონიც გაერთნეს“³⁰...

როდესაც ნადირ-შაჰმა 1747 წელს ქართლსა და კახეთს ორასი ათასი თუმანი შემოუკვეთა, „ახლა ქართლი და კახეთი ორივე ერთად გაერთებით გაუდგნენ“³¹...

თეიმურაზ-ერეკლეს თანამეფობის და თანამშრომლობის შესახებ განსაკუთრებით საინტერესო მასალას ვხვდებით თვით თეიმურაზ-ერეკლეს მიერ გაცემულ წყალობის წიგნებსა და სხვა ხასიათის საბუთებში.

ასლან ვაჩნაძისათვის 1753 წ. 3 დეკემბერს მიცემულ ყმა-მამულის წყალობის წიგნში ერეკლე ასე იხსენიებს თავს: „...ძირმოდგმობით იესიან, დავითიან, სოლომონიან, შარავანდიან პანკრატოვანთა რტოთაგან აღმოცენებულმან საქართველოს მეფეთ-მეფის სკიპტრა-პორფირობით სახელდებულის ცხებულის და ორისავე ტახტისა და სახელმწიფოსა მპყრობელთა თეიმურაზის ძემან კახთ მეფეთ-მეფემან და თვით ხელმწიფემან პატრონმან ირაკლიმ... პირშომან და სასურველმან ძემან ჩვენმან ორთავე საქართველოს (ქართლ-კახეთის — ლ. რ.) უფლისწულმან ბატონიშვილმან პატრონმან ვახტანგ და გიორგიმ“³².

²⁷ სცია, ფ. 1448, ს. 587; ფ. 1450, დ. 14, ს. 31.

²⁸ გ. პაიჭაძე, ქართლისა და კახეთის სამეფოების პოლიტიკური ურთიერთობა რუსეთთან XVIII ს-ის 50—60-იან წლებში, ქართული სამეფო სამთავროების საჯარო პოლიტიკის ისტორიიდან, II, 1973, გვ. 56.

²⁹ სცია, ფ. 1448, ს. 513.

³⁰ პ. ორბელიანი, ამბავნი ქართლისანი, გვ. 181.

³¹ იქვე, გვ. 130.

³² ხელნაწერთა ინსტ., Hd 8510.

დავით-გარეჯის უღაბნოსათვის 1749 წ. 12 მაისს მიცემულ „სახლის აღ-
გის“ შეწირულების წიგნში თეიმურაზი ამბობს: „მას უამსა ოდეს ო რ ი ს ა ვ ე
ტ ა ხ ტ ი ს ა და ს ა მ ე ფ ო ს მპყრობელობა ხელთ გვდვა ღვთის ნებითა და
ორივე სამეფონი გაერთდენ“³³.

მსგავსი ცნობაა დაცული თეიმურაზის მიერ სვეტიცხოვლისადმი 1750 წ.
24 იანვარს მიცემულ წყალობის წიგნში. „ოდეს წყალობა ჰყო ღმერთმან ჩვენ-
სა ზედან და ო რ ს ა ვ ტ ა ხ ტ ი ს ა და ს ა მ ე ფ ო ს გა ერთება ინ ე-
ბ ა“³⁴.

„ორისავ სამეფოს“ გაერთებაზე და თეიმურაზ-ერეკლეს თანამეფობა-
ზე ცნობაა დაცული თეიმურაზის მიერ გარეჯის დოდოს მონასტრისათვის
1750 წ. 16 იანვარს მიცემულ სასახლის ადგილის შეწირულების წიგნში: „მას
უამისა ოდეს ო რ ი ს ა ვ ე ტ ა ხ ტ ი ს ა და ს ა მ ე ფ ო ს ა ნებითა ღმრთისა-
თა მპყრობელ ვიქმენით და ნეტარსხენებულის მეფის ასული დედოფალი თა-
მარი მიიციულა, ჩვენ, მისმან თანამეცხედრემან საქართველოს მეფემ პატ-
რონმან თეიმურაზ და ძემან ჩუჭნმან კახეთის მეფემ პატრონმან ირაკლიმ ვი-
გულეთ და ვიგულისმოდგინეთ და შემოგწირეთ სასახლის ადგილი სიონს აქათ
ნათლისმცემლიან დავით-გარეჯელთ სასახლემდის“³⁵...

მიუხედავად იმისა, რომ თეიმურაზი ქართლის მეფე იყო და ერეკლე კახე-
თის, ორივე აქტიურად ერეოდნენ ერთმანეთის საქმეებში. ეს იქნებოდა ქვე-
ყნის თვდაცვა გარეშე თუ შინაური მტრებისაგან, სასამართლო გარიგებანი,
შეწირულობის განახლება და სხვ. გვხვდება ორივე მეფის მიერ ერთად გაცე-
მული საბუთები და მათ მიერ გაცემულ საბუთებზე ერთიმეორის დამტკიცე-
ბანი.

1753 წ. 7 ოქტომბრით დათარიღებულ საბუთში ვკითხულობთ: „ჩვენ,
საქართველოს მეფეთ-მეფემან პატრონმან თეიმურაზ და ძემან ჩვენმან პატ-
რონმან ირაკლიმ ესე წყალობის წიგნი შეგიწყალებთ და გიბოძეთ თქვენ, ჩვენს
ყმას აზნაურს ჯიდაყანიშვილებს“³⁶... საბუთს უზის ორივე მეფის ბეჭედი.

1753 წ. I. 28 — „ჩვენ პატრონმან მეფემ თეიმურაზ და პატრონმა მეფემ
ერეკლემ გერაქ იარალის მილდისი მელქუას ანგარიში ვნახეთ“³⁷...

1760 წ. III. 29—„ჩვენ, მეფემ თეიმურაზ და მეფემ ირაკლიმ და საქართ-
ველოს კათალიკოზ-პატრიარქმან იოსებ ვინებეთ მბრძანებელთა კვალად
პირველსავე მგზავსად მიცემა წმინდის ნათლისმცემლის უღაბნოს ნინოწმინდ-
ლისათვის ტუსისშვილის საბასა“³⁸.

1757 წ. 15 აპრილს საქერემლოს სამწყსოს სამ ეპისკოპოსს შორის გაყო-
ფაში მონაწილეობენ თეიმურაზი, ერეკლე და კათალიკოსი იოსები. „...ესე
აღრჩევა და კეთილად განრჩევა განვაგეთ და განვაწესეთ ჩვენ, ღვთივ ცხე-
ბულმან მეფემან ქართველთამან თეიმურაზ და ძემან

³³ ხელნაწერთა ინსტ., Ad 2219.
³⁴ სცია, ფ. 1448, ს. 996.
³⁵ ხელნაწერთა ინსტ., Ad 797.
³⁶ სცია, ფ. 1448, ს. 5225; ფ. 1461, რკ. 8, ს. 51.
³⁷ სცია, ფ. 1450, დ. 8, ს. 52.
³⁸ ხელნაწერთა ინსტ., Ad 737.

ჩვენთან მეფემან კახთამან ირაკლიმ და ყოვლისა საქართველოსა კათალიკოზ-პატრიარხმან იოსებ³⁹.

თეიმურაზ-ერეკლეს თანამეფობის შესახებ განსაკუთრებით საინტერესოა 1757 წ. 17 იანვარს თვით თეიმურაზისა და ერეკლეს პირობის წიგნი უახლოეს ხანში ნიკოლოზ ალავერდელისა და იოსებ კათალიკოსის რიგისა და პატივის განწესების შედგენის შესახებ. მოგვყავს ტექსტი მთლიანად: „ამაწინათ ბატონების დროსაც კათალიკოზსა და ალავერდელს პატივის მიცემისა და რიგის საქმეზე ლაპარაკი ჰქონებოდათ და ახლა ბატონისშვილს კათალიკოზ ანტონის ერთი წიგნი მივეცით ალავერდლის საქმეზედ. ამ წიგნს ალავერდელი არ დასჯერდა. მასუკან ჩვენ ის წიგნი მოვიკითხეთ და მცხეთელებმა დამალეს. აღარ გამოაჩინეს. ის ჩვენგან მიცემული წიგნი უხმაირი და გაუცხდებული არის. ღვთით ბატონი ალავერდელი ამ ცოტას ხანში რომ ქალაქს ჩამოვა, ჩვენ, პატრონი მეფეთ-მეფე თეიმურაზ და ძე ჩვენი პატრონი მეფე ირაკლი ერთათ დავესხდებით და ეფისკოპოზ-დარბაისელთ გვერთ ვიახლებთ და ბატონის კათალიკოზის იოსებისა და ბატონის ალავერდელის ნიკოლოზის რიგსა და პატივის დებებს საქმეს როგორც მართებულ არის, იმრიგათ გავარიგებთ და სამართალს უზამთ⁴⁰. აქაც საბუთს უზის ორივე მეფის ბეჭედი. თეიმურაზი და ერეკლე წინააღმდეგნი არიან, რომ ალავერდელი გამოეყოს მცხეთის ეპარქიას და მას „რიგსა და პატივს დებას“ ჰპირდებიან. თეიმურაზისა და ერეკლეს თანამეფობა განსაკუთრებით მკაფიოდ ჩანს სავარეო მტრებთან ბრძოლის დროს. ძლიერ მტერს ისინი ქართლ-კახეთის გაერთიანებული ლაშქრით ებრძვიან. ასევე ერთად იბრძვიან ამიერკავკასიაში ჰეგემონობისათვის.

თეიმურაზ-ერეკლეს 1754 წ. 15 ივლისის წერილში ნაიბ-ეშიაღასბაშ ხაალთან ვკითხულობთ: „ამხანათ ჩვენ დღეს აქ ჭალას ექნებით (თეიმურაზი და ერეკლე — ლ. რ.) და ხვალ ღვთით კარაღეთს მოვალთ... მანდ იყავით. ჯარები შემოგვეყრება და საციციანოს მხრიდამ თარხანი და კათალიკოზის სარდალი გამოივლის და მასუკან ერთათ წამოდით. ეგენიც წამოიყვანეთ. დღეს აქ ჭიმშერ ერისთავს მოველით და რაც სხვა უკან ჯარი არის, იმას მოველით“⁴¹.

თეიმურაზის მიერ სერგია პოპიაშვილისათვის 1756 წ. 7 თებერვალს მიცემულ საქონლის შედიდულისა და მამულის წყალობის წიგნში აღნიშნულია: „...რომე ველმწიფის ბძანებით სპასალარი და ჩვენ (თეიმურაზი და ერეკლე — ლ. რ.) ლაშქრად ჭარში შევედით და იქ დაგვიმარცხდა და სპასალარი მოკლეს და დიდად გავვიჰირდა“⁴². საბუთს უზის ერეკლეს დამტკიცება: „მეფის თეიმურაზის ძე მეფე კახეთისა ერეკლე ვამტკიცებთ სიგელსა ამას, როგორათაც ბატონის მამისჩვენის ნაბძანები არი“⁴³.

ყვარლის ციხის ბრძოლასთან დაკავშირებით თეიმურაზსა და ერეკლეს ჯილდოდ რამდენიმე ათეული აზატობისა და ყმა-მამულის წყალობის წიგნი გაუტყიათ, რომელთაგან ჩვენამდე მხოლოდ შვიდმა მოაღწია.

³⁹ ხელნაწერთა ინსტ., Ad 1029; ი. დ. ო. ლ. ი. ძ. ე, ქართული სამართლის ძეგლები, II, 1965, № 111.

⁴⁰ ხელნაწერთა ინსტ., Ad 232.

⁴¹ ხელნაწერთა ინსტ., Hd 6143.

⁴² სცია, ფ. 1448, ს. 5550; საქ. სიძე., III, № 183.

⁴³ იქვე.

თეიმურაზ-ერეკლეს მიერ მამუკა და სხვა გურაშვილებისათვის 1755 წ. 23 ნოემბერს მიცემულ აზატობის წიგნში თეიმურაზი ასე იხსენიება: „...საქართველოს მეფემ პატრონმა თეიმურაზ და ძემან ჩვენმა კახეთის მეფე პატრონმა ჰერაკლიმ“⁴⁴. მსგავსი ტიტულატურით იხსენიება თეიმურაზი ზემოთ ნახსენებ შვიდ საბუთში. საბუთის ბრძანებით ნაწილში ნათქვამია: „გიბანებთ კარისა ჩვენისა ვეჟილ-ვეზირნო, ქიზიყის მოურავო, ნაცვალო, ასისთავო და ქეცხებო ასე დაუმტყიცეთ ბძანება და ნიშანი ესე“⁴⁵. ამ წყალობის წიგნების მიმღებ პირთა უმრავლესობა კახელები იყვნენ.

მთის საკითხების გადაწყვეტაშიც თეიმურაზი და ერეკლე ერთად მოქმედებენ. 1757 წ. თებერვალს წყალობის წიგნს აძლევენ თუშებს. ალონი უბოძეს, თავიანთი სახასო ადგილი⁴⁶.

1750 წ. 6 ივლისს ფშავ-ხევსურთა მიერ მოურავ გრიგოლ ჩოლოყაშვილისათვის მიცემულ შერიგების წიგნში ნათქვამია: „მეფე ერეკლე ქართლითა და კახეთით და ორისავე საერისთოთი (ქსნისა და არაგვის — ლ. რ.) თუშეთს ამობძანდა. სრულ ფშაველნი და ხევსურნი აქ იყვნენ“⁴⁷.

ბ) ერეკლე II — ქართლის გამგებელი

თეიმურაზ II-ეს ქართლში მეფობის დროს (1744/61 წლები) ორჯერ მოუხდა სამშობლოს დატოვება. ჯერ 1747/49 წლებში ირანის შაჰის ბრძანებით იქნა მიწვეული შაჰის კარზე, ხოლო 1760/61 წლებში თეიმურაზი, როგორც ქართლ-კახეთის ელჩობის მეთაური, დიპლომატიური მისიით რუსეთს გაემგზავრა, სადაც იგი 1761 წ. 8 იანვარს პეტერბურგში გარდაიცვალა⁴⁸.

ორთავე შემთხვევაში თეიმურაზმა ქართლის გამგებლად ერეკლე დატოვა.

პირველი ცნობა, სადაც ერეკლე ქართლის გამგებლად იხსენიება, არის რევაზ მაყასვილისათვის 1748 წ. 16 მარტს გაცემული შეყრილობის წიგნი. „ჩვენ, კახეთის, არაგვის მპყრობელ-მქონებელმან და ქართლის გამგებელმან პატრონმან მეფემ ერეკლემ ეს შეყრილობის წიგნი გიბოძეთ... შენ, მაყასვილს ჩვენს ყმას რევაზ“⁴⁹.

„სრულიად ქართის“ (ქართლის — ლ. რ.) გამგებელს უწოდებს ერეკლე თავს სერგია ზობიასვილისათვის 1748 წ. 7 აპრილს მიცემულ წყალობის წიგნში: „...კახეთის, არაგვის მპყრობელ-მქონებელმან მეფის თეიმურაზის ძემან სრულიად ქართის გამგებელმან მეფეთ-მეფემან და თვით ხემწიფემან პატრონმან მეფემ ერეკლემ“⁵⁰.

1748 წ. 22 აგვისტოს თუშთ მოურავ ჯიმშერ ჩოლოყაშვილისათვის მი-

⁴⁴ ხელნაწერთა ინსტ., Qd 7063; საქართველოს სახელმწიფო მუზეუმის მოამბე, 1953, ტ. XVII—B, გვ. 205—6.

⁴⁵ იქვე.

⁴⁶ ხელნაწერთა ინსტ., Hd 10063 დ.

⁴⁷ ხელნაწერთა ინსტ., Hd 2942; ნ. ბერძენიშვილი, დოკუმენტები საქართველოს სოციალური ისტორიიდან, I, 1940, გვ. 595.

⁴⁸ თეიმურაზის ელჩობის შესახებ იხ. ვ. მ. აქარაძე, მასალები XVIII საუკუნის მეორე ნახევრის რუსეთ-საქართველოს ურთიერთობის ისტორიისათვის, II, 1968.

⁴⁹ სცია, ფ. 1448, ს. 2066.

⁵⁰ სცია, ფ. 1448, ს. 5605.

ცემულ ბახტრიონის დამტიკების წიგნში ერეკლე თავს საქართველოს გამგებელს, ე. ი. ქართლის გამგებელს უწოდებს: „ჩვენ საქართველოს გამგებელმან და კახეთის, არაგვის პყრობელ-მქონებელმან მეფემ ერეკლემ ამ განაჩენის წყალობა გიყავით თქვენ, ჩოლოყასშვილს თუშთ მოურავს ჯიმშერს“⁵¹.

განსაკუთრებით საინტერესოა ერეკლეს მიერ 1748 წ. 10 ოქტომბერს გაცემული ბრძანების წიგნი, სადაც არა მარტო ქართლის, არამედ ყაზახ-ბორჩალოს გამგებლადაც იხსენიებს თავს: „ჩვენ, ქართლისა და ყაზახ-ბორჩალოს გამგებელი მეფე ერეკლე გიბძანებ“⁵².

ქართლისა და ყაზახ-ბორჩალოს გამგებელს უწოდებს ერეკლე თავს 1748 წ. 21 ნოემბერს რევანისათვის მიცემულ მამულის წყალობის წიგნში: „ჩვენ, მეფის თეიმურაზის ძემან კახეთის მეფემ და ქართლის და ყაზახ-ბორჩალოს გამგებელმან ერეკლემ გიბოძეთ ეს მცირე საბოძვარი წიგნი“⁵³.

ერეკლეს მიერ სიხარულ სიხაურისათვის 1749 წ. 16 თებერვალს მიცემულ მამულისა და აზატობის წყალობის წიგნში ქართლის გამგებლობასთან ერთად, თავის შვილს ვახტანგს ქართლ-კახეთის უფლისწულად იხსენიებს: „ჩვენ... მეფეთ-მეფემან და თვით ველმწიფემან საქართველოს ბატონმან მეფის თეიმურაზის ძემან კახეთის ბატონმან და ქართლის გამგებელმან ბატონმან მეფემ ერეკლემ ...პირშომან და სასურველმან ძემან ჩვენმან ქართლისა და კახეთის უფლისწულმან ბატონიშვილმან ვახტანგ ესე წყალობის წიგნი გიბოძეთ...“⁵⁴.

ერეკლე ასლან ვაჩაძისათვის 1749 წ. 27 მარტს მიცემულ მამულის წყალობის წიგნში ქართლის მმართველად და ყაზახ-ბორჩალოს გამგებლად იხსენიებს თავს, ხოლო ვახტანგ ბატონიშვილს — სრულიად საქართველოს უფლისწულად. „ჩვენ... საქართველოს მეფეთ ცხებულის თეიმურაზის ძემან, ქართლის მართველმან, ყაზახ-ბორჩალოს გამგებელმან, კახეთის, არაგვის პყრობელ-მქონებელმან... მეფე ერეკლემ... პირშომან და სასურველმან ძემან ჩვენმან სრულიად საქართველოს უფლისწულმან ბატონიშვილმან ვახტანგ“⁵⁵.

ერეკლეს ქართლში გამგებლობის პირველი პერიოდის ბოლო საბუთი, სადაც ერეკლე ქართლისა და ყაზახ-ბორჩალოს გამგებლად იხსენიება, არის აშრაფ ნოდარისშვილისათვის 1749 წ. მიცემული საიდუფლოს სახლთხუცობის წიგნი: „ჩვენ... სრულად კახთა და რანთა ფლობით მპყრობელ-მქონებელმან და ქართლისა, ყაზახ-ბორჩალოს გამგებელმა პატრონმან მეფემ ერეკლემ“⁵⁶.

თეიმურაზ II-ს თამარ ბატონიშვილისათვის 1752 წ. 2 ივნისს მიცემულ ძველი წიგნების განახლების წიგნში აღნიშნული აქვს: „ჩვენ რომ ერანში ნადირშასთან წავედით, ჩვენი შვილი მეფე ერეკლე ჩვენ მაგ იერად თიფლისს ბძანდებოდა“⁵⁷.

⁵¹ ხელნაწერთა ინსტ., Hd 8287.

⁵² სცია, ფ. 1450, დ. 8, ს. 152.

⁵³ სცია, ფ. 1450, დ. 15, ს. 108.

⁵⁴ ხელნაწერთა ინსტ., Qd 674 ა.

⁵⁵ ხელნაწერთა ინსტ., Hd 8989.

⁵⁶ ხელნაწერთა ინსტ., Sd 237.

⁵⁷ სცია, ფ. 1448, ს. 4714; ნ. ბერძენიშვილი, დოკუმენტები თბილისის ისტორიიდან, I, 1962, № 205; ქართული სამართლის ძეგლები, IV, 1972, № 321.

ჩვენამდე მრავალმა საბუთმა მოაღწია, სადაც ქართლის გამგებლობის
ერეკლეს უშუალო მონაწილეობა ჩანს.

პ. ორბელიანის ცნობით, 1747 წ. „უბოძა მეფემან კახეთისამან და გამგე-
ბელმა ქართლისამან... მეფემ ერეკლემ ორბელიანს დიმიტრი ეშვიკლასბაშს
ელიადასობა სრულიად ქართლისა ელის საჯილდაოთ, ვითაც ალიხანის ჯარზე
დიდად გაიძარჯვა დიმიტრიმ და მერე ლეკზე მხნედ გაისარჯა და გააქცივა,
ნაშოვარი დაავადებინა“⁵⁸.

1748 წ. 22 თებერვალს ერეკლემ ქალაქ თბილისის მოურაობა უბოძა მუხ-
რანისბატონ კოსტანტინეს⁵⁹.

1748 წ. პირველ ივნისს ერეკლე ბრძანების წიგნს აძლევს გორის მელიქს
ფარსადანს⁶⁰, 1748 წ. 30 სექტემბერს კი — რევან ამილახორისშვილს⁶¹.

1748 წ. 17 მაისს ერეკლე ჯვრისწყრის ნებართვის წიგნს აძლევს რევან
ამილახორისშვილს. ამავე საბუთში თვით ერეკლე „საქართველოს (ქართლის —
ლ. რ.) გამგებლად“ იხსენიებს თავს⁶².

განსაკუთრებით საინტერესოა 1747 წ. 13 ოქტომბერს ქალაქის (თბილი-
სის—ლ. რ.) მელიქის აღასადმი ერეკლეს მიწერილობა. „ჩვენ მაგიერად ქა-
ლაქის მელიქს აღას ასე უანხეთ, მერე ვინცავენი ქალაქშიდ სვეტისცხოვლის
და ბატონის ჩემის ძმის წმინდის პატრიაქის ყმანი იყუნენ, ბატონის მამისჩე-
მის მეფის მობძანებამდინ ნურასფრისთანას ნურასა სთხოვთ და ნურც შეაწუ-
ხებთ“⁶³.

ერეკლე II-ის ქართლში განმგებლობის მეორე პერიოდი 1760 წლიდან
იწყება, როდესაც თეიმურაზ II დიპლომატიური მისიით რუსეთს გაემგზავრა.
ქართლში გამგებლობამ, პირველ რიგში, ერეკლეს ტიტულატურაში პპოვა ასა-
ხვა.

ავთანდილ ყორღანასშვილისათვის 1760 წ. მიცემულ წყალობის წიგნში
ერეკლე ასე იხსენიება: „ჩვენ... მეფეთ-მეფემან, კელმწიფემან პატრონის მ-
ამისჩვენის მაგიერმან სრულათ ქართლისა და ყაზახ-
ბორჩალოს ფლობით მპყრობელ-გამგებელმან პატ-
რონმან ირაკლიმ“⁶⁴.

ერეკლე ბოდბის ტაძრისადმი 1760 წ. პირველ დეკემბერს მიცემულ შე-
წირულების წიგნში თავს იხსენიებს არა მარტო გამგებლად, არამედ როგორც
„მემკვიდრე ქართველთა მეფობისა“ (ხაზი ჩვენია — ლ. რ.).
„ჩვენ... კახთა მეფემან ირაკლიმ, ძემან ცხებულის მეფის პატრონის თეიმურა-
ზისამან და მემკვიდრემან ქართველთა მეფობისამ, ბა-
ტონის მამისჩვენის მაგიერად მყოფმან სრულად საქართველოსა და ყაზახ-
ბორჩალოს ფლობით მპყრობელ-გამგებელმან“⁶⁵.

1761 წ. 20 თებერვალს ერეკლე წყალობის წიგნს აძლევს მამუკა ნოღა-

⁵⁸ პ. ორბელიანი, ამბავნი ქართლისანი, გვ. 140—41.

⁵⁹ ხელნაწერთა ინსტ., Hd 13049.

⁶⁰ სცია, ფ. 1448, ს. 8869.

⁶¹ ხელნაწერთა ინსტ., Hd 13748.

⁶² ხელნაწერთა ინსტ., Hd 9641.

⁶³ ხელნაწერთა ინსტ., Ad 1702.

⁶⁴ ხელნაწერთა ინსტ., Qd 7029.

⁶⁵ სცია, ფ. 1449, ს. 2550.

რისშვილს: „ჩვენ... საქართველოს ცხებულის მეფის თეიმურაზის ძემან და გამგებელმან ქართლისამან ირაკლიმ“⁶⁶.

ერეკლე ნათლისმცემლის უდაბნოსათვის 1761 წ. 7 ივნისს მიცემულ შეწირულობის წიგნში ქართლის გამგებლობასთან ერთად, გიორგი ბატონიშვილს პირველად იხსენიებს ქართლ-კახეთის უფლისწულად. „ჩვენ... მეფემან კახეთისამან და გამგებელმან ქართლისამან ძემან ცხებულისა თეიმურაზ მეფისა თვით მეფემან ირაკლი ბაგრატიონმან და... ძემან ჩვენმან ქართლისა და კახეთისა უფლისწულმან ბატონის შვილმან გიორგი“⁶⁷.

ერეკლე კიდევ ორ საბუთში გვხვდება ქართლის გამგებლად. არბოელე-ბისაღში 1761 წ. 25 აგვისტოს მიცემულ სითარხნის წიგნში: ჩვენ... ძემან ცხებულის მეფის თეიმურაზისმან მეფემან კახეთისამან და განმგებელმან ქართლისამან მეფემ ირაკლი“⁶⁸ და ხარჭაშნელის სამწყსოს ზენონისათვის მიბარების შესახებ 1761 წ. პირველი სექტემბრის ბრძანების წიგნში: „ჩვენ, საქართველოს მეფედ ცხებულისა თეიმურაზის ძე მეფე კახეთისა და განმგებელი ქართლისა მეფე ირაკლი ბაგრატიონი“⁶⁹.

თეიმურაზისა და ერეკლეს თანამეფობის კიდევ ერთი დამადასტურებელი ფაქტია ის, რომ ისინი ერთად გზავნიან ელჩობას რუსეთში 1752 წელს⁷⁰.

მიტროპოლიტ ათანასეს მიერ მროველ ქრისტეფორესადმი 1752 წ. 29 მაისის წერილში ნათქვამია: „ჩვენ ტფილელ მიტროპოლიტი ათანასე მეფემ თეიმურაზმა და მეფე ერეკლემ რუსეთს გამგზავნეს. რახან იმათი ბძანებით წავულ, მე მოვახსენე ჩემად ნაბიად დამეყენებინა ვინმე. იმათ ნებამ მიბძანეს, ვინც გინდოდეს, დააყენე შენის ნებითაო“⁷¹.

ბ) ქართლ-კახეთის სამეფოს გაერთიანების საკითხი

თეიმურაზ-ერეკლეს თანამეფობის ერთ-ერთი ძირითადი საკითხია ქართლ-კახეთის სამეფო ტახტის მემკვიდრეობა.

როგორც ზემოთ იყო აღნიშნული, ერეკლე ერთ საბუთში იწოდება, როგორც „მემკვიდრე ქართველთა მეფობისა“. მას, როგორც კახეთის მეფეს და თეიმურაზის ერთადერთ მემკვიდრეს, მომავალში ქართლის მეფობაზედაც მიუწვდებოდა ხელი.

თეიმურაზ-ერეკლეს ვახტანგ ბატონიშვილი თავიანთ მემკვიდრედ ჰყავდათ მიჩნეული. ლაზარე გოგელაშვილისათვის 1756 წ. 17 იანვარს მიცემულ აზატობის წიგნში ვახტანგ ბატონიშვილს ისინი ასე იხსენიებენ: „...დიდათ სასურველმან ორთავე საქართველოს (ე. ი. ქართლ-კახეთის—ლ. რ.) უფლისწულმან პატონმან ძემან ჩვენმან ვახტანგ“⁷².

ერეკლე თავის ტიტულატურაში სხვადასხვანაირად იხსენიებს ვახტანგ ბატონიშვილს: „პირმშობმან და საყვარელმან ძემან ჩვენმან ორთავე (ორი-

⁶⁶ სცო, ფ. 1449, ს. 1302.
⁶⁷ სცო, ფ. 1449, ს. 1449.
⁶⁸ სცო, ფ. 1448, ს. 8694.
⁶⁹ ხელნაწერთა ინსტ., Ad 306.
⁷⁰ ქართლ-კახეთის ელჩობის შესახებ იხ. ი. ცინცაძე, ათანასე თბილელისა და სიმონ მაყაშვილის ელჩობა რუსეთში, საქ. სსრ-ის საარქივო სამმართველოს „სისტორიო მოამბე“, 1952, ტ. 6, გვ. 85—175.
⁷¹ ხელნაწერთა ინსტ., Ad 53, ქართული სამართლის ძეგლები, III, 1970, № 299.
⁷² სცო, ფ. 1450, დ. 7, ს. 22; ფ. 1461, რვ. 5, ს. 37.

საე) საქართველოს უფლისწულმან ვახტანგ⁷³. ან „პირამომან და საყვარელმან ძემან ჩვენმან საქართველოს უფლისწულმან ბატონისშვილმან პატრონმან ვახტანგ“⁷⁴. ხოლო 1747 წ. 22 ოქტომბერს ერეკლე მარანის ნაცვლის შვილ გვიგისათვის მიცემულ ყმა-მამულის წყალობის წიგნში ვახტანგს ასე იხსენიებს: „...პირამომან და სასურველმან ქართლ-კახეთის უფლისწულმან ძემან ჩვენმან ბატონისშვილმან პატრონმან ვახტანგ“⁷⁵.

აქ უკვე ერეკლეს კონკრეტულად აქვს მითითებული, რომ ვახტანგ ბატონისშვილი ქართლისა და კახეთის უფლისწულია. ქართლსა და კახეთს ტახტის ერთი მემკვიდრე ჰყავს.

ქართლ-კახეთის უფლისწულად ვახტანგის მოხსენიება ერეკლეს მიერ უფრო ადრე 1746 წ. 22 სექტემბერს ბოდბის წმ. ნინოს ეკლესიისადმი მიცემულ მეჯინბეების შეწირულების წიგნშია: „...პირამომან და სასურველმან ძემან ჩვენმან ქართველთა (ე. ი. ქართლელთა — ლ. რ.) და კახთა უფლისწულმან ვახტანგ“⁷⁶.

ვახტანგ ბატონისშვილი ცვერცვაშვილებისათვის 1757 წ. 16 მაისს მიცემულ წყალობის წიგნში ასე იხსენიება: „...ჩვენ, იესიან, დავითიან, სოლომონიან, პანკრატოვანმან, ძისა ძემან ღვთივ ცხებულის მეფის თეიმურაზისამან და ძემან კახთა მეფის ირაკლისამან ქართლისა და კახეთისა ბატონისშვილმან არაგვის ერისთავმან ვახტანგ“⁷⁷.

ამრიგად, თეიმურაზსა და ერეკლეს ქართლ-კახეთის მემკვიდრედ ვახტანგ ბატონისშვილი ჰყავდათ მიჩნეული, ხოლო მისი გარდაცვალების შემდეგ (1760 წ.) — გიორგი ბატონისშვილი.

დ) ქსან-არაგვისა და ყაზახ-ბორჩალოს საკითხი

საშუალო საუკუნეებში ქსნის საერისთავო ქართლის საერისთავოში შედიოდა. ქართლის საერისთავოს გაუქმების შემდეგ კი იგი დამოუკიდებელ ადმინისტრაციულ ერთეულად იქცა.

არაგვის საერისთავო ადრე ფეოდალურ ხანაში კახეთს ეკუთვნოდა და საზღვარი ქართლსა და კახეთს შორის არაგვზე გადიოდა. გვიან ფეოდალურ ხანაში არაგვის საერისთავო ქართლის შემადგენლობაში შედის. ქსნისა და არაგვის საერისთავოები მემარცხენე სადროშოში შედიოდნენ სამუხრანბატონოსთან ერთად, ხოლო სარდალი კი იყო მუხრანბატონი.

1743 წლიდან არაგვის საერისთავო ისევ კახეთის შემადგენლობაში გადის.

1743 წელს აჯანყებულმა გივი ამილახორმა ხელთ იგდო საციციანო, მაგრამ, მეორეს მხრივ, მან არაგვის ხეობა დაკარგა. არაგველები უკმაყოფილონი იყვნენ ბეჟან ერისთავით. მას ბეგარა-სამსახური დაემძიმებია არაგველთათვის,

⁷³ ხელნაწერთა ინსტ., Sd 209; სოც. დოკ. II, № 79; სცია, ფ. 1448, ს. 165, 570, 5252, 5550; ფ. 1449, ს. 251; ფ. 1450, დ. 49, ს. 170; ფ. 1461, რგ. 5, ს. 38, რგ. 13, ს. 181; თელავის ისტორიულ-ეთნოგრაფიული მუზეუმი, № 88.

⁷⁴ ხელნაწერთა ინსტ., Ad 292; სცია, ფ. 1448, ს. 569; ფ. 1450, დ. 49, ს. 52; დ. 50, ს. 174; ფ. 1461, რგ. 13, ს. 98.

⁷⁵ სცია, ფ. 1448, ს. 1507.

⁷⁶ სცია, ფ. 1448, ს. 1317.

⁷⁷ სცია, ფ. 1448, ს. 41.



მას შემდეგ რაც ნადირ-შაჰმა კახეთი ხარკისაგან გაათავისუფლა, თეიმურაზის მომხრეები გაუმრავლდა არაგვზე, ქსანზე და მთელს ქართლშიაც. მთიულ-მოხევეები შეუთანხმდნენ კახეთის მეფეს. თეიმურაზი შეპირდა მათ: „რაც ძველ ერისთავებისაგან არა გდებიათ, მის მეტს მე თქვენ არა გთხოვთ და ხელმწიფის სამსახურსაც მე გარდავსწყვეტო“⁷⁸.

თეიმურაზის მიერ თამარ ბატონიშვილისათვის 1752 წ. 2 ივნისს მიცემულ ძველი წიგნების განახლების წიგნში წერია: „ნადირშას იმამყულიხანის ბატონობაში გივი ამილახორი და ბეჟან არაგვის ერისთავი უკუდგნენ, ორნივე ხიზნით მთიულეთს იდგნენ. ბეჟან ერისთავი თავისმა ყმებმა მოკლეს. ამილახორს საქონელი, ბარგი რაც მთიულეთსა ქონდა აუკლეს“⁷⁹. მათ მოუწოდეს თეიმურაზს და ყმობა შეჰფიცეს: „ბეჟან არაგვის ერისთავი მოკლეს ყმთა და მიერთვნენ თეიმურაზს... ნადირმა ამისთვის მოსცა არაგვის საერისთავო და დაიპყრა მან“ (ხაზი ჩვენია — ლ. რ.)⁸⁰. ნადირ-შაჰმა არაგვი კახეთის მეფეს დაუმტკიცა და ქსნის საერისთავოც აღუთქვა.

ქსნისხეველები, ამილახორის მიერ მიღებული საგანგებო ღონისძიებების მიუხედავად, გადაუდგნენ მას და თეიმურაზ მეფეს მიემხრნენ. „შევიდა კახი ბატონი თეიმურაზ, დაიმონა ხმლით ქსნისხევი, დადგა შიგ“⁸¹.

არაგვისა და ქსნის საერისთავოების თეიმურაზის ხელში გადასვლა მალე აისახა მის ტიტულატურაში.

პაატა და პაპუა ალადაშვილებისათვის 1743 წ. 16 ივლისს მიცემულ მამულის წყალობის წიგნში თეიმურაზი თავს ასე იხსენიებს: „ჩვენ, იესიან, დავითიან, სოლომონიან, პანკრატოვანმან კახეთისა და არაგვის პატრონმან, მეფეთ-მეფემ და თვით ხემწიფემან პატრონმან თეიმურაზ“⁸². საბუთში მოცემული თარიღიდან გამომდინარე, თეიმურაზს არაგვის საერისთავო 1743 წ. პირველ ნახევარში შემოუერთებია, ქსნის საერისთავო კი — 1743 წ. ბოლოს, რაც ჩანს რევაზ ამილახერიშვილისათვის 1744 წ. 12 იანვარს მიცემული პირობის წიგნიდან. სადაც თეიმურაზი ასე იხსენიება: „ჩვენ, მეფეთ-მეფემ, კახეთის, არაგვისა და ქსნის პატრონმან თეიმურაზ და ძემან ჩვენმან ერეკლემ“⁸³.

თეიმურაზი ამ ტიტულატურით კიდევ ერთხელ გვხვდება 1744 წ. 11 თებერვალს გაცემულ საბუთში: „ჩვენ, კახეთის, არაგვის და ქსნის პატრონი მეფეთ-მეფე თეიმურაზ“⁸⁴.

მომდევნო ხანებში თეიმურაზის ტიტულატურაში არაგვის და ქსნის მოხსენიება აღარ გვხვდება.

ნადირ-შაჰმა 1744 წელს 12 და 30 იანვარს შორის თეიმურაზს ქართლი და ყაზახ-ბორჩალო და ერეკლეს კახეთი და ქსან-არაგვი უბოძა.

⁷⁸ ც. ტარებულა წიგნიდან: ნ. ბ ე რ ძ ე ი შ ვ ი ლ ი, საქართველოს ისტორიის საკითხები VI, გვ. 333.

⁷⁹ სცია, ფ. 1448, ს. 4714; დოკ. თბ. ისტ., I, № 206, ქართული სამართლის ძეგლები, IV, № 321.

⁸⁰ ო მ ა ნ მ დ ი ვ ა ნ ბ ე გ ხ ე რ ხ ე უ ლ ი ძ ე, „ქორონიკონები“, ხელნაწერთა ინსტ., H 631, 35r.

⁸¹ პ. ო რ ბ ე ლ ი ა ნ ი, ამბავნი ქართლისანი, გვ. 71.

⁸² ხელნაწერთა ინსტ., Ad 603, 2226.

⁸³ ხელნაწერთა ინსტ., Hd 2137.

⁸⁴ სცია, ფ. 1449, ს. 1266.

ერეკლე ლომი ბეჩაშვილისათვის 1744 წ. 30 იანვარს მიცემულ წყალობის წიგნში ასეთ ცნობას გვაძლევს: „ოდეს მალაღმა ხემწიფემ ყაენმა ველინამად (ნადირ-შაჰი—ლ. რ.) ბატონს მამაჩვენს ყაზახ-ბორჩალო და საქართველო (ქართლი—ლ. რ.) უბოძა და ჩვენ კახეთი და ქსან-არაგვი“⁸⁵.

ამავე საბუთის მიხედვით, ერეკლეს ტიტულატურაში უკვე შესულია როგორც კახეთი, ისე ქსან-არაგვი. „ჩვენ საქართველოს მპყრობელის მეფის თეიმურაზის პირშომან ძემან კახეთისა და ქსან-არაგვის მქონებელ-მართებელმან მეფემან ჰერაკლემ“⁸⁶.

კიდევ ერთი საბუთი, სადაც ერეკლეს ტიტულატურაში ქსან-არაგვი ერთად გვხვდება, ეს არის კორინთელებისათვის 1744 წ. 10 ნოემბერს მიცემული წყალობის წიგნი: „...კახეთისა და არაგვის და ქსნის მქონემ მეფემ ერეკლემ ესე წყალობის წიგნი და სიგელი გიბოძეთ“⁸⁷.

ერეკლე კახეთის მეფედ და ქსნისა და არაგვის ერისთავად, „მართებლად“ გვევლინება.

ერეკლესა და აბდულა-ბეგის მეტოქეობის დროს მოწინააღმდეგის შესუსტების მიზნით, ერეკლემ 1747 წელს ერთგულების ფიცის ქვეშ საერისთავო დაუბრუნა მოხუც, მაგრამ ჯერ კიდევ ენერგიულ შანშე ქსნის ერისთავს და ამით ეს გაუქმებული სათავადო ძალაუნებურად აღადგინა. საინტერესოა აღინიშნოს, რომ 1744 წლის შემდეგ ერეკლეს ტიტულატურაში ქსანი (ქსნის საერისთავო) აღარ გვხვდება, იგი მხოლოდ კახეთის მეფეს და არაგვის მეპატრონეს უწოდებს თავს.

წილკნელ მიტროპოლიტ ქრისტეფორესათვის 1746 წ. 30 ივნისს მიცემულ სამწყსოს აღდგენის წიგნში ერეკლე ასე იხსენიება: „ჩვენ... ძემან ცხებულის საქართველოს მეფის თეიმურაზისამან და კახეთის, არაგვის მპყრობელ-მართებელმან მეფემან და თვით კემწიფემან პატრონმან ჰერეკლემ“⁸⁸.

ასეთი ტიტულატურით იხსენიებს ერეკლე თავს დავითისშვილი ითანქასათვის 1746 წ. 2 ივლისს მიცემულ მამულის წყალობის წიგნში⁸⁹, მალრანის ნაცვლის შვილ გივისათვის 1744 წ. 22 ოქტომბერს მიცემულ ყმა-მამულის წყალობის წიგნში⁹⁰, რევაზ მაყასშვილისათვის 1748 წ. 16 მარტს მიცემულ შეყრილობის წიგნში⁹¹, ჯიმშერ ჩოლოყასშვილისათვის 1748 წ. 22 აგვისტოს მიცემულ ბახტრიონის დამტკიცების წიგნში⁹² და ასლან ვაჩანძისათვის 1749 წ. 27 მარტს მიცემულ მამულის წყალობის წიგნში⁹³.

ბოდბის წმ. ნინოს ეკლესიისადმი 1746 წ. 22 სექტემბერს მიცემულ მეჯინბეების შეწირულების წიგნში ერეკლე ასე იხსენიებს თავს: „ჩვენ... ძემან ცხებულისა უფლისა ქართველთა მეფის თეიმურაზისამან მეფემან კახთამან და

⁸⁵ სცია, ფ. 1448, ს. 583.

⁸⁶ იქვე.

⁸⁷ სცია, ფ. 1450, დ. 26, ს. 277.

⁸⁸ ხელნაწერთა ინსტ., Ad 590.

⁸⁹ სცია, ფ. 1450, დ. 34, ს. 95.

⁹⁰ სცია, ფ. 1448, ს. 1507.

⁹¹ სცია, ფ. 1448, ს. 2066.

⁹² ხელნაწერთა ინსტ., Hd 8287.

⁹³ ხელნაწერთა ინსტ., Hd 8989.

თვით კემწიფემან ჰყრობელმან არაგვთა და ყოველთა ულთამან პატრონმან ერეკლემ⁹⁴. მთიულეთის „მპყრობლობა“ მხოლოდ ამ საბუთში აქვს აღნიშნული. როგორც ჩანს, მთიულეთი აქ არაგვის საერისთავოსთანაა დაკავშირებული (მღრ. „შვიდნი მთიულეთნი“ ენგანთან).

თუშთ მოურავ ჯიმშერისათვის 1747 წ. 24 ნოემბერს მიცემულ მამულის წყალობის წიგნში ერეკლე თავს კახეთისა და არაგვის მეპატრონეს უწოდებს: „ჩვენ, კახეთისა და არაგვის მეპატრონემ მეფემ ერეკლემ ეს წყალობა გიყავით შენ, თუშთ მოურავს ჯიმშერს“⁹⁵.

განსაკუთრებით საინტერესოა ერეკლეს მიერ გიორგი მაყასვილისათვის 1748 წ. 22 აპრილს მიცემული ყარაჯალის მოურავობის წყალობის წიგნი, სადაც ერეკლე ზემოთ მოტანილ ტიტულატურასთან ერთად, ვახტანგ ბატონიშვილს კახეთისა და არაგვის უფლისწულად იხსენიებს. „ჩვენ... მეფეთ-მეფემან და თვით კემწიფემან ქართველთ მეფის თეიმურაზის ძემან კახეთისა და არაგვის მეპატრონემ მეფეთ-მეფემან და თვით კემწიფემან ბატონმა მეფემ ერეკლემ... და პირშომან და სასურველმან ჩვენმან კახეთისა და არაგვის უფლისწულმან ძემან ჩვენმან ბატონისშვილმან ვახტანგ“⁹⁶.

როგორც ზემოთ იყო აღნიშნული, არაგვის საერისთავო თავდაპირველად კახეთს ეკუთვნოდა, მოგვიანებით კი — ქართლს, ხოლო 1743 წლიდან იგი უკვე ისევ კახეთს დაუბრუნდა.

როგორც ისტორიული საბუთებიდან და ნარატიული წყაროებიდან ირკვევა, გაუქმებული არაგვის საერისთავოს მართვა ერეკლეს თუშეთის მოურავ ჯიმშერ ჩოლოყაშვილისათვის მიუძღვია.

1745 წელს ოსებზე სალაშქროდ ერეკლემ „არაგვის ერისთვის ჯარს ჯიმშერ თუშთ მოურავი უთავა და მეწინავეში მიიმძღვარა“⁹⁷.

1748 წ. ივლისში მეტეხის ციხის ჩასაბარებლად ერეკლემ გამოგზავნა „სულხან ეშოკადასბაში და ჯიმშერ თუშთ მოურავი, რომელსაც ვზარა არაგვის ერისთვის მამული“⁹⁸.

პირველი საბუთი, სადაც ჯიმშერ თუშთ მოურავი არაგვის ერისთავად იწოდება, არის 1747 წ. 30 დეკემბერს ფოცხვერის მიერ მიცემული პირობის წიგნი ჯიმშერისადმი: „ჩვენ, ფოცხვერმა... ესე მუჩალგის წიგნი მოგართვით თქვენ, ჩვენს ბატონს არაგვის ერისთავს ჯიმშერს, რომ ჩვენის მართლმადიდებლის კემწიფე მეფის ბატონის ერეკლესაგან ბძანება გქონდათ“⁹⁹.

ჯიმშერ ჩოლოყაშვილი არაგვის ერისთავთა ნუსხაში 1749 წლიდანაა მოხსენიებული¹⁰⁰.

1752 წელს არაგვის საერისთავო სახსოდ გამოცხადდა და ვახტანგ ბატონ-

⁹⁴ სცია, ფ. 1448, ს. 1317., სოც. დოკ. I, № 581.

⁹⁵ ხელნაწერთა ინსტ., Hd 6092.

⁹⁶ ხელნაწერთა ინსტ., Ad 761.

⁹⁷ პ. ო რ ბ ე ლ ი ა ნ ი, ამბავნი ქართლისანი, გვ. 120.

⁹⁸ იქვე, გვ. 150.

⁹⁹ ხელნაწერთა ინსტ., Ad 736.

¹⁰⁰ სცია, ფ. 1461, რგ. 13, ს. 92.

ნიშვილს გადაეცა საუფლისწულოდ: „ამას უბოძეს მეფეთა რაც ქართლში და ან კახეთში საბატონისშვილო მამული იყო, სოფელი ან ციხე და ალაგი, აგრეთვე არაგვის ერისთავის მამული მთლივ, მთა და ბარი საუფლისწულოდ გაუბრძოდა. უბოძანეს ჯიმშერ ერისთავს, სანამდის ეს ჩვენი შვილი გაიზდებოდეს, ან ქვეყნის მოვლას შეიძლებდესო, ეს ჩვენი შვილიცა და ეს ქვეყნებიც შენთვის მოგვიბარებია, რიგიანის საქმით ამ ქვეყნებს მოუარეთ“¹⁰¹.

ჯიმშერ ჩოლოყაშვილი, მართალია, თავის თავს არაგვის ერისთავს უწოდებდა, მაგრამ მას საერთო არ ჰქონდა ძველ ერისთავების ხელთან, ე. ი. იგი არაგვის საერისთავოს დამოუკიდებელი მფლობელი კი არ იყო, არამედ მეფის ჩვეულებრივი მოხელე¹⁰².

ჯიმშერ არაგვის ერისთავი საბუთებს მეფე ერეკლეს ბრძანებით გაცემდა: 1749 წ. 15 მარტს იგი წყალობის წიგნს აძლევს ელიზბარ კობიასშვილს: „მოხვედით ჩვენის ხემწიფის ბძანებით ჩვენ, ერისთავს ჯიმშერთან, მამულის საქმეს გუაჯენით. ვისმინეთ აჯა და მოხსენება თქვენი და გიბოძეთ ბაზალეთს გოგორისშვილის მამული“¹⁰³.

1749 წ. 14 მაისს: „ბძანებითა მეფის ერეკლესით ესე წყალობის წიგნი გიბოძეთ ჩვენ, ერისთავმან ბატონმან ჯიმშერ, შენ, მოურავს ზურაბს“¹⁰⁴.

1753 წ. 9 დეკემბერს: „ჩვენ ერისთავი ჯიმშერ ხელმწიფის მეფის ერეკლეს ბძანებით წამოვედით და ბაბადიში გიორგი და საგინაშვილი მამუკა ასე შევარიგეთ“¹⁰⁵.

ჯიმშერ არაგვის ერისთავის ბოლო საბუთი 1755 წ. 20 იანვარს არის გაცემული¹⁰⁶. იგი 1756 წლის ივნისში მოკლეს არაგვის საერისთავოს „კაცებმა“. „საერისთოს კაცნი ჩვეულ იყვნენ ერისთავების სიკვდილს და არც მას რიდეს“¹⁰⁷.

ჯიმშერ არაგვის ერისთავის სიკვდილის შემდეგ, არაგვის საერისთავოს სათავეში უკვე ვახტანგ ბატონიშვილს ეხედავთ. მიუხედავად იმისა, რომ ვახტანგი არაგვის ერისთავად იწოდება, აქ მაინც არაგვის საერისთავოს საუფლისწულოდ გადაქცევასთან გვაქვს საქმე. თეიმურაზი და ერეკლე მაინცდამაინც თავიანთ მემკვიდრეს ნიშნავენ ერისთავად.

1745 წელს, ნადირ-შაჰმა ნება დართო თეიმურაზს, ქართლის მეფედ ქრისტიანული წესით კურთხებულყოფ, ამავე დროს მან დაუბრუნა ქართლს XVII ს-ში შაჰ-აბასის მიერ ჩამორთმეული მხარეები: ლორე, ბორჩალო და ბაილარი.

თეიმურაზის ტიტულატურაში მხოლოდ ყაზახ-ბორჩალო გვხვდება და ისიც 1748 წლიდან.

თეიმურაზის მიერ შაბოიანი ისკანდარისადმი 1748 წ. 29 ივლისს მიცემულ გარიგების წიგნში თეიმურაზი თავს „ქართლისა და ყაზახ-ბორჩალოს

¹⁰¹ პ. ორბელიანი, ამბავნი ქართლისანი, გვ. 204.

¹⁰² დ. გვრიტიშვილი, ფეოდალური საქართველოს სოციალური ურთიერთობის ისტორიიდან (ქართლის სათავადოები), 1955, გვ. 358.

¹⁰³ სცია, ფ. 1448, ს. 2320.

¹⁰⁴ სცია, ფ. 1450, დ. 45, ს. 89.

¹⁰⁵ სცია, ფ. 1448, ს. 988.

¹⁰⁶ ხელნაწერთა ინსტ., Hd 10999.

¹⁰⁷ პ. ორბელიანი, ამბავნი ქართლისანი, გვ. 234.

მფლობით მპყრობელ-მქონებელს¹⁰⁸ უწოდებს. მსგავსი ტიტულატურით თეიმურაზის მიერ გაცემული ათობით საბუთთა ჩვენამდე მოღწეული.

1750 წ. ახლოს თეიმურაზ II-მ ხორასანში მჯდომი შაჰ-როჰისაგან მიიღო ადერბაიჯანისა და ერაყის სპასალარობის პატივი, ე. ი. ირანის შაჰის დიდმოხელე გახდა. ხოლო ერეკლე სპასალარის ნაიბად (მოადგილედ) იქნა დანიშნული. ეს ფაქტი მალე აისახა თეიმურაზის ტიტულატურაში. პირველად იგი გვხვდება თეიმურაზის მიერ რევაზ ორბელიანისათვის 1751 წ. 9 იანვარს მიცემულ წყალობის წიგნში: „ჩვენი... ს რ უ ლ ა დ ა რ ა ყ ი ს ა (ე რ ა ყ ი ს — ლ. რ.) და ა დ რ ი ბ ე ქ ა ნ ი ს ს პ ა ს ა ლ ა რ მ ა ქ ა რ თ ლ ი ს ა და ყ აზ ა ხ — ბ ო რ ჩ ა ლ ო ს ფ ლ ო ბ ი თ მ პ ყ რ ო ბ ე ლ — მ ქ ო ნ ე ბ ე ლ მ ა ნ პ ა ტ რ ო ნ მ ა ნ თ ე ი მ უ რ ა ზ “¹⁰⁹.

მსგავსი ტიტულატურით იხსენიება თეიმურაზი გივი ამილახორისადმი 1752 წ. 10 იანვარს მიცემულ წყალობის წიგნში¹¹⁰ და ერასტი იოთამისშვილისათვის 1752 წ. 29 მაისს მიცემულ წყალობის წიგნში¹¹¹.

მომდევნო ხანებში ერაყისა და ადერბაიჯანის სპასალარობა თეიმურაზის ტიტულატურაში დაიკარგა.

ერეკლე II-ს თავის ტიტულატურაში მხოლოდ ერთხელ აქვს მოხსენიებული რანი. 1750 წ. 19. I. საბუთში: „სამეფოთა ჩვენთა კახთა და რ ა ნ თ ა და არაგვის საერისთოს ფლობით და ჰყრობით მქონებელმან მეფემან და კვლამწიფემან პატრონმან ერეკლემ“¹¹².

ამრიგად, თეიმურაზ-ერეკლეს ენერგიული მოღვაწეობის შედეგად, აღმოსავლეთ საქართველომ დაიბრუნა XVII ს-ში დაკარგული მხარეები: ლორე, ბორჩალო და ბაილარი. ხოლო ქვეყნის შიგნით ოპოზიციისა და განდევნილობის კერა, არაგვის საერისთავო გაუქმდა და მას მეფის მოხელეები და უფლისწულები განაგებდნენ.

ე) ი რ ა ნ უ ლ - ო ს მ ა ლ უ რ ი წ ე ს ე ბ ი ს შ ე ც ვ ლ ა ქ ა რ თ ლ ი თ ,
ბ ა ტ რ ო ნ ყ მ ო ბ ი ს რ ი გ ი ს ა ღ დ გ ე ნ ა , ე კ ო ნ ო მ ი უ რ ი
ა ღ ო რ ძ ი ნ ე ბ ა

თეიმურაზ-ერეკლეს გამეფებით ახალი ხანა დადგა ქართლ-კახეთის ისტორიაში. მრავალსაუკუნოვანი მაჰმადიანური გრემოცვა თანდათან სუსტდებოდა. აგრესორთა ყველაზე დიდი მოძალების დროსაც კი (XVI—XVII სს.) საქართველომ გარედან დაუხმარებლად გამირულად დაიცვა საკუთარი ეროვნული სახე, ენა, კულტურა.

თეიმურაზ-ერეკლე საღად აფასებდნენ საერთაშორისო ვითარებას ამიერკავკასიაში და ჯერჯერობით ირანთან შეწყობის პოლიტიკა ერთადერთ სწორ გზად მიაჩნდათ ქართველობის დასაცავად.

მეფეთა ამ პოლიტიკამ გამოარჩვა. ქართლ-კახეთმა გადაიტანა ოსმალთა-ყიზილბაშობის მძიმე წლები და დამოუკიდებელი განვითარების („ქართველობის“) გზაზედ გამოვიდა¹¹³.

¹⁰⁸ სცია, ფ. 1450, დ. 51 ს. 256.

¹⁰⁹ სცია, ფ. 1450, დ. 15, ს. 130, დოკ. თბ., ისტ. I, № 191.

¹¹⁰ სცია, ფ. 1448, ს. 125.

¹¹¹ სცია, ფ. 1450, დ. 38, ს. 52.

¹¹² სცია, ფ. 1448, ს. 587, ფ. 1450, დ. 14, ს. 31.

¹¹³ ნ. ბ ე რ ძ ე ნ ი შ ვ ი ლ ი, საქართველოს ისტორიის საკითხები, VI, გვ. 354.



დამოუკიდებელი საქართველოს აღდგენისაკენ მიმართული პოლიტიკური მოღვაწეობის შესაბამისი იყო ამ დროის იდეოლოგიური ხასიათის მოვლენებიც, კერძოდ, ანტონ კათალიკოსის ხელმძღვანელობით ამ დროს ენერგიული ღონისძიებები ტარდება ქრისტიანობის განსამტკიცებლად აღმოსავლეთ საქართველოში და კავკასიის მთიანეთში.

როგორც პ. ორბელიანი მოგვითხრობს, ერეკლემ და ანტონ კათალიკოსმა „მოიძიეს სჯულნი ქრისტესნი და სიმართლით და ღუთის მსახურებით წესქცეულებანი ქართლისანი“¹¹⁴. კარგა ხანი გავიდა, რომ ქართლში ქრისტიანი მეფე არ მჯდარა: „ამის მიზეზით მრავალრიგად მართლმადიდებლობის რიგი შეცვლილიყო, რომელიმე ნათესაობის აღრევითა, რომელიმე მრუშების მიზეზით... რომელიმე სამღვდელთა დასთა, თავისი ქცევა და ეკლესიის რიგი შეეშალათ“¹¹⁵.

ერეკლემ და ანტონმა შემოიკრიბეს ქართლისა და კახეთის ეპისკოპოსები, სამღვდელთა და მათთან ერთად „განარჩივეს და აღმოფხვრეს ყოველივე უწესოდ ქცევანი და დაუდვეს მოციქულთ და მღვდელთ მოძღვართ კანონით სჯული მტკიცე და შეურყეველი ქრისტიანობის, რომელსა მოგითხრობსთ წმიდა კანონი მათი“¹¹⁶.

ქართლ-კახეთში ხდებოდა ირანულ-ოსმალური წესების შეცვლა ქართულით, ირანული გადასახადების გაუქმება, ბატონყმობის რიგის აღდგენა და სხვა.

პეტრე ავალიშვილი და სხვები 1747 წ. 19 ივნისს პირობის წიგნს აძლევენ ანტონ კათალიკოსს ტყვის გაუსყიდველობის შესახებ: „ჩვენს ოჯახსა და ყმასა და მამულში მრავალი ბოროტი საქმე და უკეთურობა იყო: ტყვის სყიდვა, კაცის კვლა, კაცთა ცარცვა, მრუშება და მრავალი სჯულის გარდამავალი მოქმედება“¹¹⁷. ისინი პირობას აძლევენ კათალიკოსს, რომ დღეის შემდეგ ხელს აიღებდნენ ტყვის სყიდვაზე, ძარცვაზე და მრავალ უკეთურ მოქმედებაზე.

თეიმურაზ II 1749 წ. 7 მაისს გარიგების წიგნს აძლევს დიმიტრი ორბელიანს: „ოდეს სამეფოთა ჩვენთათვის თავი დადევით და სიკვდილსა და განსაცდელს არ მივერიდეთ, მრავლის ცდითა და ფრიადის შრომით მრავალნი საძნელონი სახელმწიფო მოხარკეობანი საქართველოსანი აღვხოცეთ“¹¹⁸. მაგრამ 1750 წ. 20 ივნისს როჭიკაშვილებისათვის მიცემულ წყალობის წიგნში გადასახადების გაუქმებას ნადირ-შაჰის წყალობად მიიჩნევს. „...ჯელმწიფის წყალობით საქართველოს მალუჯათი და სათხოვარი ამოეკვეთა და ისევე ძველს რიგსა და დასტურზე დააყენეს“¹¹⁹.

¹¹⁴ პ. ორბელიანი, ამბავნი ქართლისანი, გვ. 158.

¹¹⁵ იქვე.

¹¹⁶ იქვე, გვ. 159.

¹¹⁷ სცია, ფ. 1448, ს. 1462; Акты Кавказской Археографической Комиссии, т. I, стр. 55—

56.

¹¹⁸ სცია, ფ. 1450, დ. 10, ს. 187. გ. ჯამბურია, დოკუმენტები ქართლის სათავადოების ისტორიისათვის XVII—XVIII სს. მასალები საქართველოსა და კავკასიის ისტორიისათვის, ნაკვ. 33, 1960, გვ. 123/124.

¹¹⁹ სცია, ფ. 1448, ს. 4014.



ნადირ-შაჰის ბრძანებით, ქართლის აღწერის შედეგად დადებული სახადების გაუქმება დიდი შედეგათი იყო მწარმოებელი მოსახლეობისათვის. ბატონყმობის რიგის აღდგენა ერთ-ერთი მთავარი პირობა იყო ფეოდალური ურთიერთობის ნორმალაზებისათვის.

თუ რა მდგომარეობა იყო „ყიზილბაშობის“ დროს, ამაზე სრულ სურათს იძლევა გოდერძი მღებრიშვილის მიერ ქაიხოსრო ციციშვილისათვის 1744 წ. 21 მაისს მიცემული ბატონყმობის წიგნი: „ესე წიგნი მოგართვი თქვენ, ჩვენს ბატონს ქაიხოსრო ციციშვილს მე, მღებრიშვილმა გოდერძიმ ასე რომ ქართლი აირივა, ქვეყანა სულ დაიფანტა, ზოგი იმერეთს გარდაცვივდა, ზოგი ჯავახეთს, ზოგი კახეთში ჩამოვიდა, რომ მტერმა შეაწუხა... მეც გამიჭირდა საქმე და ავიყარე და კახეთს ჩამოველ. თქვენც ჩამობძანდით და ჩვენს ჯემშიფცს მეფეს იახელით. ბატონყმობის რიგიც შეიქმნა. ჩემი თავი ისევ ბატონმა ვიბოძათ, რომე წინაც თქვენი ყმა ვიყავი. ახლა ჩემის წადილობით ეს წიგნი მოგართვით, რომე ჩემი თავი ყმობით არ დაგეკარგოს: თქვენ ბატონი და მე ყმა“¹²⁰.

„პირველსავე ძველსა განწესებასა“, ე. ი. ბატონყმობის რიგის აღდგენაზე საინტერესო ცნობებს გვაძლევს ანტონ კათალიკოსის მიერ თბილისის მოსახლეობისათვის 1752 წ. დეკემბერს მიცემული უსამართლო ბეგრისაგან დახსნის წიგნი: „...ავის დროობით და უმკვიდროთ ქართლის ბატონობაში ხან ოსმანთ ეჭირა, ხან ყიზილბაშთა, არც მეფე იჯდა ქრისტიანე და არც პატრიარქი და ვინც მაშინ ბატონობდენ, მოხელეები და გამირეე მოსაქმენიცი ქალაქშიგაც და სოფლებშიც იმათთანვე ყავდათ და ქალაქსაც და სრულ საქართველოსაც უსამართლო ბევრი რამ სათხოვარი და გამოსაღები დასდებოდა. დიდს შეწუხებაში და ბეგარაში ჩაცვივნულ იყავით და მეტადრე სვეტიცხოვლის ყმანი და ყველა საყდრების ყმანი. ახლა ღმერთმა წყალობა რომ უყო საქართველოებს და ისევ კეთილ მსახური და მართლმადიდებელი მეფე თეიმურაზ და ძე მისი მეფე კახეთისა ირაკლი. მას ჟამსა... თქვენი დაჭირება და უსამართლო ყველა მოგვახსენეთ და პირველსავე ძველს განწესებასა და გუჯრებზე სამსახურს აჯა ითხოვეთ... თქვენი აჯის სამუქფო მეტიც რომ რაგინდფერი ცუდმადი სამსახური ამოგიკვეთეთ. ამისთანა აღარა გეთხოვებოდეს რა. თქვენი განწესებული ძველივე გაგიახლეთ ამ გუჯართა“...¹²¹

იოანე იარალიშვილის მიერ კანდელაკისშვილი ბერისათვის 1749 წ. მიცემულ მამულისა და ქვათახევის კანდელაკობის წყალობის წიგნში ვკითხულობთ: „...ჟამიდა ავობისაგან საქართველო მტერ მორეული შეიქნა და მრავალი ადგილი აღოჯრდა და ბევრს ხანს აღარცავინ ქვათაჯევის ყავდა პატრონი, არც წინამძღვარი და ყმანიც დაფანტულნი იყავით და უფროსნი დაკარგულნი. ოდეს ინებ-იმოწყალივა ღმერთმან და აღვიდგინა ცხებული მეფე თეიმურაზ და იწყო მცირედ-მცირედ შენებად საქართველოს ქვეყანასა“¹²².

თეიმურაზი 1750 წ. 24 იანვარს წყალობის წიგნს აძლევს სვეტიცხოველს:

¹²⁰ სცია, ფ. 1448, ს. 2986; სოც. დოკ. I, № 453.
¹²¹ ხელნაწერთა ინსტ., Hd 2964; Акты КАК, т. II, стр. 1132—33.
¹²² ხელნაწერთა ინსტ., Qd 8516.



„ოდეს წყალობა ჰყო ღმერთმან ჩვენსა ზედან და ორსავე ტახტისა და სამეფოს გაერთება ინება. ამასწინათ არასდროსა ქამს არა ქნა ღმერთი, რომ ოსეთზედ ქარავენის და ამ მთის გზაზედ ქარავენი, ვაჭარი და სოფელადგარი მოსულიყო და ამ გზიდან ქალაქში სავაჭრო მოეტანათ და აწ ღმერთმან ჩვენ გვიმრავლა წყალობა და ამ ქაქამად ოსეთის გზით ქარავენი და ქარავენი ქალაქს მოვიდოდეს, ამ ოსეთის გზიდან მოსულის ვაჭრისაგან რაც ბაჟი აიღებოდეს, ორს წილს ჩვენი მეზაჟე ჩვენთვის აიღებდეს და მესამედს კათალიკოზ-პატრიაქის მეზაჟეს მისცემდეს და პატრიაქს მიართმევდეს; ამ გზიდან მოსულს მესამედს ბაჟს, რომ ეს მესამედი ბაჟი სვეტისცხოველს ჩვენ მივართვით და შევწირეთ“¹²³. როგორც ვხედავთ, თეიმურაზი ხაზგასმით აღნიშნავს და მნიშვნელოვან მოვლენად მიიჩნევს ოსეთის მხრიდან გზის გახსნას და საქარავენო მიმოსვლის დაწყებას.

ბატონყუმობის რიგის დაცვის მთავარი პირობა იყო „უღების დაღების“ აღკვეთა.

გივი ამილახორი 1744 წ. 5 მარტს პირობას აძლევს ხეფინისხეველებს: „ჩვენ ეს პირობა მოგვიცემია: რაც უწინ ქართველისა ბატონისა გლებით, იმას გამოგართმევთ. იმაზე მეტს არას გამოგართმევთ. არცავის თქვენს თავს სხვას კაცს დავანებებთ. თქვენც მართებულს ბატონყუმურს სამსახურს ეცადენით და იყავით თქვენთვის“¹²⁴.

ამილახორი ამასთან ყმა-გლეხს ავალებს, რომ თვითონაც, თავის მხრივ, პირნათლად შეასრულოს „მართებული“ საბატონო სამსახური, ე. ი. დაიცვას საბატონყუმო რიგი.

თეიმურაზი 1749 წ. 28 მარტს გაცემული საბუთით ათარხნებს ზურაბ შანშიასშვილს: „...ჩვენც სამსახურის მაგიერად ამის წილი მამული და გლეხი გავეითარხნებია როგორც ბატონის მამისჩვენის მეფეს ერეკლეს დროს, ან მეფის ვახტანგის დროს რიგზე მდგარან, ჩვენც იმავე რიგზედ დაგვიყენებია. იმაზე მეტი არა ეთხოვებოდესთ რა“¹²⁵.

პაატა და ნიკოლოზ აბაშიძეებმა ტაშისკარის კოშკი და ბაჟის აკრეფა ჩააბარეს ბეჟან ნახუცვრისშვილს. აბაშიძეები 1753 წ. მარტს სწერენ ბეჟანს, რომ „როგორც... მამიჩვენისაგან გებარა ტაშისკარის კოშკი და ბაჟი, ისე ჩვენ მოგვიბარებია, ნუსხაც იმის ბძანებაზე მოგვიცია, რომ ასრე აიღევ ბაჟი. ხათრს ნურავის შეუწახავ. ღმერთის წინაშე ამ განწესებულზე მეტს ნუ აიღებ“¹²⁶.

თეიმურაზი 1750 წ. 27 ივნისს შულავერის მამასახლისობის წყალობას აძლევს შულავერის მამასახლისის ასლამაზას შვილს თამაზას: „ვისმინეთ აჯა და მოხსენება შენი და გიბოძეთ შულავერის მამასახლისობა, როგორც ძველადამ იქაური მამასახლისის წესი ყოფილა, იმ დასტურით გვიბოძებია“¹²⁷.

¹²³ სცია, ფ. 1448, ს. 996.

¹²⁴ ხელნაწერთა ინსტ. Hd 2218; სოც. დოკ. I, № 452; შ. ბურჯანაძე, იმერეთის ისტორიის დოკუმენტები, I, 1959, № 75.

¹²⁵ სცია, ფ. 1448, ს. 3619; სოც. დოკ. I, № 478.

¹²⁶ ხელნაწერთა ინსტ. Hd 13828; ქართული სამართლის ძეგლები, II, № 107.

¹²⁷ ხელნაწერთა ინსტ., Qd 8754.



თეიმურაზი 1756 წ. 4 აგვისტოს გაცემული საბუთით ათარხნებს ტაბატაძეებს: „...მოკითხული ვქენით და ძველადგან მეპატრონეებთაგან თარხნის ყოფილიყავით და ჩვენც გათარხნეთ თქვენ ხევისჯვარელნი ტაბატაძეები, რომ თქვენ და თქვენს შვილთა და მომავალთა არაფერი საჩვენო სათხოვარი და გამოსაღები არ გეთხოვებოდესთ რა“¹²⁸.

თეიმურაზი და ერეკლე წყალობისა და შეწირულების წიგნებით ანახლებენ ძველად გაცემულ საბუთებს. ეს იქნება სისარდლოს განწესების, დარბაზობის რიგის, მოხელეების რიგის განწესების თუ ძველ შეწირულობათა განახლების წიგნები.

ერეკლესა და ანტონ კათალიკოსის მიერ თეიმურაზ II-ის გარდაცვალების შემდეგ გაცემულ გუჯარში¹²⁹ ნინოწმინდელის პატივისა და ადგილის შესახებ დარბაზობის დროს, ასახულია ის კონკრეტული ვითარება, რომელიც იყო იმდროინდელ საქართველოში. საბუთში მოტანილია დარბაზის რიგის ძველი განწესება და ერეკლესა და ანტონის მიერ შედგენილი ახალი განწესება.

ამ უმნიშვნელოვანეს დოკუმენტში შეიძლება თვალი გავადევნოთ იმ ცვლილებებს, რომელიც მთელი საქართველოს ფეოდალური ხანის ისტორიის მანძილზე ხდებოდა: ამა თუ იმ საეპისკოპოსოს თუ სამწყსოს დაცემა, გაქრობა, თუ აღდგენა და წინ წამოწევა, დაწინაურება.

როგორც აღნიშნული დოკუმენტი მოწმობს, თეიმურაზ II-ს და ერეკლე II-ს 1745 წელს ქრისტიანული წესით მეფედ კურთხევისთანავე დაუწყიათ მოშლილი საეკლესიო ორგანიზაციის აღდგენა, საეპისკოპოსოების წესრიგში მოყვანა და მათი უფროს-უმცროსობის რიგის აღდგენა. 1749 წელს დაუწესებიათ ტფილელი მიტროპოლიტის ადგილი დარბაზობის დროს ქიზიყელის ქვემოთ. ეს საქმიანობა გაუგრძელებია ერეკლე II-ს თეიმურაზ II-ის გარდაცვალების შემდეგაც (აღნიშნული დოკუმენტი დაწერილი ჩანს თეიმურაზის გარდაცვალების შემდეგ).

ერეკლე II 1746 წ. 30 ივნისს სამწყსოს განახლების წიგნს აძლევს წილკნელ მიტროპოლიტ ქრისტეფორეს: „ჟამთა ვითარებისაგან ანანურს ზევით არაგვის ერისთავს მთის ადგილებში აღარ შეეშვათ წირკნელი და რჯულზედაც მიდრეკილ იყუნენ.

და მობრძანდით თქვენ, მუხრანის ბატონისშვილი ყოვლად სამღვდლო წირკნელ-მიტროპოლიტი ქრისტეფორე და გვეაჯენით სამწყსოსა თქვენსა, ვითარც ძველთაგან თქვენი ყოფილიყო.

და ჩვენც კვლახლა წყალობა გიყავით, თქვენი სამწყსო: მთიულეთი, კევი, გულამაყარი, კანდო, ჭართალი. ამათ სახუცოს ერისთავები სადმე იღებდენ. დიად დიდი უწესო და უმართებულო იყო და რჯულის ურიგობა.

ჩვენ ახლა თქვენის მონასტრის წილკნისა ღმრთისმშობლისა დიდისა ეკლესიისა მჯდომარეს წილკნელს შეგვიწირავს, რაც რომე მთის ალაგებიდამ სახუცო ედვას და გამოვიდოდეს, თქვენს მამათმთავარს მიებარებოდეს, და მამათმთავარი თქვენ მოგართმევდეს“¹³⁰.

¹²⁸ სცია, ფ. 1449, ს. 827.

¹²⁹ ქართულ სამართლის ძეგლები, II, № 105, გვ. 399—402.

¹³⁰ იქვე, № 103, გვ. 397.



თეიმურაზი 1749 წ. 27 აგვისტოს მცხეთის სასარდლოს განწესებულ წიგნს აძლევს სვეტიცხოველსა და კათალიკოს ანტონ I-ს. „ასე რომ ძველთა კელმწიფებთაგანაც წიგნები ჭკონოდით ლაშქრობის გარიგებისა და პატრონს მეფეს ვახტანგსაც ძველადამ გარიგების წიგნები ენახათ და იმავ რიგის დამტკიცებისა და განახლების წიგნი დაედვა. და კვლად ჩვენც აგრეთვე ეს გარიგებისა და ლაშქრობის წიგნი და დამტკიცება მოგართვით, რომ რასაც ალაგს სვეტიცხოვლის ყმა არის: ზემო ქართლს, თუ ქვემო ქართლს, საციციანოს მხარეს, მუხრანს, სომხითს, საბარათიანოს, თრიალეთს, ქალაქს თუ გორს, ქციხილვანს, მთასა და ბარს, რასაც ალაგს სვეტიცხოვლის ყმა იყოს და ესახლოს, არას სხვას სარდრებს კელი არ აქვსთ. თავისი დარბაისელი აზნაური-შვილი, მსახური და გლეხნი, დიდნი და მცირენი, ყოვლის თავისი ადგილიდამ ბატონს ყოვლად სანატრელს კათალიკოზს იახლებოდნენ და შემოეყრებოდნენ ლაშქრობასა და ნადირობაში ჩვენს დროშაზე იქნებოდნენ“¹³¹.

ერეკლე 1758 წ. 24 მარტს საურის შეწირულების წიგნს აძლევს ბოდბის წმ. ნინოს: „ოდეს ვიხილენ ძველნი გუჯარნი შეწირულობათა შენთა ფრიად გულსმოდგინებან განაძლებიისამან ძემან ცხებულის ქართლშოთა მეფის თეიმურაზისამან მეფემან კახეთისამან... ირაკლიმ... ვისწრაფეთ და განვაახლეთ და დავამტკიცეთ ძველნი სიგელნი შეწირულობათა შენთა: — ასე და ამა პირსა ზედა, რომელ რაგვარადაც დიდი მეფის თეიმურაზის შეწირულობის სიგელში ეწერა და ან ბატონის პაპისჩვენის ნახარალიხანის სიგელში იყო, ეს გუჯარები ვნახეთ და გამოვიძიეთ, და ვიგულეთ და ვიგულსმოდგინეთ და ჩვენცა კუალად განვაახლეთ და დავამტკიცეთ. ასე რომე როგორათაც ქისიყელს კაცს კახის ბატონისათვის უმსახურებია, აგრევე ბოდბლის ყმამ უნდა მსახუროს. საური წმიდის ნინოს შეწირული იყო ძველითგან და ჩვენც შეგვიწირავს: კოდისპური, ულუფა, ბოდბლის ყმის ჭურუმი, რიგის ძროხა, გასამყრელი, თავის გასამტეხლო ჯარი და მარჩილი, ნარბევი და საკვეისთაო და სხვა, რაც რამ ჭურუმი ბოდბლის ყმიდამ გამოვიდოდეს, ყოველივე წმიდის ნინოსათვის შეგვიწირავს და განვვიახლებია“¹³².

ერეკლე არიგებს ქიზიყში სამეფო და სამოურავო სარგოს: „ჩვენ, მეფემან კახეთისამან ირაკლიმ, ძემან... საქართველოს მეფის თეიმურაზისამან ესე განაჩენი გავარიგეთ: ოდეს ვიგულისხმეთ, რაც ძველთგან დავთრები ან წიგნები იყო კახეთისა, ყველა გავსინჯეთ. რაც ჩვენი სამეფო, სახასო, ან სადედოფლო სოფლები იყო, და ან ელებისა, ასე გავაჩინეთ და გავარიგეთ, რომ რაც ზოგისა მოსაკლებელი იყო, მოუკელით, და ზოგი როგორც ძველთგან ყოფილიყო აგრევე გავარიგეთ“¹³³. ხოლო 1761 წ. 4 მარტს არიგებს ქიზიყის მოხელეების რიგს: „ჩვენ, საქართველოს ცხებულის მეფის თეიმურაზის ძემან, მეფემან ირაკლიმ მოკითხული ვქენით ქიზიყის მოკელების რიგისა. ასე ვპოეთ და ბოდბლის გუჯარშიაც ასე ეწერა და ჩვენც კიდევ ასე გავვიჩენია ბოდ-

¹³¹ ხელნაწერთა ინსტ., Hd 13658; ქართული სამართლის ძეგლები, II, № 104; რადენიმე ქართული ისტორიული დოკუმენტი, 1964, გვ. 240.

¹³² სცია, ფ. 1448, ს. 1405; ფ. 1449, ს. 1462.

¹³³ ხელნაწერთა ინსტ., Hd 309; ქართული სამართლის ძეგლები, II, № 112.

ბლის მოკვლეების რიგი: ...როგორც მეფის მოკვლეების მეფის სხვა განაჩენის ეწეოს რიგი, იმავ ბატონის მოკვლეების რიგზე უნდა ერგოს სარგო ბოდლის ასისთავს, ნაცვალს, ქვეხას, მეჭურუმეს, მებეითალმეს, მეულუფეს და მესალამათეს; იმ ჩვენს მოკვლეების რიგზე უნდა იდგენ და სარგოც ისე უნდა ერგოთ“¹³⁴.

ერეკლე II 1753 წ. 27 აპრილს ყმა-მამულის შეწირულების წიგნს აძლევს ანანურის ღვთისმშობლის ეკლესიას: „ასე რომ შენის წმინდის ტაძრისათვის ანანურს არავის ერისთავებს შემოედგნათ შემოსაწირავი ესე, მაგრამ ჟამთა ვითარებისაგან გუჯრები ზოგი დაკარგულიყო, ზოგი დაძველებულიყო და აწველ-ვეყვით განახლებად გუჯრისა ამისა“¹³⁵. ერეკლეს იქვე ჩამოთვლილი აქვს ის ყმები და მამულები, რომლებიც ანანურის ღვთისმშობლის ეკლესიას ეკუთვნოდა და ჩამოთვლილი აქვს, აგრეთვე, მის სასარგებლოდ დაწესებული გამოსალეებები.

ქართლ-კახეთის მესვეურთა მიერ გატარებული ღონისძიებების შედეგად, როგორც ნარატიული წყაროები და ისტორიული საბუთები მოწმობენ, აღდგენილ იქნა ბატონყმობის რიგი, მოწესრიგდა საეკლესიო წყობა, დაიწყო ქვეყნის ეკონომიური აღორძინება — „მცირედ-მცირედ შენება“ და, რაც მთავარია, გაუქმდა ირანელთა სასარგებლოდ დაწესებული გადასახადები.

Л. В. РАТИАНИ

ВНУТРИПОЛИТИЧЕСКАЯ ОБСТАНОВКА В ВОСТОЧНОЙ ГРУЗИИ 40—50-х гг. XVIII ВЕКА

(Резюме)

В труде на основе нарративных исторических источников и актов исследован период совместного царствования Теймураза II и Ираклия II в Восточной Грузии (1744—1762 гг.). Особое внимание уделяется вопросу политического объединения Картли и Кахети и престолонаследия. Исследован вопрос политического статуса Арагвского Эриставства в этот период, его превращение в 1743 году из сатавадо в государственную административную единицу, управляемую царским чиновником — моуравом. Исследованы также мероприятия Теймураза и Ираклия, направленные на урегулирование крепостнических порядков (некоторое ограничение произвола крепостников-феодалов и нормирование повинностей крепостных крестьян), на реорганизацию церкви, на экономическое возрождение страны.

¹³⁴ სცია, თ. 1448, ს. 1327; თ. 1449, ს. 458; ქართული სამართლის ძეგლები, II, № 113.

¹³⁵ ხელნაწერთა ინსტ., Ad 292.

მიხეილ ქაჭთარია

ბაგრატიონთა ქართლ-კახეთის სამეფო სახლის ბენალოზი
და ქრონოლოგია (XVII—XVIII სს.)

II. კახეთის ბაგრატიონები

კახეთის მეფეთა შთამომავლობის ისტორიას ვიწყებთ ერეკლე პირველით, მიუხედავად იმისა, რომ იგი კარგა ხანს 1698—1703 წწ. ქართლის მეფე იყო და მისი შვილებიც პერიოდულად ბატონობდნენ ქართლში, ხოლო 1744 წლიდან კი მისი მემკვიდრეები გახდნენ ქართლის სუვერენები.

ერეკლე პირველის ოჯახურ მდგომარეობას მრავალი მკვლევარი შეხება, რადგანაც მისმა შვილებმა თეიმურაზ II-მ და მარიამ-მარიამ დიდი კვალი დატოვეს ჩვენი კულტურის ისტორიაში. მაგრამ ყველაზე სრულად მაინც კ. კეკელიძემ გააკეთა ეს საქმე¹, თუმცაღა აქვე უნდა აღინიშნოს, ამომწურავი არც მისი ცნობებია. ზოგიერთი ახალი ცნობა დაემატა კ. კეკელიძის მონაცემებს.

ერეკლე პირველი იყო თეიმურაზ პირველის შვილისშვილი², დავითის ძე (დავითის ქალიშვილი ქეთევანი ცოლად ჰყავდა არჩილ მეფეს). იგი ერთხანს რუსეთში იზრდებოდა, ხოლო შემდეგ სპარსეთს მიაშურა, მიიღო მაჰმადიანობა (1687 წ.) და სახელად დაარქვეს ნაზარალი-ხანი. ქართველი ეპოთაღმწერელნი ერეკლესადმი კეთილად განწყობილნი არ არიან.

ერეკლე I-მა სპარსეთში, სადაც მას ისტორიკოსების მითითებით მრავლად ჰყოლია „ხარზნი“, გადაწყვიტა დაოჯახება და „მოითხოვა კახეთიდან ქალი“. კახეთიდან ამ სურვილის შესაბამისად ერთ-ერთმა ალავერდელმა, გვარად ჩოლოყაშვილმა, თავისი ახლობელი, ნათესავის შვილი ანა, „წარუვლინა“ სპარსეთში ერეკლეს. ეს ქორწინება, კ. კეკელიძის დაკვირვებით, 1677 წელს მოხდა³.

¹ კ. კეკელიძე, XVIII საუკუნის ქართული ლიტერატურის ისტორიიდან, დაბეჭდილია: ერთდღები ძველი ქართული ლიტერატურის ისტორიიდან, ტ. IV, გვ. 232—236, 1957. შტრ. შ. ქ ა ე თ ა რ ი ა, მარიამ-მარიამს ჰიმნოგრაფიული მოღვაწეობა, მრავალთვი, II, გვ. 94—109.


² ნარტიული წყაროებით ერეკლე I გარდაიცვალა 1709 წელს სპარსეთში. ვლ. ტატიშვილი ერეკლეს გარდაცვალებას 1710 წლით ათარიღებს, ხოლო დასაფლავების ადგილად ალავერდს ასახელებს (იხ. ვლ. ტ ა ტ ი შ ვ ი ლ ი, ქართველები მოსკოვში, გვ. 166). თ. ბარნაველი წიგნში „კახეთის ისტორიული ძეგლები წარწერები“, სადაც ალავერდის ეპიტაფიებიცაა გამოქვეყნებული, ერეკლეს ეპიტაფიას არ იცნობს.

³ კ. კეკელიძე, XVIII საუკუნის ქართული ლიტერატურის ისტორიიდან, დაბეჭდილია: ერთდღები ძველი ქართული ლიტერატურის ისტორიიდან, ტ. IV, გვ. 230, 1957.




1681 წელს მოსკოვში ჩავიდა ერეკლე I-ის შიკრიკი მათე ივანიშვილი, „გრუზინეც მატვეი ივანოვ“, რომელმაც „პრიკაზში“ დაკითხვისას აჩვენა: „ყაზვინში შაჰმა უფლისწული სამჯერ მიიღო... და გაგზავნა სანადიროდ. აქედან უფლისწული წავიდა ისპანს, სადაც იგი დაქორწინდა ერთ-ერთი ქართველი დიდებულის ასულზე. საქართველოდან სარძლოს ჩამოსაყვანად გაიგზავნა უფლისწულის მოძღვარი ბერი დანიელი (იხ. Исторический обзор дипломатических сношений между российскими государями... составленный Франциском Платоном, стр. XVII).

კანონიერი ცოლის გარდა, ერეკლეს არა ერთი და ორი ხარჭა ჰყავდა. კ. კეკელიძის დაკვირვებით, ერეკლეს შვილებია „კანონიერი“ და „უკანონო“: კოსტანტინე, დავითი, თეიმურაზი, რაზიყული-მირზა, მუსტაფა-მირზა, ისლამ-მირზა, ელენე, ზვარეშანი და მარიამ-მაკრინა⁴. აქედან ანასთან ჰყავდა (ვიძლე-ვით კ. კეკელიძის მიხედვით):



მაგრამ დოკუმენტების მონაცემების საფუძველზე შეიძლება ითქვას, ეს სია სრული არ არის. ვახუშტი ბატონიშვილი სპერტოდ მხოლოდ ოთხ შვილს ასახელებს თავის ისტორიაში.

წყაროები ერეკლე-ანას ოჯახს უმატებენ კიდევ შემდეგ სახელებს: ქეთევან, გიორგი, გურგასლან. მაშასადამე, გამოდის, რომ ერეკლე-ანას ჰყოლიათ შვიდი შვილი.



დავითი ყველა ცნობაში მითითებულია, რომ ერეკლე-ანას პირშეშა. დაბადებულია იგი სპარსეთში 1678 წელს. მისი სპარსული სახელი იყო იმამ-ყული-ხან. ცოლად შეურთავს შამხლის გვარის ასული⁵ ათარი-ჯაჰან-ბეგუმ⁶, ცხადია, მაჰმადიანი. ე. წ. ღვთაების გუჯარში, სადაც დავითის საქმიანობაზეა ლაპარაკი, დავითის მეუღლე იწოდება: „დადესტნისა და ლეკეთისა შამხლის ბადიშმან და დიდისა და დიდად პატონისისა ერევან ჩუხურისადის ბეგლბეგის


⁴ კ. კეკელიძე, XVIII საუკუნის ქართული ლიტერატურის ისტორიიდან, დაბეჭდილია: ერთდები ძველი ქართული ლიტერატურის ისტორიიდან, ტ. IV, გვ. 232.
⁵ კ. კეკელიძე, დასახელებული წერილი, გვ. 231.
⁶ ვახუშტი, გვ. 200.
⁷ თ. ქორდანია, ქრონიკები, III, გვ. 85; შდრ. სეხნია ჩხეიძე, გვ. 321.

ასულმან... და ირანის მფლობელის... ერანის ეთმადოვლეთის ფათჰალიხანის დამან პატრონმან ათორი ჯაჰან ბეგუმ...⁸.

დავითი კახეთის გამგებლობას შეუდგა 1703 წლიდან, როდესაც ერეკლე I-ს ქართლი ჩამოართვეს, კახეთი მისცეს და თან სპარსეთში გაიწვიეს. იგი საკმაოდ აქტიური პირი იყო და ერთხანობას კარგი ურთიერთობა ჰქონდა ქართლის გამგებელ ვახტანგ VI. შემორჩენილია ვახტანგისადმი (უსეინ-ყული-ხანისადმი) მისი წერილები, რომლებშიც ლეკიანობის წინააღმდეგ საერთო კოალიციის მოწყობაზეა საუბარი⁹. გარდაიცვალა 1722 წ.

ვახუშტი ბატონიშვილის ცნობით, „იმამ-ყულიხან დაუტევნა ორნი ძენი—მაჰმად-მირზა და ალი-მირზა და ასული ერთი“¹⁰.

1710 წლის საბუთით დავითის (იმამ-ყული-ხანის) შვილად დასახელებულია ლევანი. „ძემან ჩუენმან ლევან-მირზამ“. სხვაგან ვერ დავადასტურებთ ლევანი. არ არის გამორიცხული, რომ ლევანი არის ქრისტიანული სახელი ან მაჰმად-მირზასი და ან ალი-მირზასი.



მაჰმად-მირზას ქრისტიანული სახელი ცნობილი არაა, არც ის, თუ როდის დაიბადა. იგი ყოფილა განჯის ხანი¹¹. 1724 წელს, როდესაც მაჰმად-ყული-ხანი (დავითის ძმა) იძულებული გახდა განჯას გაქეუულიყო, ქალაქში იგი არ შეუშვეს, „რამეთუ იჯდა ძმისწული მაჰმად-ყული-ხანისა მაჰმად-მირზა მის წილ“¹². მაჰმად-მირზას ოჯახური მდგომარეობის შესახებ ვერაერთარ ცნობას ვერ მივაგენით.

ასული დავით იმამ-ყული-ხანისა. სახელი მისი წყაროებიდან არ ჩანს. ვახუშტი ბატონიშვილი გვიამბობს შემდეგს: „იმ ჟამში (ე. ი. 1734 წ.) წარმოაგლინა თამაზ-ხან განჯიდან კაცი და მოითხოვა ასული იმამ-ყული-ხანისა, რამეთუ ძმაცა მისი მაჰმად-მირზა წარწყმდა მის თანა ბრძოლასა შინა თოფალფაშისასა და ამითი ჰგონეს ამათ ნამსახურ ყოფნა და წარუვლინეს ქალი იგი“¹³. მაშასადამე, დავითის ქალიშვილი გაუთხოვებიათ სპარსეთში. შემდეგ რა ბედი ეწია, არ ჩანს. ამ ციტატით შეიძლება ივარაუდოს კაცმა, რომ მაჰმად-მირზა დაიღუპა ან 1734 წელს, ან ამ წლამდე, თუ, რა თქმა უნდა, „წარწყმდა“ დაღუპვას ნიშნავს.

⁸ თ. ყო რ დ ა ნ ი ა, იქვე, გვ. 85.

⁹ დ ა რ ე ჯ ა ნ მ ე გ რ ე ლ ა ძ ე, მასალები XVIII ს. ოციანი წლების ქართლ-კახეთის ისტორიისათვის, დაბეჭდილია: მასალები საქართველოსა და კავკასიის ისტორიისათვის, 1960, ნაკვეთი 33.

¹⁰ ვ ა ხ უ შ ტ ი, გვ. 207—208. 1723 წლის დოკუმენტის მიხედვით, დავითს თითქოს, შვილები არ ჰყავდა: „ოდეს (1722 წ.) გარდაიცვალა კახთა მეფე დავით, რომელსაც არა ესვა შვილი, მაშინ მიიღო მეფობა კახეთისა ძემან მისმან“. А. Ц а г а р е л и, Грамоты, с. 297.

¹¹ ვახუშტი, გვ. 211.

¹² იქვე.

¹³ იქვე, გვ. 215.

ალი-მირზა — „ძე იმან ყულისა“¹⁴, ცოტა ხნით მეფობდა ქართლსა და კახეთში. სეხნია ჩხეიძის სიტყვით, 1735 წელს მისცეს ქართლი და კახეთი ხოლო იგივე სეხნია კახეთის მიცემის ამბავს 1736 წლითაც ათარიღებს: „კახეთი უბოძეს ალი-მირზას, რომ მიცირესა ჟამსა მეფედ იყო ქართლსა“¹⁶. ვახუშტის ცნობით, გარდაცვლილა 1737 წლის ბოლოს ინდოეთში¹⁷. ერთ-ხანს ალი-მირზას გადაუწყვეტია ამხედრებოდა ირანს და კახეთის გამოყოფა მოეხერხებინა. იგი დაუკავშირდა ბიძის — თეიმურაზ II-ის მეუღლეს (ვახტანგ VI-ს ასულს), მაგრამ მას შორის დაუჭერია, რადგანაც მისი ქმარ-შვილი ამ დროს შაჰთან იყვნენ ირანში¹⁸.

იმამ-ყულის ვაჟებს, ალბათ, ქრისტიანული სახელებიც ექნებოდათ. როგორც ზემოთ ვთქვეთ, მაჰმად-მირზას სახელი არაა ცნობილი, ხოლო ალი-მირზას სახელი უნდა ყოფილიყო ალექსანდრე. 1733 წელს ერთ-ერთ დოკუმენტში თეიმურაზ II წერს: „მეფემან კახთმან, არა პირველმან თეიმურაზ... და უხუცესისა ძმისა ჩემისა ძემან ბატონისშვილმან ალექსანდრე...“¹⁹ ამავე დოკუმენტშია დასახელებული კოსტანტინე—მაჰმად-ყული-ხანის ვაჟი **ბაგრატი**. ეს ალექსანდრე დამოწმებულია 1736 წლის დოკუმენტშიც. მისი ბეჭდის ლეგენდა ყოფილა „ძირ-მოდგმით დავითიანი, ალექსანდრე ვარ სეიანი“²⁰. ალექსანდრე ბატონიშვილი („მონა ღვთისა ბატონიშვილი ალექსანდრე.“ 1730 ბეჭდის ლეგენდა) დამოწმებულია 1756 წლის საბუთში Hd—6330.

ელენე ირაკლი პირველის ასულის შესახებ ჩვენ საგანგებოდ ვილაპარაკეთ სხვაგან²¹. იგი ცოლად გაჰყვა იესე ქართლის მეფეს. მისი თათრული სახელი იყო ბანჯანუმ-ბეგუმ, ხოლო დაქვრივების შემდეგ (1727 წ.), მონაზუნად აღიკვეცა ელისაბედის სახელით. დაიბადა დაახლოებით 1687 წლამდე²² და თავისი ცხოვრების ბოლო წლები გაატარა რუსეთში, სადაც გარდაიცვალა დაახლოებით XVIII საუკუნის 50-იან წლებში.

მარიამ-მარინა, ქართული მწერლობის ისტორიაში კარგად ცნობილი პო-

¹⁴ ვ ა ხ უ შ ტ ი გვ. 140.

¹⁵ ს ე ხ ნ ი ა ჩ ხ ე ი ძ ე, გვ. 339.

¹⁶ იქვე, გვ. 341.

¹⁷ ვ ა ხ უ შ ტ ი, გვ. 217.

¹⁸ იქვე.

¹⁹ ს. კ ა კ ბ ა ძ ე, ისტორიული საბუთები, წიგნი V, გვ. 46.

²⁰ იქვე, გვ. 51. ეგვემ ვარაუდია გამოთქმული თ. ყორღანის წიგნში „ქრონიკები“ III, გვ. 85.

²¹ მ. ქ ა ვ თ ა რ ი ა, ბაგრატიონთა ქართლ-კახეთის სამეფო სახლის გენეალოგია და ქრონოლოგია (XVII—XVIII სს.), მრავალთავი V, გვ. 198—224. წერილში გაპარულია რამდენიმე შეცდომა, რომელთა გასწორება აუცილებლად მიგვაჩნია: ა. გვ. 215, ზემოდან მე-15 სტრიქონი, ფრაზა: „გიორგის ცოლად შეურთავს... ზრდიდა“ — ამოსაღებია. იგი ეკუთვნის იესე (გიორგის მამას) მეფეს და არა მის ძეს.

ბ. მე 19 სტრიქონი: იესე + მარიამ ყაფლანიშვილი ერასტის ასულის ნაცვლად უნდა იყოს გიორგი + თამარი.

დმიტრი + მარიამ დმიტრის ასული ციციშვილი (ნაცვლად ავალიშვილის). ეს უკანასკნელი შეცდომა უნდა გასწორდეს 233 გვ-ზე წარმოდგენილ ტაბულაშიც.


გ. გვ. 224, ქვემოდან მე-15 სტრიქონი: „არც ერთის სახელი არ ჩანს“ — ნაცვლად უნდა იყოს: ხარკის სახელი არ ჩანს. შვილს ალექსანდრე ერქვა.

²² კ. კ ე კ ე ლ ი ძ ე, დასახელებული წერილი, გვ. 231.

ეტა-პიმნოგრაფი. მარიამი დაბადებული ჩანს დაახლოებით 1700-იან წლებში²³. იგი ძალიან ადრე გაუთხოვებით ედიშერ ჩოლოყაშვილზე და, როგორც ჩანს, ადრევეც დაქვრივებულია. საბუთებიდან ჩანს, რომ მარიამის მეუღლე დაღუპულა ლეკებთან ბრძოლაში 1715 წელს, რადგანაც 1714 წელს მეფის ასული ჯერ კიდევ მარიამის სახელით იხსენიება, ხოლო 1716 წელს კი მაკრინას სახელით ჩანს. 1714 წლის ანდერძში ვკითხულობთ: „სრულ იქმნა... ბრძანებითა ამაჲ ალავერდელის ნიკოლოზისათა და წარსაგებელთა საფასეთა და ძმისწულისა მისისა ჩოლოყაშვილის სახლთხუცის ედიშერისა და თანამეცხედრისა მისისა კახის ბატონის ასულისა მარიამისათა“...²⁴. 1716 წლის ანდერძებში მაკრინას სახელითა დამოწმებული²⁵. გარდაიცვალა იგი 1744 წლის შემდგომ. საბუთებში მისი ხსენება უკვე აღარაა.

მარიამ-მაკრინას დარჩენია ერთი ქალიშვილი, რომელიც 1724 წლის დოკუმენტით უკვე გათხოვილი ყოფილა²⁶. სამწუხაროდ, არც ქალიშვილის და არც სიძის სახელი დოკუმენტში ნახსენები არაა.

მარიამ-მაკრინა+ედიშერ ჩოლოყაშვილი



ქეთევანის სახელს იძლევა მისი საფლავის ქვის ეპიტაფია, რომელიც ჯერ კიდევ მარი ბროსემ გამოაქვეყნა: „ქ. ქრისტეს აქეთ ათას შვიდას ათრვაშეტსა წელსა, განვედით ჯორცთაგან და მივიცვალენით ხრწნილებისაგან უბრწუნელე-ბად, ჩვენ მეფეთ მეფის ერეკლეს ასული და დედოფალთ დედოფლის ანნას მიერ შობილი, თანამეცხედრე ანდრონიკაშვილისა ქიზიყის მოურავის ძის აბე-ლისა, ბატონიშვილი ქეთევან, დავდეით სამარხოსა ამას საძვალესა მეფეთასა, მას უამსა, ოდეს განაგებდა კვერთხსა მეფობისასა ძმა ჩვენი მეფე დავით, ქ-კს უე (406)“²⁷, ე. ი. ქეთევანი 1718 წელს გარდაცვლილა.

ქეთევანი+ძე აბელ ანდრონიკაშვილისა (ქიზიყის მოურავისა). მათი მემკვიდრეების შესახებ არაფერი ვიცით.

გიორგი კ. კეკელიძის მიერ დადგენილ სიაში არ არის. მაგრამ იგი, როგორც ერეკლეს და ანას ძე, იხსენიება XVII საუკუნის 90-იანი წლების დოკუმენტებში²⁸. ერთ-ერთ საბუთში (Sd—564) ვკითხულობთ: „ქ. ნებითა და შეწვენითა მღთისათა, ჩვენ მეფეთ-მეფემან და თვით კელმწიფემან პატრონმან ნაზარალიხან და თანამეცხედრემან ჩვენმან დედოფალმან პატრონმან ანამ, პირმშომან და სასურველმან ძემან ჩვენმან პატრონმან იმამყულიმ, და პატ-

²³ კ. კეკელიძე, 1697—1698 წწ. ათარილებს მარიამის დაბადებას.
²⁴ ხელნაწერი A—366 ანდერძი. გამოაქვეყნებულია თ. ჟორდანიას «Описание»-ში.
²⁵ A—379 და A—380-ის ანდერძები.
²⁶ ს. კაკაბაძე, ისტორიული საბუთები, წიგნი V, გვ. 43.
²⁷ თ. ჟორდანიას, ქრონიკები, III, გვ. 69. წყაროს დაუსახებლად ამ ქეთევანს ერეკლე I შვილად მიიჩნევს მ. ჯანაშიელიც, იხ. გვ. „საქართველო“, 1919, № 94. დამოწმებულ ეპიტაფია პირველად გამოაქვეყნა მარი ბროსემ, იხ. Rapport, გვ. 73.
²⁸ Ad—86 (1696 წ.), Hd—6357 (1696 წ.), Sd—564. ეს უკანასკნელი გამოაქვეყნა ვლ. ფუ-თურიძემ, იხ. ქართულ-სპარსული ისტორიული საბუთები, 1955, გვ. 373—374.

რონმან კოსტანტინემ და პატრონმან გიორგიმ, ესე ამიერით უკუნისამდე მართებული ლელი წიგნი და სიგელი გიბოძეთ თქვენ სუფრაჯის ჯალაბს ქეთევანს, ასე რომე თქვენს შვილს (!) ავთანდილს, ქაიხოსროს, ასე რომე ზემო წერაქვი ჩვენს შვილს გიორგის უბოძეთ და ჩვენ შვილს გიორგის თქვენ ზღით, რადგან ის ყმაწვილი თქვენთან იყო, ისიც თქვენთვის მოგვიცია და მოგვიბარებია... რაც საჩვენო გამოსალები იყოს, თქვენ დახარჯვედეთ მაგ ყმაწვილზე, ჩვენს მოხელეს იქ კელი ნუ აქვს, არაოდეს არ მოგეშალოს არა ჩვენგან და არც შემდგომთა სხვათა მეფეთაგან... აპრილის 13 (16), ქკს ტბდ (384)“. ეს საბუთი 1696 წლისაა. სხვა დოკუმენტებიც, რომლებშიც გიორგია დამოწმებული, ყველა 1696 წლით თარიღდება. ამ გიორგის ოჯახური მდგომარეობა, საერთოდ მისი ცხოვრების შემდგომი გზა ჩვენთვის უცნობია.

გურგასლან დამოწმებულია 1697 წლის დოკუმენტში: „...ნაზარალიხან, თანამეცხედრემ ჩვენმან დედოფალთ-დედოფალმან პატრონმან ანამ და ძემან ჩვენმან სასურველმან იმანყულიმ, პატრონმან კოსტანტინემ და **გურგასლან**, ესე ამიერით გასათავებელი წიგნი გიბოძეთ“²⁹. გურგასალი სხვაგან ვერსად დაუბადსტურეთ (არ ვგულისხმობთ Sd—46, რომელიც ციტირებული დოკუმენტის ნუსხაა). არ გამოვრიცხავთ ერთ შესაძლებლობას, რომ გიორგი და გურგასლანი ერთი და იგივე პირის ორი სახელი იყოს. თუმცადა აქ ისიც უნდა ითქვას, რომ ნაკლები შანსებია ოფიციალურ სამეფო დოკუმენტებში მეფისწულთა სახელების აღრევისა. არც ამ გურგასლანის შესახებ ვიცით სხვა რამე.

გარდა დასახელებული პირებისა, ცნობილია ერეკლეს შემდეგი შვილები: **კოსტანტინე — მაჰმად-ყული-მირზა, რაზი-ყული-მირზა, მუსტაფა-მირზა, ასლამ-მირზა**, ანტონი, ხვარაშან. ამთ შესახებ, თუ ვისგან ჰყავდა ისინი ერეკლეს, ვერაფერს ვერ ვიტყვი. ცნობილია, რომ კოსტანტინე ხარჭისგან ჰყავდა, თვით ხარჭის სახელი კი ცნობილი არაა.

ერეკლე + X

↓
კოსტანტინე (მაჰმად-ყული-ხანი)

სამაგიეროდ, წყაროებში შემონახულია გვარი ერეკლეს სხვა ხარჭისა. ვახუშტის თქმით, ესაა „მანგლელი ეპისკოპოსის ჯავახიშვილი იოსების ძმისწული“³⁰.

ანტონი იხსენიება 1690 წლის 27 აგვისტოს დოკუმენტის ასლში. ესაა Qd—2150. ამ დოკუმენტში ანტონი შვილებს შორის დასახელებულია პირველად, ე. ი. იგი ივარაუდება უფროსად. დაბეჯითებით რაიმეს თქმა ძნელია. ამიტომ ჩვენ ყველა მათ მივიჩნევთ მხეველისაგან ნაშობად, თუმცადა ვერ ვადგენთ მათ რიცხვს და ვინ ვის ხელში ჰყავდა. ანტონი საბუთში იმამ-ყული-ხანის წინაა დასახელებული. ხომ არ არის ვადამწერის შეცდომა და ნაცვლად პატრონისა დაწერა ანტონი.


²⁹ Hd—2521. გამოქვეყნებულია, საქართველოს სიძველენი, ტ. II, გვ. 114, № 90, და ნ. ბ. ე. რ. ი. შ. ვ. ი. ლ., დოკუმენტები საქართველოს სოციალური ისტორიიდან, ტ. I, გვ. 103.

³⁰ ვ ა ხ უ შ ტ ი, გვ. 92.



სი ოჯახური მდგომარეობის შესახებ ბევრს არაფერს წერენ. მაგრამ მინც ზერხდება ზოგიერთი ფაქტის გარკვევა. კოსტანტინეს ცოლად ჰყავდა ფერიჯან-ბეგუმ (ფერიჯჰან-ბეგუმ)

კოსტანტინე (მაჰმად-ყული-ხანი) + ფერიჯან-ბეგუმ



ბაგრატის სახელს იძლევა 1720 წლის შემდგომი ხანის საბუთო, სადაც ვკითხულობთ: „...მეფემა პატრონმა მაჰმად-ყულიხან, თანამეცხედრემა ჩვენმა დედოფალმა პატრონმა ფერიჯან-ბეგუმ, პირმშომა და სასურველმა ძემმა ჩვენმა პატრონმა ბაგრატ...“³⁶ ბაგრატ ბატონიშვილი მოხსენიებულია 1714 წლის 16 მაისის დოკუმენტშიც³⁷. იგი იხსენიება 1733 წლის დოკუმენტშიც³⁸. ბაგრატი ცოცხალი ჩანს 1736 წელსაც³⁹.

გივის, როგორც ძმას, ასახელებს ზემოთ ნახსენები 1714 წლის 16 მაისის დოკუმენტი. დოკუმენტს როგორც მოწმე ხელს აწერს „კიდევ ამისი მოწამე ბაგრატის ძმა გივი“. მთელ დოკუმენტში ერთი ბაგრატია ნახსენები, ისიც ბატონიშვილი. და თუ გივი ამ ბაგრატის ძმად იგულისხმება, მაშინ იგიც კოსტანტინეს შვილი ყოფილა. სხვაგან მისი არსებობა ჩვენ ვერ დავადასტურეთ.

სხვა შთამომავალი კოსტანტინე მაჰმად-ყული-ხანისა წყაროებიდან არ ჩანს. არც ის ჩანს, თუ რა ბედი ეწიათ ამ შვილებს.

1749 წლის 27 მარტის დოკუმენტი თეიმურაზ II ძმისშვილად ასახელებს ჰასან-ხანს. „ჩვენი ბრძანება არის (წერს თეიმურაზ II), ოდეს ჩვენ ბედნიერის ერანის კელმწიფესთან თავრიზს ვიყავით, კელმწიფემ ნოქარი გვთხოვა. ქართლიდამ და კახეთიდამ დავიბარეთ და ჩამოვიდნენ... კელმწიფემ ჩვენს ძმის-წულს ჰასან-ხანს მიაბარა“⁴⁰... ჩვენ ვერ გავარკვეით, რომლის შვილია ჰასან-ხანი, ან რა ერქვა ქრისტიანულად მას. ასევე ვერ დავადგინეთ ვინ არის ბატონიშვილი პაპუა, რომელიც 1695 წ. ახლდა ირანში ყიენს⁴¹. XVIII ს. 30-იან წლებში პაპუნა ორბელიანი ასახელებს ვინმე ელენე ბატონიშვილს⁴², რომლის ვინაობაც ვერ დავადგინეთ.

რაზი-ყული-მირზას, მუსტაფა-მირზას, ისლა-მირზას, დავით-მირზას ოჯახური მდგომარეობა ვერ გავარკვეით⁴³. ჩვენთვის უცნობია მათი ქრისტიანული სახელები და მოღვაწეობის ასპარეზი. ამიტომ ვერაფერს ვერ მივაკვლიეთ.

³⁶ თ. ყო რ დ ა ნ ი ა, ქრონიკები, III, გვ. 91.

³⁷ Hd—25⁴ გამოქვეყნებულია „საქართველოს სიძველენი“, III, № 425, გვ. 409.

³⁸ ს. კ ა კ ა ბ ა ძ ე, ისტორიული საბუთები, V, გვ. 46.

³⁹ იქვე, გვ. 51.

⁴⁰ ნ. ბ ე რ ძ ე ნ ი შ ვ ი ლ ი, დოკუმენტები, I, გვ. 339.

⁴¹ დ. უ ჩ ა ნ ე ი შ ვ ი ლ ი, დოკუმენტები საქართველოს ეკონომიური ისტორიისათვის, 1967, გვ. 25.

⁴² პ ა პ უ ნ ა ო რ ბ ე ლ ი ა ნ ი, გვ. 360.

⁴³ დავით-მირზა და რაზი-ყული-მირზა ალექსანდრე (ისაყ-ბეგ) იესეს ძის ძმისწულებდაა დასახელებული 1756 წლის 9 აგვისტოს დოკუმენტში. იხ. დოკუმენტები თბილისის ისტორიისათვის (XV—XIX სს.) წიგნი I, შეადგინეს ნ. ბ ე რ ძ ე ნ ი შ ვ ი ლ მ ა და მ. ბ ე რ ძ ე ნ ი შ ვ ი ლ მ ა, 1962 წ. გვ. 272. არ არის გამოჩენილი, რომ ეს პირები კოსტანტინეს შვილები არ იყვნენ.




შეიძლება რომელიმე შვილი იყოს ზემოთ ნახსენები ჰასან-ხან, პაპუა ბატონიშვილი და ელენე ბატონიშვილი. ერთი სიტყვით, მათ შესახებ კიდევ სამი-ბელია მასალა.

რაც შეეხება ქეთევანს, მის შესახებ ვილაპარაკეთ, როდესაც ქართლის მეფეთა შთამომავლობის შესახებ ვსაუბრობდით. ქეთევანი აბდულა-ბეგის მე-ულლე გახლდათ (იხ. მრავალთავი, V, გვ. 217—218).

თეიმურაზმა 1712 წ. ცოლად შეირთო ვახტანგ VI-ს ასული თამარ. ამ დროს, როგორც ვახუშტი წერს, „თეიმურაზს განატყევებინეს ასული ბაინდურ ერისთვისა, სათონ-ჩენითა სამლუდლოთათა“⁴⁴. „გარდაიცვალა დედოფალი ქართლისა თამარ“⁴⁵ 1746 წ.

თეიმურაზ+ასული ბაინდურ ერისთვისა I ცოლი
თეიმურაზ+თამარი (ვახტანგ VI ასული, II ცოლი)



ერეკლეზე ჩვენ ცალკე ვილაპარაკებთ ქვემოთ. პირველად სხვა შვილებზე შევჩერდებით.

იოანეს სახელს მრავალი დოკუმენტი იძლევა. მაგ., ხელნაწერი A—1380 არის წყალობის წიგნი, რომელშიც ვკითხულობთ: „მეფემ თეიმურაზ და თანამეცხედრემან დედოფალმან თამარ... ბატონიშვილმა ერეკლემ და იოანემ, ძმისწულმა ასა-მირზა...“⁴⁶ დოკუმენტი გაცემულია 1737 წელს. ჰქონია ხელმოწერა: თეიმურაზ, თამარ, იოანე. მაშასადამე, პაპუნა ორბელიანის განცხადება, რომ „მეფეს თეიმურაზს მეფის ერეკლეს მეტი ძე არ ესვა და ორთავ მეფეთა სასურველი იყო ძე მეფის ერეკლესი, შვენიერი და ხელმწიფობისა მათისა საკადრისი ძე და ყოვლისა სიკეთითა შემკობილი, ასაკითა იყო მცირე“... აღარ მართლდება. ერეკლეს გარდა, თეიმურაზს ჰყოლია ძე იოანე. იოანეს სახელი 1737, 1738 წლების შემდგომ აღარ ჩანს⁴⁷.

ანა ბატონიშვილი ცოლად მიუთხოვებიათ დიმიტრი ორბელიანისათვის. „პატრონმა თეიმურაზ უბოძა პირმშო... სასურველი ასული თავისი ანა ორბელიანს, სარდლის ძეს, დიმიტრის მეუღლედ“⁴⁸. დიმიტრი ორბელიანისათვის თეიმურაზს უბოძებია „ქართლისა და ყაზახ-ბორჩალოს მანდატურთუხუცესობა“. გარდაიცვალა 1772 წ.⁴⁹ ანა გარდაცვლილა 1788 წლის 4 დეკემბერს (იხ.

⁴⁴ ვახუშტი, გვ. 202.

⁴⁵ ჩქე, გვ. 288—89.

⁴⁶ ხელნაწერთა აღწერილობა, A ფონდი, ტ. IV, გვ. 476.

⁴⁷ Ad—533 (პირი Ad—2226). გამოდის, რომ თეიმურაზს და ანის ჰყავდათ შვილები სოლომონ და ვახტანგ. „ძემან ჩვენმან, მეფემან კახეთისმან ერეკლემ და მძღულმან ჩვენმან ასან-მირზამ და შვილმან ჩვენმან სოლომონ და ვახტანგ...“ დოკუმენტი 1748 წლისაა, საბუთზე არის ვახტანგის ბეჭედი. დოკუმენტი გამოქვეყნებულია თ. ჟორდანიას ქრონიკების III წიგნში, გვ. 191—192.

⁴⁸ პაპუნა ორბელიანი, გვ. 371. შტრ. გვ. 422. შტრ. პლ. იოსელიანი, ცხოვრება გიორგი XIII-სა, გვ. 13.


⁴⁹ იხ. ს. გორგაძე, ბესიკი, 1912, გვ. X (ამ თარის ჩემოვებს ალ. ბარამიძე, ნარკვევები, II). ს. გორგაძე ყვარნობა ბროსეს Hist. de la Géorgie, p. II, livr. I, გვ. 635.



ელისაბედი 1767 წლისათვის უკვე გათხოვილია. მატთანეში, რომელსაც სახელად ჰქვია „შედგვი კახეთის ცხოვრებისა“, ვკითხულობთ: 1767 წელს პაატა ბატონიშვილის მიერ მოწყობილ შეთქმულებაში მონაწილეობდა მეფის მძახალი დიმიტრი ამილახორისშვილი⁵⁷.

ელისაბედი 1765 წელს განაქორწინეს და შერთეს კაცია დადიანს. „...წელსა 1765, თუშსა ნოემბერს 16-სა, მეფემან ირაკლი ჰყო კრება სასულიერო და განატყვებინეს, რჯულის კანონის კანონისამებრ, და მეფისა—ელისაბედ, რომელიცა ჰყვა ძესა დიმიტრი ამილახვარისშვილისა გიორგის“ (ციტატა ამოღებულია ს. ბარნაველის წერილიდან). მ. ბროსეს ცნობით, გარდაცვლილა 1770 წ. 8 მაისამდე⁵⁸. მეორედ გაუთხოვებით 1767 წელს.


თეიმურაზ მეორეს ჰყოლია გერი. მამასადამე, ანა აღრევე გათხოვილი ყოფილა და მერე შეურთავს თეიმურაზს. „წელსა ჩლთ (1759 წ.) ქორონიკონს უშზ (447), მოვიდნენ ლეკნი ტეზერს, მუნ სძლო მეფემან თეიმურაზ. გარნა ბრძოლასა შინა მოიკლა ციცისშვილი გლახა, გერი მეფისა თეიმურაზისა“⁵⁹.



ერეკლე მეორის ოჯახი საკმაოდ დიდი და მრავალრიცხოვანი იყო. ერეკლეს პირველი ცოლი ყოფილა ვახტანგ ყაფლანიშვილის ასული ქეთევან⁶⁰, რომელიც, პლ. იოსელიანის ცნობით, ერეკლეს გაუშვია⁶¹, ხოლო, პაპუნა ორბელიანის ცნობით, „დედოფალი კახეთისა ქეთევან დამარცხებულიყო“⁶². და ეს ფაქტი დიდი მწუხარებით გამოიგლოვეს თეიმურაზმა და თამარმა.

ერეკლე + ქეთევან ვახტანგ ყაფლანიშვილის ასული.

ამ ქორწინებიდან ერეკლეს შეეძინა შვილი ვახტანგი, რომელსაც შემდეგ აღმასხანს უწოდებდნენ. 1745 წელს ერეკლეს შეურთავს ცოლად ანა ზაალის ასული აბაშიძე⁶³. პაპუნაც ამასვე ამბობს, თან უმატებს, რომ დედის — ანუკა ბატონიშვილის — რჩევით შეურთავს⁶⁴. შესძენათ ორი შვილი:



ანა გარდაცვლილა 1749 წლის 6 დეკემბერს⁶⁵.

⁵⁷ შედგვი კახეთის ცხოვრებისა, გამოც. ნ. ჩუბინაშვილის მიერ, გვ. 506.
⁵⁸ იქვე, გვ. 505. შდრ. ს. ბარნაველის წერილი, ელისაბედ ბატონიშვილის მზითვის წიგნი, გვ. 207.
⁵⁹ თ. ქორდანია, ქრონიკები, III, გვ. 297.
⁶⁰ პლ. იოსელიანი, ცხოვრება მეფისა გიორგი მეათეამეტისა, აკ. გაწერელას შესავალი წერილით რედაქციითა და შენიშვნებით, 1936, გვ. 3. ქვემოთ ყველგან პლ. იოსელიანი.
⁶¹ გარდაცვლილა 1744 წ. თითქოს მონაზნობაში.
⁶² პაპუნა ორბელიანი, გვ. 374.
⁶³ პლ. იოსელიანი, გვ. 3.
⁶⁴ პაპუნა ორბელიანი, გვ. 377.
⁶⁵ პლ. იოსელიანი, გვ. 3.

ანას სიკვდილის შემდეგ, ერეკლეს შურთავს დარეჯან დადიანი.

ერეკლე + დარეჯანი



ერეკლე II-ს და გიორგი XIII-ის შვილებისა და მათი ოჯახური მდგომარეობის შესახებ ჩვენ საგანგებოდ ცალკე ვისაუბრებთ.

М. Н. КАВТАРИЯ

ГЕНЕАЛОГИЯ И ХРОНОЛОГИЯ ЦАРСКОГО ДОМА
БАГРАТИОНОВ КАРТЛИ И КАХЕТИ (XVII—XVIII ВВ.)

II. КАХЕТИНСКИЕ БАГРАТИОНЫ

(Резюме)

На основании анализа данных исторических документов и нарративных источников автор устанавливает родственную связь, генеалогию и хронологию рода Багратионов Кахети.

ნანა ყანაყანი

იმეკლე II-ის წერილი კჳს ქალაქილმისადმი

ჩვენი განხილვის საგანია ერეკლე II-ის ერთი არაბულენოვანი წერილი-იგი დალესტნური წარმოშობის იმ არაბულენოვანი დოკუმენტური მასალიდანაა, რომელიც ინახება დალესტნის ასსრ-ში, სოფ. ხუნძახში, არაბული ენის მცოდნე პირის ზაირბეკ ალიხანოვის საოჯახო კოლექციაში, ხოლო ფოტოპირი ზემოხსენებული წერილისა გადმოსცა ხელნაწერთა ინსტიტუტის ისტორიულ მეცნიერებათა დოქტორმა ვ. გამრეკელმა 1969 წელს. აღნიშნული დოკუმენტი მნიშვნელოვანია იმით, რომ იგი ასახავს ერთ-ერთ მომენტს საქართველო-დალესტნის ურთიერთობის ისტორიიდან.

წერილი მოცულობით პატარაა, შეიცავს სულ 9 სტრიქონს. დაწერილია თეთრ ქაღალდზე ნასხით; შესრულებულია შავი მელნით. წერილის თარიღი არ უზის. სავარაუდოა, დაწერილი უნდა იყოს XVIII ს-ის 80-იან წლებში. ბარათის ქვედა მარჯვენა კუთხეში მინაწერია, რომელსაც კავშირი არა აქვს ძირითად ტექსტთან. იგი სხვა ხელითაა შესრულებული და გვიანდელია. დამწერი უცნობია.

შეიძლება ითქვას, რომ წერილი ენობრივი თვალსაზრისით დიდი დახვეწილობით არ გამოირჩევა: დარღვეულია შეთანხმების ნორმები, შეიმჩნევა გრაფიკული უზუსტობანი. მაგრამ ისიც უნდა შევნიშნოთ, რომ მისი წაკითხვა და შინაარსის გაგება სირთულეს არ წარმოადგენს. აი, ეს წერილიც:

أنه من والى الولاة العظام اركلى خان والى كرجستان الى وائمه قائد الجيوش
كوعا كلى وبعد فاعلام لك بان كنت معنا على المودة فى كل الزمان والان احمد
خان ورفقائه يخرجون على ولايتنا ونحن كتبنا مكتوبالك بان لاتجئى فى هذا الوقت
عندنا وتوقف فى مكانك ان شاء الله تعالى بعد انقصال وانقطاع دعوى الاعداء كيف
مشيت² الله تعالى وفراغنا منه باعانة الله وتأميناته نحن ندعوك ونكتب لك مكتوبا
وتجئى³ بحيث³ نخبرك واذا تجئى تنظر تمتعا كثيرا⁴ وتكون راضيا منا باقى
الكلام فى فم حامل الرقيمة خير الكلام فله ودله

¹ დედანში ანشاء

² დედანში მშით

³ + بحيث

⁴ დედანში كثيرًا

დიდებულ გამგებელთა გამგებლის გურჯისტანის ვალის ირაკლი ხანისაგან თავის სანდო [კაცს] ჯარების მეთაურს ქუ⁵ს ქალაიელს, შემდეგ [აი, რა]:

შენ იცი, რომ ჩვენს მიმართ ყოველთვის სიყვარულით იყავი. ახლა აჰმად-ხანი და მისი თანამზრახველნი ილაშქრებენ ჩვენი ქვეყნის წინააღმდეგ. და ჩვენ გწერთ შენ წერილს, რომ ახლა არ წამოხვიდე ჩვენთან და დარჩე შენს ადგილსამყოფელში, თუ ღმერთი ისურვებს, მაღალიმც არს. როდესაც შეწყდება მტრების მოწოდება [სალაშქროდ] ღვთის სურვილისამებრ, მაღალიმც არს, და მისი [ღმერთის] დახმარებითა და შეწევნით გადავრჩებით ამას⁶, [მაშინ] დაგიძახებთ, მოგწერთ წერილს და შენც მოხვალ იქ, სადაც შეგატყობინებთ. ხოლო, როცა მოხვალ, ბევრ სარგებელს ნახავ და ჩვენით კმაყოფილი დარჩები. დანარჩენ სათქმელს გეტყვის კეთილი სიტყვის წერილის მომტანი და ენდე მას და ერწმუნე.

წერილიდან ჩანს, მაშასადამე, რომ ავტორია ერეკლე მეფე, ადრესატი — ერეკლეს ერთგული და სანდო კაცი ქუ⁵ს ქალაიელი, რომელიც ერეკლეს მიმართ მუდამ სიყვარულით იყო; ხოლო წერილის საგანია აჰმად-ხანის მოსალოდნელი თავდასხმა.

1773 წელს ერეკლემ შექმნა მორიგი ლაშქარი, რომლის მთავარი დანიშნულება იყო ლეკთა თავდასხმების ალაგმვა⁸. თავისი არსებობის არც თუ დიდი ხნის მანძილზე მორიგე ლაშქარმა გაამართლა თავისი დანიშნულება. შეწყდა ლეკთა თარეში და მოსახლეობამ მშვიდობიან საქმიანობას მიჰყო ხელი⁷. ამავ დროს ერეკლემ მოახერხა სხვადასხვა საჩუქრებითა და „ჯამაგირით“ ლეკთა ბელადების გაერთოვლება⁸. შედეგად ერეკლე ქიარაობდა ხოლმე ლაშქარს ლეკთაგან და იყენებდა დანიშნულებისამებრ. ამ მხრივ საგულისხმოა მისი ურთიერთობა კახეთის მოსაზღვრე დაღესტნის ტომებთან: აწუხებულბთან, თლარატელბთან, წუნტელბთან (დიდოელებთან), კაპუტელბთან⁹. საინტერესოა ისიც, რომ ერეკლე დაქირავებულ ლეკთა ლაშქარს თვით ლეკთა წინააღმდეგ საბრძოლველადაც იყენებდა¹⁰.

ჩვენ მიერ ზემოთყვანილი წერილი დოკუმენტური დადასტურებაა ერეკლეს მიერ ლეკთა დაქირავების ფაქტისა. წერილის ადრესატი ქუ⁵ს ქალაილიდან არის. ქალაის თემი ავარიის სახანოში შემავალი ერთ-ერთი უბატონო თემი იყო, რომლის შემადგენლობაში შედიოდა 13 სოფელი და მცირე დასახლებანი¹¹. იგი მდებარეობს მდ. ანდიის ყოისუს მარჯვენა ნაპირზე. ამ ცამეტ

⁵ ე. ი. ამ აშბავს

⁶ ნ. ბ ე რ ძ ე ნ ი შ ვ ი ლ ი, საქართველოს ისტორიის საკითხები, II, 1965, გვ. 222.

⁷ იქვე; საქართველოს ისტორია, I, 1958, გვ. 373.

⁸ ნ. ბ ე რ ძ ე ნ ი შ ვ ი ლ ი, დასახ. ნაშრ., გვ. 223.

⁹ პ ა პ უ ნ ა ო რ ბ ე ლ ი ა ნ ი, საქართველოს ცხოვრება, ზ. ჭ ი ჭ ი ნ ა ძ ი ს გამოცემა, 1913, თბ., გვ. 216, 217; ზ. ბ ო ც ვ ა ძ ე, საქართველო-დაღესტნის ურთიერთობის ისტორიიდან, თბ., 1968, გვ. 180.

¹⁰ დ. მ ე გ რ ე ლ ა ძ ე, დაღესტან-საქართველოს ურთიერთობის ისტორიიდან, „მაცნე“, 1967, № 6, გვ. 136.

¹¹ История Дагестана, I, 1967, с. 330.

სოფლიდან ერთ-ერთი იყო კარატა, რომლის მიხედვით, ქალალის თემს ზოგჯერ „კარატის თემსაც“ უწოდებდნენ. რ. როზენის აღწერის მიხედვით, რომელიც 1830 წელსაა შედგენილი, ქალალის მოსახლეობა 5000 კაცს შეადგენდა. ამთ-გან მათ შეეძლოთ გამოეყვანათ 1500 შეიარაღებული კაცი¹².

აჰმად-ხანის შესახებ, მისი იდენტიფიკაციისათვის, აგრეთვე, წერილში აღნიშნულის ფიქსირებისათვის მოვიშველიებთ ერეკლე მეორის ერთ წერილს, რომელიც დატულია მოსკოვის სამხედრო-ისტორიულ არქივში¹³. წერილი დათარიღებულია 1784 წლის 28 ნოემბრით (ან დეკემბრით, ტექსტში იკითხება მხოლოდ „...ემბრის 28“).

აი, რას სწერს ერეკლე ერთ-ერთ დიდ რუს მოხელეს: „...სულეიმან ფაშის მ[ტ]ერობითი მოქმედება დია გაცხარდა. ასეთს შეუფოთებას მიგვცა, რომ ყოველი ქართველი კაცი განწირულე[...]. საქმის მსგავსებაში მიეცა, ამით, რომ სამს სოფლა[მდ]ის ამ ახალს ხანში სულ აღაოხრა და სხვანიც დ[ილს] შიშსა და მწუხარებასა შინა არიან. და ახლაც მ[ოიყ]ვანა ათას ხუთასი და-ლისტნის ჯარი ალი სულტნის ძმის [ჯონ]გათაის თაობით, რომლისაც სახელი არის აჰმად ხან, [რომ]ლისაც, თუ იქნებოდეს, ჯონგათაი ალი სულტან[ი და] იმისი ქვეყანა თქვენის მაღალმსვლელობისაგან დიიტუქსოს და ეს საქმე იმათ არ შერჩეს და გარდაახდევინოთ. ამას დიდად სამკობინრად ვხედავთ. ჩვენც ჩვენის ჯარით და პოლკოვნიკი ბატალიონით იმათ მდევრობაში ვიყავით და თანამდებობისაებრ გავისარჯენით, მაგრამ გზის სიშორით ველარ მივსწულით. და ვგონებთ, რომ, რაც ახლა ლეკი არის ახალციხეს, ორი ათასზე მეტი იქნება. და თქვენს მაღალმსვლელობას მოეხსენება ჩვენი ქვეყნის ამბავი: ერთის მკრისაკენ განჯის საქმე, მეორეს მკარეს ჭარელნი და მესამეს მკარეს ახალციხის ლეკები, თათრებიც შიგ არეულნი“.

ერეკლეს არაბულ და ქართულ წერილში მოხსენიებული აჰმად-ხანი, ჩვენი ვარაუდით, ერთი და იგივე პირია. იგი უნდა იყოს მეხთულის სახანოს მმართველი აჰმად-ხანი, უმა-ხანის ძე, რომელსაც ჰყავდა ძმა ალი-სულტანი. აჰმად-ხანი გარდაიცვალა 1797 წელს¹⁴.

წერილში აჰმად-ხანი იხსენიება „ჯონგათაიდ“: „...ალი სულტნის ძმის ჯონგათაის თაობით, რომლისაც სახელი არის აჰმად-ხან.“ ჩვენი აზრით, აქ უნდა იყოს არა საკუთარი სახელი „ჯონგათაი“, არამედ სადაურობის აღმნიშვნელი „ჯონგათაელი“. საქმე ისაა, რომ ჯუნგუთაი (ჯონგუთაი) არის სახელწოდება მეხთულის სახანოში შემავალი ერთ-ერთი აულისა, საიდანაც იყვნენ ზემოხსენებული ძმები.

მეხთულის სახანოს დიდი ტერიტორია არ ეკავა, მის შემადგენლობაში შედიოდა სულ თვრამეტი აული. მას ესაზღვრებოდა ყაითალის საუტემიო, ტარკის საშამხლო, ავარიისა და ლაზი-ლუმუქის სახანოები. ცხოვრობდნენ ყუმუხები და ხუნძები¹⁵.

¹² История, география и этнография Дагестана XVIII—XIX вв. Архивные материалы М., 1958, с. 290.

¹³ ფ. 52, საქმე 331, ნაწ. IX, ფფ. 79რ—80რ. წერილის ტექსტს მოგვაწოდა ისტ. მეცნ. დოქტორმა ვ. გამრეკელმა, რისთვისაც მაღლობას მოვახსენებთ.

¹⁴ История Дагестана, с. 324.

¹⁵ იქვე, გვ. 323, 324.



ერთი მხრივ, ყირიმის დაკარგვამ, ხოლო, მეორე მხრივ, რუსეთ-საქართველოს შორის დადებულმა 1783 წლის ტრაქტატმა დიდი შეშფოთება გამოიწვია ოსმალეთის მმართველ წრეებში¹⁶ (ირანი ამ დროს შინაომებით იყო გაართული¹⁷). თურქეთი ცდილობდა ხელი შეეშალა რუსეთის შემდგომი წინსვლისათვის კავკასიაში. ამ მიზნით შემუშავებულ იქნა გეგმა, რომლის თანახმად ოსმალეთს უნდა დაეწყო შეტევა რუსეთისათვის ერთდროულად ამიერკავკასიიდან და ჩრდილო კავკასიიდან¹⁸. თურქმა ემისრებმა სხვადასხვა დაპირებებით, ფულითა და საჩუქრებით შეძლეს წაექეზებინათ დაღესტნელი მთავრები, აზერბაიჯანისა და ამიერკავკასიის ხანები და ადვილად აემოძრავებინათ ისინი ისლამის სახელით „სარწმუნოების დასაცავად“¹⁹. ოსმალთა მთავარი საყრდენი ბაზა ახალციხის საფაშო იყო, საიდანაც განზრახული იყო საქართველოზე გამოლაშქრება. ახალციხეში იმყოფებოდნენ ოსმალთა მიერ წაქეზებული დაღესტნელი ფეოდალები, რომლებიც სისტემატურად ესხმოდნენ თავს აღმოსავლეთ საქართველოს. ამ თავდასხმების სულისჩამდგმელი ახალციხელი სულიმან ფაშა იყო²⁰.

Н. Г. КАНЧАВЕЛИ

ПИСЬМО ИРАКЛИЯ II КҮ'А КАЛАЛИЙСКОМУ

(Резюме)

Публикуется письмо царя Ираклия II, писанное на арабском языке и адресованное одному из дагестанских военачальников Кү'а Калалийскому (كوعا كلالی). Оригинал хранится в Хунзахе в личной коллекции З. Алиханова.

Из письма явствует наличие дружественных отношений между адресатом и адресантом, а также участие дагестанцев в наемном войске Восточной Грузии. В письме говорится также о предполагающемся выступлении Ахмед-хана против Грузии.

¹⁶ Р. Магомедов, История Дагестана, Махачкала, 1961, с. 246; Т. Боцвадзе, Народы Северного Кавказа в грузино-русских политических взаимоотношениях XVI—XVIII веков, Тб., 1974, с. 81.

¹⁷ Т. Боцвадзе, იქვე.

¹⁸ Р. Магомедов, იქვე; Т. Боцвадзе, იქვე.

¹⁹ საქართველოს ისტორია, გვ. 379; Р. Магомедов, იქვე.

²⁰ Р. Магомедов, с. 246.

ს ა რ ჩ ი მ ე ბ ი

ილია აბულაძე	5
ცაცა ქანკიევი, ილია აბულაძე — პალეოგრაფი	7
ელენე ცაგარეიშვილი, არმენოლოგიის საკითხები ილია აბულაძის ნაშრომებში	14
✓ ცილა ქუციციძე, ისევ ექვთიმე ათონელის მთარგმნელობითი მეთოდის შესახებ	24
ლიანა ახობაძე, ეფრემ ასურის სახელით ცნობილი ერთი თხზულების გამო	35
✓ ვულნარანინუა, მაკარი მეფეპეტელის სახელით ცნობილ „სწავლათა“ ქართული თარგმანის შესახებ	42
მაიარაფავა, პარფირი ფინიკიელის „ხუთნი ჭმანი“ ქართულ მწერლობაში	51
✓ მზექალა შანცხე, ფსალმუნის ორი უძველესი ქართული ხელნაწერის შესახებ	62
მანანა დვალ, ლალი ჯღამაია, მეთე საუკუნის პატერიკის (Sin—35) ერთი ფრაგმენტის შესახებ	72
მიშელ ვან ესბროკი, ლენინგრადის პალმფსესტური მრავალთავი	81
ლილი ხევსურიაი, Sin 34-ის შედგენილობის საკითხისათვის	88
ბაქარ გიგინეიშვილი, ზურაბ სარჯველაძე, ნანათესაობითარი მიმართულებითისა და ნანათესაობითარი დანიშნულებითის ადგილი ძველი ქართულისა და ქართველური ენების ბრუნვათა სისტემაში	123
ლილი ათანელიშვილი, ერთი კრიპტოგრაფული იამბიკოს შესახებ	137
იაგაჩელიაძე, მწიგნობარ-კალიგრაფი ალექსი მესხიშვილი	155
✓ ნიკოლოზ ჯანაშია, „ეპისტოლეთა წიგნის“ ცნობები შუშანიკზე	166
ედიშერ ხოშტარია, საქართველოს პოლიტიკური ერთიანობის იდეის ასახვა ქვეყნის დაშლილობის ხანის ქართულ დოკუმენტურ წყაროებში	190
ლევან რატიანი, აღმოსავლეთ საქართველოს შინა პოლიტიკური ვითარება XVIII ს-ის 40—50-იან წლებში	195
მიხეილ ქავთარია, ბაგრატიონთა ქართლ-კახეთის სამეფო სახლის გენეალოგია	
და ქრონოლოგია (XVII—XVIII სს.). II. კახეთის ბაგრატიონები	229
ნანა ყანჩაველი, ერეკლე II-ის შერილი ქმნ ქალაქილისადმი	241

СО ДЕР Ж А Н И Е

Илья Владимирович Абуладзе	5
Ц. А. Чанкиева, И. В. Абуладзе—палеограф	12
Е. В. Цагарейшвили, Вопросы арменоведения в трудах проф. И. В. Абуладзе	23
Ц. И. Курцикидзе, Еще раз о переводческом методе Евфимия Ивера	34
Л. Т. Ахобадзе, Об одном сочинении, приписываемом Ефрему Сирину	40
Г. А. Нинуа, Грузинский перевод «Поучений», приписываемых Макарию Египетскому	50
М. А. Рапава, «Введение» Порфирия финикийского в грузинской литературе	60
М. А. Шанидзе, О двух древних рукописях грузинской псалтыри	71
М. Р. Двали, Л. К. Джгамаия, Фрагменты патерика X века (Sin. 35)	80
М. Ван Эсброк, Ленинградский палимпсестны многоглав	87
Л. М. Хевсуриани, О составе грузинской рукописи Sin. 34	122
Б. К. Гигивейшвили, З. А. Сарджвеладзе, Оттенетивный направител- тельный и оттенетивный целевой падежи в древнегрузинском и других картвельс- ких языках	136
Л. А. Атанелишвили, Об одном криптографическом ямбе	154
И. К. Гачечиладзе, Деятельность книжника-каллиграфа Алексея-Месхишвили	163
Н. С. Джанашиа, Сведения «Книги посланий» о Шушаник	189
Э. В. Хоштария, Отражение идеи политического единства Грузии в грузинских документальных источниках периода раздробленности страны	204
Л. В. Ратиани, Виутриполитическая обстановка в Восточной Грузии 40—50-х гг. XVIII века	228
М. Н. Кавтариа, Генеалогия и хронология царского дома Багратионов Картли и Кахети (XVII—XVIII вв.) II. Кахетинские Багратионы	240
Н. Г. Канчавели, Письмо Ираклия II КУ ^ა Калалийскому	244

დაიბეჭდა საქართველოს სსრ მეცნიერებათა აკადემიის
სარედაქციო-საგამომცემლო საბჭოს დადგენილებით

*

გამომცემლობის რედაქტორი ც. ჯიმშელიანი
ტიქერედაქტორი ნ. ოკუჯავა
მხატვარი გ. ნადირაძე
კორექტორი მ. რამიშვილი

გადაეცა წარმოებას 1.7.1977; ხელმოწერილია დასაბეჭდად 29.12.1977;
ქალაქის ზომა 70×108; ქალაქი № 1; ნაბეჭდი თაბახი 21.70;
საალრიცხვო-საგამომცემლო თაბახი 17.69;

უე 01253;

ტირაჟი 1000;
ფასი 2 მან. 40 კაპ.

შეკვეთა № 2914;

გამომცემლობა „მეცნიერება“, თბილისი, 380060, კუტუზოვის ქ., 19
Издательство «Мецниереба», Тбилиси, 380060, ул. Кутузова, 19

საქ. სსრ მეცნ. აკადემიის სტამბა, თბილისი, 380060, კუტუზოვის ქ., 19
Типография АН Груз. ССР, Тбилиси, 380060, ул. Кутузова, 19

МРАВАЛТАВИ, VI
(на грузинском языке)

«МЕЦНИЕРЕБА»
1978

